

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

集部
第一八一冊



責任編輯：孫言誠 賀 偉

ISBN 7-5333-0615-5



9 787533 306151 >

EB32/06

四庫全書存目叢書·集部一八一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一八一冊目次

集部・別集類

玉茗堂全集四十六卷

〔明〕湯顯祖撰

遼寧大學圖書館藏明天啓刻本

.....

玉茗堂全集四十六卷

〔明〕湯顯祖撰

遼寧大學圖書館藏明天啓刻本

附《四庫全書總目·玉茗堂集

二十九卷》提要

玉茗堂全集

臨川義仍湯顯祖著

序

奉別趙汝師先生序

宗伯吳趙公以徵且行一時卿大夫正人在南
者皆喜有言于予者曰趙公世所謂大人也必
爲政予曰子何以知趙公大人也曰江陵相知
文

公者也今兩相其里之密焉者也皆以正言有
逢其怒莫有逢其視守道于今能逆世而立者
必大人嗟夫亦未旣于趙公所以爲大人者矣
公嘗謂予曰吾見所謂人矣其名也偶以出一
言正見一節奇已而起則泯泯然而爲官凡若
此者皆細人也予所不爲爲其官不忍不爲其
事爲其事不忍不爲其人言之莫有聽焉以吾

行可也是故自公起至于今凡三數徙未嘗不言其官或言天下利害不少厭其無細人之心也已而吉水鄒君三出南趙公北公又謂予曰鄒君名則益高矣而國重傷吾之北必且又然矣益高吾名而重累國非吾意也吾意不欲行予俛然歎曰公言及此大人之心君臣之義也雖然公其行矣大人之行于天下也時三代之

文

法諸侯士大夫世其國家餘子得習其政士無境外之志至春秋時有之所之不如而可以去故有異邦有父母之邦參相仕也今一父母之邦而已未有少不如意而得去之者非其勢亦非其情古惟如彼其地分其所生人有賢者則相爲重至于天下一則大矣視士若廣矣其勢不得不輕古惟如彼其士皆世家相親有賢肯

相爲下而相爲待也今則天下之人矣有政而此不爲則彼爲之矣夫大人者其心常有以自寬誠不拘拘焉以政爲然非政莫爲也後之時亦未逮于今之時也何以言之古惟如彼其封內有士易以見法有讓而士益以見矣後雖有大人急不得而知於其君其知也必且以相非其相則其君之侍人也夫以侍人而知大人宜不忍爲然則以相其可也今可以相而知之時也若猶不得存其身且可因而存其言言而從卽其身爲之不從雖不忘爲天下之心而我無逆也嗟夫孔子亦大人矣於季桓子而可時也其行於魯之事亦無所信然則孔子固未有行于魯也曰道之不行已知之矣其不已何也曰吾五十而知天命矣則可以耳順而從心前此

文

亦未知天命也有不然之音則逆其耳有不可
之形則立其心以此爲不惑蓋人道也旣知天
命則天下之故皆有以然矣曾何足以逆吾耳
而立吾心卽未有所行其道固已行矣如此則
爲其官而名不益行其身而國不傷天之道也
非大人不足以致也嗟夫以趙公之爲大人而
予又遊之久最知然所以望之知命而已天下
文 一卷 四

事可盡言哉

蕪湖張令公給由北上序

蕪於南都爲輔邑三百里而遙雜障丹陽宣城
池間瀕江湖荏葦蒹濕之所蒸田下下勾慈石
隄之間無富農而魯江上受諸權置都官百越
之商在焉其駟僮多非土人土人以利盡外益
貧獨雄收市租多者然常不能勝外方諸賈人

諸賈人久遠亦不復以土人爲意往往侵待之
輒客爲甚常以其贏通南都貴人土人卽訟常
左賈人益用豪侈衣食盛歌舞藏盜魁其中治
一郡丞防江夫以蕪北盡黃山南盡艾蒿不當
吳一中縣而都官郡丞挾長而三又部諸使者
常受事四方諸賓常數道而集又時時爲都官
丞治客爲此地令豈不難哉古之長人者務農

文

一卷 五

積衍因而訓之經術禮讓至少所訟名爲大雅
精者至欲清淨自正民至不相往來今何可得
也乃至以往云簿書期會所爲粗者今亦無能
優治焉蕪之爲蕪幾不可理獨湖張君能治之
君試令曲周以能理劇徙蕪君爲人長大美鬚
眉喜笑至御史又多廉威於蕪人與外方諸賈
豪分別其地比徭復教令無訟訟終不以通豪

貴人書失平時爲諸使者都官丞上事無所避就供張旁午或自占疏牘問外間人士亦復纏纏如也所治甚粗治之甚精余嘗攝簿南太常寺事導擇諸果視犧輒廢數日書答爲諸舞人有所治常如不盡人才乃甚相遠天子可謂能使人矣張君入計人歌而送之來又歌相迎也或曰肅皇帝時有張公者名御史大夫起家治

文

一卷 六

蕪有祠張君父也張君以此益精治蕪蕪人以此益歌張君異日父子並畱祠豈不異與父老宜善事張君也

壽方麓王老先生七十序

蓋予未仕時卽知東南江海之上明經術守先王之道者方麓王先生一人而已而怪其仕不顯夫今之天下亦古之天下未必不可行古之

人於今也故雖大吏不馴者用事朝未嘗無二三通人長者其中而江陵相又名於王公爲故雅知然竟以去何也已而知之世所名長者通人皆非能無欲人也自以爲機曰吾且用大吏爲天下用夫所謂大吏執政者固天下之機人也知其如此因而有以用之則相煦而爲大吏用卒亦未嘗用大吏爲天下用也凡此者皆王

文

一卷 七

公所不能故以九卿歸終其節得因而著書傳之後世吾未嘗得見公問之友人王巽父曰公頓首修項而微偃若不能言蓋恭儉儒者也至於論天下體勢人物大小之變其中無窮嘗曰聖人之心盡於經矣經能令人心微而明於濁清此王公所以不言而辯也頗聞公不愛西方聖人之書而其子其孫好之達觀氏者吾所

敬愛學西方之道者也吾聞彼東南來誰當有道者達觀曰必方麓王先生也凡道所不滅者真王公真人也真則可以合道可以長年益食淡者不渝其恬行敦者不泄其清壽非真人之所愛而人之所愛於真人也夫天下之生多矣世所知必不可使壽者害世人也有其人可而必不可壽者有可以壽者有必不可不壽者可

文

一卷 八

以壽者鄉里之行科條之材也有必不可壽而其人可者非真人也世所謂通人長者是也或壽之而名不全必不可不壽者真人也孝則真孝忠則真忠和則真和清則真清進而有社稷之役大爲可恃之臣其次不失爲可信之臣能則行不能則退而修先王之業紬性命之心入其通理出其疑義傳書其子孫與其人將使後

之學者得以窺瞻廣意爲人焉凡若此人者無所害於人而有功於人取天下者少與天下者多人之所不厭而天下之所獨容也王公豈不其人哉敢言其端從巽父諸君爲先生壽

章本清先生八十壽序

古之人曰得道者壽或曰壽而後可以得道予頗疑之豈今之人則必有異于古之人耶生而

文

一卷 九

爲儒不一惟先生之道敖倪胥疏無所志以就焉而俛俛然稱長老于世者亦旣不少矣則所云壽而後可以得道者固亦不必然矣雖然壽者不必得道而常在乎得道得道者不必壽而常在乎壽子言之一陰一陽之謂道顯諸仁藏諸用知者見以爲知仁者見以爲仁逮于形容仁智而分其樂水樂山曰智者以動樂而仁者

以靜壽然則凡有見于道之一者皆有以行其
世而善其躬陰陽之道坎爲水天下之勞卦也
行天下之險阻而不失其信艮爲山天下之止
處也藏天下之險阻而不忘其愛兩者皆根乎
西北而放乎東南其行止也必以際故曰仁知
者合外內之道也吾過南州時從章本清先生
談天人之際而嗒然於易觀其生觀其自養殆

文

一卷 十

所謂樂而壽壽而樂者耶其言淵而溶漣而清
如江如河茫乎其未有涯也其容淡而端毓而
熙如阜如岡敦乎其有象也西山之間東湖之
上有若人焉可謂千載一時矣粹未有知其然
者行年八十而後乃聞于 天子以爲吳聘君
復起重以官師之學而弗敢勞亦良之義也時
行而行時止而止離之三不鼓缶而歌則大耋

之嗟常以爲合于風人何不日鼓瑟之美哉
者以樂而先生不以爲然若曰離過中而晏笑
歌嗟嘆皆非可久之道惟終日乾乾不知老之
將至云爾予然後知有道者之止無所止而有
道者之憂樂非夫人之爲憂樂也禮云正明目
而視之不可得見傾耳而聽之不可得聞志氣
塞乎天地詩云夙夜基命宥密日就月將先生

文

一卷 十

之志氣其始基之也夫敢以爲先生頌

張洪陽相公七十壽序

代

今上御曆之三十一春王正月之元旬是爲洪
陽張老先生誕辰也先是日長至予于婿清江
令張汝霖以書來請曰洪陽先生以三立之至
爲天下師而某與新建令汪元功其門士也南
昌令黃一鵠受知最深茲其辰也欲徵惠于大

八一言以爲壽雖吾師亦以爲微大人一言無當也予慨然久之夫星紀豫章固天下偉鉅人之處也予幸以同年爲案入侍經筵出贊卿事蓋相與雍容穆清觀于進退屈申之故者十五年而公乃東湖之上予亦雲門山中往來以道旨天下事相薦進已而上思舊德卽家起公入叅大政蓋天下自是覩有道者之業庶幾焉

文

一卷 十三

凡所以爲天下者剛柔而已華亭徐公以柔承肅祖之威而事治江陵張公以剛扶冲聖之哲而事亦不可謂不治也剛不可以久懲之者利用柔曰我將不修華亭之意然而時移勢反權散而不收法刻而失理蓋敝敝者且十餘年而公起而視其變曰天下有機耳發其機所謂轉石決淵千仞之勢不可得而固也雖然政本不

重不可與握機與人主不親無以攝重於是夙夜匪懈匪躬密勿之事以精意親重於主上而稍稍收久散之權以議其用自是綱紀法度可得而爲也至于今天下猶莫能明其意而徒察其功功之顯峻融微者有二 之爲中國患

文

一卷 十三

也蓋與 肅皇帝相終始楊粵之間不足爲也往歲遂大舉屬之高句麗以窺遼夫東北者天地終始之際遼金元之興皆在焉宋惟不度而與和親從混同而西則神京在矣在事者曰無動而姑與爲親雖予在田間撫手而嘆何主計之失詳也已而我張公確乎任戰曰高麗且亡上者不如取之不能取則救之可以有存亡之恩而遠 之患於是命將度遼萬里宿重師高麗之東偏戰鯨鯢裨海之上天子倚焉高麗

奮而寇不中于遼上無東顧之憂者公之功也是時太子長仁膺聞于天下上愛之久矣而十餘年中稍有誣上行私以爲他日利者中外榮或幾不可測而公屹然其容動以上旨所在鎮朝士之心絕私家之意蓋至于今而我皇上所屬以大事者必太子也此其功在天下萬世至巍且遠然而不然者因以衆危公幸上明聖

文

一卷 十四

公得寬然賜歸東湖之上書不云乎天壽平格危者有其安者也易而知儉簡而知阻天地所以久長也夫世亦何足以盡我公之用乎初江陵之勿用公也龍而潛起而見大人于田則有二大功之利已而夕惕厲乾乾之間其有難爲者乎茲其或躍時也淵淵其淵浩浩其天惟公休然乘之天下知其非離羣而爲邪恬如也進

退存亡而不失其正凝如也公蓋深于用易者治道德語陰符至精其言曰天與善人常以慈衛之又曰絕利一原用師十倍蓋公所謂機者不盡用于世而還之其身兵兇無所施其利火木無所施其克然則公之自壽也必頓首曰天子之賜士大夫壽公者必加額曰社稷之報而吾以爲道德之爲也夫道德之爲人壽也保

文

一卷 五

衡周公豈不在亢危之後哉于是二三子以予言爲然報曰夫三立者固以立德太上且公危而天下安天下安而公亦得安然爲道此亦國家之福也遂拜手而鋪之以爲壽

李敬齋先生七十序

富可壽乎富有萬鍾于世無一飯之澤其壽何爲也貴可壽乎貴爲卿相于世無一言之教壽

何爲也孔子之道大天下莫能容至于蔬食飲水在陳蔡藜藿不慘數日不舉火亦可謂貧且賤矣其言三知者樂仁者壽固亦有取乎樂且壽也而壽至七十曰吾從心所欲不踰距矣當其致嘆乎年數之不可得曰假我數年五十以學易亦可以無太過夫所望以不得者得五十而可而乃天幸至七十得以不知者君子之樂

文

一卷 去

且壽宜何如然且憤然而慨曰甚矣至衰也久矣吾不復夢見周公然則其所志學豈止七十其身之不踰距而足哉蓋將有所行于天下在易之觀上九象曰觀其生志未平也言其志非所以觀九五之生而已世有孔子之年而無周公之夢雖富且貴何如哉予友吉水李先生爲臨川學官徙教上高其人蓋有志于仁者顏其

齋居以敬而強恕自號孔子教仲弓以仁如此儒者曰以敬恕爲仁坤道也其告顏子以一日克復爲乾道蓋其說出于易乾曰剛健中正坤曰直方大敬以直內義以方外恕者絜矩而行有義方之象先生殆學于易之坤道乎第非乾知中正發覺流望敬義亦無從而立先生之邦與其家皆世仁體之學必有以合乎此也先生

文

一卷 七

處貧賤而不憂清羸淡食而無所苦至于今強學好禮不倦教訓鼓舞不廢樂且壽其亦近之乎乃有進乎此者先生當孔子之年而有周公之夢否誠不可知竊意其志止于仁上高臨汝之徒而止哉得其徒而爲之不若其子爲之此人情也仁莫盛于堯舜壽莫古于堯舜然而堯以道傳之舜舜傳之禹至孔子而僅乃傳之其

徒孟軻皆不得而授其子聖人而非人情也則
可其猶人之情耶則亦豈能無介然也哉一家
之學何以異此先生有子曰宣從予遊動止言
笑能不以貧賤富貴爲向而常以不得仕養其
父母聞聖人之道爲憂年少而已舉于鄉矣極
其所志先生所欲夢見于天下而未平者意在
斯與吾謂樂且壽有進焉者歌而屬之酒歌曰

文

一卷 六

蒙山之峰可以包蒙凌江之陂可以由願翹玄
根於李老咏幽蘭於孔尼揖青衿而進酒動官
牆而賦詩止輕嗽兮明漿潤清羸兮素芝臨上
高而久視望長安兮綵衣安且吉兮上壽寶虛
明兮庶幾

壽趙仲一母太夫人八十二歲序

有歌

春秋時介之推從晉公子十九年歸而爵不及

焉有懟言矣母曰盍語諸介子曰身隱矣焉用
文之母曰如此吾與子偕隱漢范滂博爲使者
攬轡有澄清天下之心及患辭其母母曰汝得
與李固杜喬齊名何恨予讀書至此未嘗不喟
然流嘆爲人子爲人臣遭遇于世何其靳絕蹊
蹕一至于斯也方晉公子西歸濟河雖其舅氏
犯猶中流而邀其君以備患而固利况乎趙盾

文

一卷 九

而下諸人其爲介子所羞不欲與比朝而爭祿
明矣雖然爲人臣者羞其臣不可以懟其君勞
而聽君之察君察而次諸朝相與光輔大業以
祿吾親留竹帛之名固亦無高于綿上也而必
以懟此亦人臣之大戒也漢季黨事起紀綱叢
絕公正流離滂雖有意乎澄清不可得而清也
患苦備矣猶欲與善善同其清抗厲百陽之義

天下悲而壯之雖然苟吾一身慷慨爲天下致命顯節其亦何嫌獨如白頭老人何若此者亦爲人子之大戒也吾友真寧趙君邦清爲人長巨鬚好氣高厲激發自喜宛如范孟博之爲人而殆甚當爲滕公有功德于滕請寄不通苞匭不爲豪右所疾幸乃入爲吏部郎則急發其曹偶豪吏駐至數十萬執政疑而畏之時南北黨

文

一卷 二十

事且起公竟爲觚角擠落以去雖去而天下皆知趙君關西男子其才具氣決有異略當爲天子信臣 天子亦雅知君君亦感愴至伏闕流涕不忍去而國家制非出上意不可測而事起重臣雖有所忌竄逐終不能遂窮其威趙君之幸乃不爲旁別其大人狀而得歸是河山之陽草菴種牧以奉太夫人膏澹裘屬而相餉俞

良幸矣時而讀書撫琴愜然君臣之際不及于懃雖廢常冀復用數與我期將東出武關迎懷湘會我漢沔之上而余以家親皆八十有六不能西君亦且以書來母夫人歲以三月三日上壽今八十二矣固不能東出關明庶風至願聞子之歌聲也嘻子緩至與其母爲綿上之操而趙君得從太夫人歲相浣濯爲家園之遊此又

文

一卷 三

臣子之大幸也君其進太夫人酒吾爲子歌歌曰崆峒王母留金方金氣騰翔精且剛吹鑪躍冶成干將天水淬之流其光夫容始華溢金塘如蛇吐鄺龍奮湟華陰土拭琉璃裝佩指扶搖行帝閭鮮飴可持不可當數擊恐折羣晚傍夜吼歸飛天莽蒼寶而候之臨玉房捉刀刈禾割豕羊壽母夫人垂北堂三月三日辰吉良金母

之生逢會昌倉戾應律春日陽桃花臨水河泉
香文聳拂扇玄燕踰瓊沙委輪雲蓋翔矚首戴
勝嬉萸葉子婦諸孫從樂康寧河聖水清且長
執蘭太清迎百祥雲盤霧縠帷連網蓮尊遙陳
藉若芳撫琴吹幽掄佩裳瑤池百拜飛羽觴慈
顏笑謳懽未央水心之劍貽 君王

賀馬母王恭人六十壽序 有歌

文

一卷 三

南陽之新野國海內重邑也饒周楚跨荆豫自
漢中興氣色滋大遂以名都張衡所爲賦南部
敘其山川風物顯偉幽麗而昭烈武侯因焉嘉
于唐建中世家爲盛向後未能數數然也而觀
察在田馬公寔起新野公子時良廷試第二人
官翰林編修仲良亦以進士高等主司農事兄
弟比肩接爲而登朝天下莫不豔之湯子曰國

也漢鄧高密仲華依附日月開國承家而唐庾
氏休簡翰學工傳皆不異對風土秀厚有固然
者獨其友人丘毛伯謂予時良先仲良對南宮
式念母夫人甚愜然久之曰吾兄弟依依太夫
人所言笑飲啖起處未嘗一日不俱兄先貴而
弟後太夫人雖懽何能不幾微介然於吾弟耶
歸同侍太夫人三年而以來幸乃偕南宮以第

文

一卷 三

太夫人不恢然無憾乎則歸而左右太夫人玉
顏之粹溫太夫人副褱而臨之璫如篴如璋如
圭如歌白華而笙南陔瀟中黃而漿穀玉者三
年一日矣而後乃以仲良偕計取上第則又所
爲如取如携者大夫人乃始恢然而嘆曰先大
夫含笑于九京矣已伯仲肅書迎養太夫人太
夫人往而以意示伯仲若曰凡臣子勉身事君

蓋亦以爲親也夫奉母氏乘輕軒遠覽王畿近
周家園此昔人閒居之志而豈爲是乎若兄弟
何以爲母酬上德汝先大夫歷官中外凡六四
治民而再治兵雞鳴而朝出以朝其屬吾未嘗
不贊以恭日出晡事吾未嘗不贊以勤退食而
委蛇吾未嘗不贊以儉恭而儉以勤無獲罪于
上下以久其祿而吾與焉施于子之兄弟尚迪

文

一卷 二十五

有祿而吾幸復與焉昔聞之襄陽馬氏兄弟並
有才氣遭仕非時不盡其用于兄弟幸際熙朝
顯融休懿於是乎在不勝與非恭莫以存其
位非勤莫以旣其官非儉莫以固其節三者可
以事君可以成身可以養親而長年吾且如百
寧奉先大夫衣冠蘋藻而給矣伯仲奉教惟謹
太史日以其問請先則之同異志方訓之好惡

爲異對揆錄地而仲且以都官視關政于許約
已惠商人爲之語曰許可旅馬仲子之煦許可
程馬仲子之清則伯仲所爲敬其身以成慈也
慈敬之至天地應焉會太夫人以良月開七袞
壽而太史得以詔使司農以代並還里爲太夫
人進萬年之觴而馳示不佞某曰子善于丘生
知子之能言也予惟長年之道通乎三極恭儉

文

一卷 二十六

而勤慈以敬人道盛矣分野三河角亢壽星也
中爲進賢爲鼎柱爲威角攝提則伯仲之象也
太夫人得天矣邑左泚而在清泚比也于先大
夫爲婉德清育也于伯仲爲毓材太夫人有地
道焉受函三之粹精處樂都之麗康而眉壽連
娟爲國母師者此太夫人所自有而能言者所
共徵也予恨遠不獲三千里從伯仲後挹西江

神姥泉夢辭而雀躍以言言之不足指而爲歌
亦太夫人所樂聞也歌曰望楚山兮三漢澤出
曲隈兮王文惠叶禎圖兮宜鄧陰盛淑則兮流
徽音千年有餘氣猶震昔者王后今夫人王母
戴勝乘青雲真氣淑景相輪菌扶風君子憲四
方育兩奇男時仲良夫人親持帝女乘其上乃
有鴛鴦翔我闥南陽稱樂都崑崙闔風無以逾

文

一卷 雲

華薌漁臯香稻魚芍藥之醬百和俱宜城酒清
如漢波蘭堂載笑慈顏和兄弟通代登南歌瑤
池千秋客詎多

玉茗堂全集

臨川義仍湯顯祖著

序

吉水豐家族文錄序

湯殷人之後也武王封微子於宋命之曰惟汝
象賢修其禮物慎乃典常作賓于王家統承先
王永綏厥世而本原其德曰恪慎克孝篤不忘

文

二卷

凡以悲憐微子之微傷先王之後不傳而以其
文物典常與宋令世世守之雖與國咸休可也
其後微子歲時朝周威儀甚備周之王者儼然
容而歌之陵夷至于春秋宋襄公行仁義焉正
考父爲之追道作商頌孔子始承其衰憂其殘
錄于周魯之後曰予殷人也予學殷禮有宋存
焉之宋而不足徵也則文獻之不足故也是故

之周而學周禮得老子焉因而述殷周之事蓋
老子者老彭也以穀大夫入周爲柱下史而又
生長宋毫閭閻兩代之事其壽又足以存之孔
子因而得文獻焉嗟乎國家之有文獻也猶人
之有精華氣脉也嘗其亡雖以王命之勤渠始
封之恪孝而不能必其後之子孫謹守而足傳
當其存之也則老彭一人焉可也吉之永豐有

文

二卷

吾宗焉魁然大矣起宋平叔以來幾二十世譜
凡五六易矣而其先後文雅彬發與所爲名賢
交友積文成林思有以譜之未也蓋萬歲辛卯
予謫尉于雷之徐聞道陽江見吾瑞案兄而愾
然問所爲世者且曰吾二十世祖平叔以宋亂
護從如西而留吾子之先倘是耶予未有以應
第曰元季譜牒散亡予祖文德友信公父子耳

知與益翔父子後先焉否也然固以吾陽江君
爲兄而陽江君亦以弟厚予君儒者爲縣令三
判州一皆以清強去官而其從兄掌故君夢鯉
者以浙之嘉禾諭來授于撫掌故君敦敏士也
一日悵然有請于予曰以不腆之家經宋元而
來其魁梧耆宿干兵火屠僇之餘流離散亂然
終以接屬完聚三十里之■其系屬昏因廬舍

文

二卷

三

冢祠皆可得而覆也則譜之力在焉獨文苑之
錄闕如不修吾弟陽江君流涕於此久矣有志
不就吾爲學官掌故無所與于國之典若獻獨
不可以徵吾家乎予聞而愧之已而睭然欣之
曰嗟夫此宋祀之所不能存而故家流風所爲
與國幾焉者也繁匪洗墨傳之數十年世以爲
寶而况于文章亦以流寫其時之風政諱俗與

其人之終始後世或因以一人之事知其鄉國
以一家之事知其國其爲寶也不亦大乎雖然
予有觀于盛衰之際矣蓋予祖茂昭公言予江
南之湯皆唐殷公文奎之後也公之子悅仕南
唐以文章高世國亡從其君入宋藝祖患曰尚
不知我先人諱耶乃改殷爲湯官其父子于宋
御醫平叔其後也餘子多留江南者而予先祖

文

二卷

四

適以南唐使之錢王所國亡遂留錢塘不歸靖
康之亂以族從康王孟后如洪如臨之旰食以
故大江之西多吾氏而大則文奎公之裔也由
此言之吾人之得世其家也不亦難乎時經喪
亂流離伏匿或從其君或從其父兄子姓昏因
或予其身所在爲可以免而是矣彼其居之不
能守而能有此文獻乎微其居而已新故諱避

之際將其姓是易然則雖有世家其文獻之傳
與亡固將有待于國也豈獨其家之人能存亡
之耶雖然宋元亡而予宗之文物有在者焉則
謂掌故君爲吾宗老彭可也

周青萊家譜序

歲在壬寅比部郎周窾六先生爰先予之意于
其宗秩而譜之成以示予邀邀乎其欲予序之

文

二卷

五

也予讀君所自爲序者自姬受姓而東至于今
號爲賢士鼎門者皆在焉而安仁臨川之有周
氏則自揚吳時始平湖之有周氏則自勝國始
入我明而以科甲顯者則自廉州守宗武比部
君始嗟夫當揚吳錢越之相兵海內如沸蕩鑑
一峙寄身臨川之戰坪蓋瘡痍燼燬之餘形影
存亡所不能旦夕計也而竟以遺其宗得至勝

國贅于平湖以成大姓而有今日盛衰絕續存亡之際豈可料耶吾聞之留士氏以臨唐氏之後爲留世卿不可爲不盛矣叔孫穆子以爲在三不朽非其祿而已也然則族之爲世亦其中之有人焉可以世云耳徵于周氏有人三焉宗武以乙科爲瀏陽令卒廉州太守所至有公方苦節之頌死無以塋妻子至爲人春紼以活予

文

二卷 六

謫雷陽聞其所爲戒吏士者曰昔人以不貪爲寶何必合浦之珠海生珠而不淨蚌生珠而不全況乃非人所生而欲有之耶廣之吏士聞而化之若廉州公者可以爲周氏之一人也其從弟宗鎬予友也於古帝王將相儒者之略無所不窺談天下事扼塞如在履席老而飢自號無懷氏於玄同性命之際藏其身死固無以塋也

謂其子曰吾無所負于人止負某氏六斛粟反之子如命予爲立石表之云生不負人死不愧尸若無懷氏者可以爲周氏之一人也而比部君竅六者於前二君爲從孫亦予友也性奇穎有氣力能挾發古今奇隱光怪之書爛爲文章成一家言瑯琊王長公世所稱能文字譏評人者也至于序比部之文則曰雄博辯麗或才

文

二卷 七

溢而不自禁然皆能以其才極其詣思必物表辭必境外其爲世所推豔若此竟以論劾首相太宰失官乃築鴻乙臺爲樓三成以居有終焉之意若比部君者固可爲周氏之一人矣天下之生久矣有一於此可爲有人况其三乎有一人於此可爲有姓又况其三乎予無能徵遠試近而徵于州之爲大姓者可得而知也爲吏而

廉未有若廉州公之爲烈也士而隱未有若無懷氏之秀而貞於大章爲其家言亦未有如比部君之篤者也嗟夫周之子孫倘思其所爲世者而存之乎高麗顯融士氏之世祿其未有窮也予欣言序之亦庶以不朽云

大司空心吾張公年譜序

易天下之至健者乾至順者坤健易而順簡然

文

二卷 八

而知險以阻者必此焉在也視天下屈身進退之際變化遊移皆非尋常體勢所測知者知其畫然者耳如軒新城張司空生平所爲興起生全本末大致家國兼之其中可異者數焉公家世軒而母夫人閩也皆大姓富厚大公乃喜破賣生產而日袖其奇零金施貧子于路當誕公時夢蛟龍鱗甲燦然堂椅間言于諸從皆駭之

曰何妄意此及公五六歲時母夫人遂乃告姑而興至就食外家以沒公十歲餘孤苦廢學久乃學于姑氏草次與聘婦而會有間言雖中表名德時亦莫盡其惠公初學殊無類名至以溜爲石之鑽流涕自喻感動良師已若有神人見夢相爲開發者連第而去爲仕族名家凡此皆其家世衰興有不可相知者初令婺源治行循

文

二卷 九

異然不爲分宜相國所喜竟得徵拜殿中侍御史行鹽河西分宜敗世宗大開言事者路而公疏爲二三言者趙公錦吳公時來等洗雪乃反以爲遊說見逮獨身就詔獄分死矣卒以華亭徐公目授朱衛使得不死杖下復爲世宗遺詔起廢首用公等公爲言去新鄭高公一時號爲靜理已乃徐廢而高興遂有考察言官之

請而公以太僕少卿與魏公時亮周公世選希
旦等俱坐言事時不謹廢蜀趙文肅爭之不能
也旋爲 穆宗遺詔不及起廢事如是歷十年
所江陵相用事尤不喜贛直益用考察不謹例
錮言事者謂公等終置林銍間已矣江陵相物
故後二三年而前吳趙魏周等諸公皆起暴貴
公亦以中則推舉累官至南京少司空而公亦

文

二卷 十

意識敦遠樞機周慎優游無事之時待次部卿
之地殆謂休休者所必庸伺者可以無及矣而
竟用京察時中言者以去此其身與國事相與
舒慘起伏轉易尤有不可知者然公乃得以歸
之逾年年始六十爲長君娶婦更舉少君日從
鄉里父老賓客高會池亭間極偃蹇駘宕之至
前已爲先人兄弟大治家舍迎壻母夫人于閭

而益復自起家宅偉麗飲樂其下年且七十撫
然曰吾行矣視蜀木爲材髹畢而逝嗟夫公爲
人至性外順內健與人寡幾易親而可從顧前
後遭歷夫嘗不險以阻阻而因以通險而常以
夷蓋乾坤之候家國之變大故若斯之難也爲
人先者要以推訥好施與相貽必食其報爲人
後者常以忠直篤行自致休顯當益長是則其

文

二卷 上

畫然可知者讀張司空歷年考本末尤信云

睡菴文集序

欲殺衆何意千秋某在斯此非霍林前時過江
之句乎去予數千里不見其人而壯其心時有
所不怕亦復吟此自壯故歲則其門人旌德劉
生敦復崇仁王生士煥先後從予遊問霍林容
貌言笑在長安否皆言吾師清顏美髯與諸

生談常怪夜旦遊日益廣而貌故加肥予喟然
而止之曰以予所聞霍林道心人也道心之人
必具智骨具智骨者必有深情所與子墨流連
相爲綽約耳雖然亦非世人之所欲得也已而
以南祭酒出書謂予題其睡菴文咏予爲拊几
迴翔慨然有東下意蓋前聞李公本寧以有所
不嫌留寓東間霍林復爾皆予所未見莫由夢

文

二卷

三

寐者逾年春而霍林復爲世人所疑罷官矣於
是天下有識之士起爲不平而予特甚何也霍
林者道心人也孝友廉貞足世師表而當何疑
于世乎雖然吾有以語此予前在長安嘗誦詞
林表董二君曰君等苦道心不善堅固文趣不
過奇拔黃閣有何重慕哉世之疑霍林者怪其
黃閣耳亦太早計予以霍林文家推之其福德

常在乎彼人者何以明之見其初第時數作儉
如也至爲其三人作難脫刺客于枯廬破衲之
中幽思顯詞遒然而通瀕沓捷疾歷礫曉忽可
啼可笑若出若沒大非前館閣中常談者矣予
猶意其翩連而貴世樂所誘或忘其智骨焉已
乃讀其文咏種種異之篤于功名世法之外有
以秀鬱而蒼發或千餘言旆如其舒或數十語

文

二卷

三

稅如其詘如霧流烟如雲漏月如洗峯嶽如快
塊北雖其穠積衍按尚未極其曉世之情其必
不爲世人而爲道人文人也決矣至于韻語短
長率意受律氣力沉厚班駁蕭瑟成其家言方
前過江時復已度越矣大致羞富貴而尊賤貧
悅臯壤而愁觀闕此其人曾懷喉吻中殊有巨
物豈區區待一黃閣而後能與世吐咽者與至

其沉冥病中詩猶有可舉似者平生事倉卒黑白不成校一死終無辭安得朝聞道夫以欲聞道而傷其平主此予所謂有深情又非世人所能得者也嗟夫霍林之于道于文何如也發端未識得其里人與之患難而迫之起功力未竟得朝貴者與以賤貧而恣之成彼人者無乃過爲福德與是睡菴可以慨然適然以山川爲氣

文

二卷 十四

質以烟霞爲想似以玄釋爲飲食以笑嘆爲事業縱橫俛仰槩不由人道與文新文隨道真情智所發旁薄獨絕肆入微妙有永廢而常存者然則所謂千秋某在斯者彼人何與耶然彼人者必曰子何以知其必千秋也又曰卽其饒爲千秋吾且困以今日之事嗟夫以此相難者往往而然又非予所得而言也姑言之以爲睡菴

文字序

騷苑筆簣序

太史公以屈平正直忠智以事其君信而見疑忠而被謗能無怨乎離騷之作蓋自怨生也國風好色而不淫小雅怨誹而不亂若離騷者可謂兼之矣嗟夫此有道者之言也天下英豪奇瑰之士苟有意乎世容非好色者乎君父不見

文

二卷 十五

知而有怨其君父者乎彼夫好色而至于淫怨其君父而至于亂者則有意乎世之極而不得夫道者也至于宋玉景差之招覓賈誼之弔屈雖興廢異時有所憤惻迫發于其中一耳歟後招隱哀時思沉調急先漢之人能爲楚聲餘則賦而可矣故賦者騷之流而微異者也榆林杜君韜武以武爵貴介公子躬上將之姿而好

左徒之業爲五辭遊楚詞山中吟數卷名之曰
騷苑笙簫其自序則以屈原離放傷懷家國有
所不平而身當國家盛際信而蒙信忠而見忠
無牢騷伊鬱之思有瀟灑優悠之致引類比義
宜與騷遠原其攄懷述志時而放言獨往亦未
有遠殊也誠有然者羽人乘遊則閬風崑崙之
軌也餐霞蘭生則雲中堂下之思也次第有作

文

二卷 天

靡不流離炫爛窅眇偃蹇就中辭義曲致宛爲
正則之遺蓋無所好而自不至于淫無所怨而
自不至于亂至其音清節和無擣無逼真有氣
逐指而成笙思在口而爲簫者殆非悲殆橫吹
之助與予有概乎此風雅之道息聲貌流絕屈
大夫獨與其弟子依詩人之義隲源發波崩煙
決雲爲千秋賦頌弘麗之祖文則盛矣當其時

堯舜道德之純粹未得爲懷襄用也言殺張儀
止王無西而止願是時楚獨無將其將唐昧景
鈇輩戰死武安君且來屈子之材誠曰同亦未
能當也蓋文盛武不能無衰賴封疆之靈韜武
從容詞旨有墨卿文士所遜避者至其登壇秉
麾鎮虜禽敵居然宿將風以一少年公子而文
武兼盛諒非有殊絕于人者不能將萬里一疆

文

二卷 七

神明倍強古之所難今之所易與夫戰怨事也
昔人有臨陣必先被髮叫天抗音而歌左右應
之歌畢然後進戰其氣然也誠得騷之意而行
之悲惻排盪憤悵噴薄馳而入三軍之中援玉
桴兮擊鳴鼓誠旣勇兮又以武要未足爲兒女
子道也或曰韜武積精於道於騷所爲托遠遊
而含朝霞者如將遇之若然則韜武固異日之

莊騷也茲之筌簞殆劍首之一吹也予何足以稱之

滕趙仲一生祠記序

天下風土相遙資幹懸絕常千里而同心目至而意授或共生同地受同材乃顧有覲面而不親把臂而相忤何也知不易知也是故趙仲一世所謂精神才力體貌殊絕之士而最能與仲

文

二卷 六

一相難苦不合仲一得少舒其長慨而發其壯心者亦皆朝廷精神才力體貌之士且時有西北諸君子焉而予故江西男子也與仲一非有所習適吳君繼疎以吏部郎再過家詢朝士未嘗不言仲吳問予曰子何以知仲一之深其以亭候橋道館舍厨傳閣之修好耶團聚而道機之盛耶予曰固也予前以上平昌再歲計道勝

君館予上官時方傳粥餓民百十里外坊中診視伺察屬治河常滕界者常晝夜

築之不避風雨暄露之疾五年治縣強半馬上決責罷遣者乃至上計時都無贖票可付署者君時謂予曰幸復此十萬石不足餘也又三年而予再計過君君行遲予問故則以庾粟之冊視予數之過十萬石矣非其罰圭撮以上不自

文

二卷 九

人而以與民莫及此其中寧有不可知者耶至于田入口賦常至以死爲百姓爭九則之命及所爲贖予婦給中種招流散動以數千計下至教礮作炭勝風永而思祠之皆天下人吏所知也蓋予入都盡拜其治地圖集以行標其尤異者示執政公異之再請而後見曰固奇士也首政者不能用而同案某公方言西北治水利屯

作之事需人焉若此其可久之公云已言于某公願見趙君也其往再見公又言之予喜從君往君許乃竟不行曰豈有執政之禮不先而手版立其門者嗟夫此予所以知趙仲一也予出都而趙仲一旦以治行最留予謂執政者曰趙君第可用御史出按經營四方在其中非其處也已除吏部郎知其不可久後一年而紫柏先

文

二卷 三

生來視予曰且之長安予止之曰公之精神才力體貌固不可以之長安矣先生解予意笑曰我當斷髮時已如斷頭第求有威智人可與言天下事者予曰若此必趙君可久之則聞朝士大譁而趙君去又久之幾起大獄而紫柏先生死矣嗟夫精神才力體貌三者皆天下之利器也而數以示人其容免乎雖然有數予天資性

弱人也與仲一相遠何啻三千里能一見而知之不知者乃在其所近而氣力相埒者詩不云乎我行其野言采其蓄不思舊姻求我新特誠不以富亦秭以異蓄雖苦菜而有異味不在多采我知趙君一人爲足新而能知舊所不如台茲予與君皆棄在野無所托言因滕人之祠君也偶爲激發如此若乃祠之春秋田夫乘女坎

文

二卷 三

趙乾所夢遇仙記序

世何夢而得仙又何仙而得遇有說乎仙人往往聞其名未見其入所謂見其人者皆夢也而未能有所遇山澤多枯癯迂怪之士時至朝市雖吾亦遇其人者二三人要與禪寂異其人類多壯偉矯厲能行其氣者殆非羸素人所堪清

淨少恚怒嗜欲節服食良藥自輔則吾所爲仙也然則何人而仙耶趙乾所自言京師時秋所甚神氣委頓殆絕自念平日授中黃術垂目瞻輪渾固紫齒提攝幽戶踰時稍定白湯一杯引氣自溫中夜粥一盂活矣逾年夢于故讀書處何仙姑授藥一片類桂皮其大若掌食之香徹五內旦起覺精色迥暢欣欣然若有所得者觀

文

二卷 三

記異之君言修黃中久示予臍間若胎有年何得更病血下至數簣不當引而化之乃至委經不屬而更行禁閉引取溫飲爲助將所謂查滓欲去耶仙姑初不知何許人予遊羅浮見香山何氏子孫巾帶者爲言姑無他異少黑瘡不可行汲或授以篋籥云撈米得珠可服不饑信之果然面改如玉步有金光一夜亡去見于零陵

數百年矣而見夢真寧此亦西方美人之思也約論之趙君乃前所謂壯偉矯厲能行其氣者而懷仙精炯燿然夢仙情理之常要無足異至其言日月之光借日之明人之生借心之知所存者神所過者化如有所立卓爾能言及此其必有可得而遇者耶嗟夫千世而遇一人焉猶旦暮遇之也百歲而夢一人焉猶旦暮夢之也

文

二卷 三

劉氏類山序

古人成言成書皆於理所蘊發者求之天地萬物之品族巨細先民之訓若志顯隱涉廣而造微有得乎內而動乎外者引類以應如博依安詩雅弄游絃若其自有非先有所記而蓄之時然後披而撥之也世遠載籍日以博爲少日以華卽有厭而反之者終不能以澹齋取勝又資

日薄而學日以淺其素於蓄而取之也不能如
古人之自然類書之興此其尚矣類書興而天
下之讀書者廢讀書者廢而天下類書愈不可
廢也蓋齊梁間君臣士友往往以隸事見奇雖
曠曠如高齊亦有華林脩文之役代相層積北
堂初學遂分門標舉一二大書而疏所從來其
於采擇引取良便以吾觀劉燕及先生所爲類

文

二卷 五

山虞徐之流亞也然世南以秘書弘文日游省
閣清高玉冊之林而堅乃以學士奉詔與諸人
分次流略其爲書也有資而易成若劉先生成
是書也來令宜川未能以期月耳冠蓋期會之
所馳逐簿書校稽之所結約宜雖鄙亦必有以
煩心思而縻日力者乃于自公暇餘盡舸家藏
圖書雜記目捷手敏三月而書成其于天地萬

物之品族先民之訓若志皆有以涉廣而造微
熟復之足徵世以所不知而辨人之所不釋非
有資于殿省之祕文奉詔書從事而獨智以集
豈齊梁諸賢所難而劉先生顧易哉亦其天性
嗜學有殊絕者考之先生世家子政玄靜而後
惟唐開元中崑山令綺莊爲集類五十餘萬言
上之朝似先生之在宜川也劉氏其世美也乎

文

二卷 三

雖然有進于是者在宋吾邑多嗜學而晏元獻
始用文章執政曾子固爲序其輯要言公于六
藝太史百家之言旁及佛老佔藝蠻夷之荒忽
詭變而終以三才萬物是非興壞之理顯隱巨
細皆有委曲蓋其得於內者如此士不素學而
處從官大臣之列備文儒道德之任其將能乎
若先生之學必有得乎內而成乎理者起而爲

大臣師儒資覽略藻風澤古今人亦未有以相遠也先生且以能治劇徙臨故敢以元獻事爲祝而因以偕引其端云

雲聲閣草序

天下之物最大者無如道與法希微淵淪僚恍淳鬱道之存也剗錯瑩瑩方儼員幅法之持也法與道際可以言心可以言天下心與天下道

文

二卷 五

法之所營也性命功實節烈名譽之士無一不在乎是時一意之時一至之皆足以有言於時而况其存與持焉者哉余從丁紫崖明府燕言得讀張文石先生雲聲閣諸作有當乎心與天下者耶若爲詩歌光恠流離映北旁薄子墨之徒習之不可能也名理在宣尼文釋之間其不一而一不入而入非知之所得言非言之所得

知也言事大者乃爲許相國語定 太子宗社

至計爲郡國談丘賦開澤之政著系記里閭閻家巷之行雜寫鍾劍優冶之奇靡不騁古今之倪略揚雅俗之趣會盤紆而莫抗躋而莫其所爲心與天下者殆有以存有以持非慨然言之一致而無餘者也蓋先生爲郎著節歸與吳越間諸君子講性命學本乎無欲歸乎無極本乎

文

二卷 五

無極歸乎無欲嗟夫其於道法之際久矣容容冥冥吾且聽雲之爲聲

易象通序

人之生而目理澤亦無以大異而所好玩殊遠士之於書凡民之各其業有所好之有非全乎好之者也得已則已其風雨旦暮矻矻然而不已者其有不得已者乎貴游之家去四民之業

而好狗馬聲伎博塞狗馬聲伎博塞其利于養
也不如農民之業其利于智也不如書然而有
好乎此者何也得已者在彼則不得已者在此
吾獨愛 驪王之孫有如用晦宗良貞吉三君
者去貴游之家所好而好古書傳然技止以詩
行于公卿布衣之間游其名至於文字之所起
理義之所變探賸而鉤深刻意而成言亦有時

文

二卷 天

乎未暇也最後鬱儀王孫好楊雄氏之學方言
奇字多所訓明撫然而歎曰文字之所起者盡
也理義之所變者易也通于書而蔽于易不足
以診天地人物之變乃追而學易凡子夏所傳
九家所爲變象互體者潛測幽討不遺餘力久
而彙括彷彿爲一家言名曰易象通蓋能極暢
其意之所欲至亦可以有傳於世矣豈其不得

已于書而斲斲焉者乎此所謂好之言也雖然
方海岳子未成此書也散然而傲晚敦然而居
休倫黨堂除之間愉如也書成而嘖言且起拘
然以悲脩然以貧豈所謂作易者其有憂患乎
抑鬼神之害盈乎海岳子能明易必有以通其
故矣

劉大司成文集序

文

二卷 天

士和司成兩都兩都士稱爲允陽先生先生言
道德而近名法常曰學士先志官先事空文何
爲蓋其天性廉毅貞穆生於吉州忠孝之鄉而
道學之世故其言動出入必以形影相格不肯
流逕而之他其教然也予性故馴而達官南都
與之遊于世俗嗜好一切無所當好談天下事
與天下賢人而已予稍爲通之引與達觀先生

遊倘識所爲西來意者時亦爽然自失然終東
於其教取如也今其遺詩文若干首具在蓋士
和之去國與被病皆出意外倉卒不克自定其
文然所存者亦可以知其所亡矣所亡者其人
則東漢之人所存者其文則南宋人之文也而
先是海內人士稍稍傳其與政府諸執事疏記
指發端委稱引連類綱維大細之弛張人材善

文

二卷 三

否之進退惴欵焉流連焉彼其身未嘗一日當
天下事任而其心不忍一日付天下之事于不
治蓋至於言而躡動而窮然後歸而嘆曰吾讀
養生家言矣最後探旌陽令至德觀宿張道陵
龍虎山中上追洪厓驂鸞之跡下睨僊巖遺蛻
之處嗒然有思泫然而悲曰死生亦大矣吾無
以處吾心又何以譏稱爲將招予從汗湯之遊

竟長生之事曾幾何時而以無妄之藥已矣傷
哉天地雖云大無之寄此身此非吾兄詩識乎
不問家人產誰要國士知此非吾兄心行乎孟
子曰誦其詩讀其書不可不知其人欲知其人
論其世然則士和之所爲人及其所遭遇之世
於士和之書之詩其能無愾然長嘆者

何人吾亦忍涕而待之耳

文

二卷 三

臨川義仍湯顯祖著

序

趙仲一鶴唳草序

陸平原山海異才爲河間嬖人讒死兄弟嘆曰
欲聽華亭鶴唳其可得耶趙仲一如相如抱璧
睨柱幸不碎問道而西歸陶穴躬耕黃冠草服

文

三卷 一

猶得聽山河鶴唳飲靈湫嚼金絲草平原有是
乎趙君偉容顏性孤到雄邁然好禮下士與人
嘔嘔如也故其去國朝士悲焉道侶疑焉諸生
野老苟有識者咸用喟焉牢騷於書疏廻翔乎
咏歌秦夏殊詭玄釋增異得若干篇門人總之
爲鶴唳草言嘹唳也其悲如唳焉白露警而鶴
唳清知霜雪之將至也雖然亦顧其地與時吾

當受選吏部族立軒墀之上有白鶴焉引吭而
鳴疏翎而舞高趾遠聽修然百禽之外已而顧
之以稻梁注之以潢潦未嘗不味之而就視也
孰與夫不好鶴者放之嵩華江海之間乎朱冠
縞衣絕塵滓之色良宵清晝發清迥之音若斯
者固亦俗士之所不能有而邇人之所不可無
也惡知鶴唳之不爲鳳歌也乎聞之鶴仙禽也

文

三卷 二

異焉者以胎化君嘗坦腹示予曰吾結胎久覺
五內如玉鼻嘗聞異香暗室瞳子有光若蜚雪
然則君之爲羽衣也其亦近與顧書示予爲取
債家所苦鬚髮盡白面目焦黑懷喪呻吟不能
自休者何也嘻此其所爲鶴唳也與

滕侯趙仲一實政錄序

佐王之才常寬而取伯之才常急非有相反其

時與地固然寬之無宜以恒猶急之無宜以緩也蓋昔桀紂之法胥亡而毫鎬之法常在伊萊旦奭之輔固得以從容而鋪德義敷絜而登太平及其時天下已定法制已信風俗已成如是而誅之如是而賞之俯仰之間益可以休然而無事矣幽平之後先王雅頌之制衰廢無存諸侯相攻并敵者先亡勢不得不急法而治時則

文

三卷 三

伯才興焉齊管仲楚吳起秦衛鞅三人者其著也大致亦周官正地比受官成畫一千經畧會計之意而急持之歸于富強其國曰誅殺不必則令不信不信則不行如是則國弱令不行雖有地方不可得而盡也如是者國貧貧則事雖小不可舉事雖小不可舉則是與亡國同也是故三人者急持其國而用以富強如晉文公之

伯晉子產之存鄭皆是也後世諸葛武侯以用蜀而王景畧以用秦至王荆國以用宋而效異者何也勢不行也伯者審勢急可以趣其國不可以卒治天下國狹吾之所得急爲天下大非吾之所得急爲也如以王公自治其縣青苗固效專之方岳則均輸方田無不可者專之邊鄙則保甲保馬無不可者何也勢所得爲也是故

文

三卷 四

舉天下而急爲之安石不能用宋取一國而急爲之趙仲一可以用滕今且語天下以滕公之政吾嘗以於越長上計過滕時公上事一歲耳大禋之後人大相食公爲乞漕粟大府錢施其民間公庾庫中無如也徐起與吾北去更三年而再計止滕待公不能得見後堂主籍者約視其牘積金乃至羨贏三千穀踰六萬予啞然而

駭曰是何與之暴也主者曰公所費修治公私署堠禮際惠振收恤士民爲民贖子婦所亡失立芟舍牛種以業流集者復不在是予益異之移以富一國又何國而不遂以富乎退而謂滕人公何以至此對曰凡田賦影避盛則有所通而後期公奮議度田上下相傾動恐喝不可而公輒已單騎從所在父老行度之名其田有僭

文

三卷 五

而撓者公故怒容渥丹奮髯眉相抵撓者行避去故壤則而賦平不比而爭輸羨若鍰一錢以上率以糴故異羨而粟流又公深民桑柳有籍數去縣十餘里要人孺子戲折其四五樹圍捕之償十五栽而後止罰必而先貴故民不犯所在賦饑人粥治堠河皆獨身馳數十里察視曉夜暴露不少休故民無欺而不怨衣褐食禪而

官館馳傳俎豆咏歌之節必明以清故民儉而知禮語未卒予撫然而嘆曰此伯才也乃先公行爲載其牘長安以示執政張公張公曰此固當以節鉞盡其任幸少須且以御史行邊專屯田鹽筴開塞之事可也已而事移官止吏部郎以廉梗訐激執政不可復容罷官去嗟夫人有如此才能盡之于法而不爲盡何也用非其才

文

三卷 六

也今夫以貧弱之滕三年而暴富誠委之一二大鎮其行法益巨三年當不異滕富強之效所求于臣者重而所求乎人者輕然而終無亡敝之憂者固將曰天下已定風俗已成法雖有所緩失亦未見急之能爲也嗟夫言治滕者異矣皆以公才且老而非當急才之時不幸而可悲然以予意之公雖進不得如管葛諸公主臣一

心光贊盛業退猶免于吳起衛鞅刻厲之禍其亦幸而生于王者之世夫

趙子賤齋錄序

孟子告滕世子滕將五十里猶可以爲善國引書若藥不瞑眩厥疾不瘳問者曰滕地瘠小殘弱因之可幸旦夕授之瞑眩恐更不勝答者曰有國必有土有土必有民有民必有受藥者顧

文

三卷 七

藥物何如耳然則以何爲藥物乎曰以性善爲藥物然則孰爲此方者曰先天地以來卽有性善一方伏羲視卦氣神農化毒草軒轅畫井田封建所以利生成世皆是物也至堯著其方授舜曰允執其中已而嘆曰四海困窮矣舜以授禹而湯文王周公孔子守之孟子識其大者故與滕世子道性善稱堯舜而曰滕可爲性善之

國至問所以爲國大畧復升田正經界十一堯舜之道也曰若此則藥性善矣復何所苦而瞑眩與曰舜言之矣人心惟危道心惟微惟精惟一道心者藥物也其性至微人心起則常與道心爲瞑眩不勝則危善用藥者必致精極一隨瞑眩攻之而不止時必有搖手反唇止其藥物者鎮之曰無稽之言勿聽蓋危之也此孟子所

文

三卷 八

謂暴君汙吏必慢其經界者何言暴汙惠君良吏驟爲投此亦有憤憤而不敢遽受者何也皆所謂因之可幸旦夕者也趙君作一治滕偉容幹精吏事廉而有威苟因之旦夕幸無事而去甚易愼然曰滕病痼吾不藥之無起時吾欲用滕子之國正經界復井田復次而限田未遠可也歲凶不食何以食歲逋不償何以償歲流徙

不歸何以歸我知之矣豪石受民所寄田失稅而移責草細民有田不能深治饑則徙而佃之田益以無益益以適心令自名其田戶度之無寄隱而後可豪者懼撓之曰若而年固已度田不遠矣間以誅大吏君朝上議立行身與豪貴人鬪而馳田中瞋目赭面奮髯怒號豪不可當辟易就丈無幾何而籍定則又羣洶而蜚言

文

三卷 九

大吏君曰此正所謂無稽之言也吾執吾中已而人心定大吏莫如君何凡得隱田并墾除數千頃買牛千頭活饑民數萬人歸流民數千戶始至倉見糧三年積粟止十二石乃課民樹桑果有貴人于毀其一株輒收捕償樹十而舍之後至數萬株所至桑陰常滿城壕半乃有蓮荷香若南方亭隧盡斤垣樹表列賓舍有序學士

誦歌市賈無飾男女廉貞休休于河洛之間蔥然一善國也由今思之滕之人經幾瞋眩而至此雖然不瞋眩則不受藥瞋眩則其受藥處也受藥則其性善也趙君可謂善醫國者問者曰能醫天下乎曰有命國小而天下大管仲子產吳起申不害商鞅諸葛亮王猛皆以藥瞋眩其國下疑而上信故勝而成功王安石信于其

文

三卷 十

君所用藥物亦種種當宋人病而其時與爲瞋眩者韓富司馬公諸人也此皆所謂惠君良吏者卒以不勝而止世遂謂安石無能醫天下矣而其治鄞也固效彼固稱用堯舜之道者然則移滕治於天下可乎趙君所入用者皆世所語王道藥也而氣勢形格常以霸藥見疑夫有霸藥之疑而令天下瞋眩知其於治何如也雖然

趙君固知學者歸其鄉處素阡陌間歌田風益繕其性更出而授業必有神而化之天下霍然病已者矣

趙君一鄉行錄序

趙子鄉行錄錄真寧父老子弟以趙吏部邦清有功德其鄉而草笠徒行闕於儀禮相與共土其守吏求以車馬優重趙君也父老意良厚趙

文

三卷 十一

君之去吏部也同官予鄉吳君仁度坐爲君疏理調南漸徙至太僕使歸示予斯錄予謂趙君賢者而其鄉德之如是然其鄉之大老在兩都者不下五六公吳君何不爲趙君一言而令坐廢無乃非其鄉行意乎吳君笑曰嘗以語其鄉乃更有不好趙君者問故吳君不言嘻予知之矣將如孔子所謂鄉人之善者好之而不善者

惡之與吳君曰不然凡譏刺趙君者亦皆忠信廉潔之老非爲不善者也予益怪之久而驛之矣夫所謂忠信廉潔者微孟軻氏所謂其鄉之原人與鄉原之所至不好者狂狷趙君將無得爲狂且狷與若此或非所謂善者惡之而向時父老言趙君有功德不可徒行以辱之者乃誠善者之好也嗟夫趙君高氣異材天下有識者

文

三卷 十二

聞而好之意相近也而其鄉老在朝者惟恐趙君不徒行在野者惟恐趙君不得與是何其鄉用情之遠與嗟夫一遂昌令也上六年計求去南考功某曰遂昌有關係人何得便去予竟去未嘗一日之官矣又三年計而溫中丞出故相揭袖中曰遂昌有言宜遂其高尚二公皆素人也而異同若是其又能盡好趙君與且方今士

大夫進退以黨秦楚北而吳越南趙君前失越相意以去天下意君秦人也去兩秦之大老曾莫爲援然後知趙君天下士也鄉人難與爲行不能不與爲行獨秦而已耶

太平山房集選序

通人之言曰善觀人者不觀其人而觀其人之天相千里馬者取其精遺其粗見其內而忘其

文

三卷 十三

外以此謂之大機子言之矣富貴貧賤不以其道得之君子有所不去不處以成名于其仁蓋造次必於是而顛沛必於是是有天機存焉者乎不然而曰必於是是有不可得而必者何也其外而粗焉者耳故曰言語者仁之文也行事者仁之施也行莫大乎節行而言莫大乎文章二者皆所以顯仁而藏其用於世固非以

成名也而名不厭成 國朝制天下當以此屬

臣子忠孝之節吉之羅公彝正論大臣起復非是後百餘年爾瞻鄒公繼之羅公止于賤貧公顛沛殆甚前後公而必於是者固亦有人焉而公之名以成何也天下國家可均也爵祿可辭而白刃可蹈中庸不可能中庸者天機也仁也去仁則其智不清智不清則天機不神乃至有

文

三卷 十四

顛沛可必造次不可必貧賤富貴之際終其身有可以爲名不可得而成名者公於其際固屢矣仁存其心如將造次而弗離然則公其天機勝與何以知之以其文知之公所爲奏議傳贊書論詩歌無慮若干卷大抵皆言均天下國家蹈白刃辭爵祿之事而未嘗不出乎道中庸之意正而不驕旁而不離發瀆譏切大臣之事詘

然而止餘多以大雅寬然之恩感動 主上所
傳記悲美多以表發道術感慨烈行幽憂所不
能平與學道人酬答常治其福至言修曰必有
以悟言悟曰必有以修言悟修曰必其中有真
而後可蓋學道人言多出乎是獨公言之如水
玉之清以明如芝蘭之馨如英英乎其出雲而
昭昭乎其發春也令人挹而愛之不可忘受而

文

三卷 五

體之不可易緒爲詩歌謬然以和公其天機勝
者與蓋予童子時從明德夫子遊或穆然而咨
嗟或熏然而與言或歌詩或鼓琴予天機冷如
也後乃畔去爲激發推蕩歌舞誦數自娛積數
十年中庸絕而天機死蓋晚而得見公文乃始
憬然嘆曰是何仁者之心而智者之言如相馬
者吾今猶未能定其色知其人天之而已公固

謂予曰非子莫爲序吾文者因爲欣言之如此
固將有事乎此而就正焉非如世所云以托公
千秋之名而已也

調象庵集序

萬物當氣厚材猛之時奇迫怪窘不獲急與時
會則必潰而有所出遯而有所之常務以快其
情結過當而後止久而徐以平其勢然也是故

文

三卷 六

衝孔動捷而有厲風破隘蹈決而有潼河已而
其音泠泠其流紆紆氣往而旋才距而安亦人
情之大致也情致所極可以事道可以忘言而
終有所不可忘者存乎詩歌序記詞辯之間固
聖賢之所不能遺而英雄之所不能晦也東吳
鄒公彥吉著調象庵集數十卷以余所好急取
其詩而諷之已異焉當其興屬而起瀕洞合沓

勃聿琤璫可使霆發電睒魚跳鳥瀾倅不可
而當也逮其法至而行則復倚儷澹淡切迭積
詰若晴雲穆雨堅卓良駟逝不可得而厭也文
則皆各音廣川之環其前而通人選賓之駢其
後彪炳渙汗要于足傳而大致有動於余衷者
蓋公才具高偉於世故疊疊之業開濟有餘而
心目太明神骨太峻於貴倨無所可下於夷伍

文

三卷 七

無所可借用此率意而酬殆非頻頻所了蓋自
是公之進退無恒而天山有筮矣嗟夫有高才
而鮮賢仕其與能靖者與折節抵巇非公所習
則其鬱觸噴迸而雜出于詩歌文記之間雖談
世十一譚趣十九而終焉英英沄沄有所不能
忘者蓋其情也至於今四海人士鮮不引重公
者然猶大其才而高其氣則當時之嶽嶽一世

何如矣雖然世人爲其不可傳者而公爲其可
傳者噫而風飛怒而河奔言能阨之於彼而不
能不縱之於此然公復自號愚公而謂余曰平
生此道恒以酒廢病廢游廢填更以事佛廢此
殆不然公文字言酒言病言游言佛者纍纍而
是公之廢無乃其所爲興者與聲音出乎虛意
象生於神固有迫之而不能親遠之而不能去

文

三卷 六

者聞元成本寧二公當過公所其亦以是諭之
爾

祿宏先生戒殺文序

春秋介葛聞牛鳴知悲其子三犧矣賓孟嘆雄
雞自斷其羽悲而疑之后予從太常視一犧齒
長矣常先祭數日涕下不食引之不行數以免
後乃數人負之至庖門竟自啗鳴躑躅死不成

爲犧何其信也夫以禮死而痛若是况乎以食
折財竟者乎夫太古食鮮如豺獾相祭已亂矣
中古粒食而不絕鮮至蜂蟬螳子亦爲聖人所
食豈不痛哉此亦聖人生長東土習味內恕不
能爲之斷矣末流至使肉食君子肥不可動昏
不可靈又使貧士流涎餽啖其側此非膏脂之
累乃聖人不制之過也幸有西方神人因機止

文

三卷 九

殺有如萬一禽魚復安橫目之心淨矣至云無
始以來遞代相食取報人無信焉徵於余郡南
青雲鄉有獵翠少年乃爲一美人死後美人死
時有大翠鳥如鷺出戶飛余先祖伯清聞之嘆
曰心精則化寧循其端翠精於怨猶能報人况
靈於翠者乎遂素食草履常步耦耕斷內人珠
翠飾恐犯爲人所化牛馬蛤翠也今何可得乎

善哉祿宏先生爲諸蟲流涕鴻臚孫君又爲精
信廣流傳焉粒爲癰疽勸方度殺業也

光霽亭草叙

顯祖得爲祠官南來客言一林遊適讀書之美
此皆非顯祖所以喜也而喜得堂上二老先生
記曰君子尊德性而道問學溫柔敦厚詩教也
潔靜精微易教也二老先生之德性問學非末

文

三卷 十

學所能遂窺亦可謂之尊而道矣以語吾鄉講
學之士鄒比部等因問曰爾何以窺二公之能
尊且道乎顯祖曰觀其容讀其言其容皆溫良
恭儉讓者也此易識耳其言則方公之詩敦乎
詩周公之文精乎易衆多以爲然然方公之詩
已有息機堂集行於世爲徵而周公之文未爲
世所窺顯祖雖記其論說數條傳於人而平生

雅不能言口言未暢乃時時謁周公乞梓之亦私欲以信吾言也而今果有光霽亭集行於世捧而讀之乃私嘆曰吾乃今知周公之所以爲文也恨吾齒之已壯材之已固無繇進於此道也童子之心虛明可化乃實以俗師之講說薄士之制義一入其中不可復出使人不見泠泠之適不聽純純之音是故爲諸生八年而後乃

文

三卷 五

舉于鄉又十三年而後乃進于庭素學迂而大義不明也因思世人受此病者甚衆獨無秦越人之術副其內藥而洗之令別生美氣也雖然讀周公之文亦可以知治本之技矣知文者當亦有以信斯言也夫

張氏紀畧序

晉人有言比來離別常數日作惡余爲寬言之

曰生別猶可死別何若年過耳順愈不喜逆或客幸無以悲傷事相聞卽世間悲傷文字亦不必見也何也其叙述世家坎坷流連乃至若數冬而不邁一春恒夜而不經一旦者固却無視視亦不竟早衰恐神傷也屬者客乃以崑山張元長所志六世以來行畧見示則有不忍不視視而不忍不竟者竟而去之去之而復在几閣

文

三卷 五

間徘徊慨嘆一月而神弗怡客曰夙若某若某者皆嘗述其世家以煩子目未見子不响然而豔也讀張氏畧而泫然傷之太比于人情與余解之曰固也吾亦世人耳世之所喜吾得不喜世之所悲吾得不悲且彼其家男子而世纓組婦女而世禕翟外內休融壽考咸遂何德而至斯張之世德詎遠于斯與何久瘁而不豔也客

曰何如曰其六世祖道瑾起于贅壻立而與婦
願歸孝舅力田以有其子德聲爲縣從事輒自
免自領賦萬石以休其同人迂騎而避少婦之
涉者歲晚則與婦方浣泉紉緼以衣里中笑孺
廣糜餌以飼囚有德者矣而子諸生唐文乃二
十二歲而死且死衣冠強起坐使畫工傳之曰
後人庶知吾齋志以歿乎妻爲盧節婦也撫其

文

三卷 三

子抑甫六歲時秋夜起見月華雲成五色蔽天
呼母盧起視驚喜令兒整襟肅拜見短髮蕭蕭
印月下慟欲絕爲述亡考讀書時事相抱痛哭
而雲中雁聲裂然嗟乎聞此而有不泣然者情
耶抑甫爲諸生已復棄去而其婦晉孺人歲祭
掃必戒必泣曰先姑有言見孫奉養有盡但綠
楊紙錢年年如故則兒家之祥也至抑甫有子

文

三卷 三

諸生宗翰能文章有當世之志幸乃五十二而
貢于鄉矣終六十二而不受一命之榮婦季行
年八十矣而爲其子食貧緯繹不能自休以歿
此豈不足悲乎生子也才如元長發舒五世之
鬱伊將是焉在而爲諸生且五十年竟以病廢
至云母子之間徒以聲相聞者十四年母病時
以手按母肌肉消滅含泣大恐而母夫人猶喘
喘好語曰恨兒不見吾面猶未有死理也斯語
也聞之而不亦悲乎天下有目者皆欲與元長
目不可得矣有子鐵兒而殤有女孝仲秀慧端
婉曉書傳大義所謂閨閣中鍾子期也爲孟家
婦幾年而復殤天之困元長也不愈悲乎凡此
數端者客以爲何如也客曰若然誠悲矣安知
前所云世家者之先容愈張氏而張氏後乃終

不如前數世家耶夫冬之必有春而夜之必有
旦亦天道也予爲嘻然久之曰固也語不云乎
天不可與期道不可與謀元長且置無悲需諸
季之後幸乃如客言可也

蘭堂摘粹序

我完素江侯以文章家起大閩之西而長予郡
之金邑一時吏治用決裂無所顧護爲好予獨

文

三卷 五

喜侯顏敦而氣冲有以下人一見知其脫越世
俗吏習動于醲醇蓋暮而其政已效矣治士大
夫禮而治民惠韋朴之楚不聞于境外而稽比
以時訟無錢罰工作之煩然常有所愧悔至爲
希少蓋嚮見侯之容知其循且良焉必矣雖然
殆必學殖與久之授其爲諸生時所集諸家言
蓋挾玄而標其粹者予受之歎曰侯殆有進于

道者與此其於古人之書也不皆感乎日而感
乎心然且章而摘之句而剽之編連而序之固
將爲夫世之學者磅礴徑省有可以給取乎是
而爲風所流纈意不能無愛之雖以予之衰且
老而一接乎離離諸家之言感侯之勤讀而乙
之削而三之尤不能無愛也昔人之喻唾者大
如霧雨細若珠璣出乎人之精神一也江漢之
瀾激而爲溝取于美田引其涓涓泠華出泉凡
以汰故爲鮮不可謂非其全矣嘗試語之六經
儒者之辨莫燦于周孔天人之際爲持其平若
夫老莊之屬人而之天管韓之屬天而之人凡
世之靳有所立言成書托名字者必皆有一乎
是學士得而精之通其數言舉可以攝理事而
施于世世固莫有致其精焉者予仰之侯之學

文

三卷 五

殖矣刑名短長之說不足相誘動而其治獨以
俞俞歐歐凝重以薄常出乎道德之意並諸家
所以表術事形物機者侯若皆有所得之異時
所施用當大著此以薄示其精烈令學者亦有
以窺天地之全百家不可廢也

超然樓集後序

於越通于吳其地文物而風美而處乃與江右

文

三卷 三

隣質以野其氓既曠于法物之聽而吏於斯者
亦無以與於文章之觀蓋平昌公局于面牆而
無與語者五年于茲矣天幸於越大人臨之始
與士民約教以鄉比之長如周官禁其佚而敖
者至於童子小學各有程吏率惟謹平昌公捧
令而嘆曰公之文其在茲乎屬者以察知天下
事其以文化成也何有郡丞許公聞之忻然曰

未也公之文有以開萬世者乃帥十縣令稽首
而求發覆焉久之乃得其超然樓所爲文各體
具是十縣令起而卒業焉大者若雲漢委迤于
天而星含景流也若山之延爽起沒于地而烟
霞草木禽魚光怪響象莫不儲以興也若觀九
奏雲咸淫于舞馬歌嬪而短章若奇音獨奏其
淒鏘詘然又若孤嶂寒潭之秀以澄而水霰之

文

三卷 三

冷歷也蓋十縣令始知公之文有以極古今之
變化見天地之大全而平昌公一旦出面牆而
遊通都神明爲之練汰心容爲之解舒舞之蹈
之不可得而言矣旣而頓首曰試言之竊意超
然有五難有殊絕秀卓偉厲之資而後可以竟
業公有其資一也竟學然後其資庶以有所立
於時而不廢公無所不學而學必深二也孤絕

而興者危得之而已後矣公生而有忠父孝兄
家國之務聞若性成三也雖滿而動其中外阻
山川閒遊之觀則不適吳故文物風美之地也
遊客大雅將朝夕焉意所至而開四也若宦而
偏窮偏通無屈折頓挫之迹亦不能有所憤會
而成文公外朗而中已蒼世有知有不知者物
之態色時之機趣無所不經而盡苑蓄以遊於
文
三卷 五
文五也公有此五者其觀於大全而變化極也
超然不亦宜乎若平昌令者生于質而野之鄉
學而廢于賄仕而偏於窮外無所發皇而中有
所底滯雖得公之文師之而萬一也亦可得而
超然也乎哉于是九邑之令拱手而嘆曰平昌
令可謂汙而自知不阿其好者矣因敬梓而傳
之殿以平昌令之言附不朽云
三卷終

玉茗堂全集

臨川義仍湯顯祖著

序

李超無問劍集序

歲往洛佛有驅烏湯刺坐我堂東揖之知其奇
留之齋云不能斷酒也信宿而都無所斷偶爾
破口公案二三則耳居常率爾成詩心有目而
文
四卷 一
目有睛眉毫鼻吻間盡奇俠之氣一日問余何
師何友更閱天下幾何人余曰無也吾師明德
夫子而友達觀其人皆已朽矣達觀以俠故不
可以竟行於世天下悠悠令人轉思明德耳遂
去之吁拜明德夫子像而復過我則髮已覆頂
額間矣曰先生言俠不可竟行于世而予之俠
粹未可除因而說劍爲天大將軍得度耳余笑

曰有是哉明年秋九月則已雄然冒武冠帶長劍而就余有吳下諸生書乃始知其江陰文士李至清也曰業已去書生爲頭陀去頭陀爲將軍弓劍之餘時發憤爲韻語數十首來豫章題曰問劍先生宜有以訣之余笑而問曰旣冠而娶乎曰未也然則劍不可得而問矣吳人而知于將乎其師鑄劍三年而金鐵之精不流夫妻俱入冶爐中而劍就于將夫妻不能自投斷髮剪指而已今子獨雄而無雌而又奚鑄焉生曰先生其無戲曰非戲曰子謂必夫妻而劍耶莊生說天子之劍褻以四時制以五行論以刑德開以陰陽陰陽者夫妻也若然者上決浮雲下絕地紀列子所稱視之不可見若有物存或見影而不見光乃是物也然鑄此劍者皆不能殺

文

四卷 二

人生嘗斬髮而爲僧亦知有不殺人之劍乎殺人者非劍也若吾豫章之劍能于斗柄成蛟龍終不能已世之亂不足爲生道也因爲問劍答而弁其詩

耳伯麻姑遊詩序

世總爲情情生詩歌而行于神天下之聲音笑貌大小生死不出乎是因以檐蕩人意歡樂舞

文

四卷 三

蹈悲壯哀感鬼神風雨鳥獸搖動草木洞裂金石其詩之傳者神情合至或一至焉一無所至而必曰傳者亦世所不許也予常以此定文章之變無解者卧病罷客忽傳綏安謝耳伯遊麻姑詩數葉諷之古漢魏久無屬者耳伯始屬之溶溶英英矧隤陰爐有駘蕩遊夷之恩可謂足音空谷循後有詩導一章疊疊自言其致亦神

情之論也嘻耳伯其知之矣中復有記盱江夫子升遐數語若以死生爲大事嘻吁此亦神情所得用耶水月疾枯宗復何在唐人所云萬層山上一秋毫也偶爲耳伯叙此

學餘園初集序

先王既往而鐘鼓篳磬之音未衰自漢以來至於勝國冠帶之士閭巷之人或鼓或罷或笑或

文

四卷 四

悲長篇短章鏗鏘寂寥一觸而不可禁禦者皆是物也昔人常因其情之卓絕而爲此固足以傳通之以才而潤之以學則其傳滋甚然以今思之亦其時然也悲夫今之人得而爲昔之人與吾衰且敝年十五師徐子弼二十友帥惟審講古今文字聲歌之學至於今可謂劬矣觀歷遊處感發而摠懷亦不爲少然反覆自循終無

可自好爲成者以吾之情不減昔人將才與學不能有加於今之人也與托末契於後人予將老而爲客遂有毛伯丘君頓致此道蓋其去諸生成進士也財一期以餘有慈氏之喪歸而陰一園以居也殆半期耳而總其長賦已成四五詩凡百篇他文字稱是嗟夫風煙草樹山川惻惻之情行者居者各得而習之至若其鋪張摘

文

四卷 五

抉時物之精熒人生之要妙盡取而湊其情之所得至者雖學士大夫或拄口噤舌而不能吐一字丘君乃能出其數千萬言縱橫流離磊砢層集無不如志比其成也曾幾何年幾何時而學餘園初集固已風馳於天下矣夫以予之晚悟而早衰無所可至以天下學士大夫所不敢易爲鋪抉者而毛伯君獨能爲之將其才與學

有異與一觸而不可禁禦者與然則予有不遜而托焉者與茲君與予友人鍾陵李乃始皆吾家霍林公前後所進士廼始之於斯道也久其所師友又畧與予同其亦有悲於予言也夫

太學同遊記敘

今上八年吾師四明戴公寔臨太學公誕乾坤之郁秀山淵之氣仁義中和粹其躬詩書弦勺

文

四卷 六

藻其物意念良浚興屬甚遠八表之士靡不裹糧負笈蹴履摩袪爭來太學至若行綴之曉授書之晨儵踰焉聶噓焉退則連袂而趨比席而誦者真若雲鴈之儀霄雷蚊之響沛也是時偕計之哲同遊者得若干人越蜀荆吳俱江漢之靈采周韓陳蔡有汝潁之風流煌煌濟濟肅肅雍雍殆庶不足容其德抑末不足儷其文語語

則德在其間事事則政乎何有八分四科之目士遠百行之疵俱吾所願從遊瞻依大聖者也嘻哉委運不如繡幹與彫花形照投榮有適文茵與隈落殊隕非所語於蘭言庶以明於蒞清夫聲應則有敬羣之樂迹遠則有睽孤之疑同人者匹以鵜翰猷自者憐其夔足愆儀貴其攸攝儒行徵其流言至若偏其反而緩急時有載其半矣仁義何常故有急難之嘆奔走之交西河夫子憐其離索東漢諸君隆其濟挹厥有由也夫高惠神求猶云尚寐巨卿遠送曾爲未識然且宛孌酬懷徊皇就義况乃負牆於一師管道而同術都養者蒸然接爨學市者闐然讓售斯其契款何止夢寐之遊冥邈之寄而已乎然或枯生不殊於炭燥濕曾不如銅忘情舊谷之

文

四卷 七

鶯媚好新華之鹿靜處則不如友生時移則或
爲小怨致有奪符之恨絕無班荆之救雖復齒
爲諸昆何異路人乎若乃卹同門以妬真緣彙
征而進否亦非太學蒸餹之意戴公提拂之心
也二者諸昆何有焉若如僕者或語或默載沉
載浮未能純經式訓將恐如孔子之斲觚也然
遊太學至久師董余公吳周公次師鄭許公豫

文

四卷 八

章張公俱提上聖之姿立弘獎之教維時人士
波湧然無記牒久而遺忘固人情也身自不然
每送抱於風塵或興懷於月品金陵方岳璧水
園橋前與三萬人遊衍其間至今緬挹未或能
忘閱人爲世翻成撫心也諸昆今日疏列同遊
里氏豈不善哉各勗清時無忘戴公是爲序

二周子序

原夫雲書皎判開玉璫之冊奎璇發采繚玄扈
之文遂踰繩契競寫編謨上起三王真誥下底
百國春秋肇表天符撰維人理徵存會泯徒淡
緬邈之思而已蓋自皇訛帝矯王煩伯瘠緣是
影支離於多迹聲咬曉於不轂弘道君子閔其
若斯厥有史儋厭周藏之浮蕪滯秦關而強著
明竅妙生死之徒兵政王侯之決百有餘年通

文

四卷 九

靈闡繹仲尼年十七歲卽授此言布衣養徒衆
三千問答增損成其述作至天道與性終不得
聞也兩者絜之象帝之經特筌靈杳素王所說
務存乎昧嗣是而作分總兩流矣然皆和疾不
倫形影相難弟儒兄墨能無慨然歎我明二周
子連軒大志比作二書一曰調笑一曰何之畔
大地之清奧抉死生之靈詭拔玄釋之義根綜

斯人之條貫評往則死者有知徵來則聖人復起人位並美必傳無疑功德如斯兼言不朽盛哉是時長公尚璽南都忘年大學授而序之余素無老子之恍忽兼之孔子之中庸不在能言之科粗標著作之意千秋讀二八之書者庶亦明余是爲序

儀部郎司楊德夫詩序

文

四卷 十

楊公本井絡之秀體江漢之靈育德懿叢之區耀穎峩眉之秀固已苞結藝文優游玄釋矣遂挾藻天漢騰輝日匝彈楚服之歌琴坐吳都之禮署亦復端居多暇翰墨時作或是涼年獻歲首夏兼秋撫鶯花而流悵睇鴻雲而寄想別有羣公飲帳遊子河梁寫離別之奇聲究登臨之遠致他若應真東遊雲氣西往懷仙緬竺類有

玄言沉靈激韻靡非清轉吾友帥機最愛上林甘泉洞簫諸賦嘗曰蜀有楊君世不減風流矣夫楊君貌充而氣穆聲和而蹈正砥志雲屯乘潛雨畜若夫登高者大夫之餘作賦者童子之技楊君之業蓋不在茲楊君有言相如惑於玄龍吾家子雲濡於紫繩子淵隨於碧影他雖有技所謂博奕者乎足以暢楊君之趣矣然其擗管才情並詰亦安可不傳也余輒弱之資興屬流獵閱有年日蜀如楊君者情途希覩之品焉得咏淵作敬敘而歸之梓矣

吳越史纂序

文

四卷 十一

赤城劉生集春秋吳越事爲書甚具而數以意相繩引甚嚴書似可以傳無廢獨有感於吳越之際兵之所繇吳越江湖間其民氣急去就頗

輕泰伯虞仲被髮采藥蠻荆荆人悅之因以爲君厥後楚漢時吳芮保聚江湖間人亦因而君之雖其俗易教便亦其民性不重去就也故曰吳數有反氣起淮南至百粵修短不一姓然大勢可觀矣皆遠大而疾亡絕無關河延博重靜之意傳曰兵妖由人興泰伯兄弟三讓至德其後閭閻等兄弟叔姪以國爭相殺無已時如此

文

四卷 十三

則謀臣子胥必入子胥入必霸而有越有越則西子必入西子入必挾子胥之目而食吳王之心越必有吳司馬氏有八王而氏羌入氣常然也地勢吳爲喉越爲尾爲國則必相圖此亦延陵季子王子搜所以不願爲君耳范大夫似有道術存吳而去亦未爲不存越也因生有奇漫而及此知我者其云然耶

岳王祠志序

越有忠佑祠者在臬司焉祀宋武穆王岳飛也司故王宅王亡以爲太學元以爲司而祠王其東祠宋孝宗之爲也祠志爲冊六凡王所自爲文與其時至於今所以榮哀王者盡是梓而存之司庶拜王祠下者貌而旣其實云王之勇於忠孝其天性然斯志也其以資世之感愴流涕

文

四卷 十三

指髮豈有間然者哉予獨怪王以大將之才爲戰將之用而用益以不終當時無將將者然則若肅代之將李郭可與曰韓蘄王可以並郭而王賢於李高宗之資不能爲肅若代亦其勢然蘄王逸而鄂王拘非鄂王勇而蘄王智也鄂拘蘄乃逸蘄逸而鄂之拘不免矣肅代雖疑其臣不得而誅之外多大藩帥或以爲名如李司徒

召之不來矣終不能有加焉王之不肯爲李亦勢然也或曰王何不竟滅虜而朝附於人臣出境遂事之義此不然也觀金起時其君臣父子叔姪將相之間皆意念濃毅經略雄遠非可猝猝乘弊而竟者且其時諸將竝以詔還王以偏師濟乎夫王以歸而死得爲世所哀憐仇而逞王之爲王未可知也王所謂進退維谷者與嗟

文

四卷 十四

夫有高宗以其宅爲官故有孝宗附其官爲廟王爲人不可知神而後知之也雖然孝宗時而王在猶之不能用王蓋孝之不能爲代亦猶高之不能爲肅何也徽高在高與孝雖有志勢皆有所不得行若使徽得幸蜀高孝爲親父子高總國而孝撫軍滔然無疑畫河南北之地以與諸將所克王收其全以俟此亦高孝之所欲爲

也勢不能也嗟乎古今相弔豈惟高之於王而已哉予志而悲之聊以告後之將將者

春秋輯畧序

孔子曰吾志在春秋行在孝經吾師明德先生時提仁孝之緒可以動天融融熙熙令人蓄焉有以自興春秋末之有詳也桓文之事仲尼之門無道者春秋時有褒貶非所雅言杜君與予

文

四卷 十五

同師其於春秋也有師授耶春秋一孝經也孝經自天子諸侯卿大夫庶人皆爲分明其孝曰資孝以事君而敬同春秋多嚴君之義周公以父配天孔子以王係天所謂其敬同諸侯卿大夫有事君不忠者非孝也五刑之屬三千無大於不孝者春秋其刑書與蓋至孟子以幾希別人於禽獸曰庶民去之君子存之歷叙君子存

之者至君子之澤五世而斬五世者有虞氏三
王孔子也孔子存幾希之性全在春秋故又曰
春秋盡性之書也君子存之天下有孝子忠臣
庶民去之天下有亂臣賊子亂賊興而小人之
澤亦斬矣得春秋爲之懼而澤存得孟子辯無
父無君者爲禽獸而春秋之義益存忠孝同春
秋一孝經也安見明德先生言孝經非卽言春

文

四卷 七

秋與乾則雲行坤則履霜氣一而已杜君春秋
分隸五倫終以天應近於志氣變動之說其於
先師仁孝動天之旨不遠吾有取焉

孫鵬初遂初堂集序

漢儒疏五事以水爲貌而屬火於言誠不能無
概乎是今夫木之生其所以長潤森好恢瑰曲
折者大氏水之爲也極焉而措之爲薪火以傳

火者木之神明也而言者人之神明言而有以
傳傳以久則神明之所際也雖然顧可以忽貌
乎哉人之貌也明暗剛柔成然而具文亦宜然
位局有所不可以反置脉理有隧不可以臆屬
藉其神明有至不至其於貌也無不可望而知
焉 國初大儒彙問之文無所敢論迨夫李獻

文

四卷 七

吉何仲默二公軒然世所謂傳者也大致李氣
剛而色不能無晦何色明而氣不能無柔神明
之際未有能兼者要其于文也瑰如曲如亦可
謂有其貌矣世宜有傳者焉間者文士好以神
明自擅忽其貌而不修馳趣險仄驅使稗褻以
是爲可傳視其中所謂反置而臆屬者尚多有
之亂而靡幅盡而寡蘊則之以李何其於所謂
傳者何如也然而世有悅之者焉華容孫公鵬

初憂之嘆曰李何於斯文爲有起衰振溺功王
元美七子已開弱宋之路日已流遁長此安極
且吾先公四世文林劑量二公爲法已久不可
以失而公又蚤負才志入讀秘籍出視省奏淹
於今昔之故隱而益文嘗欲總史傳聚往略起
唐虞以來至勝國效遷史體爲紀傳之書而因
以櫟括十三經疏義訂覈收采號曰儒藏嗟夫

文

四卷 七

公蓋通博偉麗之儒矣至其爲文封奏志序記
牘歌咏引繩步尺取衷厥體勃溢者勢而延豫
者情叩切者聲而流蒞者致賅此五者故幅裕
而蘊深公之所以爲文也蓋江漢洞庭爲水淵
鉅足以滋演文貌而鶉首祝融爲火雉精是以
顯發神明然則公之文爲必傳傳而必久李何
七子之間有以處公矣

如蘭一集序

詩乎機與禪言通趣與遊道合禪在根塵之外
遊在俗黨之中要皆以若有若無爲美通乎此
者風雅之事可得而言余宦遊倦而禪寂意多
漸致枯槁于四方人士所作時一過留弗好也
而東莞鍾君宗望遊越中來臨偶以所自爲詩
填焉殆雅與遊道合者凡遊遊于聲實之際而

文

四卷 九

止宗望秀于才常爲廣州諸文學冠以其先人
樂華君起名進士出館閣能讀父書足可優游
待舉睠此長遊者何也將江隴間人士多其家
門生義故公子微以是游耶其友師生從升從
龍知之口今宗望之游若爾則世之游閑公子
耳似殆有不然者其爲人貌沉而氣疎幽然頽
然好欲與天下山川人物相馳騁當其所愜布

衣蝦菜可以夷猶歲時其所不欲非可餌而止也蓋宗望之見趣有殊絕世之聲實者予聞而笑曰深于遊道也乎詩道也悟言一室之內旬日不出映心千里之外累月忘歸通之若有若無都無遲疾欣厭之累於以眷節懷交必有不推排而齊一雕飾而秀者南中之美何必翡翠明珠茲且以巴丘小華山存王子晉笙鶴遺跡

文

四卷 三

欣然慕之此其爲詩與遊也殆益僂僂矣

讀漕撫小草序

漕撫關中李公道甫初以東南海警開府維揚海波澄謐而稅使乃始稱詔橫亂徐沛吳揚之間皆公履也其爲夷戮甚大非迅鬪所支公能以筆墨口舌動主上黠者暗以死次者屈服受事此朝廷之喉味而天下之要脊處也五方

四裂之民在焉莫不倚公爲命歌謠萬里此亦足以控厄乘流發決英雄之氣矣當是時公亦欲以微罪去舉朝爭之天子若爲不得已者而盡其用居之淮筦天下金粟之運所上下疏奏教答委積至若干卷蓋政成而思其所嘗遊建於余以相示也受而讀之大者力奮其身號怒戲笑與中貴人相橫決爭數千里之民命貧者徙者可以復業居可以居行可以行而亂可以止所謂社稷之力臣也夫功有所自成而力有所自積小夫懷臣之徒其於天下事潰敗無足論者蓋亦時有有力人矣與之扛千鈞之鼎探豺虎之穴旋轉噴薄而無懾使之提細物抵蜂螫或反倉卒頽破螫觸而無當何也以爲其力無所用之也夫力豈有異哉用之則大可

文

四卷 三

以全不用之小可以敗用世之力亦何以異此
公疏奏文檄中大者所謂舉鈞石而當猛鷲噴
喝示武嘻噓示閑英雄之槩有固然者至其所
爲繩墨吏士罰咎以上未嘗不親極其微渺出
入之情而誚責所治於罷士細人拊循收恤無
有二也孝敬中行之理時取以生其善而滅其
詭單語微詞皆有法則氣整而味平此有力之

文

四卷 三

士所爲常器小螯無所屑意者然則公之用力
於世者豈有餘哉教義刑名不爲小而河渠盜
賊不爲大公所以收百萬士民之心起百十吏
士之氣而感動 天子擊折亂倖至十疏以去
而滿朝爭之 天子終不聽公去更以委重者
豈非力之有所積而功之有所成哉自陶言九
德之行曰亂而恭剛而塞恭固可以治亂而塞

所以積剛彼亂而訖以不治剛而不至者無所
積而空以才氣相惡也吾嘆世之稱公者在彼
不在此而以震耀其功公蓋有德者也

岳陽王氏宗譜序

蓋余友金壇王君應嘉學植而樹敦有大姓法
度游十年矣時爲言其先世父張孟燁之賢給
事南省中大論嚴相國僉山東憲清嘗歸至淮

文

四卷 三

楊間絕食終無所餽受能古文辭其鄉里附邑
故多豪至言張孟先生意未嘗不下也已而得
高陵呂先生柙所言王貞立標從其游曰行在
孝經矣經云居家理可移于官貞立因瞿然贖
先人墓下田以其一祠而食其旁兄弟三至封
視壙外松竹無不躬親其至性也夫岳陽諸王
氏有先乎江左而後祖瑯琊太原子之先何也

曰是吾所不能祖也吾所祖者宋慶曆皇帝時
進士存存子咸寧尉康康孝子也是爲岳陽諸
王又四世而義公兄弟分爲以入於明雖吾城
中王皆其後也已有過之而相誰者矣夫慈孫
翼子於世次身所逮事者或三所得服者五所
居得知始者十世而已十世以上非國家所
護其存廢轉止不可不記也故君子雖愛宗常

文

四卷 五

毗於其近嚴祖常窮於所不知吾不祖江左以
來不可爲不嚴祖也齒域中諸王不敢親所以
別宗也無言遠者岳陽非伯父燁祀幾無以祿
者如此是存之忠不著也非大父標祀無以田
者如此是康之孝不傳也夫田祿之不時而忠
孝無所續則其宗不可合宗不可合則雖吾岳
陽里後懼且有相誰之日也吾安知瑯琊太原

余歎曰行子之言其亦可以宗矣因取而書之
岳陽諸王籍之首

義墨齋近稿序

凡爲文苟有材力志意之士咸欲有以傳其人
傳其人而不有以出乎人雖窮歲年謝歡昵疲
形焦思以文之猶弗傳也故士之有所爲于此
者必皆以出乎人爲心然而環視天下之爲此

文

四卷 五

者亦衆矣其材力其志意翩翩焉兀兀焉捷疾
而爭高巧質之相乘玄思之相傾卒未能有所
出也嗟夫古文詞不可作矣今之爲學士本業
者而欲有所出乎人其亦且奈何哉雖然就其
相乘相傾之處而盡謂其無所出乎人則是世
無人也何也舉天下之士奉其材力志意而畢
爭於此然則今之世所爲出乎人而庶幾有傳

焉者其亦可得而槩矣蓋余所聞見天下士時
日有之屬者得石首王生天根來與起居浹旬
視其材力志意超然豁然歸於大雅吾里居十
數年未嘗見士如此其達者也古書傳余少壯
所涉貧病衰落皆已忘去生時時爲我舉誦本
未慷慨流連之際至不容聲與論詩歌曲度能
悟發于音外之音致中之致至於今昔賢豪進

文

四卷 三

退之故亦能舉其形勢而衷其淺深蓋生於荆
爲望姓世多達人而身復明裕其好全楚高流
無不爲生握手者天祿承明何地顧不宜早有
此人哉閱三十而未仕于昔人爲早以生之達
而當于今亦可謂之達遇矣天下士惟無材力
志意而止耳有之則常泛濫於燕爲而遷延其
本業若然者亦非世之所得而遇也生得微類

是與乃大不然者生告我曰其雅也穎而橫
家君教以自成其文無所取故常爲作必奮切
鼓蕩絕人而後措一語友生譏之曰此豈以傳
者耶冠而病殆死起而曰吾知之矣自有此技
以來精奇恢詭之作宜與古風雅金傳何得情
心自智而不一縱觀旁薄今昔乎乃誓以十年
之力收拾導擇證據批摘彙之如品唐詩者凡

文

四卷 三

得文萬篇當其時兄弟三四人坐一小園中分
櫺而閱之鑿垣而饋凡再月一朝嚴君更番者
數焉而乃得其所以爲文試一題至累日不能
下汪然若有遺隳然若有忘若此者之於本業
也亦可謂窮歲年謝歡昵疲形焦思以爲之者
矣而近得文若干首此若干首者知其于世所
爲復何如也余聞而悲之亟取視焉文雖不多

而一篇之中斷續起伏流變處常有光怪其所
欲言則反覆痛道詳麗轉致若與曉人良晤期
于傾盡其所懷而常若有所不盡其所不欲言
則衍案掩抑寥戾稽詰如與陳人道中莽蒼數
語而意態常在所言之外此其中倘亦言外之
音致中之致與非有十年之力銷鎔萬篇宜不
及此余樂之甚錄示兄開遠等而稍爲點其煩
文
四卷 无

長者得九十餘首傳之嗟夫生蓋有所出於人
也乎

朱懋忠制義敘

通天地之化者在氣機奪天地之化者亦在氣
機化之所至氣必至焉氣之所至機必至焉孫
策起少年非有家門積聚之勢朝廷節制之重
然以三千人涉江淮吳會止有江東袁曹貽膠

而不敢正視然竟以蹶此氣勝而機不勝者也
諸葛武侯精其技至于水牛流馬然終不能出
漢中夷陵一步窺長安許洛者此機勝而氣不
勝也天下文章有類乎是莽莽者氣乎旋旋者
機乎莊生曰萬物出乎機入乎機天下有中氣
有畸氣中主要而難見畸挈激而易行氣與機
相輔相軋以出天下事舉可得而議也吾以爲
文
四卷 无

二者莫先乎養氣養氣有二子曰智者動仁者
靜仁者樂山而智者樂水故有以靜養氣者規
規環室之中回回寸管之內如所云胎息踵息
云者此其人心深而思完機寂而轉發爲文章
如山嶽之凝正雖川流必溶消也故曰仁者之
見有以動養其氣者泠泠物化之間疊疊事業
之際所謂鼓之舞之云者此其人心鍊而思精

機照而疾發爲文章如水波之淵沛雖山立必
陂陀也故曰智者之見二者皆足以吐納性情
通極天下之變下此百姓文章耳蓋日用飲食
而未嘗知爲者也余與懋忠尊人景岳先生學
同校宦同地最久懋忠因時時過而論蔡焉殆
數年于茲矣未嘗不以氣機二字相屬而近讀
其所奏文章三十篇則兩者俱來矣勃律曄曄
其高華之執也天紹汪沆其長廣之思也捷疾
條燦不傷于法增積委磊不傷于神殆又于山
水動靜之意而庶幾焉者懋忠爲我言曰生意
所欲爲固不止是時時讀書爲人間事所廢不
然殆有進而可以當先生者然則生之所以養
氣發機者得微有偏智之累乎雖然持此三十
篇者正堂堂與天下智計之士奪靈而舞江

文

四卷 辛

以東不足爲也

玉茗堂全集卷之四 終

文

三五

玉茗堂全集

臨川義興湯顯祖著

序

蜀大藏經敘

大藏經乃迦葉尊者文殊大智閑昧筌文紐玄
撰極蒼品佇其淵色眷屬皈其檀度所以拯接
恨蒙圓明竅幻者自周昭掩宿而後莫與倫采

文

五卷

矣象帝標玄竅之觀似已涉其空實素王開貫
一之宗亦未消其能所道則縱而荒寬儒則拘
而齷宇明虛者傷華辯之雕守殘者慮小言之
破由斯以則殆邈絕於西音矣是以晞法空之
所泯則形識俱遺屬一多之所冥斯性塵並杳
若乃波想者夷陸顧杭影而每遲熱愛者焚和
湯涼雲而已後故旋因慧業非竟證之所圓細

滑聲香非等觀之所外至如報身六道本屬未
來解難千聲寧容勿怖良以惡趣易淪身器難
拔是用垂心巧趣畧影神通緣廢行而立方非
至人之通喻也茲理虧蘊茫無叩擊南北二都
間啟玄集等趨諷論曉不舉翳旋爲疑法悟不
真修增名佞佛中土已爾况在遐徼今蜀法師
某體西方之秀氣發南瞻之勝心出身許道化

文

五卷

物爲宗倡自蠶叢來購龍藏過明月之峽則戒
景夜淨度神雲之觀而空華曉廓振策興井之
區止後玄枵之次泛綃川如淨海跋翠危若平
道往返如斯卷笈無恙蓋亦諸天冥贊龍神合
擁靈契如斯顯閱矣實賴復城楊公江漢育其
英潤大塊資其玄量淡心不二鎔想第一前現
宰緣而試諦今托郎贊而精進感彼西來之意

都無上慢之心并力經營平標旨格威儀功行
可爲讚嘆者矣如其者雖轉迹於風埃實韜懷
於月相流慈善友非今日矣丙子朱明謬繙經
於長干故寺已卯玄朔忝升座於清涼勝墟今
已翦情嚴律含識無學間以微言相約不欲雄
機接辯矣偶鑒往僧之勤苦奉楊公之弘施復
爲跌揚首義於多寶之窟聊抽寸珠香藥之林

文

五卷 三

仍念片葉庶西方大衆啟軸知歸獲以嗣宣闕
韻普餐力味龜城淨爲鹿苑峨眉升爲鷲嶺非
弘願與至於單繹是正廣繕別本使四部恒流
三災不壞是在善緣引領禪悅

五燈會元序

達磨西來掃滅文字五燈出文字復爲祟矣大
都此方教體卽伊聲聞而支那傳心文爲結習

神而明之存乎其人耳能道人得法黃梅初心
亦用金剛語證入文字亦何負於此方哉慧經
其能道人後身耶誕生時已感經聲而來啟悟
復從應無所住而入及其了徹乃證入杉山不
思議境夫杉山馬駒下人始終證悟與曹溪若
合符節其爲能道人再來無疑刊五燈會元嘉
惠承學用熟來因耳莊語火傳佛心燈傳燈燈

文

五卷 四

相度今之爲燈光者非昔之爲燈光者也而其
爲燈明一也向使佛心可傳則三藏亦足如不
可傳文字不乃爲祟耶嘗謂迦葉拈花別開一
路持表示信祇因此土文習業浚因緣依文不
捨故其五葉兒孫惟用一翻字法門掃除文障
直指心地法門其於文字蓋亦無幾矣而見色
聞聲見聞爲倚至臨濟捧喝一施生死本除故

曰無始劫來生死本癡人喚作本來身既已歸
穴焚巢豈非祖家一快而狂慧一啟真贗轉紛
不得已分其正偏別其實主用寶珠而酬王子
以茅土而賞勳臣嫡庶之分既嚴真偽之差始
現則雲門法眼之苦心而曹洞以來不失之家
法也若如僞仰父子默相指授以忠國師三十
六字傳心其事顛漢唐之護秦璽實乃周孔之

文

五卷 五

守義畫耳既使文字之徒無處住足亦令棒喝
之流無從下口而獅乳醍醐始不爲馬駱牛漿
溷立法至此辯統益嚴究其指歸要不過一直
指心地法門而已故曰五燈支子不過用一翻
字法門卽有強項魔王痴心調達跳出五燈之
外不殊一鼓之弄琵琶乃知文學盛則律嚴律
嚴利用解故有契北之街頭少林之酒肆解慧

學盛而解復狂解狂利用肅故有神光之定業
神秀之北宗嗚呼解之何心肅之又何心則釋
迦支吾當場弄醜達磨伎倆魔魅兒孫南北二
宗可曾其元直向文字堆中蝕穿故紙淡山頂
上坐破蒲團亦與契北示現之一燈明耳經之
言曰宗眼不明非爲究竟後有閱五燈會元得
其眼者乎慧經之報佛恩不虛矣

文

五卷 六

王季重小題文字序

時文字能于筆墨之外言所欲言者三人而已
歸太僕之長句諸君燮之緒音胡天一之奇想
各有其病天下莫敢望焉以今觀王季重文字
殆其四之而季重以能爲古文詞詩歌故多風
人之致光色猶若可異焉大致天之生才雖不
能衆亦不獨絕至爲文詞有成有不成者三兒

時多慧裁識書名父師迷之以傳註括帖不得見古人縱橫浩渺之書一食其塵不復可鮮一也乃幸爲諸生困未斂達踴躍出沒于校試之場久之氣色漸落何暇議尺幅之外哉二也人雖有才亦視其所生生于隱屏山川人物居室遊御鴻顯高壯幽奇怪俠之事未有親焉神明無所練濯匈腹無所厭餘耳目既吝手足必蹇

文

五卷 七

三也凡此三者皆能使人才力不已焉才力頓盡而可爲悲傷者往往如是也若季重者五歲遍受五經十歲恣爲文章二十而成進士蓋一代之才也而天亦若有以異之者大越之墟古今冠帶之國也固已受靈氣于斯而世籍都下往來燕越間起禹穴吳山江海淮沂東上岱宗西迤太行歸乎神都所遊目天下之殿脊喉顙

處也英雄之所躋美好之所鋪成在矣於以豁心神紆眺聽者必將鬱結乎文章而又少無專門承學之間靈心洞脫孤遊皓杳蚤爲貴公鉅人所賞聞所未聞出見少年裘馬弓劍旗亭陌道之間顧而樂之此亦文心之所貽佇也身復蚤達曾無諸生一日之憂名字所至贊嘆盈矚故其爲文字也高廣其心神亮瀏其音節精華

文

五卷 八

甚充顏色甚悅綬焉者如嶺雲之媚天霄綯焉者如江霞之蕩林樾乍翕乍辟如崩如興不可迫視莫或殫形大有傳疏之所曾遺著錄之所未經者矣嗟夫以一代之才而絕三者之累若此不亦宜乎其爲古文詞詩歌又何如也雖然才士而宦業流通亦無以周世物之容而旣以當塗令高第爲郎矣復抑而命青浦青浦故屬

長卿所治縣也長卿既以此出大越名天下而季重書來乃更以歸休讀書爲懷夫季重固已讀書矣凡爲若談者當亦有未盡其才之嘆耶然則天之于季重誠若有以異之無已也夫

攬秀樓文選序

蓋嘉靖後二十年中南州文學士輩出司文命者又雅意臨視之精其教而美其食士各偉博

文

五卷 九

通遠自好文無慮數十家名公卿郎吏二千石賢豪好修之士多在焉易同人而後大又曰大而後可觀此一時也後稍教養衰替士各爲學而陳鄧二公自以制舉義爲天下第一陳公猶有他文字十數篇鄧公獨傳試春官七義耳聞之鄧公多閉閣自證其理理爲通物或同學而求或獨造而致大于材而正于品固無異也嗣

是南州數君子相與講習其風不絕余每如童門前後旅進就業者往往而是會攬秀樓中其盛積文字三百首登覽餘閑時爲裁定點正蓋同而大大而可觀又將有在于此夫豫章多美才江湖之濱無不猥大常然矣顧其中有負萬乘之器而連卷離奇有備百物之宜而爛熳歷落總之各效其品之所異無失于法之所同耳

文

五卷 十

已况吾江以西固名理地也故真有才者原理以定常適法以盡變常不定不可以定品變不盡不可以盡才才不可強而致也品不可功力而求于言之吾思中行而不可得則必狂狷者矣語之于文狷者精約儼厲好正務潔持斤捉引不失繩墨士則雅焉然予所喜乃多進取者其爲文類高廣而明秀疏夷而蒼淵在聖門則

曾點之空資子張之輝光于天人之際性命之微莫不有所窺也因以裁其狂斐之致無詭于型無羨于幅裁然泐泐然證于方內未知其何如妄意才品所具若茲于先正所爲同而求獨而致者或不至遠甚各公卿郎吏賢豪好修之士時而試天下第一者將有在與嘻此諸君子所自爲豈世目所得定也

文

五卷 十二

合奇序

世間惟拘儒老生不可與言文耳多未聞目多未見而出其鄙委牽拘之識相天下文章寧復有文章乎予謂文章之妙不在步趨形似之間自然靈氣恍惚而來不思而至怪怪奇奇莫可名狀非物尋常得以合之蘇子瞻畫枯株竹石絕異古今畫格乃愈奇妙若以畫格程之幾不

入格米家山水人物不多用意畧施數筆形像宛然正使有意爲之亦復不佳故夫筆墨小技可以入神而證聖自非通人誰與解此吾鄉丘毛伯選海內合奇文止百餘篇奇無所不合或片紙短幅寸人豆馬或長河巨浪洶洶崩屋或流水孤村寒鴉古木或嵐煙草樹蒼狗白衣或彝鼎商周丘索墳典凡天地間奇偉靈異高朗

文

五卷 十二

古宕之氣猶及見於斯編神矣化矣夫使筆墨不靈聖賢減色皆浮沉習氣爲之魔士有志於千秋寧爲狂狷母爲鄉愿試取毛伯是編讀之

張元長噓雲軒文字序

天下大致十人中三四有靈性能爲伎巧文章竟伯什人乃至千人無名能爲者則乃其性少靈者與老師云性近而習遠今之爲士者習爲

試墨之文久之無往而非墨也猶爲詞臣者習爲試程久之無往而非程也寧惟制舉之文介勉強爲古文詞詩歌亦無往而非墨程也者則豈習是者必無靈性與何離其習而不能言也夫不能其性而第言習則必有所有餘餘而鮮故不足陳也猶將有所不足所不足者又必不能取引而致也蓋十餘年間而天下始好爲

文

五卷 十二

才士之文然恒爲世所疑異曰烏用是決裂爲文故有體嗟誰謂文無體耶觀物之動者自龍至極微莫不有體文之大小類是獨有靈性者自爲龍耳近吳之文得爲龍者二龍有醇灝豐燁雲氣從滃鬱而興幽毓橫薄不可窮施者錢受之之文也有英秀蜚媚雲氣從之夭矯而舒凌采傾洗不可測執者張元長之文也受之之

文已貴獨元長廢然家居尚未有貴而獨行之者山東王公又新爲常郡理得其文愛重之馳以示予讀之既嘆曰所爲文目天下之至襍而不可厭也出入元長指吻間而天地古今人理物情之變幾盡大小隱顯開塞斷續徑延而行離致獨絕咸以成乎自然讀之者若疑若忘恍然與之同情矣亦不知其所以然然則元長不

文

五卷 十四

嘗試爲墨程習平日彼以靈性習之者也度其十餘年中習氣殆盡故技巧至于斯善乎王公題其文曰噓雲言噓氣成雲也龍也龍何習哉

序丘毛伯稿

天下文章所以有生氣者全在奇士士奇則心靈心靈則能飛動能飛動則下上天地來去古今可以屈伸長短生滅如意如意則可以無所

不如彼言天地古今之義而不能皆如者不能
自如其意者也不能如意者意有所滯常人也
蛾伏也伏而飛焉可以無所不至當其蠕蠕時
不知其能至此極也是故善畫者觀猛士劍舞
善書者觀擔夫爭道善琴者聽淋雨崩山彼其
意誠欲憤積決裂掣展關接盡其意勢之所必
極以開發於一時耳目不可及而怪也吾鄉丘

文

五卷 五

毛伯文頗類乎是其人心靈能出入於微眇故
其變動有象常鼓舞而盡其詞詞以立意爲宗
其所立者常若非經生之常意巽然而可喜徐
理之固應如是也迫促刳括案衍固獲咸其自
取力足以遂之機足以轉之如毛伯者世之奇
異人也傳曰同明相照同氣相求聖人作而萬
物覩蓋聞世有霍林先生者其人正而通於大

道善爲典則之文天下人士苟有意乎言者以
其文爲聖而師之然莫敢自名爲高弟子者而
吾鄉毛伯在焉遺其滅沒之形收其靈異之氣
世多疑霍林先生好奇士乃不類其所自爲嗟
夫雖先生亦安得以其所自爲率天下士哉顧
士有所謂奇者必如吾鄉毛伯焉其可也

汪閻夫制義序

文

五卷 六

說者云舒櫻寧實番慧其家司馬故晦之以神
其事夫以櫻寧之大對其援古昔切時世有學
究老吏所不能說者良不妄以予所聞汪閻夫
何年少而多奇也其爲文奇肆橫出類豎獨絕
旁薄而前天下莫能當聞其家太史故欲爲晦
閻局之深室寘書數萬卷絕不通賓客度非太
史不能成閻夫矣雖然閻夫之光故自難揜賈

生弱冠吳河南舉秀上聞王僧虔弱齡袁司徒
望風推服世患無吳表耳此道父不能譽其子
亦安能閔其子耶風胡之治劍也百辟而成之
秘不以示人而鋒芒發絕迺至于斗截彗飛鳴
吳出楚其秘之久也玉人之攻玉也百琢而成
之不示人以璞而精華流炫迺至晁采宵光城
秦國號其藏之久也闇夫之秘藏久矣太史可

文

五卷 十七

出以示人矣

陽秋館詩賦選序

夫有盡者生之所資無盡者性之所愜居室饒
藉所以資生山水咏述所以愜性滯所資之役
遺所愜之契則謂之世人盡所愜之期遺所生
之累則謂之出世兩人皆殉而趣度杳絕聲
音粗妙亦隨以移差易了耳隱世人之迹明世

外之心托居室于山水遲儻籍爲咏述凡夫落
飾之具代耕之物就之則羊羶可厭棄之則鷄
肋可惜勉身和就疑志或躍憤懣有午鬱撓漏
射精發越于興居思沉迴乎往復若援曲匏而
咀嚙洞疎琴而切造磻礪官商之內澆潏羽角
之際自各一家足稱高士集者則吾兄帥惟審
耳惟審成童舉于鄉逾壯始成進士除縣長不

文

五卷 六

拜掌故汝寧遷太學正主虞部事乞南至膳部
郎滿歲出守思南謫分離於越量移鄴郡丞復
拜南比部郎引病自免君慧敏純固特于討論
一路暎發揉結亦復好之下帷佔畢至忘馬色
行路思惟或墜坑塹博物精理代欲寡貳加以
嘆世慕古長想遠思口不談阿堵之事手不執
琉璃之器聲響兼絕枕席鉛槧酬名理則至暮

忘食啟時勢則白日欲寢既以遊宦曲折感槩
遂多小楊墨而無讓非湯武而不顧阮嗣宗愛
東平土風張思光喜晉平闇外然而金張靡托
年事漸往衡泌稍葺糧藥粗立哀樂之外無復
措意先有集若干卷龍蛇在歲彼病息夏會予
歸自嶺海謂曰千秋誰知定吾文者可謂知言
余集于其定之乃爲正定若干卷君復閉戶清

文

五卷 十九

削減前十二三稿就而卒卒後十年桐城劉君
燕及實來弦歌茲暇欽企舊德命刻以傳因爲
論之江湖以西柴桑令友顏謝之間當改革之
運委志不仕義取素賁和澹蕭遠固其獨致而
思南君性寄凝藹運直休泰散郎荒牧雅足流
蒞資生愜性不至睽裂故可以吐朝市而納星
壤憎寒暑而便清燠年德轉升望實弥定深穠

澹簡率境而成顏謝之間柴桑之後一人而已
然陶集恨少帥集恨多少則人不知富多則人
不知貴千秋予言固常有會耳

明德羅先生詩集序

記有之人其國其人潔淨精微深於易者也溫
柔敦厚深於詩者也如此則其人易知矣孟子
言尙友古之人誦其詩不知其人可乎今之人

文

五卷 二十

以詩相示誦之則其人亦已可知矣乃古之人
若有其詩可誦而其人尙有未可知者以待論
其世而後知夫世之爲世古之爲古也古之爲
古卽其人之所以爲人也故夫論古之世而後
知古之人非其世何以有其人然非其人亦何
以有其世故孟子曰伊尹柳下惠孔子皆古聖
人也明德夫子之巧力於時也非所得好而私

之其於先覺覺天下也可謂任之矣而冲焉若
後覺者其所與人蓋已由由斯而又非有爾我
不相爲免之意殆時爾耶吾遊夫子之世矣所
至若元和之條和流風穆羽若樂之出於虛而
滿於自然也已而瑟然明以清夫子歸而弟子
不得聞於斯音也若上世然矣夫子在而世若
忻生夫子亡而世若焦沒吾觀今天下之善士

文

五卷 三

不知吾師其爲古之人遠矣今之世誦其詩知
其厚以柔而師之卒也以學易其淨以微亦非
世所能知也淨故厚微故柔雖然論其世知其
人者亦幾其人哉則亦誦其詩而可矣

徐司空詩草敘

余待詔容臺署中六月苦暵甚無可如何迺託
養疴號沈响用避兩都之患也而同署徐敬輿

君求我於僻劇譚逾晷矣袖出一篇投淚而視
余曰此先子司空大夫之什也不敢以行於世
敢以藏諸宗當爲令而梓之君爲言其首余讀
一再過嘆語之曰余見今人之詩種有幾清者
病無有者病濁非有者之必濁其所有者濁也
杜子美不能爲清况今之人李白清而傷無余
嘗爲友人分詆而作詞因知大雅之亡崇于工

文

五卷 三

律南方之曲刊北調而齊之律象也曾不如中
原長調庵庵隱隱淙淙冷冷得暘其才情故善
賦者以古詩爲餘善古詩者以律詩爲餘君之
先子唐人筆也然宦遊酬對多爲律詩所以芳
華微吐藻實猶蘊大抵擬工于杜而清勝之其
孟浩然劉長卿之亞也當亦有從聞詩者歟君
慨然曰受大父教因出其大父白谷先生之誦

餘讀騷經爲閨賦者也又經與其弟魯源先生
沉繹古學詩思醇深余嘆曰靈根濬源司空大
夫上有父下有子子爲人復端亮而仁孝大夫
爲不亡君案歎而謝日子之言可以引矣徐生
出門余復謝客

金竺山房詩序

詩者風而已矣或曰風者物所以相移亦物所

文

五卷 三

自足有不可得而移者十三國之風采而爲詩
舒促鄙秀澹縹夷隘各以所從星氣有直水土
有比宮商之民不得輕而徵羽明條之地不得
垂而闇莫此儀所以南操而鳥所以莊吟也江
以西有詩而吳人厭其理致吳有詩江以西厭
其風流予謂此兩者好而不可厭亦各其風然
不可強而輕重也立言者能一其風是以有行

于天下若夫金右辰之詩有不止一其風而並
兩者以寃焉唐貞元以後言詩而相遜庾李杜
止爾予觀右辰才氣淳積崑崙瑰瑋衍衍魁然
其大而不可以細視也又兀乎其奇而不敢以
正視也想其含吐揮設之際思緒興寄雲湧而
興發而成如萬竅倏厲倏濟騷騷而于于如
屠坦一日解十二牛四顧滿志誠有隴西不足
爲其輕少陵不足爲其重者嘗戲之曰永新山
川幾許而當有生生曰某非永新而已也而來
吳大鄣嘻吁其知之矣新安者江吳之集而永
新者江楚之交其地脉精采射越當乎右辰故
其詩旁魄憤發幽繚致屬則大鄣之氣也標貴
玄微該驗條傳則又非若吳人之風露自賞者
兩者之風較然粲然矣得一爲美好而況其兼

文

五卷 三

焉而不專者乎客曰生之詩直寄焉已耳生廣
涉天下經制之事好與大人先生相傲倪夜半
醉臥或竟日抵掌與語星歷氣候山林兵策河
渠園府方技釋說曷以玄釋辨如決河中如射
覆大人先生卒當之口挂不能窮也其大且奇
如此然生故遠千里而與我書曰身爲掌故弟
子不宜越俎而議風雅夫風雅正弟子事兼深
文
五卷 圭

王生借山齋詩帙序

江左王氏世濟其美於明則王氏顯於齊安齊
安在江北然故江東地也稚欽太史崛起武廟

時以節義文章雄長一時子聲繼之子雲其再
從弟也造物之與於人也多所惜厚之花者斬
其實傳之翼者兩其足稚欽以異材自顯幸乃
讀中秘書詎擯斥以成子聲不爲不蚤達竟終
臨漳令不究其施故王氏之聲怨而多思其節
婉以悲殆與騷近有風人小雅之意焉怨而無
誹悲而無傷子雲之聲何其多怨也語云士不
窮愁不能著書天亦窮子雲以發其聲吾聞其
宗有行父厚之叔芳皆能世其家學宗之窮愁
爲甚王氏何多材哉英英然追江左矣一家之
中挾江漢湘騷而起者後先六七人其取於造
物多矣造物妬之固宜

王荅堂全集卷之五

終

玉茗堂全集

臨川義仍湯顯祖著

題詞

旗亭記題詞

予讀小史氏宋靖康間董元卿事伉儷之義甚奇元卿能不忘其君隱於仇離某氏能歸其夫且自歸也最所奇者以豪鷲之兄而一女子能

文

六卷一

再用之以濟却金示衣轉變輕微立俠節於閨閣嫌疑之間完大義於山河亂絕之際其事可歌可舞常以語好事者而友人鄭君豹先遂以浹日成之其詞南北交參才情竝越千秋之下某氏一戎馬間婦人時勃勃有生氣亦詞人之筆機也嗟夫董生得反南冠矣獨恨在宋無所短長於時有以自見使某氏之俠烈不獲登於

正史而芴落於傳奇雖然世之男子不能如奇婦人者亦何止一董元卿也

玉合記題詞

余往春客宛陵殊闕如邛之遇猶憶水西官柳蘇蘇可人時送我者姜令沈君典梅生禹金賓從十數人去今十年矣八月太常齋出宛然梅生造焉爲問故所遊長者俱銷亡在者亦多流

文

六卷二

泊余泫然久之爲問水西官柳生曰所謂縱使君來不堪折也因出其所爲章臺柳記若干章示余曰人生若朝暮聚散喧悲常雜其半奈何忘鼓缶之驩闕遇旬之宴乎予觀其詞視予所爲霍小玉傳並其沉麗之思減其穠長之累且予曲中乃有譏托爲部長吏抑止不行多半韓斯上傳中矣梅生傳事而止足傳於時第予昔

時一曲纔就輒爲玉雲生夜舞朝歌而去生故
修竊其音若絲遼徹青雲莫不言好觀者萬人
乃至九紫君之酬對悍捷雲昌子之供頓清饒
各極一時之致也梅生工曲獨不獲此二三君
相爲賞度增其華暢耳九紫玉雲先嘗題書問
梅生梅生因問三君者一來遊江東乎予曰自
我來斯風流頓盡玉雲生容華亦長矣嗟夫事

文

六卷 三

如章臺柳者可勝道哉爲之倚風增歎

牡丹亭記題詞

天下女子有情寧有如杜麗娘者乎夢其人卽
病病卽彌連至手畫形容傳於世而後死死三
年矣復能溟莫中求得其所夢者而生如麗娘
者乃可謂之有情人耳情不知所起一往而深
生者可以死死可以生生而不可與死死而不

可復生者皆非情之至也夢中之情何必非真
天下豈少夢中之人耶必因薦枕而成親待掛
冠而爲密者皆形骸之論也傳杜太守事者彷彿
晉武都守李仲文廣州守馮孝將兒女事予
稍爲更而演之至於杜守收考柳生亦如漢睢
陽王收考談生也嗟夫人世之事非人世所可
盡自非通人恒以理相格耳第二云理之所必無
安知情之所必有邪

文

六卷 四

邯鄲夢記題詞

士方窮苦無聊倏然而與語出將入相之事未
嘗不憮然太息庶幾一遇之也及夫身都將相
飽厭濃醒之奉迫束形勢之務倏然而語以神
仙之道清微閒曠又未嘗不欣然而歎惘然若
有遺暫若清泉之活其目而涼風之拂其軀也

又况乎有不意之憂難言之事者乎回首神仙
蓋亦英雄之大致矣邯鄲夢記盧生遇仙旅舍
授枕而得婦遇主因入以開元時人物事勢通
漕於陝拓地於番讒構而流讒亡而相於中寵
辱得喪生死之情甚具大率推廣焦湖祝枕事
爲之耳世傳李鄴侯泌作不可知然史傳泌少
好神仙之學不屑昏宦爲世主所強頗有幹濟

文

六卷 五

之業觀察却號鑿山開道至三門集以便餉漕
又數經理吐番西事元載疾其寵天子至不能
庇之爲匿泌於魏少遊所載誅召泌懶殘所謂
勿多言領取十年宰相是也枕中所記殆泌自
謂乎唐人高泌於魯連范蠡非止其功亦有其
意焉獨歎枕中生於世法影中沈酣吟嚙以至
於死一哭而醒夢死可醒真死何及或曰按記

則邊功河功蓋古今取奇之二竅矣談者殆不
必了人至乃山河影路萬古歷然未應悉成夢
具曰旣云影跡何容歷然岸谷滄桑亦豈常醒
之物耶第槩云如夢則醒復何存所知者知夢
遊醒必非枕孔中所能辯耳

南柯夢記題詞

文

六卷 六

天下忽然而有唐有淮南郡槐之中忽然而有
國有南柯此何異天下之中有魏魏之中有王
也李肇贊云貴極祿位權傾國都達人視此蟻
聚何殊嗟夫人之視蟻細碎營營去不知所爲
行不知所往意之皆爲居食事耳見其怒而酣
鬪豈不呖然而笑曰何爲者耶天上有人焉其
視下而笑也亦若是而已矣白舍人之詩曰蟻
王乞食爲臣妾螺蚌偷蟲作子孫彼此假名非

本物其間何怨復何恩世人妄以眷屬富貴影
像執爲吾想不知虛空中一大穴也倏來而去
有何家之可到哉吾所微恨者田子華處士能
文周弁能武一旦無病而死其骨肉必下爲螻
蟻食無疑矣又從而役屬其冤氣以爲臣螻蟻
之戚乃甚於虎狼此猶死者耳淳于固儼然人
也靡然而就其徵假以肺腑之親藉其枝幹之

文

六卷 七

任昔人云夢未有乘車入鼠穴者此豈不然耶
一往之情則爲所攝人處六道中顚笑不可失
也客曰人則情耳玄象何得爲彼示儆此殆不
然凡所書稊象不應人國者世儒卽疑之不知
其亦爲諸蟲等國也蓋知因天立地非偶然者
客曰所云情攝微見本傳語中不得有生天成
佛之事予曰謂蟻不當上天耶經云天中有兩

足多足等蟲世傳活萬蟻可得及第何得度
蟻生天而不作佛夢了爲覺情了爲佛境有廣
狹力有強劣而已

紫釵記題詞

往余所遊謝九紫吳拾芝曾粵祥諸君度新詞
與戲未成而是非蜂起訛言四方諸君子有危
心畧取所草具詞梓之明無所與于時也記初

文

六卷 八

名紫簫實未成亦不意其行如是帥惟審云此
案頭之書非臺上之曲也姜耀先云不若遂成
之南都多暇更爲刪潤訖名紫釵中有紫玉釵
也霍小玉能作有情痴黃衣客能作無名豪餘
人微各有致第如李生者何足道哉曲成恨帥
耶多病九紫粵祥各仕去耀先拾芝局爲諸生
倅無能歌樂之者人生榮困生死何常爲驢苦

不足當奈何

溪上落花詩題詞

長孺僧孺兄弟似無着天親不綺語人也一夕
作花溪諸詩百餘首刻燭而就予經時閉門致
思不能如其綺也長孺故美容儀少年幾爲道
人看煞妙於才情萬卷目數行下加以精心
海藏世所云千偈瀾香者其無足異獨僧孺如

文

六卷 九

愚未嘗讀書忽忽狂走已而若有所會洛誦成
河子墨成霧橫口橫筆無所畱難此獨未宜異
也僧孺故拙於姿然非恨力不具者以學佛故
早斷婚觸殆欲不知大瓊間乃有婦人矣而諸
詩長短中所爲形寫幽微更極其致如溪上落
花詩芳心都欲盡微波更不通有艷都成錯無
情乍可依不妨作道人語至如春日獨當爐卓

女盈盈亦酒家數錢未償半羞花僧孺下近爐
頭何知羞態七寶避風臺翠纓裙帶愁牽斷鎖
得斜風燕子來僧孺未親裙帶何知可以鎖燕
燕姬墮馬一道香塵出馬頭金蓮銀鬘緊相鈎
僧孺未曾秣馬何識香尖春閨怨乳燕春歸玳
瑁梁無心顛倒繡鴛鴦僧孺未經摧繡安識倒
鍼當是從聲聞中聞綠覺中覺耶無亦定中慧

文

六卷 十

耳然予覽二音有私喜焉世云學佛人作綺語
業當入無間獄如此喜二虞入地當在我先又
云慧業文人應生天上則我生天亦在二虞之
後矣

湯許二會元制義點閱題詞

人之愛子甚于愛其身度其身常智度其子常
愚此其故何也予弱冠舉于鄉頗引先正錢正

之法自異其伍已輒流宕詞賦間所知多謂予
何不用法更一幸爲南宮首士最而好自潰敗
爲予心感其言不能用也庚壬二午間制義不
能盈十比杭守貳監利姜公竒方迫予明聖湖
頭令作菰已近臘而逾春卒卒成一第去久乃
悔之予力與機可爲王錢而遠之者亦非命也
生長子遽年孟舒早慧因以所常悔者望之取

文

六卷 十一

國朝省會諸元作定爲正清側清之目示之兒
遽曰何一以清耶予曰萬物惟清者貴元骨皆
清十之三不能無側者耳此目隨遽亡去欲翼
目之仲大者曰元多時貴人或以側爲諱已之
時季子開遠方學菰求可爲法者予教之曰文
字起伏離合斷接而已極其變自熟而自知之
父不能得其子也雖然盡于法與機耳法若止

而機若行錢王遠矣因取湯許二公文字數百
篇爲指畫以示湯公止中有行行而常止許公
行中有止止而常行皆所爲正清者也不從橫
氣來不從橫襲見得天高而人深故法聖而機
神此予之所遷延流離而不能得者也而以教
吾子此豈不謂之大愚也哉 庚戌

蕭伯玉制義題詞

文

六卷 十二

唐人有言不顛不狂其名不彰世奉其言以視
士人文字苟有委棄繩墨縱心橫意力成一致
之言者舉詭曰此其沸名已耳下者非其固有
高者非其誠然予少病此語必若所云張旭之
顛李白之狂亦謂不如此名不可猝成耶第曰
怪怪奇奇不可時施是則然耳予所友吉州人
士最篤長者義理淳深少者亦復風氣雄遠緩

急可爲世有故予每見吉州人士輒喜寔不同
餘州人也九月聽榜南州纍纍然誦其名至泰
和蕭君士瑋則啞然羣嘆曰此名士也予益爲
之喜已乃知爲予邑南海葉侯所錄伯玉來謁
謝而同陳大士夕予燕語冲然流蒞今昔目中
久不見如許客也明日得其文字十數首大致
奇發穎豎離衆獨絕繩墨之外粲然能有所言

文

六卷 三

非苟爲名而已大士曰方岳李公觀察葛公且
爲伯玉刻此行之夫二公者士所証嚮聞人也
而已爾則向所云不可時施者又不然矣夫不
苟爲名而又可以時施此亦天下之至文也

芳草集題詞

辛丑夏五予坐廢交遊殆絕有客泠然數千里
扣玉茗堂扉而去媒以芳草詩蓋吳下彭興祖

也急起攝衣冠而謝之舉其世則吳先賢彭孔
嘉先生其祖云芳草詩晉江李宗謙爲序首引
王長公布衣遊三人云俞仲蔚好里居而興祖
喜遊謝茂秦俠廬次梗使酒與祖都無此意庶
幾馴雅君子與興祖宴遊月餘恂謹殆甚間所
嘗遊必爲堅護其所不足而按衍其所長於遊
道中號爲長者每出其詩一過於宗謙瀟灑婉

文

六卷 十四

藉之目可謂如其人如其人嗟夫 肅廟在御
天下豐樂 上好爲神仙清詞詞臣向用因風
隨流客都官者各厭所懷而去人士日以嬉遊
工文詞聲伎使氣彈射相高亦其時也屬者此
道殆絕文章家鉅人皆已前死而予亦坐廢空
竇蓼落之中見所爲彭先生孫者殆亦莊生所
云蹉然足音也予觀王長公謂彭先生豪於文

詞貌伏爽秀絕不挂人臧否沃之酒醉而益恂
興祖之文情酒德乃自其祖以來莽莽榛圃固
不足爲大雅道矣生且行還吳見馮元敏先生
過廣平見大梁男子劉誠父其亦有同予落穆
之悲乎芳草之詩曰何如薄世務又欲求知音
殊有味乎其言之也偶爲題其卷之首

玉茗堂全集卷之六

文

六卷

十五

玉茗堂全集

臨川義仍湯顯祖著

記

江西按察司修正衙宇記

代作

臬司法度之所出納處也其公私堂舍中側高
下晦明長廣皆必有中乎臬而後可以觀可以
處是故易之蠱有事而賁有止也事固未有離

文

七卷

一

因革者因而莫可以革革而莫有以因則亦猶
之乎因革而已惟夫因而必不可以無革革而
幸可以無失其因則一不爲過勞而永可以幾
逸法易以維新而衆可與樂成此其善物也江
西臬司政事堂蓋今上甲申歲吾師金存菴先
生所重飭者拔地起如雲綠是衙齋益以仰而
下且故東偏也昨冬予代乏度之久日失公宇

而莫爲之興偏而莫爲之正得無非臬所
宜乎先政者安之惟節之虞夫節取不傷財不
頗民而已矣幸有以因予敢安而弗圖于是因
其署而中之一棖無易也因其房而翼之益五
木十之一因厚而高之三尺餘前後隙地障爲
三各因而一之又因而屏焉級焉引以升無迫
于堂也方隅之與隆也因而閣焉銘之以東井

文

七卷 二

垣以內東西三十六丈南北二十二丈其方隅
卽洿也因而截其三之一爲水榭焉拓舊署之
一鎮二楹而三耳且非徒如是而已也徒隸無
所廢于官工稍無所料于民因于堂用之餘節
縮而供之裁具而止在節中正以通不敢謂當
位乎是殆所謂蠱而後事賁而卽止者與夫然
後堂與署靚乎其直而相望也益闕以明平乎

其達而無仰也塏以清翼乎其崇而相將也嚴
以盈可以出憲令可以時陰陽可以式燕而周
謀可以退食而靜思然卽吾屬之罔不克臬也
其永有躋于是乎是役也昉丁未臘六日落成
戊申四月八日始終其勞者南昌周令君也予
爲大書書其額及東井銘與楹庭并姓氏詳碑
陰云

文

七卷 三

顧涇凡小辨軒記

凡天下從大而視小不精從小而視大不盡此
夫以識爲大小者也居明不可以見暗在暗可
以見明此夫以境爲辨塞者也惟道顯諸仁藏
諸用其藏也復其顯也辨物無非用用無非仁
逝而反賡而微非心之所爲也道也有然而舉
九德之卦復若小焉耳言復者莫辨于大學之

道知止而後有定以能慮止者復也不復不止止而慮則其辨也天下而反之身心意遽相復也遽相小也而意復于知復于知則彌小耳乃又在乎格物物天下之物也格則其辨也心不在焉乃至視不見聽不聞食而不知其味不在者不復也不復雖食味聲色不可知而又奚辨焉學道者因至閉關之文爲主靜之說夫自然

文

七卷 四

之道靜知止則靜耳安所得靜而主之象曰商賈不行后不省方此非主靜之言也環天下之辨于物者莫若商賈之行與夫后之省方何也合其意識境界與天下之物遇而後辨夫遇而後辨固有所不及辨者若夫不行而行不省而省所謂自然之辨也與然則聖人何小乎復而大乎乾復之小乾之小也乾之大復之大也乾

大而明終始復小而辨于物其知一也聖人于顏氏子問仁告之曰克己復禮爲仁此亦顯仁藏用之說至視聽言動皆復而天下之能事畢矣故曰不遠復有不善未嘗不知吾友涇凡君懷顏氏之資幾學易之年有意乎是以名居稱名以小而取數于故廣其義以貽之具以諗于諸君子知復之所在者

文

七卷 五

蘄水朱康侯行義記

天下有意義之事非庸廢人所得與也何也庸廢人不足以受此名不足以食此報蓋必存乎其人雖然以爲名而張之報而收之則亦庸廢人之事非有人其中也人之大致惟俠與儒而人生大患莫急于有生而無食尤莫急于有士才而蒙世難庸廢人視之曰此皆無與吾事也

天下皆若人之見則人盡可以餓死而我獨飽
天下才士皆可辱可殺而我獨頑然以生推類
以盡天下寧復有兄弟宗黨朋友相拯絕寄妻
子之事耶此俠者之所不欲聞而亦非儒者之
所欲見也以予所聞亡友河內太守蘄朱子得
之弟康侯有足記者其從兄子貞破千金之產
豪浪結客產盡去而爲漁大澤中不得魚殊泣

文

七卷 六

自傷康侯曰如此天下聞之必以俠爲悔歲與
之田百斛曰吾非爲子貞八口者也初子得病
且劇自度不可起割田其宗人爲公私費康侯
益爲廣之得四百斛曰先岳伯太守之遺也施
予必稱父兄可謂儒者其最著在急難友人姜
夔一事夔黃岡諸生與王子聲一鳴康侯等爲
十二友子聲嘗爲我語夔於長安以爲才坐遊

大吏貴人所口語捕逮急對子聲已前死莫爲
言夔跳身亡去北至代所在十年矣獨其母老
人與婦居丁零訟係至求死不可得康侯常居
間存活之又時時上書理夔後稍有哀夔者得
白夔乃出曰我不可復爲郡縣諸生矣取貲所
遊而遊太學以交于賢豪長者公卿間豁吾意
康侯曰子行而嫂饑奈何吾有田數十畝近齊

文

七卷 七

目歲可粟六百斛他豪臬物類是以給嫂幸無
內顧憂夔曰可矣起別去擇日治文書行此所
爲康侯之義也或曰異日夔必有以報康侯非
也康侯何以必知異日耶或又曰康侯爲人故
拓落自喜一時聞人如郭美命瞿睿夫焦弱侯
皆相慕豔爲之記以傳康侯微亦有名之意耶
予觀康侯非泄泄爲名者天下凡有意義之事

常力不能致而心喜之口道之喜極而致固人情也如予於康侯未有聞也而獨聞之偶愚偶愚曰非惟如是而已康侯固留意內學者文字之外別有所窺若此者亦非予所知也獨怪江楚之間不少學者江多儒俠而楚多俠儒以所聞見其於兄弟宗黨友朋之急好以其身與焉而不出於庸庶人之見者亦幾何人也彼誠無

文

七卷 八

所窺者耶康侯祖江居黃能世其家學必有出文字之外者姑記其行義以風云

宣城令姜公去思記

余識宣城令荆人姜君奇方孝廉時長者後余遊宣行水陽林樹修遠厨傳甚飭已又見其人士沈君典梅禹金之流文雅風快爲之欣然令數來攸攸如也令朝京師會余上試令故江陵

相弟子師也不數日江陵弟子介令候余余謝不敢當意令且計最寵遴之矣然令終用平徙得治栗郎已復貶山東小州屬監太山妃祠余異之蓋去宣十年丞武林而病疽宣人聞之愁然趨比已宣人聞之脫然喜余又異焉夫姜君者亦蹇蹇重進止質行人耳治縣當亦無有奇何以思乎一日宣父老諸生來言狀如之且曰

文

七卷 九

令無以予民然善爲條如前役者長常署人田多者得收其旁戶租常自入豪蕩比前徵後相補射爲謬卒發覺一人至負租百萬犯至死當戕邊者至一家九人連年不決遣令至乃與囚約能輒抵所負爲除不能遣未盡十日囚空更爲法行條編均里甲里自徵輸因以訖稅如程至無可答故事吏贖常利金得自與間行其士

之二游聲不在民矣緩急無所句令曰若此所謂金生而粟死者也歲當侵奈何乃大治諸庾累穀至七萬餘石主以警良人然令在縣六年無凶災後乃連歲水敗穀種流死然後以此不饑嗟夫作令如此亦可思矣余嘆曰然則何以遷無殊則諸生瞠然造前曰沈君典在時言之矣雖江陵相亦極知姜令賢然嘗謂其子令不

文

七卷 十

與我親常衆見我後江陵相橫不肯持父喪問荆人士在都者當云我何聞獨姜有後言因以伎去且夫仕宦遇合者時也惠音者基也其時在上其基在下然則何以去十年而後思中一父老般仙飲演而前曰始令之勤吾宜也食稗衣蕪亡晝夜忽忽勉循其民間勞疾苦興立纖致口咄咄不能言常心計而手條之乃至顏色

黎露耳目將廢一時流吏姍笑爲愚然至今號令有所利便民者常君之法也乃今而後知之余不覺流聲歎曰若宣之民可謂能言其君矣百姓何負於長吏哉書之告後來者

青蓮閣記

李青蓮居士爲謫仙人金粟如來後身良是海風吹不斷江月照還空心神如在按其本未窺

文

七卷 十一

峨嶠張洞庭卧潯陽醉青山孤縱瞻映止此長江一帶耳風流遂遠八百年而後乃始有廣陵李季宣焉季宣之尊人樂翁先生有道之士也處詔而神清休然穆然五經師其講授六德宗其儀表達人有後爰發其詳夢若有持清都廣樂徘徊江庭以祝將之曰以爲汝子覺而生季宣因以名生有奇質就傳之齡騷雅千篇殆欲

上口弱冠能爲文章雲霞風霆藻神逸氣遂拜
賢書名在河岳公車數上尊人惜之曰古昔聞
人雅好鳴琴之理子無意乎季宣奉命筮仕授
山以東濟陽長資事父以事君亦資事君而事
父也三年大著良聲雅歌徒咏然而雄心未弇
俠氣猶厲處世同於海鳥在俗驚其神駿遂乃
風期爲賈患之媒文字祗招殘之檄矣君慨然

文

七卷 十三

出神武門登太山吳觀而嘯曰使吾一飲楊子
中冷水亦何必三周華不注耶且親在終致吾
臣而爲子矣則歸而從太公羣從騷牢夷猶乎
江臯眺聽壺觴言世外之事類如也起而視其
處有最勝焉江南諸山翠微浥曄几席欣言久
之夷堂發爨層樓其上望遠可以賦詩居清可
以讀書書非仙釋通隱麗娟之言有所不取然

季宣爲人偉朗橫絕喜賓客而蕪城真州故天
下之軸也四方遊人車蓋帆影無絕通江不見
季宣卽色沮而神懊以是季宣日與天下遊士
通從相與浮柏跳踉淋漓頓挫以極其致時時
挾金焦而臨北固爲褰裳蹈海之談故常與遊
者莫不貽聘相視嘆曰季宣殆青蓮後身也相
與頽其閣曰青蓮季宣嘆曰未敢然也吾有友

文

七卷 十三

江以西清遠道人試嘗問之道人聞而嘻曰有
是哉古今人不相及亦其時耳世有有情之天
下有有法之天下唐人受陳隋風流君臣遊幸
率以才情自勝則可以共浴華清從階升娛廣
寒令白也生今之世酒蕩零落尚不能得一中
縣而治彼誠遇有情之天下也今天下大致滅
才情而尊吏法故季宣低眉而在此假生白時

其才氣凌厲一世倒騎驢就巾拭面豈足道哉
海風江月千古如斯吾以爲青蓮閣記

新建汀州府儒學記 代李太守作

汀爲漢南部地水爲丁厥象文明唐開元間蔡
福撫二州輿隙之地爲州而予撫人也於汀接
建武而來固習其山川風氣矣郡學故宋紹興
間守鄭公移置中爲聖殿其後爲明倫堂至開
文 七卷 十四

慶初守胡公移殿於宮西而堂其東北不稱所
以尊嚴先師之意 國朝以來時修時圯以至
于今倅未有易其位置而新之者亦其時也今
上歲丙午予以比部郎積歲來守是拜三日
謁廟起立周矚庭廡多弗湯弗治愾焉久之問
其星土則自予省章貢石城而來琬颺陸離興
爲九龍支干橫岡學在其東雲驤飛來拜相其

中七井休光與斗河通宜其文章蔚縛以洪而
人文地氣猶若有待而充者其士之未振與其
地之弗飭與退而謀之同寮曰文翁在蜀而禮
殿興僖公居魯而泮宮作及今不理誰執其咎
度費而言之大吏報可訕辰鳩工伐堅以梁陶
膏以甃頽舉敝易滂漉以色最後因諸生之請
也而復明倫堂於殿之北以迨櫺墀廊阿齋廡
文 七卷 十五

庖廂靡敢不虔以飾蓋若干時而告成然後士
之入其門見崇垣修廡翼翼其相引也升其殿
堂見丹青黼黻煌煌其相秩也入其室見俎豆
絃簫詩書翕翕其有以相置也固皆鼓舞焉迴
翔焉若臻皇宋之舊規而相與歡樂之矣乃諸
生復求予言所以學而因爲記予三讓不敏而
乃晉學官諸生于庭曰嗟夫士知所以學乎三

代養士皆有法周衰法壞而宋爲近之仁義道德上下所以相成其法一出于是故宋之君子醇正詳雅履規蹈繩平居則相與談詩書談禮樂以觀先王之風存聖人之澤至於遠流離從容就之而無激無怠是非上有以宿養下有以自得而能耶我國家建學立師養士之法繼三代而軼宋近所爲修功令厲學官者尤至濃

文

七卷 七

會其時而多士以興猶未足以塞太守厚望諸生作新學之意也於是學官諸生殷殷焉問問焉有概于予言也而麗之學門以爲記

南昌學田記

文

七卷 七

爲之師民朝于田而暮于學也魯作泮宮鄭不毀鄉校有司于此獻囚辟之成士於此議鄉大夫之政其於上下之際亦重矣而未有經理其田係之以學者蓋所謂養民以及賢食而教之峻而發之故出于一而無肥瘠之憂也至于先師禴莫覲服鍾簋籩踐之物歲時謹而修之又無所事于田也秦不師古阡陌開而庠序塞漢

興不能起而一之馴至有宋慶曆間始詔天下郡縣皆立學而其後何司乃始嚮學往往飾其器于禮樂而講其財於仁義以是爲政之情耳蓋我國家後學徧天下分之以餼而合之以饌其德於士也亦既飽矣然而文化廣羨弟子員之來歲有增益如余所覩南昌生儒乃至七百餘人歲時有課命也而無有以食之其情不

文

七卷 六

可以久至於貧而以告者固無以應也春秋釋菜所受胙滋益多乃至假市牲而獻余受事祠下考文章而憮然于軒楹間有日矣計安所得田而爲制乎益且今令君寧國黃詹爲政且亦稔于茲而始得所爲俸幣之餘若干者爲易城南田若干石而廩于學宮之東焉歲以石十五爲牲而其餘以課士士有行而貧無以存者以

一二石與之其出入學請于縣以行而報于學使者蓋以今爲端而以來茲爲繼士庶乎其不窮于學也已雖然以爲具而止乎吾將以田語于學植者聞所爲儲田皆上腴也而近于官非遠也然而田之不以其人且稗且廢得無廢矣而主者視之不謹數猶莫得而知也數具矣而出之不禰不以食勤士振介潔而糜之乎他猶

文

七卷 九

非余易田意也予觀諸士中多從余也恢奇秀好之資比比而是且日近官廡而遊師帥紳冕之間此亦由之美而近者矣然不以美學不以學至于道能無裨且廢乎如此田雖美不知其美也以美而學且于道不日月比其成多少淺深之數亦莫能明也比其成矣而要之適于用不爲吾先師而用猶不以田祀也不爲吾同道

者而用猶不以田課士惡有行者也若然者無亦非吾養士意耶是故聖王治天下之情以爲田禮爲之耜而義爲之種然非講學亦無以稱也于是乎獲而合之仁安之樂至于食之肥而天下大順嗟夫天下之於一邑也一而已矣侯將有大于斯者姑爲取于養賢及民者而申之勸云

文

七卷 三

臨川縣新置學田記

臨川學宮自城南而遷故寶應浮圖地也與廣壽寺並衡而南學宮乃寡田以養其學官弟子而廣壽之田至若干頃中頗侈削去十一二前袁侯復之予爲記其事若曰田之設以成道資而覺世也道非世俗忙人所能得庶幾禪律之士有一聞其大道外生死者焉蓋其聞而修以

惟也已而主其田者瀾漫耗蠹不以給四方禪律法喜之食而四方之以禪律至者亦皆鈍劣朽憊不稱威儀應食之義寺虛有其田而田亦虛有其寺固未閒者之不忙而於弘廣甚深微妙之際終莫能有所明也我劉侯撫其冊而悲之曰敝敝者而何以多曰爲法王以衆生爲田吾聖王亦以人情爲田禪以禪悅食儒以儒悅食裁彼賦此亦天下之通義也遂取其若干畝與郡校而入若干畝與縣學官爲經紀學官博士諸弟子禮際振絕歲費出入皆有程於是諸博士先生弟子忻忻焉言言焉稽首而贊曰侯之惠也而仍以侯之旨屬記于予予因就博士先生而驗之曰侯蓋惠而已耶其以爲教也吾有質于此則必以受斯田而食焉者爲閒者乎

文

七卷 三

忙者乎王子墊問士士何事豈非以士爲閒者
與孟子曰尚志仁義而已殺一無罪非仁而取
非其有非義凡世俗之所爲猝不可得而閒者
要非必於仁義之事也誠能去其非而是之志
則其閒殆甚固然之廣居居之而已成然之大
路由之而已如此而大人之事已備士復何事
之有哉士固天下之閒者也博士先生盱衡而

文

七卷 三

燕坐諸生儼雅而遊翔上無公方期會之侵下
無井里竭蹶之咎舞蹈太平之世咏歌先王之
風當此之時其亦有不閒者乎吾道廣矣大矣
能無弘願深矣微矣能無妙思慮其慮何以近
聖人之居食其食何以事聖人之事有聞焉而
加修惟也乎仁以耕義以種至于安之樂食之
肥而後侯之教有獲於無窮不然飭養已具猶

彼之裁而此之賦也吾黨相與爲惠而已耶先
生覺然避席而興曰是侯旨也而亦士之志也
砥予言而籍若田于左

續天妃田記

高皇帝卽位二年勅太常司博士孫子初定儀
封號天妃歲以正月十五日三月念三日鄉祀
文皇帝卽位遣使者高品鄭和等遍海外國

文

七卷 三

欲有所聞妃著神海上天子親記其事歌呼之
祀龍江之上置守者戶羽人而和等復以金銀
諸飾物爲妃報焉 今上九年卿陸公以和所
獻貯銀三百兩買高橋門外田畝百歲入銀一
十八兩爲禱祠時有所修治費後五年予率太
常官屬視後堂又見和所畱金銀步搖花樹卮
匱合注之屬艷焉冠上花鳳流蘇玲瓏多斷落

不可檢綴念妃者天之貴人氣物之內惟虛生
神海者地之積虛處也故曰天牝因以爲妃若
以坤爲媼金爲母傳者遂曰斗中有玉女焉光
響歛曄因而像之爲作環飾此今時王妃非天
妃也然聞之神無求于人而善悲人悲心不除
所以止爲神也今廟下王者日夜供養靈帳飾
除炳芳執燭所以歌雩祝塞甚恭歲常百人而

文

七卷 三

前時所藏追鉅諸飾物又非妃所御竊以人道
事妃當亦有所悲也乃藏其諸黃金諸物而銷
其白金爲兩者得二百二十六焉以續高橋門
外田二頃二十畝歲屬銀三十九兩六錢歲給
羽人廟者布花三兩樂舞生道士人三錢廟戶
七人人二錢二祭爲主祭者飯三兩六錢餘以
待所欲治或益置田廣妃之悲施焉記曰所其

後

遂昌縣滅虎祠記

癸巳冬十月虎從東北來甚張忽夢指有二碎
迹登堂有言虎嚙其鄉西牧監子予嘆曰予德
不純氣之不淑耶予刑不清威之不震耶何以
然氣如是下令將以十月望吉告城隍之神文
曰吾與神共典斯土人之食人者吾能定之而

文

七卷 三

不能於止虎民曰有神夫虎亦天生貴不如人
神無縱虎吾將殺之呼吾民任兵者簡其銳以
從搜之葉塢是夜見有一冠幘袍靴白鬚圓頤
長者見夢若予與同爲法官治獄者持一文書
示予予曰必殺此二渠以償長者微笑指文書
中一處示予若前所云虎亦天生之句意望予
寬之予正色爭不可長者知不能奪復微笑曰

徐之觀樞密公意何如耳予覺知神有意乎然
然者然已戒不可止之葉塢午至昏見虎虎奔
一虎倨高嶠薄不可近予已知之矣旬餘齋居
夜念樞密公兵象也有得虎者與當祠之是夜
不能寐覺外洶洶有聲問之獲巨虎雄也虎管
廣尺餘長幾二尺身七尺驚其雌三日遶而號
其山中伏矢死松陽界中東北抵萬山忽夜

文

七卷 三

震如裂民曉視之得巨虎管二八股草血洙漬
縣人懼異甚然以公出郡中月餘歸忘立祠也
復報有虎予嘆曰神其罪予老氏曰佳兵不祥
莫如以慈衛之遂就報願佛寺旁大樹下祠爲
滅虎祠祠樞密公非真能滅虎也虎滅無迹則
亦滅之乎爾祠以後獲虎三五向後虎聞遂稀
神之能有茲祠也爲之銘銘曰惟山之嶮有貓

有虎神其司之甚力而武神來見夢予爲立祠
以衛吾人依於大慈遂伐三彪薦五文皮孰成
於幽徵其腦髀丁壯出作翁孺倫嬉非我德民
神滅其苗苗由人興非虎非豺我去其苛物象
而和神其安之與民休嘉

遂昌縣相圖射堂記

蓋今上二十有一年三月望後三日予來遂昌

文

七卷 三

又三日謁先聖廟甚新從學官諸生講堂堂敞
其後益庫問所藏書無有問縣隅中或有他學
舍爲諸生講誦無有也四月朔始克視事發檄
有學使者陳公所爲書命諸生射諸生皆對不
能云無射堂也按縣治南石梁綠溪而迤有斷
垣負牛山故令鍾嘗爲若堂者令廢而其旁壽
光僊人有宮壻燕甚衍可以相益諸生言如此

爲之欣然望吉乃授地形於學官於君可成周
君思問黃君繼先且以報學使君且營射堂矣
請以學租三千錢爲端而予爲縣官於祿入固
無所受凡訟之獻金矢而不直者賦其材或以
輸作會夏五月大雨水諸山之材畢來工作咸
集六月堂成迫東陂地而蒼其西山有峯迴澗
而遙門其空夕陽也門之中引泉爲池池之上

文

七卷 天

除道甚脩凡百數十步而垂堂可以馳步射也
道左右各廣丈餘而甃若繩爲學舍者各十五
屬之門其舍修容二人合之可坐生徒六十人
間間如也繚以垣六月芸七月穫作者若休八
月而後克成費百金其右旁武射場也射率歲
閱兵壯兩肄餘月課捕盜賊射虎尚不中程何
以令士射夫士射亦禮射而可耳六藝射於禮

樂爲近天子之選士祭必射於澤宮卿大夫士
歌采蘋采蘋言士有幽微而可采也予所以爲
池將歌蘋蘋而薦士焉非射而已也男子始生
爲禺弓矢以射天地四方必先有志於其事勉
所以不愧爲男子者噫豈惟射哉

臨川縣古永安寺復寺田記

文

七卷 无

起情因情作境神聖以此在園引化不可得而
遺也何謂忙人爭名者於朝爭利者於市此皆
天下之忙人也卽有忙地焉以苦之何謂閒人
知樂樂山仁者樂水此皆天下之閒人也卽有
閒地焉而甘之甘苦二者誠不知於道何如然
而起則遠矣朝市之積則有田廬山水之餘則
爲寺觀故寺觀者忙人之所不齒而田廬者閒

人之所不奪也臨川古爲名郡五峰三市在焉
三市者市也五峰之間聞有觀九寺十三蓋入
明以來大爲忙人割奪盡乃至稗粥無所而古
永安寺境界歸然獨完其田則大半無有矣邑
侯袁公起於蘄黃來宰於茲廣山川之精潔性
相之學披圖而嘆曰臨川人之憎閒人也一至
此乎有能從吾言而反其田者吾徒也於是郡

文

七卷

三

弟子劉某嘗籍所買田若干畝上之侯以歸於
寺侯爲欣然告世尊而撫之曰此所謂孝子劉
某也而適是時有僧大千購得南都藏經以至
而尊置之寺侯曰有其書矣而無其人何於是
有浮梁僧水月爲達觀先生弟子精心苦行通
於評唱之義適來寓斯人士與遊始知有所謂
宗門者久之長于寺僧大初來講蓮華經聽者

千餘人得田而食無不歡喜贊嘆曰此固我侯
之福田也嗟夫當忙人之急得此田也豈不曰
彼無父母妻子之屬先王所禁遊民者吾非真
有所憎利其田姑以替其種類云耳嗟夫此所
謂奪閒人之物以將養忙人也固一其說然試
以語彼使天下皆忙人而無一閒人皆忙地而
無一閒地則亦豈成其爲世相也哉且今所從

文

七卷

三

遊於二氏者彼亦有所業非所禁遊民也如其
爲遊民法固禁之久矣所惜者遊人之非遊而
閒人之未嘗閒也非閒非遊不可以涉道是故
聚百閒人而食之必將有意乎道者焉聚千閒
人而食之必將有進乎道者焉不已而食閒人
至於萬猶將有得道者焉道之喪世也久矣幸
而有一人焉其何禁於千萬人之閒而奪其養

哉卽未有之庶幾有之如以食百千萬人之聞
者奪以養百千萬人其必無莫於有道者矣
則亦蕃其種類而已然則侯所爲存寺者或不
在田而在道飯器無殊香色有異後之遊閒逞
來食於茲田者其亦有感於侯之弘願云

宜黃縣戲神清源師廟記

人生而有情思歡怒愁感於幽微流乎嘯歌形

文

七卷 三

諸動搖或一逞而盡或積日而不能自休蓋自
鳳凰鳥獸以至巴渝夷鬼無不能舞能歌以靈
機自相轉活而况吾人奇哉清源師演古先神
聖八能千唱之節而爲此道初止爨弄參鵠後
稍爲末泥三姑旦等襍劇傳奇長者折至半百
短者折才四耳生天生地生鬼生神極人物之
萬途攢古今之千變一勾欄之上幾色目之中

無不紆徐煥眩頓挫徘徊恍然如見千秋之人
發夢中之事使天下之人無故而喜無故而悲
或語或嘿或鼓或疲或端冕而聽或側弁而哈
或闐觀而笑或市湧而排乃至貴僂弛傲貧齋
爭施瞽者欲玩聾者欲聽啞者欲嘆跛者欲起
無情者可使有情無聲者可使有聲寂可使誼
誼可使寂饑可使飽醉可使醒行可以留卧可

文

七卷 三

以興鄙者欲艷頑者欲靈可以合君臣之節可
以浹父子之恩可以增長幼之睦可以動夫婦
之歡可以發賓友之儀可以釋怨毒之結可以
已愁憤之疾可以渾庸鄙之好然則斯道也孝
子以事其親敬長而娛歿仁人以此奉其尊享
帝而事鬼老者以此終少者以此長外戶可以不
閉嗜欲可以少營人有此聲家有此道疫癘

不作天下和平豈非以人情之大寶爲名教之至樂也哉予聞清源西川灌口神也爲人美好以遊戲而得道流此教於人間訖無祠子弟開呵時一醵之唱囉哩噠而已予每爲恨諸生誦法孔子所在有祠佛老氏弟子各有其祠清源師號爲得道弟子盈天下不減二氏而無祠者豈非非樂之徒以其道爲戲相詬病耶此道有

文

七卷 三

南北南則崑山之次爲海鹽吳浙音也其體局靜好以拍爲之節江以西弋陽其節以鼓其調誼至嘉靖而弋陽之調絕變爲樂平爲徽青陽我宜黃譚大司馬綸聞而惡之自喜得治兵於浙以浙人歸教其鄉子弟能爲海鹽聲大司馬死二十餘年矣食其技者殆千餘人聚而訟於予曰吾屬以此養老長幼長世而清源祖師無

祠不可予問倘以大司馬從祀乎曰不敢止以田寶二將軍配食也予額之而進諸弟子語之曰汝知所以爲清源祖師之道乎一汝神端而虛擇良師妙侶博解其詞而通領其意動則觀天地人鬼世器之變靜則思之絕父母骨肉之累忘寢與食少者守精魂以修容長者食活淡以修聲爲旦者常自作女想爲男者常欲如其人其奏之也抗之入青雲抑之如絕絲圓好如珠環不竭如清泉微妙之極乃至有聞而無聲目擊而道存使舞蹈者不知情之所自來賞嘆者不知神之所自止若觀幻人者之欲殺偃師而奏咸池者之無忌也若然者乃可爲清源祖師之弟子進於道矣諸生且其勉之無令大司馬長嘆於夜臺曰奈何我死而此道絕也廼爲

文

七卷 三

玉茗堂全集

臨川義仍湯顯祖著

碑

蘇公着源新成文昌橋碑

郡東出數十武絕汝水而梁中于信盱連于淦
章冠蓋郵驛之使無虛日率以東行爲良橋宜
廣以紆而居人旅子肩摩踵錯其亟於斯也固
文

八卷 一

晝夜然矣橋之以石也宋嘉泰始也橋之名文
昌也宋寶慶始也而唐李柏倅虔冉記乃云汝
江趨文昌橋非橋也堰也入元兵燹相仍橋政
無所攷至嘉靖間守陸公堂與令林公恕卷石
易木則其先標也六十年而金隄復水以全力
注橋橋敗將趙州學所記橋隄足兩存者非耶
後視敗卷乃有土其中水入而際宜矣守張公

試輒募民毀故壑而加大者四數年而丞晉江
朱公于讚署郡檄驛丞孫耀祖募修其餘仍櫟
爲梁成且三年矣而倏以燼公私咸病焉春夏
間水暴下橋敗石犬牙立破船而漂流卒不可
救者歲常百十人號哭聲被岸而莫敢以告以
告莫爲緩急者費也天以蘇公惠民至而顧視
其址曰此豈不可更爲耶視帑帑虛募民民劬

文

八卷 二

吾有以處此矣夫民上所使也聞之用地者以
利用天者以時而用人者以和不和而強使之
千萬人不能用也和而使一人焉可也和莫若
以道公清微虛遠以道正其體顯允疎越以道
弘其用與物無營而與民有經所治官屬大夫
士下至閭井匹夫匹婦之微與同憂樂急人之
善而寬其過得可而止其容蒼然其中穆然未

期而士民安之豁如也滌疵導休善氣條遂公
所起意莫肯用戾於是耆稚士女皆知公有意
乎成梁而未知所承也有馬之婆婦人持其半
歲孤兒來訴曰是兒家累千金欲得者衆懼無
以寘此子公喜而領曰役其濟矣令婦人出而
意示其宗老曰財散則孤兒安以爲梁誰爭彼
者乎宗老以語婆婦人婆婦人曰謹如命公起

文

八卷 三

曰信哉必若所爲府不汝與也立爲徵匠于開
化新安所嘗治金隄者以來而擇三月良日首
事以聞監司莫不允悅而公乃始進耆老百姓
而教之曰若知爲橋所以固乎宋守王君讜始
爲石梁而屋之平以板火漏其隙江風扇之不
可向樸昨之火猶是也慎無櫟與板而以石上
下之縮水門之一而增高焉甕之無以土成無

以邱閣雖厲焚火無益也中爲亭以休而繚其
闌以馮若是則水火之卒至而風雨之無時其
將免乎皆曰謹如命于是精耆指麾信老度支
官爲役以示其婺伐石冶鉄排槎鍛灰平備善
佑謹往躍來蓋十月而水門具逾年而石道平
何其快也官無董稽民無勸追何其佚也橋成
而居者連連行者翩翩又何適也高雄敞鮮旁

文

八卷 四

無蔽虧南望石門金隄北望鍾陵劍墟溶溶蔥
蔥開煙翕霞臺城參差豐茸萬家亦何壯也長
雲亘施潛颺折螭永無害苗又何固也一時驩
舞道幸以爲天地人合發於茲不知我公所以
執天機立地符起人心者蓋有道焉道至而功
成而公不言功郡士民與家封君謀所以言者
以命予小子謹爲記而永之以銘銘曰星上山

川旁魄精氣形上曰道形下曰器道以成物器
以濟世濟世惟梁上直文昌何彼祝融延于戴
筐傾何耿紆孰爲其扛其扛有神除舊布新帝
降不遲我公天人恭儉惟德清明在身滌蕩苛
疑毓衍純真上義下順流歡去愠不肅而成不
言而訓匹婦之微亦效其信遂梁河關丁丁屏
屏精衛填河孀子移山漸履其安壯觀以還累

文

八卷 五

石駢甕瓏玲空洞委若鼉鼉舒如蟬疎廻瀾束
湍堅立不動高視遠陟如睨道陌交龍東南狻
倪西北金石皎炯佳氣四塞佳氣維何得道者
多道以政通政以人和如坻如岡如切如磨旁
闕以備中亭以憇百世之營期月而濟公不言
功歸之天地公功不忘川流詎央端明惠州宣
父寶唐惠我來蘇繼繼皇皇曰千萬年公在文

昌

東莞縣晉黃孝子特祠碑

今上辛卯夏余以言事尉海北冬道南海過哭
再從父墓東莞焉撫友人和衍曾之孤遂如羅
浮而諸生陳君啟心者乃以書來爲其先賢晉
孝子黃公舒特祠欲有以記也然孝子生處其
地乃割在新安界中孝子晉人也家貧自力養

文

八卷 六

侍雖盛暑未嘗不冠帶親意所在千里之外不
以爲難親死皆身爲墳而廬深野中無人猛獸
左右嗥安之也每夜定或寒月號哭聲常飄蕭
出林薄隨悲風遠聞人爲泣下獨日飲一杯糜
形色枯槁人勸其還哭而不答行路之人皆曰
黃舒今之曾參也有司表旌其居曰參里里有
山岑蔚可愛爲參山有孝著聞如此至於今且

千年矣學宮闕焉不祀何也而諸生中若李元
表祁衍曾陳啟心此三人讀書而豪以言於縣
令樂安董君董慨然曰此嶺表人士之初也曲
江諸賢猶在其後而郡以上學使者莫不歡動
焉然有以新安疑者董君曰入新安界者今爲
莞人者昔也乃擇日附主學宮亦十有餘年矣
妄一人來視縣事竟議祀之新安而主在東莞

文

八卷 七

學宮者遂置屏處是時祁生病且歿李生一人
不能爭而陳生目又廢然獨發憤抱其主以出
且言曰仁人孝子天下一家東莞新安故非兩
邑也今已罷祀主無所歸生等願不煩費縣官
一人一緡錢但得城北空外地七丈餘足以容
主今東莞之人有父母者得望見焉視學者許
之三年而後克成多里中賢豪長者營之陳生

首義嗟夫陳生有其心無其目矣猶感憤好德千載之前舉義如是况夫有心有目者哉而是時東筦伯何真之祠亦成真於元喪亂時有粵地十七歸高祖賢於尉佗遠矣讀其書不使人感恟而嗟嗟孝子無尺土之柄獨身事一父母又非有奇孝其孝閭野人所得爲也至今人讀不能半其傳卽涕歎結塞皆願如黃孝子

文

八卷 八

事其親願有子皆如黃孝子固未有願如東莞伯者也豈非雄力智數之事於人心必有所疑然而接神明感天性乃在於其根本至德也與詩云天生烝民好是懿德言此烝民是天生而然孝德者所以不忘其生故烝民感動充至歲月之所不能泯地界之所不能分在禮有其舉之莫敢廢也言凡非不得祀者也况如孝子者

哉詩云孝子不置永錫爾類莞之人得而觀焉庶亦有類于孝子者乎余嘉陳生諸人所爲好德必行其意者也而銘之以告莞之人銘曰粵於西晉荒落蒙靡不知父母乃有孝子生死至性愛而有禮哭不能言心孝而已縣縣嶠士孝子伊始鄉可以祀豈有分里爲主特廟厥義良偉有門有堂有寢孔構關門在左石梁在右江

文

八卷 九

水在前睥睨在後稍有形勝儼雅宵峭汝莞之人誰無父母有孝以教誰爲來者亦有人子來吏斯土惟孝以忠神明是與遙遙參山氣鬱且明其類維何樓觀蒼蒼冠帶愴泱蠻夷有風我愛爲銘以感人心

惠州府興寧縣重建尊經閣碑

天下珠碧孔翠香澤奇絕之玩寒之不可以衣

饑之不可以食萬里而走五嶺之南毒蛇飛蠱
藺莠百有一死之地務取多而爭美以耀其軀
顏充其室御而相與夸給上都中縣之人以爲
是能得所不易致者至于六經先王聖師所爲
飲食被服天下入于性命形色之微出乎文理
事業之大積之若尺椳而用之不可旣陳之若
九鼎而其用日新此其相珠翠奇麗也不亦急

文

八卷 十

乎又非有遠萬里險絕瘴螫之虞安坐而致各
可以相得而無容以夸者然過之而不取取之
而不能以多畧其粗而不爭其美者何也且彼
之取焉者有禁取六經者非惟莫之禁耳苟有
意乎爲人上者將歌然而與之惟恐不家筭而
人誦焉何也法不勝道道勝而風移吾亦可以
簡法而治也然予觀下之能取于六經者鮮矣

雖上之人持六經以予人者亦未能往往而是
教衰道微上之人亦猶夫卑古尊今之爲見爾
予友金鹽中臺史侯殆有意乎爲人上者嶺之
東有惠惠之東有興寧而侯在焉侯爲人偉好
頎秀而髯望之知其神君也行嚴而貞表理以
平民有弗若矜哀之不忍以刑鏗鉉嘔响反復
再四而民於是乎始知法矣侯曰是未可以及

文

八卷 十

化子云入其國見其人其經教可知也吾興寧
之人性潔敬與情廣厚與能知類而屬詞與入
吾境觀吾人吾殆未嘗以經教矣夫士以式民
而經以式士於是博士王君學淵連君瓚帥羣
弟子而進曰世有積而必披道無渙而不澄惟
惠靈山鬱州衣冠之氣被于興寧大望其恢九
連遂清父老子弟不見兵革者殆且百年于茲

生齒繁遂庶而教之亦繼其時士專一經束于
功令未能旁暢方以不獲人師遠于固陋是懼
而侯身以明教爲我人師其不終鄙夷之乎侯
笑而謝之於是簡賦薄稽休暇有餘時從博士
諸生橫經各授以先王聖師所以豐給美好吾
人之意問焉以言如發崇山如脉波流士皆鼓
舞沉詣如嚙于志然後知侯之大有得于經而

文

八卷 三

邑之大有得于侯也侯曰未也當爲汝士廣置
經籍不可以無地起而循學之北爰有弗士焉
是可以營而尊吾經因以益飾其學宮墀廡門
得請于上而眎其廣深度其几楹不煩而庀不
張而輦不亟而成成之日侯與學官弟子喜而
落之觀厥美富精志踴悅乃度乃儲亦籍在中
經以聖典緯以賢謨肴以史志稗以百家芟疵

選醇惟經是尊侯喟然曰以是爲尊之已乎尊
天者用其日月風霆而後曰仁尊父母者用其
聲色意氣而後曰孝尊生者用其饑渴寒暖之
時而後曰知經于人如天如父母如生尊而用
之性命形色之微文章事業之大皆取乎是不
然皮閣之鑄管之擇日而蠹焉有啟閱者焉以
辨以文弗躬弗視此又以六經爲孔翠珠碧之

文

八卷 三

玩者也非吾則貴于尊焉者博士弟子拜手曰
侯之言大不可以無傳千里而謁予以記予固
知侯之所以經政非其邑而止也蓋侯之鄉人
祝公允明常令于茲記其邑之水利而靡害且
曰予旣美水功傷其局於斯域而弗普又傷夫
人之弗克用水者若以自况云予亦美其言而
未大也若夫六經之在天下如水之在地中局

於其域未嘗屬於其域也雖夫人弗克用之亦未嘗不爲其人用也况夫上之人脉脉然醺醺然教人用之而有弗克用者與昔之祝公能用水今之史侯能用經異日以經術用天下自興寧始不亦偉與記而系之詩天作高山寧昌是瓌割然中開沃野夷原雄雄學宮附麗而遷如寢斯錡鼓角在前東有雞靈寶山燭天神光貴

文

八卷 古

人鳳翔其西屬海于河或委或源毗于六經光響亘延剖山觀河恣取而捐實物寔儲宜抗而宜面勢其陰龍淵則蟠我經秩秩我閣憲憲月口斯成登降歡欣圖書若星衿帶如雲從侯流觀樂侯笑言道高且明莫敢不尊廣侯德心不朽斯文我言是徵以訊其人

遂昌新作土城碑

遂昌爲括蒼郡西南邑治萬山溪壑中介長松龍泉猶毗境也西北而南交衢嚴婺鄣犬牙信州以捷于閩絲迤與絕緩急猝不可檄制地少田畜而豐于材其芟蔕新桴則旁郡之流傭也多隱民焉而鄉若邑長老子弟無賴者常藪其奸與爲利盜以故出沒不可迹夜振者復多虎憂而境旁數礦近詔止采盜亦時時有之余昔

文

八卷 古

治此故未有城橫亘一街可步而竟居人悉南其溪而闌以一橋門可闔而入也念城之帑無見儲不可刑政者吾城耶乃稍用嚴理課殺虎十七而勒殺盜酋長十數人縣稍以震因循四五年乃幸無事然意未嘗不在城也余去治一年而遂有殺人于市橫橋門而去者民脅息以譁歷三政得晉安亭公以名德淵雅來靖茲邑

秉素絲之心持六車之體當其操軌介然雖極
勢力機利之衆不能奪也一意約損與民俸薪
時以治客衣食無所餘至不能遺子嫁女訟明
而寬清惠聲有聞千里之外民習教令盜日以
遠而公亦且上三年計最矣尤惠顧其民曰縣
如其亦舉無陋弗與獨如城何吾不能爲千
仞石城而土城數仞之其可乎請于上而謀于

文

八卷 十六

下必躬必親引溪度山畫圻而程物力有宜幣
餘有經以賦弓司以屬其耆神告威庶不可以
疑築踴趨趨索鼓弗渝邪許句婁襍民懽謳大
姓居間欣焉自完屬間填埤工倍于官寮所不
任官直其難以楨以茨民乃不煩蓋數百丈之
城數十日之間而公與士民休然晏請具文書
報成事矣士民擇吉樂謳歌舞用塞司墜之貺

而懽呼稽首爲公謝曰保障有邑以來未始有
也公始從官屬民履其壩莫不仰天嘆曰茲役
也不櫛巢而鸛不睨瞭而遠不糝粉而華不闔
拒而固蓋我公之時也公嗟然俯首而謝曰良
以藩吾坊之人安寢無恥謹司之而已邑近寶
而囂幸國家無事異時虞盜兵之來邑之君子
阻溪而陴或跨溪而城未可知也語不云乎推

文

八卷 十七

輪爲大路之始累石委土庶幾自吾始乎雖然
昔人北志金湯志而偷三里城猶折樊也邑雖
小其無四維腹心于城汝士民所以自衛也吾
行矣已而監撫使者上公治行求卽丞括蒼終
其勤績不報而且以知瓊管萬州事士民愈用
謳思以城予志也千里而來告成且求銘予所
不能爲士民庇依者公能爲之其又何敢以

銘曰天於平昌險不可升繚以地形山川丘陵
維城弗容缺其威懷旁邑連連伏奔攸興蒐慝
討亡惜莫勝懲我公來治惠和清澄士民安歌
不叱不騰竟而盜還有德者能公曰其然維城
是應君子之堂叢山爲肱引梁爲喉帶溪爲膺
隙隧如夷出沒我乘溥城寔難連壙具勝乃十
乃管子來烝烝其氣溶溶其聲翳翳循淮逶迤

文

八卷 六

裏山峻嶒垠疏者新碕堅則仍爾絕爾聯爾埤
爾增隱以冲冲削削馮馮其橫覓曉其矗雲昇
自公指麾材宣力凝和會陽陰作中樂繩以裕
而升有遠而恒橋扉汲門偵管是兢士女朝迫
以林以蒸牛羊夕歸靡夷靡崩甘寢露藏庶無
盜憎赤烏以來百維斯稱業以時臻道在人弘
百世之仁我公是徵醴酒麗牲神休所凭我

公功于豆于登戒邑于隍以莫不承

麗水縣修築通濟堰碑

經立世業之謂才遘會世機之謂時引天地之
力極五行之用開塞利害減益盈涸早算旁拮
時察穎斷非才莫可以爲也雖然獨智不與以
慮獨勇不與以成視其氣萎菸結齋詭譎峭疾
此其時雖有訓事其亦可以已矣若夫時敘端

文

八卷 五

好上下和茂山川精朗若發其覆雅頌流委土
女遊豫煥若新洗耆長喜壽瘼滯思起有時若
此而爲其長上若有事焉若開若塞若減若益
揚摧指顧皆有華澤官師吏事手語心諾則何
慮而不發何斷而不成天下國家之事機有向
倖業有王廢蓋莫不因乎其時者予嘗試爲長
吏於浙之處遂昌也而感于麗陽十以年之前

何如時也所謂其事無不可以已者耶今何時也鄭公爲郡而樊君爲長蓋予以遂昌謁郡而道松遂之水源高急砂礫不可以舟松而後可以舟也通濟堰在麗水西界中其堦有龍祠可以陰堰源一斷之爲三所溉田百里最爲饒遠而並隄居毗常盜決自喜米鹽之舟水涸硤磧如縷常曲折徙泄而後乃可行堰歲積以非固

文

八卷 二十

比益以水敗而並堰以下若司馬章田寺運于河東亦皆以蕪廢不治寶定之呂碧湖之湯父老以聞于予未嘗不嘆息而去欲爲一言其長會歲少旱而麗饑松閉之糴麗人譁受事者幾以雨敗予嘆曰水事不修而旱是譟者何也去十年而麗人來問其堰曰畢修矣夏之六月我樊侯始用祭告有事于通濟堰七月暨其旁下

諸堰盡于白橋皆以十二月成諸堰之費千而通濟裁倍旱期之勤數世之食也曰何如矣曰先是春正月龍祠傾野火燒其門如將風雨者有蛇蠲焉象輿廻翔其上而火已居人請新之我侯來觀而周徇于堦悼其徙以陵問其故則與所以敝者次第起行諸壞堰各從父老所問所爲修復費心計而首領之以上太守鄭公公

文

八卷 三

槩然曰坊敗而水費則移而水私固賢長吏事也其以上司道車公公報可而侯乃始下令齊衆均力與財侯常以其俸八身先後之民所願平準所度田自爲浚葺者聽大小鼓舞集而後起序而後作築崖置斗疏田室穴開拓諸槩縱廣支擘視故所宜遊枋易石易其朽泐謹察匠石分寸畫一啟閉隨驗高下不失是役也皆

約而功溢侯乃以西人擇日上成事受慶報賽
伐鼓絕瑟有土有年上下無患是謂永逸予懌
然嘆曰侯之才敏至是耶麗人曰非若是而已
歲嘗旱侯從鄭公禮於麗陽之山畢吁而雨乃
新學宮從鄭公講五經于堂芝草生數十年而
弟子之舉于鄉者三人上春官者一人侯之才
蓋通天地而幹五行非水事而已也予嘆曰而

文

八卷 三

亦知麗之有侯樂乎昔麗之人踰履督視今麗
之人飛色吐氣則吾見麗之今日矣鄭公樊侯
皆有春秋倚盼魯公宓子之意簿書不以勝委
迤叱咤不以移色笑士民休居貌若有餘工其
樂膏汝公汝侯道達謳于醴潤郁鬱精鬯發越
流止土石氣莫底闕聚人而人理疏川而川治
此亦汝麗人千祀之一時也其又何有于數十

里之水坊開龕爲麗人喜而拜曰今而後知所
以樂有吾麗也將銘侯功于龍之祠莫可爲者
予宜爲銘銘曰麗陽阻山磽陁其畝仰雨無時
迄東有衍絕潭而西百里爲沃醴水以彼壅湖
以屬事始惟梁司馬詹南宋令曰禋乃作石函
越守成大申著水則源極中下槩衡南北股引
三百派餘七十我匱我斗以注以挹及圯而新

文

八卷 三

必智與仁水有旁渝土亦善湮有龍自天祠于
堠左旣貞其旱亦戒于火侯雩于川膏雨其隨
來視其祠亦民是爲起行諸堰或屬或散都十
有一畝二其萬彼決弗苴彼偷弗治如水斯平
不平以私石久則裂枋久則腐歲比少有曷爲
其故侯旣念止計畫尺寸下與其勤上然其信
涓辰用書分耆屬備鼓役無羸登輪靡窮親以

節口二屬有帥迄用告成九十維日代有廢興
莫必其理侯用大作溥長脉理雲雨版重晝夜
晷刻沃彼靈翠施于岑擇維侯有材亦孔其時
太守伊人如友如師雅頌流通山牖依融晏盟
維期蜿蜒效工肅新龍祠亦祀司馬紀侯于碑
歌舞其下終古稻梁好樂無荒終侯之功以配
麗陽

文

八卷 五

送吳侯本如內徵歸宴世儀堂碑

吳本如先生在吾臨六年政成徵爲戶曹尙書
郎以去父老子弟思所以留之不可得祠之先
生行有日矣謂予曰予且欲如世儀堂六年之
劬息以累月一行受事長安中猝未能家食也
因言世儀堂可以庠風雨納景光栖文尊酌燕
言主人回翔其間車馬之驚塵簿書之零碎不

足易吾樂也予問世儀其何以儀先生曰予諸
生時有堂也樹而雉止其棟雉文禽也以爲瑞
而顏之已而獲從太學中連第以去若此其祥
也得仕于臨而再上計冬過家更堂其東匠者
方施礎列柱而一雉復翩翩從天而下入于懷
中雉上不踰丈有咫何其高而有儀也其又祥
予而徵也乎且予先大夫儀亭先君來儀雖不
光于時而皆有隱德堂之以世儀名亦以志吾
思也予瞿然起而嘆曰有是哉江淮以南輦青
地而備文耿介而聞微質青仁也耿介義也聽
察先聞智也五章禮也有此四德者可爲世儀
夫鳳凰者天子之禽也故虞書劄韶九成鳳凰
來儀鴻鴈雖卿大夫之禽在易漸上九曰其羽
可用爲儀則隱士也惟雉也天子可以袞而士

文

八卷 五

可以摯天子可以袞則天子之儀也士可以摯則士君子之儀也可以爲天子儀則上行而可以毗于鳳也可以爲士君子儀則平施而可以列于鴻也爲世之儀不亦遠乎且先生世有隱德至先生而光加以有功德于臨然則茲堂之爲先生儀且瑞也其又可以世次數乎予喜從父老子弟後而歌斯堂也歌曰大江以南大吳

文

八卷 五

自東有臺于樅有國于桐我侯之美世濟斯豐含章以秀食德而融起于諸生一畝之官益堂其西有棟而隆乃瑞自天我雖其容一止于梁再集于躬齊新厥寢應以鳴鐘侯堂維何圖書在中匪特匪遊何起何從以摯而升若彼桓躬袞職有補以兆華蟲離而亦潛鶩矣其嚙君子儀之濟于雲鴻我侯于臨人和政通言歸京師

于焉雍容侯宴于堂載考其祥文明以止聾飛則翔有熊有熊爲龍爲光君子儀之以世其堂

渝水明府夢澤張侯去思碑

歲壬寅夏臨江新渝縣侯晉陵張夢澤先生視縣且中秩而忽以先大夫之訃行其邑之士民以千數無不星黍雨泣如失慈乳不可遮留送之章門或至其家而後返旣而其父老子弟廻

文

八卷 五

惑展側思侯不休聚而謀于玉几山之校曰張侯豈忘我耶其教令皆可爲後世法盍勒之以示後之愛民者或曰張侯恂恂儒者所施行便民然好自匿不喜有智勇之名刻教令非侯意然則忘侯耶曰先王之經理其民也陳其國風而通其慕好以知吏治侯治且成吾屬得而歌舞之歌舞者吾人之情也懼于鄙野有一人焉

文之可乎或曰焉文之有能言者而可矣於是問諸邑之賢良文學越五百里而贊以徵言于予予豈能言者耶肅然爲起不獲辭進而問曰張夢澤先生者非弱冠而以文章妙天下者耶必若所云是子賤子奇復見于汝渝也予雖未見張侯而聞于往來長者知其心試言所以治渝者父老進曰侯亦非有驚詭繚厲賊絕之治

文

八卷 天

也要於便民渝貧間于章虔歲賦當七萬餘而所獲常不足以半賦或逋負至于十年有令悉追之者侯至數月喟然而泣曰賦逋至十年藉亦有不可得而校者矣此徒爲老胥史奸利地何益下令課吾來渝以後者餘逋須後令民乃無譁旁大縣或先一歲而畢徵或僅如其歲渝不能也侯與民期以十且曰盡來歲春當竟也

民乃益舒矣訟以里老捕告者往往有之民或格不應侯召無不至者山谷之民見侯皆色喜各自言其情無隱而侯以半詞決之皆解去侯常推誠勸譬反覆至于父子骨肉之際未嘗不流涕而遣之民以其風愧訟至于獄空器所入以廩饑民餘以待公所繕具諸生月三課以爲殮錢至于侯自養粗厲取輿而已上計至無以

文

八卷 天

爲資都下呼爲窮新渝侯笑曰非新渝窮誰當窮者然渝乃更以侯重渝產銀中使橫且至侯意不爲屈欲引去大吏曰此非所望于賢者侯止爲畫一授中使前驅者纖曲有程度旁縣皆爲折衷以待中使知侯賢且事率整辦終不來渝也至虔還畧清江而下渝省費以千百計歲徵喝侯賊然顧天曰礦稅爲魁天亦忘吾民耶

已而雨蓋自兵來三年邑無曉浸之憂野糧流
溢江楚行道無所稽夜戶不閉民樂而歌之亦
其時也予聞之厥然而興適而嘆曰此盛德事
也而太平之業也吾何足以言之雖然如璧肉
好其精氣有異蓋周漢間所爲俗吏苦者固已
在包苴千牘之知筐篋簿書之能中乃以文學
相緣飾非其學也予聞之往來長者皆云侯性

文

八卷 三

澹而容端學深而行夷其爲政也惻乎所謂忠
信之美優游之法人知之不爲腴不知無以爲
瘠也由此言之侯意念深至類有道者夫有道
者其風澤自遠淪之不忘豈有極乎予能爲諸
父老子弟之不忘也而文以言曰蘭陵之英大
江之靈我侯誕生風霆角芒日月冰霜裂爲文
章經于有政文明以正惟所蒞幸吉筠瑞間南

爲渝川北倚蒙山侯以爲家廉貞惠和公勤靜
嘉言笑畧刻皆取成畫鮮不爲則不紆不綴函
良梔奸以敬其官如金如玉如布如粟如川如
谷耻幅其外以望其內如彼旌佩士女曰宜施
于道周或遊以歌汝簫汝醕式歌且舞無德與
汝豈無德與忘侯之處而思其去侯去在東衆
號而從孝慈則忠侯吉而駕將雨天下視渝其

文

八卷 三

稼渝人思止父也違止孰我儀止刊山以容瞰
虎盤龍維鼎維鍾我侯夢澤思也罔極視此樂
石

臨川縣孫驛丞去思碑

吳淞孫君耀祖來視臨川之孔渡驛三年遷嶺
南巡檢以去民留之不可而思祠之祠之者賢
之也何賢乎孫君也君之賢有一時大吏所不

能辦者蓋先是驛在孔渡去郡五里連金堤水趨文昌橋以北徙驛橋東歲甲午八月之二日橋壞歲流殺人以百十數民議當修復此橋而偶有一二氣力無識之人謂不可復不加徙橋他所先太守張公以爲不然力復其十一之四餘猶爲憤憤者破敗而不修戊戌予歸田始著復橋三不難之議而署郡事二守朱公斷然

文

八卷 三

主之得詳允以行顧下無和者君慨然起而任之曰丞之驛與橋俱晝夜察其工便朱公大喜曰丞能爾吾何憂已而梗者大起予與二三鄉紳擇吉敦延郡縣告於河神一時長吏無敢出者君曰丞業以任橋事神其聽予至期君銳然朱衣攝祠事祭告訖風日清皎人用奮悅君皆捐十金犒匠氏然民愚觀望久莫爲應者予叔

尙恕謂予曰張太守時吾家修復四之二及茲我嘗其功以民終其事可乎不然者負丞子遂始其一而二三鄉紳繼之民見其因圯以立易就各有所捐一歲而告竣壬寅之臘迎春於此橋懽呼者萬計朱公屬民而嘆曰費出入有經工早晚有程孫丞之力也橋成而謀所以屋之仍以君旣厥事蓋今而後知君之賢然乃以遷

文

八卷 三

去不可得而用矣予閱史譏魏西門豹有漳水而不能用爲不仁且不智夫彼猶水利可以需而行此爲水害不可旦夕待可也歲溺數十百人略無省憂豈彼獨去民遠孫君驛與橋近時見溺者猶已溺動心與若然則孫君之仁也孟子曰爲政不因不可爲智橋有因而可治其功易成明甚乃獨一孫君早見而獨決與若然

則孫君之智也一二有氣力無知之人能撼大吏不能撼一丞豈大吏皆金注者怯與若然則孫君之勇也仁且智且勇有如孫君不止宰一驛而當大事爲世津梁豈可量耶爲大吏三五年偷以去固不如孫君力成一橋功德於民不朽予故因父老子弟之情而爲之言以告世之人爲民決計便利雖一事非仁智以勇不能官

文

八卷 三

雖卑亦能有所發憤張公朱公前後物故然皆功德晉不可忘也

王荅堂全集

王荅堂全集

臨川義仍湯顯祖著

文

爲士大夫喻東粵守令文

余觀東粵郡縣難爲甚於西粵蓋近寶而民多奸吏易以富監司之地或迴遠察吏未精蓋余始不得不稍近士大夫以論吏可信者十之七

文

九卷 一

焉若愈於同吏斯士者所是非焉何也余登名以來年運而往矣今與余同事斯士者皆非余故相朝夕者也直於禮數文移間模想而知其監司於守令所在不能無昵而士大夫於守令所在不能無怨怨不能有公猶昵不能無私也故余參伍而用之此總吏治察人才之大較也而日者守令輒持士大夫短長暗揭顯呈若惟

恐余與往來有所信用者此大不然余中州人也木強然無所諱而愛信士大夫與士大夫論吏未嘗過也無論見仕如周廣州啟祥周廉州宗武其人亦已久矣而士大夫至今傳其清魯司理黠董郡丞志毅其官不復然矣而士大夫每見訟其清士大夫何負爾有司耶且聞有司中有謝絕士大夫偶爾相見若路人然者夫子

文集

九卷 二

賤聖門年少之英其宰單父也滿車而載父老曹參漢初更事之將其守齊郡也爲堂而師蓋公爾等守令材於二君子耶余以爲雖夙智老成於地方利害微渺變動有非書記所盡意知所通者必于士大夫謀之士大夫之欺守令也盡於其所關說之一事而已未有問其他事皆欺者然則士大夫固可以源源而見其質勝者

愛而詢之以爲主其文勝者敬而詢之以爲輔詩不云乎同爰咨詢每懷靡及周詢以盡衆也今守令嘗自謂智力有餘可以獨見私決兼可以籠制士大夫於是談笑恣意睚眦滿旬賓主無交利弊安訪必且訪之吏書而已門子而已皂隸而已此數種人者最不利有司之聰明亦最不喜士大夫之得近于有司也詩云其何能

文

九卷 三

淑載胥及溺其最可恨者庸吏爲人所使貪吏先以箱人偏於士大夫家深致其罪申詳體審乃或不然不止教下民以不恭兼亦費上官之處分與言至此爾守令等以爲何如然則士大夫之家可無治乎曰士大夫亦所治者也奈何不治當先之以禮耳士大夫固多賢豪知書即甚不自愛者其當官亦知有律令數條矣凡不

如律事未必其身爲之及其封君有少子者其子弟有奴客相誘者蓋利則平分于奴害則全歸于主理勢然也大奸惡自如律係治非大事係封君者宜姑以狀還示其封君曰人如此言未知信否善自治之夫封君固多老人習世變惟訥者也得此示當惶恐匍伏謝罪則禮之初可也敬其父則子悅因以化其子也如封君

文

九卷 四

再犯其子仕在近宜爲書告之遠則告於羣士大夫曰人言某封君再矣可若何三則係其奴治之矣如其子弟則召而教之在諸生者以付學官未見其難爲也曰如士大夫身親里居犯法不義者如之何曰犯法大者如治廢人律其次所以告語者如封君三則係治其奴四則係治其子曰如斯而已乎曰有本子曰其身不正

如正人何訥石門之泉士大夫必不爭渡矣還合浦之珠士大夫必不懷珠矣是故清吏之法亦清濁吏之法亦濁清吏之法法身而濁吏之法法人也且汝見食民脂膏爲天子持法然已貪廢若此豈必士大夫言汝乎然則自爲清吏而已無患士大夫不保汝矣曰如東粵海大夫之節麗中丞之才亦可以治人矣所至不能大

文

九卷 五

治而常爲其部士大夫所危以去士大夫固有必不可治者乎吾所云士大夫可治者乃東粵非東吳也彼雖號難治然未嘗不敬服海公而畏避龍公也二公雖去東吳之俗亦變又安在東吳士大夫之難治也今以始從我東粵者宜以政正身以禮先人興廢必詢衆心低昂必持平法他日血食斯土循良有書士大夫必不負

故有司也。更無以疑忌禁制爲不可治之言。而士大夫雖於一二有司有所言。余無成心也。如陳郡丞鴻漸署新會。閱余文書。不行徐察其意。在便民也。雅信之。馮令渠治番禺。每與論議。常左然知其志在古人也。甚重之。此二事皆汝守令所見。余豈以士大夫有言爲芥蒂不察其後。或各安乃心度乃職。無貪無殘。無昏無縱。以

文

九卷 六

清漲海紆朝廷南顧之憂此論

爲守令喻東粵士大夫子弟文

東粵山海縣奧不可測。所爲寶藏興焉。貨財殖焉。然近寶而反貧。多藏厚亡。天之道也。惟粵中人材爲天地精寶。萬有益于世。而無一費於其鄉。古遠無論。陳湛二先生之正學。梁方霍三公之偉業。丘海二公之博文危節。至于今粵之後

學末宦未嘗不稱之。與古聖賢豪傑爭鋒。而何問今世哉。而本院下車。問俗問學。乃稍有異。有云。諸生得與有司過手通錢。舉人輒遮有司車。言事麾之不去。余喟然嘆曰。嶺表多奇士。何士氣一至于此。士大夫先達無能爲先。耶既而親士大夫訪故實。時務無不惻款。周至大率以正對者十之八。以愛惡請者二事焉。其一言故徐

文

九卷 七

聞令陸之貪其實廉。而使酒不治事耳。其二言已降瓊賊李茂之可用。不可殺。夫茂于嘉隆之際。殺掠焚燒海上十餘年矣。不克征而受降。令居城中。其累日暮。他日有風塵之敝。恐瓊州非國家有也。余是以違一二士大夫之教。必禽之。其餘士大夫之教皆是也。然則嶺海士風之敝。徒其下舉人諸生。未有命教者耳。其上大夫儔

各行不勝先達之風者固多余是以論吏舉事
未嘗不就士大夫也而傾者一二郡縣有所疑
云某鄉先生不能于其守若令因列其里居所
爲至云包舉蛋戶不如式船爲盜或出池盜珠
或受盜珠發覺反爲地者此自影響言之余不
忍謂士大夫有此至如云租渡船有爭業葑田
有爭領稅領鹽有爭則士大夫真有至本院言
文
九卷 八

言往往如是一何市井鄙細人之甚也然此必
非士大夫所爲亦其家子弟貧薄失教無行義
一至此耳雖然子弟亦不可以無教也禮于父
母幾諫得罪于鄉黨州閭寧熟諫三則涕泣而
隨之况于子弟父兄乃得而義方之者乎夫士
大夫子弟猶吾子弟也余不明于義方亦有一
得之勸可乎夫士大夫子弟固有舉于鄉者矣
文
九卷 九

賓興之詩曰示民不佻君子是則是微言爲鄉
所舉者爲王嘉賓民之望也如復輕佻暴亂卽
與細民何異甚則有細民自愛所不爲者以此
稱嘉賓不已羞乎于是鄉中細民得而輕之矣
況在有司復安所見重而相賓禮乎蓋知汝鄉
行如此智量福業可知他日受官或值此有司
同事詎復以可人相待乎試觀士大夫享長福

者其心必有以愛人其行必有以重于世亦有
褊心薄行而獵通顯者然其名必壞其後亦益
不全寧爲彼不爲此也陳江門海忠介亦何必
成進士乎其號爲秀才者于編民中才且秀也
如已不才于父母之邦其亦不秀甚矣夫以巾
帶之士加以名家如肯折節好義其名易出于
平人而乃于鄉閭中無所比數如此深爲惜之

文

九卷 十

至于士大夫子弟有同爲白民而侮奪鄉閭者
不勝則忿曰必欲假一巾帶而後可嗟夫再世
之後編氓一也汝今日無奈人何人他日亦無
奈汝何矣然則勢力不行正爲佳事不足忿也
孔子曰君子懷德小人懷土君子懷刑小人懷
惠以近事相辟如忠孝慈讓皆所謂德也宗黨
善之州閭幸之天下後世聞者莫不歎慕之可

謂至榮此君子所懷卽君子之士也小人務廣
田宅而已田宅亦土也然君子以德爲土萬世
居之小人以土爲土沒世而復陵替于他人故
懷土不如懷德之寧也刑者如今日陳說律令
以儆聳爾等是也當以此爲懷見幾而遠罪若
我等官司聽汝說事害人名雖爲惠實汝毒也
小人無知喜順而惡逆故懷惠而忘刑已而涉

文

九卷 十一

于刑或免冠乞哀或褫服受係舉人秀才賢公
子不爲而爲堦前獄內之人哉玉杯盛溲此之
謂也雖然豈能無缺于士大夫乎父兄子弟之
師也士大夫爭渡爭封其子弟有不爭者乎士
大夫領稅領鹽其子弟有不領者乎士大夫害
鄉閭不德其子弟必不懷德矣士大夫僭官府
行刑其子弟必不懷刑矣乞人臧婦苟愛其子

未有教其各以暴者也以一二士大夫所爲令子弟效之敗名滅種此何異憂子弟之饑而食之以毒藥乎子曰吾未見過而內自訟者卽士大夫有一二過舉者慊然謂其子弟曰吾今日以往多非人所爲汝等良子弟慎毋效之惟孝友慈讓是爲爭渡船不如漁者之讓坻也爭蒔田不如耕者之讓畔也領稅領鹽不如領詩書

文

九卷 十三

仁義之爲富也使鄉里稱爲小人不如使鄉里稱爲君子使他日稱爲惡種不如使他日稱爲善門如此雖陳湛梁方諸公之訓子亦何以遠過于斯乎詩不云神之聽之終和且平本院之言神之所聽也此論

續樓賢蓮社求友文

歲之與我甲寅者再矣吾猶在此爲情作使効

於伎劇爲情轉易信於疲癯時自悲憫而力不能去嗟夫想明斯聰情幽斯鈍情多想少流入非顚吾行於世其於情也不爲不多矣其於想也則不可謂少矣隨順而入將何及乎應須絕想人間澄情覺路非西方蓮社莫吾與歸矣昔遠公之契劉遺民等十八賢爲上首而康樂高才求與不許淵明嗜酒而更邀上名跡旣遷勝

文

九卷 十三

事遂遠至趙宋省常昭慶之社虛有向王二相國名隱跡不著亦足致慨於出世之難矣吾弱冠徘徊墜簪池上因而自念異日投簪庶其在此四紀而餘因循未果適欲奮飛開蓮續社而故林馳傳頗礙棲遲諸所高深去人太遠津梁一處允惟厥中則有唐少室山人李公所隱樓賢故基谷林石淙雷動車震橋名三畝循涯眺

聽空寒應心五老雙流傾其左側龍淵鹿洞吸
其近間真不盡之靈墟而無爲之盡境也中有
平疇煖曲茶笋斯儲谷口江乘延接非遠興言
葺築無負初懷冬春間復開九江分司錢塘葛
公加意道業亟遣依之興成斯事比度章門葛
公幅巾歸越而棲賢老釋樂愚寔來樂愚故有
淨行可語者旋告之故樂愚曰亦其時也高天

文

九卷 十四

銷於熾炭大地沉於積流况此聚沫之軀懸輿
之罍乎雖然非有同心安能久處曷若遂蹤林
遠大啟宗雷庶使鸞鶴相依蘭菊無絕耳吾愧
其言自惟素尚淺於淵明襟心廣於康樂而敢
擅嗣盟以滓前哲已而靜思有足述者晉宋之
間世道奇側遠公夷迹諦交實深玄慮我明一
家恢然道廣才度之士朝壑交容慕類以悲感

要亦語嘿之通懷邈來之大致矣且吾
有二友湯嘉賓久懷嘆於棲賢岳潛初近勤施
於昭慶之續斯盟也成斯役也二公首其許
我乎嗟夫匡蠡之名迹鉅矣宇宙之名流盛矣
遺民通隱必有周劉散騎舍人未乏詮炳費神
明於匪妙委日用於無常情有所必窮想有所
必至苟懷千秋之寄者皆將有感於斯言耳

文

九卷 十五

玉茗堂全集

臨川義仍湯顯祖著

說

貴生書院說

天地之性人爲貴人反自賤者何也孟子恐人止以形色自視其身廼言此形色卽是天性所宜寶而奉之知此則思生生者誰仁孝之人事

文

十卷

一

天如親事親如天故曰事死如生孝之至也治天下如郊與禘孝之達也子曰天地之大德曰生聖人之大寶曰位何以寶此位有位者能爲天地大生廣生故觀卦有位者觀我生則天下之生皆屬於我無位者止於觀其生天下之生雖屬於人亦不忘觀也故大人之學起於知生知生則知自貴又知天下之生皆當貴重也然

則天地之性大矣吾何敢以物限之天下之生久矣吾安忍以身壞之書曰無起穢以自臭言自己心行本香爲惡則是自臭也又曰恐人倚乃身言破壞世法之人能引百姓之身邪倚不正也凡此皆由不知吾生與天下之生可貴故仁孝之心盡死雖有其生正與亡等况於其位有何寶乎吾前時昧於生理狎侮甚多受命以來偶讀至伊尹曰天之生斯民也使先知覺後知乃嘆曰謂之天民當如是矣始知君子學道則愛人故每過郡縣其長吏及諸生中有可語者未嘗不進此言而徐聞長熊公愛人者也此邑士氣民風亦自惇雅可愛新會以南爲第一縣且徘徊于余不忍余去也故書貴生說以謝之

文

十卷

二

明復說

天命之成爲性繼之者善也顯諸仁藏諸用於
用處密藏於仁中顯露仁如果仁顯諸仁所謂
復其見天地之心生生之謂易也不生不易天
地神氣日夜無隙吾與有生俱在浩然之內完
天後天流露已極故曰君子之道費而隱費者
浩費隱者深隱也血氣心知乘之有不盡之用

文

十卷 三

浩然初氣昭合爲難吾人集義勿害生是率性
而已夫子循循然善誘人引人知性也性之感
通極變自成文理耳目等用是也心不在焉視
而不見非禮勿視等所以在其心也顏子常在
其心至如有所立卓爾故欲罷不能學已見性
所謂欲頌更離之而不可得然從之未由有由
則涉忘助之趣非率性觀聞之內非知止靜定

之中故顏之卓即知止知性何以明之如天性
露於父子何以必爲孝慈愚夫愚婦亦皆有此
止特其限於率之而不知知皆擴而充之爲盡
心爲浩然之氣矣文王緝熙光明故知其中有
物而敬之此知之外更無所知所謂不識不知
順帝之則也大學致知在格物即其中有物之
物帝則是也君子知之故能定靜素其位而行

文

十卷 四

素之道隱而行始怪闕而不通非復浩然故物
矣故養氣先於知性至聖神而明之洗心而藏
應心而出隱然其資之深爲大德敦化費然其
用之浩爲小德川流皆起於知天地之化育知
天則知性而立大本知性則盡心而極經綸此
惟達天德者知之鬼神誠之不可掩故微之顯
達天德者明之不可昧故知微之顯孔子曰愚

知人不可以不知天誠者天之遺誠之者人之
道故乾知以惠信立其誠知至至之可與幾知
幾也知終終之可與存義集義也知存亡進退
不失其正與神龍俱發揮大業浩然六虛過此
以往又未之或知也故大人之學在於知止止
者天命之性而道義之門乎舜知道心惟微惟
精惟一故能安汝止吾儒日用性中而不知者

文

十卷 五

何也自誠明謂之性赤子之知是也自明誠謂
之教致曲是也隱曲之處可欲者存焉致曲者
致知也知極於曲則端倪光景時若有見如立
卓爾之際也此謂之形著明至此始有龍德可
動可變可化故孔子之學至於知天命而始活
今欲希孔先希顏乎其功自復禮始復者乾知
之始也

秀才說

秀才之才何以秀也秀者靈之所爲故天生人
至靈也孟子曰以爲未嘗有才者豈人之性也
哉不能盡其才者也故性之才爲才也盡其才
則日新心含靈粹而英華外榮行則有度言則
有音易所謂黃中以通其理是也才而爲秀世
實需才正需於此或曰諸生不甚言性正以言

文

十卷 六

性之人亦未能盡其才夫大聖非五十學易知
天命鮮能無大過惟其言之信者識之其行之
信者從之其言之疑者置之而已或曰日者
士以道性爲虛以食色之性爲實以豪傑爲有
以聖人爲無嗟夫吾生四十餘矣十三歲時從
明德羅先生遊血氣未定讀非聖之書所遊四
方輒交其氣義之士蹈厲靡衍幾失其性中途

復見明德先生嘆而問曰子與天下士日泮渙
悲調意何爲者究竟於性命何如何時可了夜
思此言不能安枕久之有省知生之爲性是也
非食色性也之生豪傑之士是也非迂視聖賢
之豪如世所豪其豪不才如世所才其才不秀
傳不云乎三折肱可以醫國吾爲諸君慎之

文

十卷 七

玉茗堂全集

玉茗堂全集

臨川義仍湯顯祖著

頌

戴大宗師孝感頌

有序

恭惟吾師戴公抱扶輿之閎秀斯人之類風
體冲明德心醺進邇紆毗濟之道綜法物之
教有事在三其儀如一所以啟揮風華之裔

文

十一卷 一

光飾文轡之士者術宏廣矣首德惟孝夫孝
德以爲道本爰以教六行始也吾師躬親服
勤青衿受其模染精意炳鬱玄壤標其采瑞
厥有年日哉先是歲戊辰春吾封君太師殂
落吾師哀哭絕人固已焦腎乾肝田胃嘔血
矣縣屬之際自傷念曰先人之體尚未有處
吾弱如以死殉勞無異兄弟身復未有子是

終不得善地受吾先人骨矣稍試稍粥七月
始能行視丘原之吉或人已穴或比人居止
不便人者吾師不卜曰吾不能妨人之吉以
吾吉也忽天賜善地得大峯之麓時諸暨令
梁君同往視吉已乃剗竹一莖其處是月不
雨至八月往視前所立竹忽然生筍三枝枝
尺有咫歲庚午冬遂墓辛未歲九月縣官起

文

十一卷

二

復勸駕吾師抗辭不獲哭戀墓側忽見墓頌
生草一叢就視草中乃有禾三穗穗各一種
種各實一縣人三老子弟俱往驗視嘆曰戴
氏冢前既生三瑞符今又生三嘉禾孝感殊
異宜上厥事吾師謙執不許蓋墓後一年而
有子瑞戊寅又生一子天符地脉昭然在茲
庚辰夏門人顯祖作頌頌曰

湯湯方輿炯炯圓覆構道胚渾流精皎燭父母
罔極如亭如壽始服無方終管永卜孝子貞之
恩原是築天地嘉之禎符是速乃有孝筍生于
紉竹乃有孝草生其旅穀籜既明禾種各圓實
神抽其穎天賜其秩至行玄感圖經所陟蔡木
連里夏樹華鬱新林旅松石陽寒橘甘棠麻拱
鎮南禾麥吾師匹止昭哉殊迹二胤承之永言

文

十一卷

三

孝澤門人作頌以告維則

縈河公頌 有序

縈河公者蜀玄妙有道人也本天上之張星
住人間之井絡百行歸其檢押萬卷屬其流
涉忽而神忌其燭用晦厥明公乃投業而嘆
曰夫子野徵言晉人名其君子丘明紬史漢
代標其素臣彼皆不貴而尊或損而益吾不

逮飛芳域內不當振足塵外乎遂結茨嘉陵
江上誦乃祖思玄賦縈河之句欣然賞晤目
號縈河居士令子侍御一鯤君時振于鄉也
厥有五兵侍郎曾公甫起籍於彭澤業鳴弦
於富順寔其舉主見爲通家乃推倒峽之才
創寫縈河之意繼有作者旋復終焉嗟夫里
社藏雲薇垣隕宿侍御君悵風木而流恨索

文

十一卷 四

雲藻以攄幽一時人事俱操彤管之奇爭慰
白華之想歎如僕者無涯浪士有憶情生詠
草惡其俱昌班荆語而莫逆侯誰在矣有子
幸哉欽其素業清隱作縈河頌一篇

華顛君子玄識先生沉輝葆樸澡迹遺榮當無
鑒牖選僻攢楹嘉陵是直岷江此橫銅梁寫照
玉壘流瑛織羅畫漾積穀朝縈醺旋矯潤虹拖

飲晴榮流絳屬澄漪練平迴迴漢采裔裔雲英
陽崖曲抱翠漱遙迎羊腸迤邐鵲尾經營龍匣
西蜀安史南荆泉綃遶室雪錦環城玲瓏溯江
綽約連瀛含潛麗寃樂泌倫貞湧淪無詫冲溢
寧評文藻可結瓠瓜不傾侯嗣忠孝漁歌濁清
隱同邁軸貴異塵纓璇源自折珠崎恒盈縈河
載頌絡井流聲

文

十一卷 五

玉茗堂全集

臨川義仍湯顯祖著

哀辭

南安孝子譚德武哀辭

有序

譚瑋字德武南安大使諸生也幼殊慧嗜學從厥考敬卿明府于東莞縣署敬卿後以南部尚書郎言事里居生益感憤攻苦發篋經

文

十二卷

一

史牒記方技稗俚挾摘罔釋至忘盟御庶幾通儒爲文慕周秦書揚鍾王曰吾所希必聖品也篤于兄友怡怡偲偲棣曄蘭幽各極其致孝有至性哭母劉宜人幾絕卒暗暗田田三年不出苦次以死年三十有一傷哉厥兄墳亦孝友士也念往昔居筑悴殆甚徘徊焉啁噍焉侍予章門蹶然而興曰嗟夫墳堂北

之萱旣謝庭中之樹復枯慈烏之恨未終原鴿之歌繼作學士先生有以報我乎因泣下承襟予曰止當爲辭鋪子之悲

騁乎陰之望國馥梅庾以名家隔文流於東穀矯秀峙於西華玉亘虹乎橫浦金流螢乎大沙乃有時人映其公族賞氣惟清居懷自郁生豫章而已辨出駃騠而遂矚擬霜雪於柔柯想風

文

十二卷

二

雲於稚足珍卿懷上第之姿光佃有神童之目讀父書於東莞發祖篋於南源義隨蘊而必探詞靡華而不舉步吟嘯於金蓮之嶺卧思惟乎玉枕之山忘高鳳於冠履廢弈越於寢餐手絕編而雪映口成文而漢爛文趨峯於六代字臨池於兩晉抱明淑以存真遡風期而寫韻霽夏輦於七入滄春隄於九醞交閱素以彌冲友輔

仁而去隘其仁如此其孝維何母留慈兮杯棬
子吞聲兮蓼莪入室兮捨地而欲絕出戶兮呼
天而靡他水漿希溢米之入括髦匪素棘之俄
慕有反而闢立痛無窮於隙過被禪衣兮益慘
授素琴兮靡和毀三齡於凶室慟一夕於蓬阿
嗟夫德武竟以毀死父諱主兮忠臣子殉妣兮
孝子貌若泉以無期杖削桐而不起必觀過以

文

十二卷 三

知仁豈爲賢而制禮亦有其兄友于而貞觸重
傷於哺鳥提巨創于卽鴿摧荆未足比其色亡
琴未足歎其聲每感至而心傷動言垂而涕零
合陔幃而孝友炯骨肉之儀刑眷悲鳴兮異愴
寄誄頌於同情

費太僕夫人楊氏哀辭

有序

夫人貴溪楊參知濂之孫也幼有至性敬睦

溫貞臨武長歸山費君爲其子同卿擇婦昏
于杭之水部郎署克相同卿于孝謹中外無
間言未老而同卿卿丘園並責於存歿屈申
之際持挈勸諷可爲婦師生子元祿字學卿
才士也愛之殆甚學卿旦暮修大卿之迹光
相國之緒而夫人不待矣初學卿婦楊於夫
人爲宗女先五月病死夫人故羸瘁至是益

文

十二卷 四

用自傷恍惚常見二紫衣女人來導遂不復
起夫人儉而好施肅而能讓徽佩之日諸妾
御哭毀過至有關聯樛木之思凡四方才士
賓于晁采園者各有誄予感而哀之

曄明星其何祥儼瓊妃之洞房轉轆轤兮濯金
井上仙機兮掄翠裳誕此邦之淑媛緒關西之
遠楊授圖史於幼志襲絳組於明章美臨武之

擇相倪參知之令望薊溪薦其涓圭荷湖鏡而
生光歸罔卿於武林遠百兩以鸞鏘生婉變以
明慧允懿粹而矜莊出都水而一麾君夫人其
有邦奉炊爨於長汀佐煩絲於武郎出薊門而
備兵侍南旌於舊杭逮憲閭兮藩粵却翠羽而
揮明璫委駉驤其在罔留侍姬於滁陽並翟茀
以懸車誓偕隱而樂康惟夫人有至性敬臨武

文

十二卷 五

而惠于威煒疇肅雍于子舍接大事以維襄宗
婦帥其羣介夙宮藻以于湘感則百於河洲哀
窈窕而不傷廣江沱之勝育遜小星之慧芒戴
華勝其嚼首躬浣裙而薄裝見妾御之明綺寄
蹠踏於條桑本富家其大吉亦施舍而傾筐邦
族懷其黽勉祝慈禧其未央何食少而治煩每
力疾而負床感新婦之湓先慙鬱鬱而情傷婉

霞袖之二女紛羽節以前行引清魂而上霏疑
仙巖之故鄉尚彌留于歲晚乃委絕於春陽嗚
呼哀哉內行英炳圖史不朽中百而五非天非
壽有子學卿是爲良胄貌有懷玉文若盤繡出
秉義於嚴規入依仁於慈授撫衣食而躬親警
藏遊于擊叩喜遊道之方廣奮文心而日茂庶
風雲其在茲顧桑陰而豈後捐杼軸而不御撫

文

十二卷 六

杯棬而長覆奉欣欣兮靡及隤田田兮孔疚踊
斷機于緝石之鄉泣璇源于晁采之園嗚呼悲
哉王畿家園永離休矣有婦前驅幽宮怡矣貴
母于朝吁何及矣煢煢畫衣啜其泣矣翔名幸
親侂所立矣吳粵之遊紛葳蕤矣我泣無從詞
孔哀矣藐姑之陽載音微矣

王荅堂全集

玉茗堂全集

臨川義仍湯顯祖著

志銘

前朝列大夫飭兵督學湖廣少參兼僉憲

澄源龍公墓志銘

予鄉舉爲隆慶庚午秋而吉之龍公宗武劉公

臺南昌萬公國欽丁公此呂皆成進士雖蘊藉

文

十三卷 一

慷慨殊致而各有名於時劉萬丁三公皆以御史言事去官前後死無所恨而獨龍公以高才猛氣不得爲其所欲爲而頓挫外服終於受俗重誣以死海內知者傷之而予與吉水鄒公元標尤甚嗟夫世豈無若人之才與氣而以誣廢且死者乎然以予所見所聞知則於公固有憤發憤絕不可言盡者矣蓋公以名進士擇拜蘇

州李蘇故浩穰頃劇甲天下公至披摘影發如

神豪傑立解散能聲勃興久之里居貴人皆懾

服而公復凱亮下士有體人士服信而愛之嘗

有當事某者以冒破公帑絀吏議至捕逮其子

孫不能償直指使者邵公憫焉爲言 上益發

怒令具列其經費狀以聞不且罪言者使者怖

以屬諸李官皆相視怯恐亡以應蓋先朝數十

文

十三卷 二

年事十數郡所經費簿書相遞代緣絕盡矣使者怖益甚會公以他檄詣淞一見語輒受事而月而報竣歷歷若指掌使者嘉復言於 上上原某而嘉使者能於是使者喜益甚而以其能歸公其德公也且益浚癸酉檄分與南闈試所錄士常定於公故房額取士不盈十而公獨二十有奇皆一時知名士後多顯重者已蘇守洎

長吳令上計去大吏檄公縮其三綬公皆佩之
而事乃益辦益從吳人士俞君允文安期輩遊
恢如也然思者同已日講之矣甲戌大吏復以
公賀 天子壽而空橐行無足爲都官獻致顏
色者固不能無望而又偉儀容高視濶步不能
謬恭謹事卿相大吏卿相大吏初皆喜一見公
比見有所問輒自傾吐百千言不少遜卽又忌

文

十三卷 三

而目攝之矣生是諸使者章舉治行尤異者至
十餘上而僅得姑孰丞海內詫之郡人列治狀
爲請乞留丞蘇不可得而公亦怡然卽官姑孰
矣姑孰不當蘇簿領十一而首當留都重轄江
海間盜賊風起公以江防治蕪陰稍用嚴理數
月威信大著千里之內商旅夜行實從時至歌
吹之聲相聞無絕蓋嘗三過蕪陰公在覺爲

重鎮比公去蕪如寢敷矣公前後凡三攝邑事
所在頌而留之者至五六上所條刻皆足爲後
來法然亦不幸而有吳生之事矣蓋是時 上
方冲聖而江陵張公用一切把握裁覈爲政時
不能無苦之遂有爲中丞海公疏而假 旨以
下者適公之小吏刻以行聞於江撫某某曰吉
安劉若鄒若前傳應禎等皆以言執政危切坐

文

十三卷 四

戍龍其鄉人而龍之小吏家刻此必龍所爲也
下公捕治此事而公亦不得已一爲蹤跡所從
展轉凡四五輩而始引爲吳生仕期仕期者宜
城妄男子也老諸生間常落魄外忝曰我當之
長安上書言執政者實未嘗至都有言也至是
僞疏 旨引及乃始索得其書詞意頗類以質
仕期仕期語塞其上江撫轉以聞江陵江陵手

書曰此不足起大獄斃之杖下可耳撫以示公
公不忍而撫意遂欲以吳生事及其鄉人沈公
懋學矣懋學故孝廉時爲宣城令姜公奇方所
賞重公至宜問人士今以懋學梅君鼎祚對公
皆厚遇之而懋學遂爲丁丑殿試第一人受江
陵恩遇最渙而當江陵不肯歸服父喪時乃至
廷杖言者鄒公等懋學亦以書勸江陵見忤移

文

十三卷 五

病歸里公益用憐重之及是撫欲有以中沈快
執政意而公屹不應曰一老措大假 上旨吾
尚未忍堅決乃及賢士大夫乎聽之矣會吳生
自憤恚絕吭死公爲給六千錢殯視之公故未
嘗有加於吳生也而先是有蕪令某者不善於
公至是聲言丞實絕吳生食嚙敗殮死聞者頗
惑之已卯冬在姑孰且上六年計矣始一報遷

守河南比行而當庚辰正月大計吏則又奪公
守倅黃於是公勉一至黃不能無憤且倨而其
守故公理吳時所賞識士意其下已而乃不然
兩者心構而其采若屬又且目攝之矣公不爲
意日從文士瞿君九思父子王君一鳴輩遊誦
赤壁賦嘆曰抱明月而長終又何羨乎當事者
強之攝黃岡邑篆則又厘厘民務不少以遷客

文

十三卷 六

委去時大侵有下令饑者得攘富人粟公驚曰
有是耶召簿富人出粟者明年官爲若責償有
粟者歡從饒而不亂郡左江右山盜出沒斬汝
間不可卒得爲部署其渠朔望白所部無亡失
因假顏笑褒遣之盜用衰息會使者按黃富有
所誅除公鞠之無左驗輒麾去曰吾爲若白使
者凡活十三人檄按五谿五谿吏俗耗襍幾不

可治公嘆曰鉤鉅良吾所饒顧民雜夷易驚擾
吾持大體得事情還報耳時五開衛卒叛五開
者黔黎平地而隸於楚 敬皇帝時款而繹騷
嘉靖至萬曆間衛卒胡若盧等各雄其黨號六
譚軍備兵使者嘗一按部至其地不納焚司門
備兵使者忝凡三撻守備焚其府又焚其衣冠
圖籍逐去之再撻黎平守至逐之潭溪其相仇

文

十三卷 七

殺斬掠民夷戶口無算傳木刻詐約諸洞夷於
是銅鼓靖州龍里諸夷皆相響應爲亂諸撫巡
監司屢檄不能下至是御史屬公往視之公爲
環察道所出入及其情向歸報御史并條上機
宜都御史都御史曰善疏上 詔討五開頒其
條以公僉辰沅備兵事刻期往蒞兵黃人遮道
擁哭不能去公從間道行雪中晝夜不休時時

從馬上裂檄告諸峒夷宣布德意解散其衆而
後至賊城下招之賊曰官有利兵我有堅城何
下爲公擐甲嚴號令策飛輓徵火具召集土客
精厲徭仡之屬令諸將軍鄧子龍等分將之而
躬督矢石間起辛巳冬仲十八日寇二十二日
戰凡十數合賊據城睥睨下木石湯沸毒弩矢
槍簳飛墜如雨鼓噪聲如雷而公神色不變益

文

十三卷 八

大呼諸將軍奮擊毋旋踵親策馬獲其渠一人
斬以殉賊氣大沮遂火其東門以致賊而兵入
其北門獲其六譚者四而大捷告矣公遽帥參
戎鄧入安撫城中鄧微有難色公曰五開非他
虜等故國家所綏卒也其酋且盡又何難焉公
入反覆開諭越二日夕乃還五開平都御史陳
公叙功畧曰僉事龍某十日而驅一千餘里之

危途半月而清四十餘年之叛窟疏聞於是
天子乃始錄公功以公參議湖廣布政司事專
備兵兼學政如故蓋公平五開時已兼視學時
從黎平學官諸生講藝歌詩習射常有緩帶折
衝之意是時公自以爲遭遇益勤其官辰沅極
楚南檄有司常羯戕其民視苗峒所殺傷湯不
爲理與蚤晚得代去幸無事公奮然與更始檄

文

十三卷 九

諸將吏士申軍法修城陴謹燧候密偵察苗夷
有敢掠殺吾民者毋隱時時與參佐等抵掌而
談或尺書心腑相示參佐以下莫不感激思有
所用遂諭降其郡西山陽峒長官司徵其大寨
九小寨二十四楚徼爲清暇則取所市旁郡書
籍授諸生能讀者課賞以時先是士安其鄙賢
書脫名字者百餘年矣是歲壬午秋沅陵沅州

各得一人皆公所首士後往往不絕賢書矣明
年癸未春復當大計吏公自以功籍顯異且盡
瘁憂國卽百忌可幸亡中而乃有同事討賊者
內慚公功構公罷歸公方經畧討苗龍割耳報
至怡然賦詩就道未再踰年而前之不逞於公
者又以吳生之事論逮公戌合浦矣於是鄒公
移書海北備兵使者曰龍君揮霍偉抱抑而至

文

十三卷 十

此嘗見年家子沈某極言龍君以身爲其先太
史地故不暇及吳生且云太史若在必能明此
懷於當世者而僕與劉傳兩公皆危苦時受此
君高誼不淺幸善視之此君才識殆非泛泛者
公其無忽嗟夫公不難以身蔽君典所以緩急
諸君子者曲折備至而忍親以其身爲不凱亮
之事耶至不能以五開功過相准陳子公張然

明又何長恨于昔乎比成而以差假歸則無復
措意時事修孝悌之節嫺恤之行而已蓋公之
考天爵爲人奇俠而數失子乃厚飭先祠而禱
焉以有公公生而目炯炯神采射人五齡受書
立可數千言問了其大義童子師率二歲駢謝
去九歲爲制義援筆立就試有司郡丞王公異
而欲子之不可而厚遣之蚤有神孺之目侍母

文

十三卷 十一

夫人疾二年餘竟不起孺子哭而毀者數年後
試學使者臨海王公奇之首補庠弟子辛酉弱
而冠秋試罷歸益發憤就師安成而餽其同學
者四蓋室無半菽儲而常以內子奩佐費迨癸
亥而太公且七十卒以未及上一厄爲壽痛哭
屢絕而甦飡粥三歲餘憑而立偃而行族人士
以爲憂競諷止之乃稍稍資梁藥以起至今諸

長老能言之丁卯秋試復罷歸則日夜哭舟中
不絕聲同舟者或嫺之不知公急需一第葬太
公慰夙望重泉下耳顧卒哭已久亦且泯而寢
焉素車白馬臨送者幾千百人咸嘆公哀而有
禮庚午始以易魁其鄉輸坊金於祠曰先公禱
焉而生某某其何敢忘明年成進士卽設義塾
館穀七世祖以下子弟學甫有祿則以分資其

文

十三卷 十二

不克娶以字者及罷歸食指衆田穀不支而族
且不下萬餘指然猶貧者人穀六斛衣履敝穿
者給絮帛履病無以治者給醫藥費死無以葬
者給棺具歲爲常其藉以養老長子嫁娶喪歛
死而起者比比而是子弟多衿帶之倫厥後戊
嶺海則聚族而計久長曰吾今歲出租若干石
令能者五人長之寧輕其子錢可十歲而百金

者三足以置產其未置前歲給如故又族故自縣城西徙鄉宜一祠先祖於城西以志其始且吾盡室行嶺海而家中田入富有奇者請歲積以買址并他材具小不足則相與助成之其濟乎衆欣然從之蓋十年而庾積二十年而祠成合食穰而肅雍之道興遠邇乎盛矣則復捐其田廬爲族舍起閭道環水以復形家之舊而新

文

十三卷 十三

其鄉之祠倡七世祖儀制公之專祀卽忌日未嘗不綈素哭泣盡哀而又請祀其五世祖慈谿令竹夫公六世叔祖亞卿靜學公於學宮族以贈公爲請公唯然久之曰此非爾所知也先公良亦稱是顧非人子所得私俟之可矣卓哉龍公不遠其先仁也不誣其親孝也至仁孝俠烈有世莫爲傳者焉嘗有所識宗人子孔魁以私

關爲其曹誑戍遼路窘乞公於丞所公察其誑留之而禿蒼頭百金於樞曹掾及邀驗其尺籍無有而乃以健兒護之歸其倖黃時固嘗脫鄉人彭某之戍於辰矣有宗人者籍於鄖之竹山且廢而追琢一宗人子往繫之爲名諸生餽於鄖及罷歸罷人有鶡衣而哭於途者曰吾母已乎妻子已乎公下車問之則廬陵人林偕嘗爲

文

十三卷 十四

吏目於辰去官獨身歸而不能歸其老母妻子者也公爲潛然附之曰君且休矣退而立丞書楚巡撫乃故按蘇時邵公者爲乞路符歸其家比歸而林固不知其爲公致也至於廬陵蕭黨貸重粟至百十金有年矣一日詣其家黨蒲伏不知所出公曰若無驚吾故知汝貧還汝券也蓋最後誣獄起逮攝公江湖間窮苦矣野泊見

茅栖而乞食者問之曰吾故有大船陷於此身
沒而汔濟今船固可起如枵腹何公爲恢然解
橐中裝裁四金與之米三斛爲留數日視其起
舶而後去有僧操孤舟急渡風惡幾覆號絕無
應者公進已舟援之告避難者獨一敗絮以出
公以一金若少米賦詩予焉歲大疫市有垂死
人二公手樹其頰嚙之漿收而活之一謝去周

文

十三卷 五

以金粲一依依不忍去歲衣食之十餘年乃病
死嗟以公仁心類是而彼所疑必欲以困公者
何也他如約束里閭除盜賊息訟鬪有大造其
鄉鄉人有所興作解免皆以公一言爲信蓋公
在海上者二十年軍吏習其威弟子服其教傳
之交人亦有惜才之嘆焉歸而課子書傳視田
畜間從士大夫布衣詩僧遊醉而賦詩歲一大

作佛事幾三十年不自言其寃亦不一及同事
者姓字有問者第飲以醇酒子嘉柱長而才好
讀書公輒止之曰文字是天機所成且留侍而
翁一杯酒至於生事日落固無問矣晚病足而
登臨自喜曰尚不廢我蹣跚也未病時嘉柱以
大學生試南闈心動過返至則公病甚侍醫藥
者十七日而公卒卒之前正衣冠默坐止哭者

文

十三卷 六

禮西方而後行僅以克塋而嘉柱斬衰行哭數
百里來求予銘予不可辭設位而哭之以銘公
諱宗武字君揚世稱澄源先生其先世唐以來
代有顯懿公世徵錄具矣考贈奉政大夫天爵
妣贈宜人王氏配封宜人尹氏庶羅氏子姓具
左銘曰有雄列星流西昌下爲龍子爲君揚備
具文武宜佐王百出其一世已張魁梧廣顏睟

望羊吐音歐歐穀礫硯泣官角出橫鋒芒觸精
割飛殊快當氣色斂凱思順良上下倚決名驟
翔首尾吳荆江漢長文書雨雷戈劍霜開門脫
兔頰脫囊嘆者在心仇在旁再蹶再起卒而僵
古云一失千仞強刺蜚骨驚成附瘍倏得不饒
沉穹蒼吞聲側足趨炎荒起看銅柱悲淋浪不
可久留還故鄉天不敢問貞祠堂周澤九族時

文

十三卷

十七

蒸嘗約束里戶除襪祥人生美好何可量于宗
契濶柔其剛高嶽隈摧成澤岡長河枯蕪酬沸
潰有時叫絕羅酒漿口不能言心內傷擬公緩
急爲國防洗削白肉施明光俟河之清寧可望
吁嗟臣精已銷亡知臣者誰鄒若湯一人知臣
臣欲往下窺九原非弱衰蔭松柏兮幽以芳悲
哉龍劍歸其房世徵我銘宜樂康

永寧縣知縣靜寰端公墓志銘

端府君鎮威伯故南御史大夫姑孰端廷教子
也 先皇帝卽位以諸生調補太學今上八年
試永寧令永寧治萬山中民氣橫府君爲折節
治學官廣置弟子員上試輒身自餞至大張音
樂文幣所以慰藉勞飫感發之殊豔士稍幸慕
冠帶弦誦之意庶幾廬陵焉俗好與臧吏持府

文

十三卷

十八

君下車立威信暮年賦常先諸縣如程訟爲衰
忽一日思其母夏恭人解印綬去部使者官屬
並嘆息失此賢令爲移姑孰明其所以令致敬
焉永寧人至今思之府君幼從大夫令天雄時
大府後數奉使府君常留事唐太恭人後從南
視大夫疾治喪走 闕下伏哭 肅皇帝悲憐
賜塋焉嚴相國故重大夫好謂府君曰上方齋

徐之當爲先大夫奏任子無遂行也府君嘆曰
吾雖薄獨奈何以死父祈恩乎促裝去道間中
弟銓毀不復入私室遂上病弟床引被同卧訣
常願以已餘年代弟其小弟鉶至數悲涕爲余
言伯兄之勤慈父爲大夫大夫大父宏亦侍御
史布政越然家世清吏自熹無私有已後東南
歲惡軍興伯獨身出受事縣官歲時祠下具養

文

十三卷 九

備並爲鉶等冠娶婦問召諸戚屬賓客常辦毋
重勞苦伯且擇日爲鉶等分業治令伯得饒自
入便善者伯爲泣然自占敝田宅餘師記行弟
從子等病時鉶問所欲言伯嘆曰吾昔聞大人
遺言大人曰兒卽我何言今弟卽我又何言至
絕視我母夏素人不瞑嗟夫府君可謂孝厚醇
真君子人矣年六十有四娶于余元配也先十

年卒後不繼嫡若孫若吳若俞皆其側室子三
長汝江國子生娶倪氏都憲公嵩之孫女次汝
濂國子生娶鄧氏定遠侯繼坤之孫女蚤卒繼
白氏家金陵隱士琦之孫女俱嫡出三汝泮幼
殤俞出女二長適確山令楊公重孺子生員惟
桂嫡出次許聘安丘少尹曹公泮子行已孫出
孫五長茂材聘國子生楊公桂芳女次茂林聘

文

十三卷 三

南雄通府王公柯之孫女次茂森聘貢士楊君
哲女次茂楨次茂枝尚幼府君生于嘉靖壬午
三月十八日子時卒于萬曆乙酉年三月初四
日戌時予猶見府君太學時宜因永寧人之思
爲銘銘曰淳德好茂端木賜之后來官以慈去
官以孝涕言而之永無咎

明大中大夫江西右叅政完樸潘公墓志

銘

歲惟辛亥之六月三日江西有叅知完懷潘公
以上 萬壽表行朱衣佩裾偉雅其容祖于章
門宿于武陽詰朝而道病暈劇于玉嶺終于鍾
陵惟時撫按大吏震悼流涕邦殯良貞民失宣
惠下至官屬聞者感嘆蓋公雖蒞事未暮而教
令溫恪有德人之風若其久被然者既乃公之

文

十三卷 二十一

子某某函表請于大吏他屬而始奉公柩輿以
歸袒擗荒毀哀動行路過邑則哭賻禮一無所
受咸知公之有子也逾時而使者以狀來曰孤
聞之先君子千里之外而知其人不必其相與
見也沒世之後而知其人亦不必其相與聞也
禮有之先人有美而忘之未有而誣皆謂之不
孝孤不敢以誣亦不敢忘先大夫之於先生未

嘗有以見也而辱使者之馳而哭之則亦其嘗
有以聞也其或哀而志焉且重之銘不敢不以
請嗟夫予有所志之矣往予謁王方伯公佐李
廉訪公開芳期食而遲問之王公曰適俎東粵
學使者潘公于章門與之語而留潘公甚幸余
之久于茲也曰江西之士若民隤而貞齋而明
吏而清欲言其不然而不忍也吏而非清欲言

文

十三卷 三

其然而不能也吾起家臨江理至于今若干歲
矣未嘗不得江西士大夫之譽焉吾當再遊于
茲土耳李公听然而笑曰公亦偶而及江之人
耳意常欲近其親江之於吳興近也猶吾之不
欲遠吾聞也嗟夫予以王公之言見公之爲吏
忠而譽長于李公之言見公之爲子孝而思勤
忠孝之槩吾有聞焉後三年而公從東粵來參

江藩曾未下教封內而亟訊于予曰昔陳太尉下車先禮名賢臨汝恨未卽邇敢以幣先予愧謝良喜曰公果不鄙遺江之人或以近其親二公之言已信而又幸予久之可以見其所聞也冠蓋之西來者言諸大吏稱公所治或笏攝數事法令精整持握不可猝故動然意常豁然不屑屑世俗吏所爲宣察比雖多賢所最推誠而

文
十三卷 三

相師法者必公也予聞之益喜誠如是吾不可以不亟見曾幾何時而聞公以大禮行矣則公之門人予邑長南海葉君天啟愴然而計曰天不憖遺吾師逝矣嗟夫公不鄙遺江之人江之人乃不得而終公之惠耶如公者予遂終不得而見之耶按狀公諱士達字去聞湖之安吉人也祖雲同知廣德州事有能名父秉純嗣霞爲

諸生嫻文詞著孝友之節公六歲受尚書五行俱下總角太守李公順司理向公俱見而異之年十六補弟子員學使者劉公東星異之逾甚試嘗三冠其曹遂舉于鄉年二十六而成進士十年之間發憤學殖手所錄定常過數千卷有古文世編等行於時理臨江恂然有以自潔願治獄常勇於詳平者法吏不如也論吏常隱所不及而申其大能所至稱爲長者常爲部使者重以最徵當試御史給事中公不喜曰吾無以隆隆者爲也且若此則當以伉激言事有失得爲父母老人憂於是朝下偶墮馬以疾辭主者乃更爲公恬補主儀曹事不數月以母夫人病解去日夕侍藥水漿不入口者旬餘已起受事至滿秩爲郎曰吾得以清郎周旋二老人之前

文
十三卷 四

足矣則脩然乞告以歸歸無何而視學東粵之
命至愀然不怡者久之顧不得已一度嶺海所
拔識多知名士日夕書報命歸省而江藩之命
下矣則不得已而至請以慶行拜表就道不避
瘴暑凡以急親也嗟夫令公得過家一日仰視
其封公母夫人面一掩涕而訣猶公志也天乎
其不能少假者何與大致公居常孝以爲行本

文

十三卷 五

遊宦千里外思其親常如對七箸兄弟數十年
同甘苦誓無分爨外內勞苦乏絕荒札歲賑餽
無虛時有所市外內產物已授直覺其意有隙
輒焚券不取乃至遠方孤竄流疫公常身自調
藥無所避死爲憑棺歛視遺道里費而歸之蓋
公悲惻慈响其天性然計至之日宗戚遊里外
及流寓無不該悼奔走號泣相告語長嘆

息者公起家幾二十年蕭然一室意不樂仕進
曰凡吾所以仕不能已者三大父某以明經止
下秩而未有贈命嗣祖母陳以貞節老莫以上
聞族多而貧有不能魚菜其先者當爲田百畝
以祠春秋凡此吾所以有待而不能去也悲夫
安知夫雅志未就而公不可待耶忠孝之槩予
既有聞而媿睦收卹其詳於今如將見之焉者

文

十三卷 五

雖微知已有不與其後之人敬其美而忘之者
乎予宜銘公淑人張氏淑以貞成公清而助之
仁勤于姆訓公子四長基慶娶鴻臚寺正卿錢
士完女次基祉娶孝廉朱正邦女次基祔娶孝
廉嚴嘉延女次基禎聘右諭德溫體仁女女二
一適江西按察使閔洪學次子及申一許寧山
西按察司副使朱汝器長子永昌孫男二上咸

基慶出

基祉出銘曰

凡政有經匪一其

教君陳受命孝乎惟孝公起吳越光岳醲臭夙
智自遠明發有耀資仕爲親慎慮明操于理于
藩始卒江右清沚潤滋江人其受公在儀署藥
龍之造公視粵學象育來效宜猷振采方炯方
茂而親是思展轉顧覆凡公有行孝以爲首禮
無遺賤施不以富豪夸者倫好進凌越違清失
厚苟熾而暴彼其好還决裂顧咲公無奇服恬
懿內照持之樸致玩之弘妙顯處不就數移而
告有美莫究歛其中道內恕誠感訃至咸悼以
此觀彼奚足以較我聞孝孳惠食其報子乘而
才流風允經天日之東有鬱而秀公藏其中陟
降靈嘯永安且吉以徵其後

有明處士潘仲公暨配吳孺人合墓誌銘

文

十三卷 七

余讀李本寧氏爲歙潘仲公殯官銘有子之恒
以文名交天下士而先是王元美氏爲仲公配
吳伯姬志墓固已云之恒爲國子上舍以文事
游大人矣時余官留都獲與定交一日以諸公
前後所爲二尊人傳志哀誄馳而告曰潘故周
畢公高之後也唐乾符間有刺歛者留家焉宋
建炎中武節大夫珪實遷嚴鎮十四世而有之
恒大父判汀州郡事侃先人其仲子也少偉敏
涉略書傳大父方困諸生間不欲更以苦仲子
令受賈於吳大父歸而棄賈以養所居多奇濶
之行而母吳故同邑人太學思誠女也曾大父
御史瀚瀚父兵部侍郎寧而祖楫猶爲江西布
政司都事世家矣而母飭於婦事靜好柔恭歿
而私謚之懿則諸君子之志也將合兆于某所

文

十三卷 八

丁未有日請豫爲之銘噫甚矣之恒之不欲忘其親也按狀公諱君南字南仲里人稱爲仲公爲人開達志義自喜鄣吳間多傳其事嘗呵尉下騎令無以昏夜收辱孝子贖唐太史臯遺宅祠臯是亦氣決者能耳余獨喜其不就督府幕下告身官一事嘉靖季倭熾吳越間胡公宗憲督諸路兵治倭開府于越徵時權重能暴貴富

文

十三卷 元

人而汀州公里戚也南仲方賈吳幾中倭脫身以免伏崖壁觀倭跳梁狀曰此易與耳時真州守帥盧鏜故習兵未知名而里人子羅文龍有機知亦流落無所用仲公馭奇此兩人爲言于汀州公致諸督府果以其策破走倭進鏜元戎而以文龍參帷幕謂汀州公曰二人微公子不及此吾且以魏無知之賞爲公子官仲公聞之

矣曰彼以我爲真賈者耶去吳走真州不受嗟夫此不惟知二子且知胡公遊處泊然榮訢無所與有非高步遠識漫然氣決者能乎而孝睦之節甚著內恕孔悲則吳孺人襄焉汀州公性卞急仲公常得其歡三子分月而饋至仲則吳孺人常爲設十數人食賓從諸倡樂有至者輒留爲汀州公歡噫常盡一月止所食具竟晚脆

文

十三卷 三十

好流羨汀州公笑曰幸無驕老人人口難爲季也諸客亦皆相戲曰吾等行需仲月乃來就公耳而仲公亦復好廣賓客諸博徒跼蹴技擊倡優裸戲如汀州公性復卞急常以客至飲不猝具抵几發怒吳孺人聽之無如也徐以辦蓋汀州公晚而有季道南庶徐出也仲公憐愛之與同母兄程孺人所生周南三分其業常與季多而

孺人亦往往致謹于冢婦妣氏禮遺諸姑緩急無歲時以稱程孺人之意汀州公耄矣有妾余以其女子來公歿仲公善視余而嫁其女子名家及仲公多嬖吳孺人安之曰樛木谷風之詩吾習之矣乃更有進此者仲故矯壯無病耄而哭其兄周南冬逾春卒歿也而吳孺人亦以其父太學遺言三振其弱弟坡若增于危絕爲舉

文

十三卷 三

數喪歿而猶視此不亦孝睦之節甚著而內恕孔悲者與至子之恒美而文所游客多車騎長者禮際治具滋益恭然亦時以意喻之恒曰兒治詞賦較吾治老莊言孰多而孺人亦時時勸厲本業已而嘆曰勉之汝母亦且暮人耳竟未中其年以歿仲公哀之已下貳于真州陳凡生子女有婦而後令孺人子母視之曰不忍忌吾

懿也仲公去後所與游無貴賤悲思之生卒年月日子婦孫若干具方定之氏吳無奇氏狀中宜爲銘銘曰 質義文禮王或以鄙任達所激反復可喜推進利國耻食其報儒者之恭俠者之傲宴耄迎志悅愉有美外內禮洽存亡義貫父客小往子客大至講希蓄旨媚于三世世曰能家所急者財令德靡効奇服是偕通人懿妻

文

十三卷 三

倫常啗俞靜躁相扶宜年儷居母齡距艾翁越三紀壽祉何常恢其有子潘才世欽哀誄紛葩我賡爲銘貞其休嘉

處士野亭羅公墓誌銘

公諱應良姓羅氏字子才別號野亭公其先蓋汴人也國初始來杭數傳家仁和之興忠里而北郭之有羅氏則自公始也父昇公於兄弟四

人中爲仲生而英儻絕不類常見六歲時父命就里師學一再往輒厭棄里師令同舍兒數輩促之則忼然與偕行中而跳立於泥中遙擲同舍兒雄其羣兒環視竟莫敢誰何觀者如堵適有老嫗過而撫之曰兒貌似虎當有以自見亦何必讀書乎爲歸其父母父母亦絕憐愛聽之不勉就師傳矣始其大父華頗以貴雄里中父

文

十三卷 三

昇文弱不任生計家遂中落已而貧甚時有外兄弟某者貧無賴抵鹽使者法乃故旁引昇幸幾得分罪焉昇故怯訥不任訟也而公年纔十三耳奔走哭泣所以營救百端坐獄公爲艱難索食匍匐而進之常不能當食時一日其父苦饑甚叱之曰若何處從羣兒遊戲耶餓殺殫公即怒引飯囊提之誤中頰血淋漓出昏仆地不

知人者久之乃甦徐起拭創理羹藿進食蓋公纔索一七箸之飯卽以進乃翁公之腹故枵如也獄竟坐明州徒作役公自念曰吾父生而習富以嬌其弱不耐作苦而剛不耐下人不以身往代之有立竊耳乃不告其母潛赴錢塘江求濟焉路有見其孤行者輒要止之曰潮且至童子莫欲何之公皆不顧而往已而潮至反走不

文

十三卷 三

及而漂數里餘忽一舟坐青衣五六人方炊起以登爲解衣附火推食且而濟蓋恍惚若寢云因以竟抵明州役作免其父以歸歸而依其女兄諸氏家爲之估遊所至常獲倍息諸業用益起而公亦稍稍有立錫地矣居無幾何徐夷亂居民皇遽烏徙其兄方客燕若翁懷輕貲以兩少弟依親戚城居者而公獨與其母妻并嫂范

嬭之母馮睨兩谿之山避焉山故叢削入之深
有虎淺不無暴掠之憂公乃與羣避者約僦廬
舍之近人者夜而合棲焉擇山谷之遠人者晝
而分匿焉時方疫母內人以下各羸困呻吟不
可動履公曰吾聞大行不顧小讓且業已至此
若何於是躬自負其母次婦之母馮次其嫂與
婦朝負而棲夜負而匿嘗旦入一林中望見

文

十三卷

丈之地隈而平喜之意可憇其屬矣前視則人
獸之白骨皮毛狂焉故知爲虎穴也急引身退
而前林蕭蕭已有據地而咆者矣公嘿禱於天
曰吾誠不難以身代四人之命顧吾死則此四
人者不生吾故不可以死與其食吾母吾外母
而嫂也則寧食吾之妻視畢虎亦逡巡去而道
逢孕婦人單行不前公曰死等耳呼而俱與之

飲食婦竟免身生子男日羅賊平歸公衣帶盡
結索其手足黎藿瘵棘亦不可以人相矣公生
而神雄絕不畏鬼嘗暮夜單行不炬能於十步
之外物色來者鬼不得近喻人曰鬼歿之徒也
吾與若生之徒奈何生者畏歿者時被兵郊里
外數十里餘虛無人多崇嘗築舍新河一工登
而顛歿焉明日一工又歿焉家人俱召巫公夜

文

十三卷

三

潛林中視鬼物頃之大風見一人出其身河中
有半幘而朱衣頭顱大于斗河纔數尺耳而波
若潮來者衆巫皆失聲踉蹌伏地而公乃徐徐
從林間出笑曰起起吾適投巨石河中駭若耳
何鬼耶工築者乃定嘗客吳門旅舍旁有兩婦
人爭所愛而歿者夜嘗聞闐聲如兩婦人居者
苦之公夜起裸而過其家數責之曰愚婦人故

鬼類也生而人羞聞其聲已爲鬼乃復不自愧
避爾爾耶鬼遂滅是後居者不復聞有婦人聲
至今吳門人云武林羅公能逐鬼公體貌脩偉
吐音若鍾磬故無病不喜近醫藥而卧忽病喘
年餘已病滿而張不復出七夕偶出赴張氏園
亭中醉歡甚歸而視其家山池所蓄金小魚三
十頭無故一夕灰嘆曰吾慕履止是乎後五日

文

十三卷

三

扶而傾又後五日終于寢公生平不喜讀書然
好以書義告折人里中人有非是見公無敢譴
者亦以公孝友天性有過人行云公夫婦衣食
力作而奉其父母嘗極甘旨文綉居喪毀瘠有
逾伏臘忌慶有所告未嘗不哭盡哀宴他所有
鮮未及薦常卻箸不忍嘗兄弟終身不分時時
推產與其弟哭其弟至爲變髮嗟夫如野亭公

可謂強有力用之於禮義者矣公年若干公懷
慨有大略既起家節儉所舉丈夫子六人宜儒
儒服宜賈賈服大任補邑諸生有聲大冠爲辛
卯舉士好修有高行而諸子亦咸取取負氣野
亭公不殆焉 年 月 日葬於 所

銘曰恒人用壯中鮮爲則公力如虎好是正直
于孝于友 洵轉側詩云柔嘉書曰剛克不事

文

十三卷

三

詩書乃如其德精滿神獨洞幽夷石有虎有彪
動與祥值及其後人諸子有持乃墓斯丘視我
銘墨

十三卷

玉茗堂全集

臨川義仍湯顯祖著

墓表

明故朝列大夫國子監祭酒劉公墓表

嗚呼此吾友人司成公劉士和之墓也予欲與共爲天下事而君已矣君起家壬午歲舉江西第一人廷試進士第三人授編修翰林院司業

文

十四卷

南雍改坊名補經筵日講官以侍讀主北闈試以侍讀掌坊事終大司成歲戊戌夏四月吾師相國張公以決贊東征事與首相蘭溪趙公異同幾中不測以去所常往來論議者皆受重劾而君與焉賴上明聖指應秋曰此清士也安得在此下部院議而吏侍閔裴公掌院閔郭公以下皆曰劉司成耿耿爲人不宜橫加詆詆爲分

別言之君得請以去歸二年爲庚子春吳鄧少宰文潔公于豫章過信州登龍虎而下見仙人遺棺慨然有遺世之想歸而秋病滯服下藥大過竟不已至冬十月七日起衣冠端坐而逝嗚呼哀哉人亦有言膏火自煎而磽礧先缺君狀貌笑語不踰中人而志意常在千古目炯然如巖下電面多赤氣與對食從容而後能下咽予常憂之夫爲人寬然而靜者壽也君不其然假柄而得天下事爲之亦非可以譟法而久況夫道不可期而業不可意遂卽其自語譏稱無所與然亦豈能亡介介于懷哉嗟夫天下未受其明而果在於用其明此所謂膏火自煎者也善天下之善也其不善者亦天下之不善也吾惡足以與之而惡足以勝之仲尼知其然第曰舉

文

十四卷

爾所知而已君好惡明甚每見人未嘗不問天下賢士與其不然者出不能忘於心入不能忘於口君之地非能自去留人也言善未必不去言不善未必不留而恐以見怨夫世之善人少而不善人多則怨君者固多于德君譬之器然翰林者藏器之處也日礲礲然取其所藏者持以示人而能無缺乎其最無端倪者曰君張公

文

十四卷 三

之所親舉動不能令人無疑嗟夫士亦視其所親何耳張公豈不可親者耶言道德而負經濟故天下所屬心望爲名相者一出而陰爲國本重顯重定邊計意念皆在國家獨其發決大計未能收拾天下賢士厚集其勢而輕有所爲臣不密則失身勢固然耳豈張公爲人真有不可親者耶君平生蘊積憤發欲有所施用于時誠

不欲厚自遠引然亦何以遠引爲也且吾與君私語張公行事君亦常爲感然非苟爲同而已唐柳子厚天下之才俊賢人也王叔文世之所謂狂劣無底者也非呂非葛庸衆人知之柳子讀天下之書懷堯舜之業豈其識不及此夫士惟不欲急世患而成功名也欲之必起而環視于世徼幸於其有所同心者幾附焉而相與以

文

十四卷 四

濟唐之患未有大干宦官典禁軍者也前後執事多依倚其中以容以進慮無及除滅之者叔文矍然發端雖未竟其謀不可謂無呂葛之心矣權賂之効蓋其事後中官所爲史因而惡之當其未敗時但意其名正而事成唐室可興安見夫叔文之不可暱就也况夫張公者負經濟而言道德二十年以來天下所仰爲名相者耶

易之觀曰觀我生進退又曰觀其生我者我也其者世也我可而世不可則無傷我世可而我不可則無傷世如此以觀則我與世機可以相用相生而不死若君之進退非不詳於所觀蓋子厚所謂大人欲速其功耳天下士亦安可以成敗論也嗟夫子厚已矣友莫若韓退之退之序子厚死但記其易措一事至其委曲用世之

文

十四卷 五

志不爲發揮一言意退之亦猶人之見乎予故哭士和君之墓而表其所存所虧以告後之君子欲有爲于世者

丘節母墓表

予聞之長老云石池之李著姓也有進士丘君兆麟之母孺人焉其言曰母十六適丘公二歲而生兆麟公方壯去孺而商心計潤落無所獲

期得一當以償所亡若是者六年於外矣終以無所獲恚甚歸而有所不釋凡六朝夕而亡遺命曰幸無以見商孺可也孺人大叫踴絕數四五日水漿不入口舅始扶服而呼曰如此則從夫以死吾兩老人已矣如六歲之孤何孺人乃始強起一溢粥亂頭毀服柴骨垢面不欲自比於人苦寢柩下者三年不肉食者五年曰吾爲

文

十四卷 六

兩尊人若孤不能從亡者地下又不獲如男子廬墓間萬有一焉以此報耳家益多難前後責負者踵至或曰人往矣何債爲孺人嘆曰以亡人之名舉債死而負之雖殘不忍爲也遺產償之盡而直戊巳歲殺人大饑日夜苾蒲作苦以食兩老人與其孤孺人日晚一粥而已姑死殯虞除皆有禮四方來觀者忘其姑之無子也已

而舅病卧且踰年凡所以治之不已惶懼甚乃夜焚香祝天願以新婦代老人寐若有人提之者而遂以起而時孤兒亦以長矣宗老勸令孺子商可以紓急孺人固不許曰非亡人命也口授孺子書夜分以續視其讀而又時時以其間問老人臥起卽喘息呼吸未嘗不知也老人嘗一夕三遺矢昏疇仆地孺人方寐心動披衣起

文

十四卷 七

走視則有石觸其首欲絕矣孺人急掖之起而熅沃之以甦又一夕老人左手傷卽且重猝猝不能聲孺人復爲心動迨起視而老人乃始搏床稜大叫矣疾爲撫摩者久之顛逾甚孺人自爲吮其血而後已益九十有五竟以天年終微孺人不及此而其受子婦之養也乃更內怨慈惜若惟恐傷其意者至其教子以儒也孺人寧

不自食必以食子不自衣必以衣子餽其師百里外未嘗一日乏焉乃孺子亦復蚤慧爲文字輒有奇中臨盱而居家雖陋敝纓履常滿戶孺人輒爲治具或倉卒不卽辨孺子皇遽謝客而孺人常示以留坐不聞燔滌之聲而筐壘已出矣無不精整者乃至極晝夜談辯淹發歡飲無匱若不知孺子之貧也然孺子卒以此所聞采

文

十四卷 八

日多名日益起爲諸生數年而舉于鄉三年而成進士幸哉有子如是乎而孺人故以窮勤多素食甚寒不御繒絮孺子在遠常清齋而事神明晚乃病滯下不已聞喜二十六日而終年止六十一天之報施孺人殊未有稱也然而以烈報其夫子地下以孝終其姑若舅于堂以慈訓登其子于朝伉儷之儀替而六日耳而所爲愛

苦建立如是吾石池之有女若孺人也雖奇節
大夫亦何可以易乎予聞父老言感惻驚異
歛歔移時而不能已也夫烈而孝且慈以極苦
存其亡而興其絕三者圖史所不克兼郡國宜
采其高行以上能文章者宜爲之識以傳以爲
不幸而代人有終邁閔者法已而聞進士君伏
闕下自陳得報可而行省大吏亦交章以旌異
文
十四卷 九
爲請且下矣無何而進士君奔赴旦暮孺子哭
踊躄無筭禪而後見予予肅而問曰太夫人何
以穀子而成也則作而對曰吾母之教也以躬
雖老立乎閨中至戚卑幼未嘗闔門而與語魚
菜之祭必夙必虔授受必以筐喜愠有度不妄
取於人施必以報凡此內則之樂也某嘗試于
鄉不利而悲吾母慰示曰丈夫子患名之短而

患貧之長乎前脩計極不欲行母命不可跪而
別曰母何以教兒母撫而泣曰子行矣汝母無
遺行以辱子子亦無遺行以自辱予聞而喟焉
止之曰至矣母言如是爲之子者不亦難乎行
易以遺也名亦易以辱也豈惟丘君凡爲人父
母爲人婦若子者皆將流涕於斯言

玉茗堂全集卷之十四 終

文

十四卷

十

玉茗堂全集

臨川義仍湯顯祖著

解

陰符經解

天道陰陽五行施行於天有相變相勝之氣自然而相於生生而相於殺生爲恩殺爲害害爲賊五賊在人九竅中日日有損愚人目光外惑

文

十五卷 一

不能觀見若能觀而見之則當數倍用師禽執此賊雖使五賊施行於天吾以攝之於心運之於掌所以觀而執之天機也天機者天性也天性者人心也心爲機本機在於發天機發在斗斗者天之目也受天機幹天行陰爲機者死陽爲機者生地機發在雷則龍蛇氣流龍蛇者地之氣也天地殺機卽其生機天地交合宇宙不

文

十五卷 二

散人在其中因能見此五賊發而制之靜則潛於恩門動則轉於害機精氣違來起於命蒂推反陰陽交割天地所謂宇宙在手萬化在身可以定基可以定人天機定也夫內使天機者外事不可入性有巧拙可以伏藏伏藏爲機伏藏爲巧盜洩吾機常在九竅伏藏爲真流露爲邪能知三要則可動靜三要者三盜也三盜者五賊也木中有火火出則木死國中有奸身中有邪知而煉之火爲我用賊爲我禽謂之聖人聖人何知知天之道生以殺之天道自然也故天地以五賊盜萬物萬物以五賊盜人人以五賊盜萬物一氣混成三才互吞以成宇宙以生萬物所謂三要也三要相盜出入九竅人大形能食味神能食氣也食失時靈物受病故食天地

萬物以時則養不屈人心機也動天地萬物以機則動不危故曰知三要者可以動靜似乎不神而有所以神何也所謂食之時不出日月之時動之機不離萬物小大之機日月在於數中小大定於象中律而視之歷而步之非有神奇也然而食之理骸動之他安聖由此功神由此明則不神而神聖人以此盜天地萬物而不爲

文

十五卷 三

天地萬物盜矣謂之盜機也人莫能見見之者昌人莫能知知而修之謂之聖人君子竊其微妙以資性小人窺弄其機以輕命君子何以固躬流露其身則身非固器矣故聾者精絕於耳則合於神視之不可勝用也瞽者神絕於目則藏於精聽之不可勝用也九竅之巧第絕其一原視聽功力已自十倍矧倒握天機三反晝夜

動靜其中三十六時能食其時能動其機會賊之師固當萬倍矣此中生死全係於心心以物生則神不居妙心於物死則精可合明生死機關全在目精也夫目在九竅中最爲巧利盜之所影邪之所禪絕利藏巧宜自目先反精自照五賊可見因而制之聖功在根神明此運也若不轉自機關必在情中生死是故天性之人迅

文

十五卷 四

風烈雷大發殺機以開生氣百骸萬化鼓動欣然所謂害氣生恩美哉樂哉樂則似其性中有餘巧絕物死至靜也靜則似其性廉夫至靜之性乃天性也天道害而生恩公而成私故迅風烈雷者天氣之機也五賊無時禽之在氣機蓋目者人之星宿也特轉易之關故曰機在目氣龍蛇也存伏藏之用故曰制在氣明於

二在者可以三反可以反覆天地矣五賊成禽
此真宇宙在手矣故夫生死相根恩害一門生
者死之死者生之恩者害之害者恩之乃爲反
覆天地聖功也人知神之爲神故以天文星宿
地理蛇龍之類爲聖我知不神之所以神故以
時文物理爲哲日月有數時之文也小大有定
物之理也食其時動其機知之哲也是故藏巧

文

十五卷 五

絕利不可以愚虞目機氣制不可以奇期有愚
與奇不名自然道不自然有害無恩沈水入火
非愚則奇也夫水火五賊之交也制之不以自
然小人得之輕命矣夫禽制之法豈有奇哉自
然則靜不自然則動動則死靜則生自然而靜
者浸也浸而生者推也浸以推浸以移因浸以
勝陰陽之制自然也知之者聖人因而制在氣

靜相生也浸相勝也不使其心不作其機密而
用之潛而遷之至靜之行非有律曆也靜中若
動奇器生焉奇者獨露之機器者運功之象是
生八卦甲子循環律曆陰陽之用皆三十六矣
日月有數小大有定五賊生死其中三反上下
其際其盜機也甚伏藏也甚日以勝相生以生
相勝不禽而禽無制而制萬象之先自然之內

文

十五卷 六

也昭昭乎其以時物文理哲乎故曰觀天之道
執天之行盡矣天之道自然天之行浸故不知
浸以自然則不能行八卦甲子不能行八卦甲
子則不知三反晝夜不知三反晝夜則不能天
地反覆然則雖見五賊不得禽之爲用不爲用
則奸生而禍克矣夫惟聖人昭昭乎見而制之
故有昌無亡

十五卷

臨川義仍湯顯祖著

疏

論輔臣科臣疏

奏爲星變陳言輔臣欺蔽如故科臣賄媚方新
伏乞 聖明特加戒諭罷斥以新時政以承天
戒事臣於閏三月二十五日接得邸報見吏部

文

十六卷

一

接出 聖諭六科十三道邇來風尚賄囑事向
趨附內之效外外之借內甚無公直好生欺蔽
且前者天垂星示羣奸不道汝等職司言責何
無一喙之忠以免辱曠之罪汝等於常時每每
歸過於上司恩取譽輒屢借風聞之語訕上要
直嚮負欺君嗜利不軌汝等何獨無言好生可
惡且汝等豈不聞宮府中事皆一體之語乎何

每每以搜揚君惡沽名速遷爲汝等之職受何
之爵食何之祿至於長奸釀亂而旁觀避禍無
斥奸去逆之忠職任何在本都該拿問重治姑
且從輕各罰俸一年吏部知道欽此大哉王言
正君臣之義誅邪佞之心嚴矣粲矣南都諸臣
捧讀之餘不知所以有云此必言官以星變責
難 皇上致有此諭臣竊意 皇上前大理評

玉茗堂文集

十六卷

二

事雖于仁等狂愚直言猶賜矜恕又前伏讀兩
次 聖諭一則引咎在躬一則因星警遂去左
右盡惑擅作威福之人則言官卽有過言必見
溫納何至合科道盡行切責罰俸是惟 聖明
居高洞遠灼見六科十三道中必有賄囑趨附
長奸釀亂倍負 上恩之處夫臣之責難 皇
上旣不難於聽宥而 聖諭嚴切臣子亦宜各

以常憲官師相規臣今日敢竊附斯義也夫臣
子本心自有衷赤權利蒙之其心始惡非必六
科十三道盡然特一二都給事等有勢利小人
相與顛倒煽美其間耳記曰人父生而君食之
其恩一也故子之兄弟相引而欺其父皆爲不
孝臣之大小相引而欺其君皆爲不忠然豈今
之科道諸臣都不知此義哉 皇上威福之柄

文

十六卷 三

潛爲輔臣申時行所移故言官向背之情爲時
行所得耳夫人臣自非天性公直要取富貴而
已富貴者明主所以誘天下公直權奸所以誘
天下私邪皆此具也使公直者不失富貴誰當
私邪私邪者不得富貴誰非公直今日不然也
臣不敢汎舉非言官而言事者皆以失輔臣意
得罪卽以臣所知言官論之首發科場欺蔽者

非御史丁此呂乎此知 上恩效一喙之忠者

也時行知將論其子也教吏部尚書楊巍覆而
去之惟恐其再入都矣終言邊鎮欺蔽者非御
史萬國欽乎此亦知 上恩效一喙之忠者也
時行不能辨其賊也諷大學士許國擬而竄之
猶恨其不極邊矣二臣謫外其他言官雖未敢
顯請時行而或涉其旁事及其私人則有年

文

十六卷 四

及不時補外二法以牽聳衆言官使其迴心歛
氣而時行得以滔然無臺諫之虞矣惟近日南
京御史李用中奏正其子冒籍之法而時行故
以一請塞責旋行祈請欲得 皇上一語不礙
其子進取無乃要君甚乎至於考滿與奏奇捷
同日正用前輔臣張居正故智其奏捷疏中有
牛馬羊不計其數南中諸臣皆笑曰此經畧公

賀儀也明日 獎敕中必用此事已而 獎敕
果有元輔課功之日正西陲奏凱之晨數語矣
然臣按其日月則元輔宴功之晨正星象示儆
之夕也時行能欺蔽 皇上獨能欺蔽天象乎
而言官噤無言之者正以丁此呂萬國欽爲戒
恐失富貴也夫知感 主恩爲 皇上斥奸正
法者反得貶竄雖 皇上恩力不能庇之故今

文

十六卷 五

科道中無義之臣遂謂 皇上不能恩人并不
知所受是 皇上爵祿矣至於言官中賄囑附
勢盛作不忠之事躡竊富貴者往往而是年陞
閏陞以爲例固然矣故此輩不知上恩專感輔
臣其所得爵祿若輔臣與之者雖他日有敗今
日固已富貴矣臣亦不暇遠舉卽如今日吏禮
二科都給事此二臣者豈不重爲天下僂笑哉

夫吏科都給事中楊文舉者非奉 詔經理荒
政者乎文舉所過輒受大小官吏公私之金無
算夫所過督撫司道郡縣取之足矣所未經過
郡縣亦風厲而取之郡縣官取之足矣所住驛
遞及所用給散錢糧庶官亦戲笑而取之聞有
吳吏檢其歸裝中金花綵幣琰盤等物約可八
千餘金折乾等禮約可六千餘金古玩器直可

文

十六卷 六

二千餘金而又騎從千人賞犒無節所過雞犬
一空迨至杭州酣酒無度朝夕西湖上其樂忘
歸初不記憶經理荒政是何職名也夫前所賄
賂宴費數萬餘金者豈諸臣取諸其家蓄而與
之哉正是刻掠飢民之膏餘攢那賑裕之派數
以相支持過送買其無唇舌耳已而廣賣薦舉
多寡相稱每薦可五十金不知約得幾千金至

於暮夜爲人鬻獄如滅凌玄應軍之類又不知幾千金夫三輔臣皆家蘇徽二郡文舉之貪已蘇徽二郡人士皆能言之輔臣獨不知耶未已復命而吏部紀錄居然首諫垣矣乃知文舉之貪有所用之也輔臣亦非不知之也而從長安來者曰此闕政府原有別待文舉再四從中曲處得之耳夫 皇上德意親發內帑金錢賑救

文

十六卷 七

生鬻之死而文舉乃敢貪贓宴樂擾害飢民買官自擅 皇上雖在深宮獨無一人言之乎然文舉雖玷首垣久無鳴吠人謂此逆取順守之計或以前人爲創也昨見邸報文舉醜顏奏禁諸臣言事矣夫大學士王錫爵因公一揚假建言納賄自劫正法此錫爵自起用以來第一盛舉也且其奏詞曰以壯夫義士剖肝決命之忠

而反資市井乞憐之計其詐而辱天下士大夫至此見矣莫不嘆美此言得大臣體而文舉乃尤引其意入於箝忌亦可謂不成人之美矣夫言事者但酌其便宜何如非必誅其心也鄭國浚渠於秦亦利申公竊室爲楚則忠私謀且然況在公墳言易爵有大臣之心必先召責文舉如他日書之史冊某年 聖旨禁人言事謂

文

十六卷 八

皇上何如主錫爵等爲何如輔臣然文舉之才正辨此耳欲因星變爲 皇上斥貪欺明公直不可得也彼不知地上有歲荒安知天下有星變乎而戕然六科之長明年大計天下吏臣恐文舉家無地着金也至於禮科都給事胡汝寧除叅主事饒伸外一蝦蟆給事而已不知汝寧何以還故鄉也此二臣者正 聖諭所謂風尚

賄囑者何能爲 皇上發人之私正 聖諭所謂事向趨附者何能爲 皇上折人之勢然則輔臣欺蔽故習無時而撤矣失此不治臣謂皇上可惜者有四爵祿者 皇上之雨露也今乃爲私門蔓桃李耳其寔公家之荆棘也 皇上之爵祿可惜一也若羣臣風靡皆知受輔臣恩不知受 皇上恩豈復有人品在其中乎

文

十六卷 九

皇上之人才可惜二也輔臣不破法與人富貴不見爲恩 皇上之法度可惜三也陛下經營天下二十年於茲矣前十年之政張居正剛而有欲以羣私人囂然壞之後十年之政時行柔而有欲又以羣私人靡然壞之 皇上大有爲之時可惜四也臣爲四可惜欽承 聖諭少效愚憂伏惟 皇上特諭時行急因星警痛加省

悔以功相補無致他日有負 恩眷輔臣國等堅正相規無取觀望以隳時政其楊文舉胡汝寧亟行罷斥選補素知名節者爲都給事以風其餘而別諭都御史李世達等謹守憲令簡滌諸道御史務令在內言事在外宣風一意遠賄觸邪以回依阿逶冗之象如此豈惟星變永消臣且爲 陛下奏泰階之符也

文

十六卷 十

玉茗堂全集

玉茗堂詩集目次

卷之一

五言古

出都晚登里二泗道院高閣

陽穀田主人園中

逢承藥者關外

雀兒行 在七級作

詩

目錄

陽穀助田主人宗祈雨

陽穀主人飲

南旺分泉

魯橋南望山

夜泛魚臺河

臨清哭王太史懋德 太史同郡不相識痛且死自以爲恨感而

哭之

答丁右武稍遷南僕丞懷仙作

汶上懷右武淮揚

送鄒爾瞻吏部

江館憶別蔡青門

飛霞閣夜宿送冷道人遊嵩山

喜雪

望報恩寺塔燈

詩

目錄

過太常博士宅

六月苦旱渴偶就弘濟寺得汪水飲

己丑立秋作

送武部周元孚歸黃州

送董光祿北上

雪夜望報恩寺塔燈

夕林

赴帥生夢作有序

江樓曉望同劉司業鄒吏部

秋秋度嶺却寄御史大夫朱公王弘陽大

理董巢雄光祿劉允陽司業鄒南臯比

部五君子金陵

登報恩塔歸時望塔燈同汪仲蔚

送朱司空上都二十韻

朱公前南客曹時
陸公南祠郎也

詩

目錄三

喜麥

時皖賊初散
南都解嚴

北望同劉司業允陽

靈洞篇呈趙太史蘭陰

髮落

丁亥戊子大饑疫

欲遊樓霞寺不果

京察後小述

三十七

懷帥惟審郎中戴公司成

題趙生冊子

顧膳部宴歸三十韻

時大水饑

怨婦詩

夏至齋爲西署某竹

送吳幼鍾歸皖

詩

目錄

四

送沈鄖陽

送郭考功北征采藥南歸

贈唐仁卿謫歸海上

送汪仲蔚行藥匡山

送范敬之郎中奏滿便遊匡山

和別李儀郎道甫

秋夜廬龍觀

苦熱

雨

送汪汝立郎中奏最兼懷吳幼鍾馬長平

送徐民部北奏歸覲

懷郭美命編修吉除勸駕有作

丙戌五月大水

懷范敬之太守潤州

慈竹山

詩

目錄

五

卷之二

五言古

穆天子

戚夫人

秋夕

湯考功招遊燕子磯別洞獨宿圓愛師房

六十韻

定安五勝詩有序

五指山

彩筆峰

金鷄岫

馬鞍峴

青橋水

漢武故事

詩

目錄

六

讀張敞傳

相如二首

京鵲

部中鶴

錦衣鳥

茶馬

胡克遜

宿浴日亭因出小浪望海

達奚司空立南海王廟門外

衙岡望羅浮夜至朱明觀

陽江道中

檳榔園

讀延庚樓詩有懷

并序

吾廬

詩

目錄 七

龍沙宴作贈王翼卿大憲

題李伯東觀察玉嶺咏竹詩後

從張相國桃花嶺敬次八韻

書瓢笠卷示沙彌脩問三懷

答藍翰卿莆中

有序

丁未上巳同丁右武參知王孫孔陽鬱儀

嵩南侍張師相杏花樓小集莆中藍翰

卿道三分韻得樓字

澹臺祠下別翰卿有懷余德父用晦王孫

答陸君啟孝廉山陰

有序

耆見之秣陵懷永慶寺真空并傷遽見也

念大耆久秣陵訊王與父堪汪生繼曾

清遠樓送平昌葉梧弟幹太學上都

生日詩戲劉君東

有序

詩

目錄 八

喜小江饒翁榛六十

送余成輔歸清流成輔遠遊求應世之技

而好語清狂勉之

平昌懷余生裴中州并懷朱用晦

生德甫公子也

陸元白岳伯宴作

贈舊盱守吳淞張伯常觀察并懷馮公時

可

方鍾岳蔡伯宴作

平昌射堂再葺喜謝掌故烏程孫見玄先

生

東作懷周縣貞明府南昌

上巳前一日永寧寺同莆中藍翰卿宗侯

鬱儀孔陽孝廉鄧太素

西塘莊池上懷大父作

詩

送別駕胡用光年兄歸養

答鄒愚公毘陵秋約

二首

題帥淑人像卷爲陳侍御公子常州通守

淳卿作

題劉季允先人吏部畫竹詞卷

王宇泰索周雲淵遺書檢寄

平昌送何東白歸江山

有序

卷之三

五言古

過洪陽先生叢桂軒望仙有作

答梅季豹問臨川舊遊

南都懷舊寄高太僕

雨花臺所見

黃岡西望寄王子聲

詩

新昌阻雨夜宴朱明府署中時度四十七

未抵嶠數里阻雨仙岩詰朝留新昌作

古意言別右武

麗水風雨下船棘口有懷

秋雨九華館送屠長卿便入會城課滿

望羅浮夜發

送黃太次上都

目錄 十

奉寄趙仲一真寧并問達師

奉寄李岷嶠盧氏并問達師二十韻

送馬仲高人都并問區太史鄧吏部梅嶺

詩

奉答新喻張克雋明府

止周叔夜嶺行并示丹壇諸友

送魯司農還南漳

詩

送謝曰可吳越遊

留別江院林公

離合詩寄京邑諸貴

哀麋帥

送朱學使江西并問廬岳之期

送方侍御視學西川

送汪仲蔚備兵入閩

目錄

十一

丹陽度廣陵懷古

明孺篇爲司農郎武陵丁君有周母夫人

作有序

鬱孤臺留別黃郡公鍾梅時李本寧叅知

引病并懷

皮南津口得黃郡公扇頭明月篇却謝

飛來寺泉

詩

過魯嘆

鄒嶧

戊戌覲還過陽穀店覽丁亥秋壁間舊題

惘然成韻示趙滕侯

夢覺篇

有序

爲浙司運長陸公受命三世題卷

亡書嘆

目錄

十二

答姜仲文

再別仲文

嘲真州友人李季宣

聞北土饑麥無收者

戊子春

饑

內弟吳繼文訴家口絕穀有嘆

詩

目錄

七

江西米信

寄問三吳長吏

疫

以上七首戊子巳丑間作

李母詩爲彭生作

北河傷鴈付旁寺僧

同仲文送青田劉生還吳有懷達公

送詹參知督餉思歸常山

懷遂昌辜明府

同于中甫兄傷右武并別 六首

伍貞婦詩

送黃元常偕叔幼于弟仲倩叔遠同魏季

玄歸應秋試

夕佳樓贈來叅知 四首

贈鄒南臯留都 六首

詩

目錄

十四

聞沈純甫郎中臥病宅旁見魅欲奏

送右武出關

古意送王太蒙東粵 五首

蘧菴詩爲韓求仲作

智志味示子

繭翁予別號也得林若撫繭翁詩爲范長

白書感二妙之深情却寄爲謝

巳卯歲同方汝明海寧禪院

二京歸覺臨川城小

方圓吟

卷之四

七言古

送趙中舍量移東歸并寄大勞僧

送袁滄州

詩

目錄

十五

金陵歌送張幼于兼問伯起

遙和諸郎夜過桃葉渡

送前宜春理徐茂吳

懷戴四明先生并問屠長卿

送內方山人還天台

送許伯厚歸長水便過吳訪趙公

雪中再贈伯厚

金壇歌贈王悅之從焦弱侯所徙太常東

署側

倭王刀子歌答丁右武

夜聽鄧孺孝說山水

聽說迎春歌

立春日憶孫生

黃卿歸廬江

詩

目錄

十六

送胡山人歸楚依朱子得

送祁羨仲訪琅琊丁太僕

春酒篇寄帥思南

送俞采并示姑熟子弟

采故叔白鹿生賢豪人也悲之

送臧晉叔謫歸湖上時唐仁卿以談道

同日出關

并寄屠長卿江外

觀趙郭里小園爲汾源郎中作

別光祿周公

諱弘祖

僊蒲靈松二篇爲畢太宰作太宰石埭人

以五日生時以司農徵二首

帝雩篇宿陵下作

天妃宮玉皇閣夕眺

夜月太玄樓

在神樂觀

太玄樓留客

詩

目錄 七

代書寄可上人

觀閩海游徵君南陽草屋圖歌

吹笙歌送梅禹金

感嘆龍君楊郡丞沈君與太史姜孟穎明府

答王恒叔給事憶丁鄒二君

送饒伯真之天台兼訊王給事

明德長君五松子

爲郭孝功題趙松雪山水歌

渤海臺歌

送胡孟陟應制兼懷趙夢白劉子玄

送王伯禎同顧吏部兄弟登三山

寄馬尉雲中

寄賀知忍清齋

送于公燹歸金壇

送劉玄子使歸

送乳林齋經入東海見大慈國寄達師義

詩

目錄 六

斜

招梅生篇

董光祿招遊城南三蘭若同南海曾人猜

卽事

送曾人倩由武夷還南海

送周宗太遊泰山

吾郡東鄉人自號劍石子

太常謝公北泊天妃官有作來年正朔立

春

謝公前使琉球感
天妃神光濟海焉

署客曹浪喜

榆林老將歌

奇萬
丘澤

邊市歌

鳳臺同人望句曲

重過石城埭

文登羽客謁齊王子宿天妃宮

詩

目錄 十九

凌陽篇

送杜給事出憲延安并問高君桂吳君

志二郎吏

杜諱華先失同
鄉楊太宰意出

江東歌

卷之五

七言古

寄李峯內鄉追憶陳寶鷄

三日二碧王孫山亭飲

聞王悅之說閭門隱者

憶祁羨仲武夷

送梅禹金應制入都

夏州亂

黎女歌

萬州簾障子歌

詩

目錄 二十

伍仲元老人飲酒歌

送帥從龍北上

寄麻城周少愚太學

送徐吏部出叅閩藩

送太常西署翁君歸湖

三生落魄歌送黃荊卿

送彭虎少歸滁陽謁丁僕丞馬司理

送斬木胡啟貢之通州

答恒叔并憶夢白伯符

送周子中歸楚追憶其叔見素沂孝廉并

問王子聲

寶劍贈龍身之

聞罷內操喜而敬賦

重別東鄉周廷壯

詩

目錄 三

別曾人倩

水亭觀石軍真蹟得誰字

送安卿

哀魏伯子

爲吳本如明府去思歌

陳烈婦歌爲張華亭作

過貞湖王孫問疾

綠漪園聽簫有作同耀先

玉雲生過平昌徐生畫扇爲別

留屠長卿不得

長卿初擬恣遊浙東勝處忽念太夫人返

棹悵焉有作

送謝君實理高州

送李參之侍尊人以魯邸傳歸漳浦

詩

目錄 三

送鄭見素遊江東

寄嘉興馬樂二丈兼懷陸五臺大宰

立春過鍾陵訪黃明府貞父偶興

懷曾舜徵衡山

養龍歌送謝玄瑞吳越遊兼呈郭開府

以歌代書答趙仲一

送周子成參知入秦并問趙仲一

李伯東使君寫萬竿烟雨

東館別黃貞父

有序

粒粒歌

送葉納廷令福山歌

卷之六

五言律

古意

詩

目錄 三

九江送王元景之登封

送華楚客歸夷陵

德州逢李道父觀察

河上送張明府

龍潭高閣

二首

第五子生

送楊安入太原軍

銅陵

送袁生漢中

河林有酌

初至江關

送歐虞部

送客避難和州

送客湘西

詩

目錄 二

鷺峰寺別季孟陽

對客

二首

寄李少華

題王逸人莊

送蘭道者往天台

出關至滄州阻風

江上送張七歸楚

送客歸岳州

過年

高座陪達公

懷張別駕閬中

金陵四園作

送客荆南

魯王孫

詩

江樓送東粵翟先輩

白水園

送周叟東遊

秋夜入廣別帥郎

將之廣留別姜丈

秋發庾嶺

小金山同陳潯州冷提運送軍府夜酌

四首

目錄

五

渡羅廟

光孝寺

南海江

出朱明觀

戲別冷提運

別魯司理

陳潯州

詩

園居示姜緒父

送西陽掾

遙憶右武自蜀赴關西

東莞江望白雲山

平昌送屠長卿歸省

鴈山種茶人多阮姓偶書所見

七月念日移宅沙井八月十九日殤我西

目錄

六

兒慘然成韻

聞梅客生監軍 二首

送古萍歸百丈山

靈谷寺寶誌塔上禮望 孝陵遇雨

靈谷寺浮屠憶謝友可少小鍾山之約

戴師席上送王子厚北上子厚名渾然司

徒北海王公公子也有物表之姿昔人

詩

目錄 三

之度漚雨來醉戴公平生不飲此日連

舉兕爵數度公笑曰吾之邠原也用原

字贈詩命僕就和

與郭祠部公解避暑

卷之七

七言律

長至奉慰趙祭酒鄉思

送何衛輝詩喜潞潞新出

送王北部供奉揆藥扶持太夫人歸粵北

部故侍御殿中

已丑長至奉陪王趙二宗伯齋居有感

懷帥惟審

帥行山陰有
萬經千山賦

池陽余立雲小時是尊吏部君請爲之字

以詩問予復有漢祠官風味否答之

詩

目錄 三

北安門曉望

再寄帥思南

龍雲卿花燭詩

送王侍御以論耿公歸蜀侍御故吉州人

至日聞 聖主深居有感

送杜給事入都歸觀

送黃侍御出遷東粵暫歸洪都

侍御以論
王介州行

夏至齋居理樂感鶴奉教有述

送伍大儀入都大儀舊知澧州是年冬虜

入鳳涼

送越客

送京兆郭公

公以立春日北
徵歸閩觀省

懷路輦昌汶上

送饒太醫歸東邑

詩

目錄 无

元夕送吳參軍上九年計

送史德安

送吳竟父西歸過運司伯子

奉答朱方伯

萬壽節送顧郎中北上暫歸省長洲

送趙舍人出守永昌追憶楊用修太史

送程中舍還朝

大樓僧真遠

問薛太學近滯

送熊茂客從汝歸臨川

送方比部北上

送劉祠部視學南中

戲李季宣

送楊武選入都

詩

目錄 无

戲贈梅禹金

送李于田吏部北上

臘憶王道服南海

送饒司理順德

伯宗故於予不淺
各亢壯別去悲之

送來黃梅

贈趙司理池陽

送劉貽哲出餉宣府因携少婦過汝南歸

華山續婦

劉君東下第歸西昌

和答帥思南

送張蓮濱曲周

張君雪川人其尊公名御史大夫也

答君東天津夜泊

聞蘭谿令謝客戲贈

書郭武郎畫扇

詩

目錄 三

送林廷任之進賢便歸閩省

送劉子極歸餉蘭州

于中父餉薊邊便歸金壇

送周鄞縣

座師余相國家鄞也君便道歸湘潭省其兄方伯殿中君

送王當世理台州有懷天台勝寄乞縣不

果偶及

蔣蟄父宜春以文屢繡胸留別却謝

寄馬長平理廬州

虞惓然在告

送李蔚元扶風

送王正之宜陽

送王淑父理廣平有懷馬長平

送長沙易掌故

送沅州衛參軍懷計辰州帥思南

詩

目錄 三

懷姜宜城并贈馮易州兄弟

送朱應春平湖

送盧少從馬平歸東粵

送林志和巴陵

送陳仲道餉延綏歸嘉定州

送陸震卿大行祭韓藩歸吳

送李獻可齋馬價薊門便携家歸華山

李君

同是沈几軒
先生門人也

送李明瑞歸華州因餉兵寧夏

送楊太素中書出祭趙府

和答南城梅公

送牛光山暫歸涇陽

奉懷羅先生從姑

送譚侍御歸茶陵

侍御疏閣中故有絲綸
簿爲大瑞竊去觸瑞詔

詩

目錄 三

古切責問出何記御
史臺爲言竟謫歸

送伍給事謫萬載丞

江上逢龍使君話沅辰事有嘆

送魏光祿便過歸覲

光祿前爲侍御
時哭其弟茂權

聞姜別駕守冲遷守不知是滇是貴問之

姜君前戶部郎以忤江陵相謫

遂王可大遂昌

送葉鹿吳明府

寄石武滌陽

送黃觀察雲南

觀察鄉親
多南中賈

赴傳觀察宴先向西城夕眺

約謝吏部先九日同令弟友可伍山人仲

元造池上

新歸偶興

詩

目錄 三

雷陽初歸別樂少南文學文學故從其大

人之燕歸青雲峰讀書談予所居北垣

迴武曲東井映文昌爲勝漫云

約造謝家池不果高卿便有和作復次前

韻

高太僕九月三日天水姬生第八子戲贈

八日謝家池宴

二首

九日城樓宴卽事

小閣

西陵夕照

送何生海寧僧歸寄青陽諸弟子

送於掌故宰彭澤

送周掌故遷掌寧都教事歸于越與彭澤

於明府同西

詩

目錄 五

麗陽十憶

翠潭

青室

桃源

竹嶼

栞石

釣磯

盧廊

響瀨

峭壁

崎巖

卷之八

七言律詩

送連孟準餉蕭暫歸禹州

詩

目錄 五

送徐司理金華司理時以縣屬相戲及之

臥邸寄帥思南

送劉襄陽

送戴萬縣

送吳太原

送胡生

京邸移居留別比舍錢國賢沈胤盛二兄

送徐敬輿浮梁暫歸蘭溪省親

送殷無美夷陵

送吳司簿朝朔上都

范敬之醉後有深語醒之

夕讌吳駕部署中

送陳司勳兼東魏見泉李于田二吏部

送何仲雅入對

詩

目錄 三

送梁興古暫歸東莞并寄袁萃霞貫竹

送汪雲陽計部賑秦

送路翬昌

送徐司廳歸越

送蔡體言儀部入都

七夕送張計部西歸

漢西門樓春望

送錢用父常州歸親

送徐士彰諫議辭越憲歸宜興

送趙國子倅湖

齊山秋眺

永嘉送客遊金陵便謁王恒叔參知濟南

縉雲仙都朝陽洞

送宋崇陽暫歸廣漢

詩

目錄 三

過曾贈公舊宅時參知君如春在秦

平昌得右武家絕決詞示長卿各啜泣不

能讀起罷去便寄張師相感懷成韻

和劉季德平昌一盞樓撫琴贈別

寄樂石帆儀曹

送姜耀先寄懷周臨海

卽事寄孫世行呂玉繩二首

達公丹中同本如明府喜月之作

郝永嘉談處郡佳山水欣然

陝江別鄭生孔授時生可諫朱生九綸

孔授人歸寄聲吏民

答周松陽

答范南宮同曹導生

戲答平昌建亭之問

詩

目錄 三五

初歸東高太僕應芳曾岳伯如春

憶虞德園初去官時作

憶黃貞父并其高弟羅玄父孝廉

次吳本如言歸

送王性凝叔彞還盱并問登州王使君

送傅觀察以故重慶起監平播軍

傳參戎朝鮮過家有作

送劉參藩寄問東筦覃見日盧海疇諸子

同黃孝廉太次懷戴司諫廉海

送葉梧從嶺海歸獨出

葉時陽歸書以期之

爲亡遽謝平昌諸弟子

送朱山人元芳赴總河千越李公之招

送豐城游先民宣城訪禹金

詩

目錄 四

送胡元吉饒陽

送宜水鄭青陸歸甌寧

送張自雲兄弟歸新淦

送朱鴻臚使粵還朝

送張廣陵

戲答錢塘姜永明

留別寒汝上龍丞還皖

送黃歸安

送馬臨淄時有采木之役

喜昆明劉茂學出宰新都緬懷楊用修作

七夕送李叔玄新第表還永春成禮

送沈師門友張茂一餉使歸覲蒲州相國

有感江陵世家

過安福舊邸口號

詩

目錄 四

同沈胤盛送錢國員齋武成候詰之廣陵

歸覲

聞李元冲無錫入銓

送王道父歸侍稷山

送婺源潘去華司理東甌

送陳公衡求嘉暫歸蒲中過別

聞俞義烏稍輟外除 贈之

徐木充餉遼西歸有懷萬和父

徐南奉常留別沈胤盛亳州

沈性父司法永平

山陰何北都南行時同觀政春曹輪食未

半而別

戲贈涿鹿劉孺新襄垣

送陳悅道使餉白登楚

詩

目錄 四

南海郭觀察夢菊約西城寺聚集別袁滄

州文毅

送許門臣姑蔑

寄羅青浦有懷舊令長卿

哭陳寶鷄貞父

虞長孺話歸飛來峰

梅克生座中贈袁天台暫歸廣陵

馮開之綺閣夜贈徐茂吳

送陳瑞實海康

送費閩簿

西川學使郭參知斐調西粵

初秋邀于中父呂玉繩孫世行樂之初邸

閣小飲

方衆父選得冀州自笑今日開籠放白鷗

詩

目錄

望三本

矣因渠服色嘲之

戲贈盧國徵使催藥材松江

右武侍御視馬

南漳魯子與出理廣州過別

同丁右武送萬和父婺源

梅庶吉公岑席中送衡湘兄固安

固安孝廉時同

在余許二帥南祭酒講下上
春官復同第二師門下云

朝天宮真人夜語

答帥思南趙北聞予捷喜自嘆不遷之作

送劉司理平樂

朱大復舒城

寄傅郎將

鄴中關繆侯祠

卷之九

詩

目錄

望三本

七言律

恭遇端陽 賜閣部官臣采扇官縷諸節

物有述

春卿初夏喜雨敬和

觀政時作

懷計辰州

前廣昌令胡君仲合白塔小飲

送丁休寧

潞河迎拜龍峰張老師公起越中卽授虔

鉞舟中琴客基師蕭然永久高而賦之

劉君東下第南歸

再送君東

第後寄玉雲生有懷帥思南

送陳立父理越

送錢用父江陰

詩

目錄

五

劉思雲錦衣謝客服餌代諸詞客戲作

送時確山暫歸蘇臺

過宛平縣治憶庚辰春雪寶鷄令陳貞父

同訪李峯峯時雙鶴飛舞今峯峯已去

郎位而貞父物故鶴猶迎舞法焉悲之

送任文庸理鞏昌

張司法入關有懷李漸老中丞

送周明行臨海

樂石帆旌德曉發

劉諫議出鎮金州暫歸長白

送姜司農入秦

送習司業赴北徵

習前官太史以失江陵意謫

李惟寅宅恭閱洪武

天容衡岳碑有贈

送張客曹備兵安縣過家青府

詩

目錄

五

送顧思益膳部

至日恭聞 皇長子有慶兼以雲氣占年

喜而敬作

神樂院夜醉羽客

陵下寄新野申齋宗正

送臨海王福州暫歸觀司空作

初入秣陵不見帥生有懷太學時作

送敖學正同知大理

爲濟南周太常堂翁從金陵寄壽楊太宰

太夫人作

人日奉別郭京兆并懷李漸老都堂

公餞重陪郭京兆暫歸晉江京兆起清江

令爲御史有清直聲

牛首飲林尉平將山守南寧卽贈

詩

目錄 罕七

送蔣祠部使歸宜興

曾公如春備兵湘中徙視秦州茶馬有寄

寄李銅陵有懷余參知先輩

真妃院送井九一歸池陽

送陳比部憲蜀暫歸福清

達公忽至

悠然堂括蒼賓嚴師隱處

送丁生濟南訪舊

分水縣訪桃溪潘公仲春出桐廬秉燭遊

僊洞香襲人衣十餘里不絕

送吳漳平

次韻蔡青門雪唱

送汪青城

答張非文

詩

目錄 罕八

送南盤厓

寄章衡陽吏部公舊以郢令起當塗清方

見擢喜之

寄麻城陳偶愚懷梅克生劉思雲

城南塞上李東華少年以善禁方得幸貴

人補東往赴于越李開府薊門調理將

士

金右辰客相公所過訪上藍

同孔陽宗侯陳伯達陳仲容小飲開雲樓作

明遠樓陳伯達陳仲容仲宣去諒夕燕前有宗生在座引去留之遲歌兒壓雪不至
二首

送曾東鄉廉州以予前謫雷陽問路答之

詩

目錄 兗

見東人扶道遮留曾明府者曾故蜀材曄
朗再考人無間言數薦宜以高第內徵
苦貧甚旁郡貴公子索之不能應遷廉
州丞士民悲而祠之婉戀三日亦異也
廉吏不可爲而可爲

送晏禮垣陪都公臨川沙河元獻後徙寓
南昌時封事十不報一風景去予祠部

時遠慨焉

寄蔡察知江陰蔡知先公長憲於越而余
于南署時有目成之契懷之
二首

送黃炯正

病起檢理破篋中見蕪陰故人俞白麓陳
王庭夏辛岑劉居仁書泫然久之

送東鄉翁明府北徵暫歸常熟并懷長公

詩

目錄 五

青瑣

饒二十舅到中黃渡不欲西朝之

送黃冲輔西歸并示李孺德

送金谿丁明府北徵暫歸宜興

送胡瑞芝以東粵右丞入都行仲秋大慶

禮 萬壽日十七 千秋日十三奇逢

盛際也時君方以平播功貴望之

新買谷南高岡卿比舍卿病廢卧久追念

昔時歌酒法焉

送查虞皋參知以悼亡無子致政歸餘杭

二首

送胡瑞芝開府貴州公美容溫度前以平

播功賜一品服及之

奉答石楚陽

詩

目錄

至

送淮揚分司吳年兄并問謝山子

送楊太醫常山

答孫鵬初太史華容二首

別石帆兄嘉禾

九日答王天根

送楊龍泉兼問平昌舊士民作

送顧亭之東歸

送王松潘寄懷蔡參知威茂

送徐鍾汝守莆

平昌鐘樓晚眺

入粵過別從姑諸友

寄贈分宜李淮南明府奏最

喜陸君啟進士榮歸大越爲母馮太夫人

壽二首

詩

目錄

至

送岳石梁仲兄西粵

九日送王翼父兄東下作

得湘中陳獻可書感寄

哭戴愚齋老師師微病書偶語于門落筆

而逝語云百年混世今朝始得拋除一

笑歸真俗客無勞挽弔

送王元對歸邛

送周咸寧應召公家舒莊僖同里期之

送嘉木趙孝廉明南度嶺

送王孝廉東旭還越

樂安張聖如明府以廉能第一入覲喜而

贈此

奉和吳體中明府懷達公

再次吳明府韻寄太史仲父之作

詩

目錄 五

送朱懋忠平湖

送費師之寄兆卿

卷之十

七言律

奉答王弘陽大理思歸有作

松陽周明府乍聞平昌得緯真子形神飛

動急書走迎之喜作明府最善琴理

達公過肝便云東返寄問賀知慈

達公來自從姑過西山

帥思南還郡應過辰沅地主龍君宗武詩

君謙亨俱以坎壈去官而予方有春官

之役懷來有作

朝天官夜別呂玉繩司法寧國

送胡司理都勻癸未秋已聞播橫勉之

詩

目錄 五

揚州送郢上客

爲劉允陽太史尊公壽

與釣竿和尚宿牛首山杏樹下作

送詹東園詹工書畫署中有醉茶軒作

過峽山微病示南華僧

羅浮嘆別逃菴主人

甘泉公興儒破道而山毀惜之

送安定黎佐劉生

江館

還夢

思達觀

草堂

和文判郡用韻

有序

爲大名魏太守壽

送徐大名

詩

目錄 五

祠署送朱禮垣奏計過家淮上

九日壽劉元承尊人故西粵令有五男子

禮部送錢塘周年兄司法岳州周故鄢陵

縣學官重過及之

陳公園

送崇仁令并寄家問

寄岳石帆

歸雲亭懷何賓嚴先師麗水

右武粵歸云憇公道勞山脩煉處意有動

欣然問之

向麗水君求悟空寺田牒有寄

與麗陽何家昆仲吾師何公起家進賢令

視江右學予年十四補縣諸生令平昌

懷舊作此

詩

目錄 五

初歸

移築沙井

右武座中章斗津朱以功舉吾郡襍字鄉

音爲戲听然答之

辛丑閑住作懷李本寧廉訪

却喜

首秋玉石臺送胡元吉暨返芝湖

再送張自雲歸閩

壬寅中秋後三夕送劉天虞歸秦至延橋

別作天虞以潞守清強忤中貴謫稅嶺

外歸道饒陽迂迴過我三日而別能不

心傷

劉天虞暫歸汝南別業寄聲趙夢白馬長

平

詩

目錄 卷一

彭興祖遠過別去訪劉廣平廣平守溫郡

時聞予且以平昌令擢丞溫喜甚爲起

書樓五間不果然感其意焉

送周富滿臨海尉赴象山巡檢富吾家舊

小史也出身傍人而事予甚謹憐而送

之

建安王夜宴卽事

二首

奉別建安王

覺右武有病悲之

癸卯秋試過丁叔兼下第有來學之期逾

三年而叔兼死檢筭中得此詩存之

聞東邑愛慕前令伍象明爲築臺思之欣

東曾明府二君皆蜀才也

送謝玄瑞遊吳

詩

目錄 卷二

問訊劉侯如司理金華

用韻答姜仲文使君

上巳進賢玉嶺公館夜讀李伯東觀察竹

所八絕淋漓琅玕清而不寐味此

閒雲樓宴呈張師相

二首

杏花樓宴答張師相

二首

臨章樓宴別張詹簿

建安曲池夜歸醉和

爲維揚李孝廉催歸作

懷王觀生從霍林長安歸華嶺

春槎晚泛同吳門李賓侯章門宗侯霞堃

館作

秋初擬峴臺送袁滄孺明府丞郡金華四

首有序

詩

目錄 五

送周起西溧陽

送吳近陽掌故以荆傳暫還上高

清高起後詩爲姚廣昌作公子當世俊才

公侯必復其在茲乎

和答清公軍中秋日寫懷下勞山戍雷陽

止觀六祖寺聞送稅使章江只尺臨川

不到問之

送方鍾岳叅知入蜀

余如竹谿叔虞夜宴間雲樓有作二首

圖南邀宴其先公瀑泉舊隱偶作

夕佳樓留別海岳太素圖南叔虞得八齊

送賀孝廉讀禮朝海東歸寄懷賀知忍

王伯臯賀田伯前後秋捷志喜

送伍念父武昌

詩

目錄 六

再送念父遊鄂并問郭美命孟義甫

送宜黃令武昌趙明府入覲并懷解元令

侄

和吏部陳匡左奉常東署見懷之作二首

讀陳匡左元史本末有感

送金谿吳繼疎南祠吳尊公疎山侍郎也

君以救同官邵寧趙邦清出吏部及之

二首

懷袁中郎曹能始二美

寄孫子京并懷王悅之

二首

相公木蘭軒送南安

和贈樊欽之度嶺

與欽之言別

再用韻奉答欽之兄徐聞講堂之句

詩

目錄 全

欽之兄自號天山子咏共保黃髮之句爲

之悵然

送周仰謙泰知入關

寄趙仲一吏部真寧仲一居常推尊某公

師父不去口失官歸窘甚其師父嗔責

其負至斲仲一于頭創竟寸縣官因而

惡之書來云欲來過我與吳濬疎君同

佳客之

丁未夏初雨夜夢見右武恹然之色嗟咽

有言記之

送石首王司理南康

送仲文使滬東歸使君每憐余瘦念之

徐生伯聚生尊人光祿君以抗疏去官奉

道伯聚能世其家喜爲贈此

詩

目錄 全

送胡實美遊吳

同相國爲嘿菴王孫壽

卷之十一

五言排律

送王比部北上光祿

比部以謙取

送艾太僕六十韻

太僕以乙科爲郎論江

同董光祿望雪漢西禪閣陪胡瑞芝武部

高座寺懷可上人

盧溝曉望

萬侍御赴判劍州過金陵有贈

君以詩論政府行

初發瑤湖次宿十溪

別吳十一舅隆八弟

尉徐聞抵家直丁侍御莊浪備兵遷越歸

觀遠遺西物却寄三十韻

嘉靖間寧夏將王翺議決

水退

詩

詩

目錄

卷三

伯父秋園晚宴有述四十韻

秋日西池望二仙橋

西塘煙渚憶大父徵君

陽江避熱入海至潤洲夜看珠池作寄郭

廉州

相圃新成十韻示諸生

平昌報頤寺鐘樓新成十韻

潮音閣聞李本寧參知赴闕有懷

平昌尊經閣成率諸生恭讀御箴下宴

相圃欣言十八韻

喜劉溫州奏最述懷

謫尉過錢塘得姜守冲宴方太守詩恹然

成韻

奉寄李蒼門諫議并呈省院諸公二十韻

詩

目錄

卷一

奉懷開府曾公河南四十韻并懷達公

再答夢澤張新喻二十二韻

奉寄南少宰葉公

有序

懷舊再上葉公懷劉李郭傳四公也

送仲子太耆入南雍感舊奉贈大司成太

原傳公三十韻

有序

壽南宗酒祥符張公太夫人劉十五韻

寄呂麟趾三十韻

有序

奉贈觀察漳浦薛公三十韻

有序

奉壽洪陽師二十八韻

有序

贈袁明府奏計二十二韻

有序

答太傅于田李公河上四十三韻

有序

答淮撫李公五十韻

有序

敬和任太府處州奏最紀瑞作

詩

目錄

九日宴別奉贈任太府開憲潮陽

王版居述懷贈黃貞父進賢三十韻

答戚茂觀察東昌杜孝卿三十一韻

孝卿以行

人給事南省憲秦視學于晉從慎人蜀予篤友也因王參知松潘寄答焉

輓司徒新城王公十四韻

蜀制府公尊人也

送姜仲文使君以上萬壽行歸里并致

常潤諸君子三十韻

有序

春王十日奉壽洪陽師相

與鄒愚公期秣陵晤馮元成李本寧未果

與劉浙君東

送南太宰趙公致政歸餘姚

卷之十二

七言排律

奉贈趙宗伯二十韻

詩

目錄

答李郴州乞雨蘇仙有應因憶與高大僕

謝友可吳拾之夜遊時謫徐聞不得過

柳爲恨耳

嶺外初歸讀王恒叔點蒼山寄示五岳遊

欣然成韻

次答鄧遠遊漢兼懷李本寧觀察六十韻

有序

瓊花觀二十韻

用韻和方玉成二十韻

卷之十三

五言絕句

秋江

偶成

遷祠部拜 孝陵

詩

目錄

卷之十三

聞 聖躬調御有感

送汪主客

上巳日遊牛首登寶塔

又登文殊閣

上巳後二日遊幽棲寺

遊戲花岩芙蓉閣

住鷲峰寺曉起同夏正之

曹溪

山下多嶺南作

子篙灘

凭頭灘

瀉灑灘

觀音洞

在韶河

翻風燕灘

浪石灘

詩

目錄

卷之十三

大廟峽

登飛來寺右絕嶺

迴岐驛

五羊驛

廣城 二首

湛林

惜東莞祁生

答崔子玉明府朱明洞相違不至 二首

至月朔羅浮冲虛觀夜坐

羅浮上簾泉避雨衲蝶洞遲南海崔子玉

不至 四首

番禺江上七日長至 二首

南海浴日亭拜長至 二首

夜坐東倪司理時恤刑在廣

詩

目錄 卷五

至日懷劉允陽太史

至日懷鄒爾瞻比部

戲罰客

恩平中火

海上雜味 二十首

翁源靈池口號

英德水

卞公墓

新歸

西池

黃生去平昌遊廬霍

過河間題壁留示趙仲一

陽穀店 丁亥

觀回宿龍潭 乙未

詩

目錄 卷六

慶廣南蜺江至長沙口號

符離道中

河間主人店

廣陵偶題 二首

呼春鳥口號 二首

去錢塘別劉季德聞叔秀

鴈山大龍湫

鴈山迷路

鴈湫白雲菴

廣陵有贈

丁酉三月平昌率兩口號二首

答龍凌玉痛遠兒

涇陽峽

峽山上七里白泡潭爲易名紺花

詩

目錄

七

韶石四首

羅浮夜語憶明德師

羅浮飛雲嶺

下飛雲嶺

青霞洞懷湛公四首

保昌下水

打頰

九里

曲江

夢亭

口號戲贈張正郎

雪中同張正郎歸思

十味

信陵君飲酒近婦人

詩

目錄

七

荆卿所待客不至

陸賈不欲數過諸子

通德野田荒草之泣

馬伏波頗哀老子

臧子源爲張死東郡

司馬德操謂龐德公妻子作泰元直欲來

魏王公香

謝太傅雅志未遂

王逸少覺傷哀樂之致

咏懊惱事 二首

夜書梅花閣

平昌聞右武被逮慘然作 二首

題溪口店寄勞生希召龍游 二首

姑熟病熱同端望虹太學 二首

詩

目錄 三

景州董子宅同高拓庄長者 二首

高唐同計偕嘉興陳公九德午火偶一禿

馬伎人來侑飯陳故盛德士時有故人

守高唐不受調爲題壁惱之 四首

新汲

苦癯問達公

苦滯下七日達公來

夢于勝地不淨爲苾芻所惱作

醫俗亭同王弘陽大理咏

示數息僧

看守心施鳥

吳序憐予乏絕勸爲黃山白岳之遊不果

西哭 三首

看西域人繡柱肚

詩

目錄 三

徐聞留別貴生書院

書文中子後

觀劉忠愍公手筆口占

冬至王江涇舟中送彭直指赴速 二首

過候彭御史獄所時尚書都堂郎吏次第

在繫傷之

答劉允陽太史招遊玉笥諸山 二首

香城寺口占時洪都諸老有道術者與

城李桐原侍御爭此諷之

稠原家豐城說有佳地在華山下宜見推

與笑答

憶耆兒南都

憶無懷伯宗

贈龍君揚公子凌玉太和

三首

詩

目錄 七

麗水堰堠同呂紹檣王良聘呂故畫史呂

紀後乃云與時賁銀臺使通籍王先人

某進士死于孝及之

二首

楚江四時

野意

有贈

偶題

山陰劉冲倩粵行祈子口號

燈曾韻和山子

四首

哭婁江女子

有序二首

癸卯秋宿鍾陵玉嶺公館兒開遠年十六

侍憶予弱冠時過此初移竹置館焉

四首

青閣

偶嘆

詩

目錄 八

蓮池墜簪題壁

有序二首

四阿羅漢口號

月下了殘經

雪刺

降龍

伏虎

黔中客有遺

坐故椅懷揚州蕭成芝

送客九江有謁

題租曆後四首

銀俵詩有序

爲連城道人占

答客

摘曰

詩

負負吟有序

癸丑四月十九日分三子口百

得吉水劉年侄同升書咄然二首

送李孺德二首

送徐孺德二首

病中喚主人翁

貧老嘆

目錄

七

訣世語有序

一祈免哭

一祈免僧度

一祈免牲

一祈免冥錢

一祈免奠車

一祈免崖水

詩

目錄

七

一祈免父露

忽忽吟此苦次絕筆在丙辰夏秋望日

卷之十四

七言絕句

黃金臺

池陽城南

送趙大歸齊

送秦次君之汴

別梅固安

送陸生遊齊

送鄭午陽之文登

豫章送何貞長遊岳州

武進道中

梁溪

詩

目錄

半九

宜興道中

逢賣玉者

憶丁右武關西

看賈胡別

津西晚望

送文生九谿

王小坏去溧陽

秀州

金竹

新林浦

青陽道口

宿鍾樓尖

赤鱗山

夢日亭

詩

目錄

六十八

采石化城寺

穀池店

庚辰再過南陵懷林明府

望華亭夕

魚龍洞

九華

花塘答蘇青陽

望春

廣陵夜

病酒答梅禹金

答龍郡丞

江宿

青陽道中

溧陽洞山

詩

豫章東湖送客

南康一夕至東流

與劉東流

寄葉石埭

寄林南陵

寄林巴陵

莫愁湖

目錄
全
八
十四

送人入蜀

邸報御門有喜

和王伯臯薄粧含暮景

張老別

卽事

送陸生從軍薊門
二首

寄右武莊浪

詩

朔塞歌
二首

胡姬抄騎過通渭

河州

弔西寧帥

王莎衣欲過葉軍府肅州

南華寺
二首

乳源道中

目錄
全

廣南閣詩

小金山次蘇長公韻

石城弔鄒汝愚

徐聞泛海歸百尺樓示張明威

白沙海口出省驛

送賣水絮人過萬州

和宋周太常平昌草堂四詠

詩

目錄 全

鷺洲釣月

白馬樵雲

吳臯春作

月崑夜讀

和葉可權草堂四詠 平昌

松屋卧雲

竹窻延月

荷亭酌酒

竹嶼烹茶

平昌青城山

赤壁望浦城 平昌

東梅嶺 平昌

洞峰 平昌

石門泉 青田

詩

目錄 全

班春 二首

黃塘廟

上巳渡安仁水有憶兩都

午日處州禁競渡

九日登處州萬象山時繡衣按郡

送徐吉父長安上書

松遂界石鏡

遂昌松陽界萬歲山口號山舊名瑞云

康王避金駙所棲

送客信陽謁何太史

看畫口號

送客萍鄉成禮

讀四十二章經

唐山寺

有序

詩

目錄五全

廣仁院

有序

湯書所聞答唐觀察

四首

東筦鍾宗望帥家二從正覺寺晚眺讀達

師龕巖童子銘三絕各用韻掩淚和之

不能成聲

三首

帥從升兄弟園上作

四首

九日聞鍾宗望文昌橋畔思鄉

二首

送宗望

四首

詠楊太宰桃花園圖卷寄右武

爲華容宰口號

湯書

戲寄右武

平昌河橋縱囚觀燈

平昌君子堂

詩

目錄六全

除夕遣囚

平昌

甲午秋在平昌夢遷石阡守并爲兒蘧夢

得玉床自占石不易阡素床豈秋兆湯

志之

乙未計遂二月六日同吳令袁中郎出關

懷王喪白石浦董思白

丙申平昌迎春曉雲如金有喜

石牛渡菴

平昌射堂戲作 二首

乙未平昌三拜朔矣示館中遊好平昌屬

括蒼常見呼老鵠鶴云

丙申平昌戲贈勾芒神

丁酉平昌迎春口占

聞谷南高卿起武岡 二首

詩

目錄 全

光熙峰笑東來道者

潮音洞絕粒僧

潮音

盤陀看日出

送朝海僧

湖州事起

嶺外送客平樂下第

香輿逢賈胡

望鄉哭弟儒祖

題雙輪走馬燈

粵裝偶見祁羨仲刀子

始興舟中

夜泊金匙

過曲江

詩

目錄 全

夢譚見日祁羨仲韓傳羅區海目如昔時

下第出長安潞河雪舟言別成韻後絕

余和者羨仲拋盞落地愴然罷起覺而

紀之 二首

看番禺人入真臘

聽香山譯者 二首

嶺南踏踏詞 二首

恩州午火

石城送蜀客梧州

爲徐聞鄧生懷其尊人靖州

徐聞送越客臨高寄家雷水二絕

徐聞熊明府以鷄舌贈別期復爲郎也却

贈

宗望酒中言別 二首

詩集

目錄 八

中暑索帥二從燒醢

帥從升赴省試問開遠兒何日往

高要送營司理

先秋榜一日泊富陽懷吳伯霖

別達公

歸舟重得達公船

江中見月懷達公

離達老苦

行千金隄懷蜀人古太守

聞許伯厚入都

章門客有問湯老送達公悲涕者

橋斷臺欹有懷居張二守

關南上橋寺候黃觀察善卿殯不至湯占

催裝詩三首奉呈輓唱諸君子

詩

目錄 九

江樓忽遇楚僧古萍索酒談偈悵然悲之

二首

懷貞父長安

寄問費學卿 二首

卷之十五

七言絕句

再觀回宿龍潭驛 戊戌

迎春口占二首

甲午

一夜聽松陽周明府鳴琴四曲

瀟湘雲水

天風環珮

漢宮秋

梅花弄

出松門回憶琴堂更成四絕

詩

目錄 全

韶陽夜泊

清遠送客過零陵

湘陰曲有贈

送袁生謁南寧郡

送武陵陳判之鬱林

送林貴縣

小孤夜泊

淮清橋弔許公

高座寺爲方侍講築坐臺口絕

送關叔秀北遊

得馮具區祭酒書示紫柏

拾之偶有所繾恨不從予同達公遊爲味

此

聞王子聲令太湖是明德先師舊蒞

詩

目錄 全

都下柬同年三君

有引二首

樓外二首

答無懷

雨蕉

寄題劉君東遠遊樓

七夕醉答君東

二首

七夕

八月三日吳觀察得月亭夜宴已而客去

主人別有恹然感人事之何言悵為歡
之不易率然成韻并有懷人二首

少婦嘆三首

庚子八月五日得南京七月十六日二遠

信十首

寄甘子開

詩

目錄

全

人日

寄曾開府并問達公

飲青來閣卽事八絕

江山圖

周長松琴堂曉發

感事

戲答無懷周翁宗鎬十首

過北鄉神橋

寄南平令

劉君東病足遠遊樓寄周四絕

醉答君東怡園書六絕

向君東四索泰和縣方物

鷄

酒

詩

目錄

全

湘竹篋子

扇

寄生脚張羅二恨吳迎旦口號二首

迎病
收唱

紫紵客有掩淚者
近絕不來恨之

記與萬祠部語次戊戌春事

蚤知新
建當危

庚子七月晦吳觀察得月亭舉燭沾醉云

各有千秋試望之悵然成韻八絕

庚子八月四日五鼓忽然煩悶起作

三首同前

得月亭詩遂成
亡遠詩識傷哉

重得亡遠計二十二絕

亡遠四異

長卿苦情寄之瘍筋骨段壞號痛不可忍

教令闔舍念觀世音稍定戲寄十絕

懷龍身之蕪陰舊遇因時有皮寨之役感

詩

目錄 全

身之前平五開有云

二首

君東病足戲爲臨川之約

二首

諸生時同周明行天寧寺房頭不見

再寄身之

二首

夢回

懷身之初度并弔楊臨臯監軍

二首

王孔丞哭遠

病齒笑答

辛丑社日至良岡憶壬申數年事泫然口

號

辛丑大計聞之啞然

人遺湘紋笛材內子持作筆問之

代答

閨閣中嘆雨

詩

目錄 全

代旱龍船人罵水龍船人

午日前後俗都
天廟旱龍船十

人負之以出上刻小兒不淨相嚇取米
物夜歸頗盈水龍船空有沉溺之怖鮮
有酒標之利
代爲此詰

代文昌橋閣大士問郡人何以不助大士

完橋而遠助南昌旌陽廟祝

代郡人答

辛丑五日又病聽稚兒念書

南昌弔羅維禎青蘭山居偶成

用韻水月問病 二首

偶與度一少年爲僧 二首

忽見繆仲淳 二首

口號寄馬長平初見長平于魏老卜肆感

懷

水月破船吟 二首

詩

目錄 卷七

水月疎山尋達公遊處并問吳選部 四首

水月匡山結臘寄問邢來慈 二首

侍宸殿贈益藩老內史 四首

口號送謝山子再如廣陵 二首

武家樓西望塔下寺

先寒食一日同張了心吳王太湖表翰林

四首

哭梅克生 二首

望耆兒 二首

吳拾芝訪星子吳勾容并招謝山子廣陵

四首

清明悼亡 五首

寒食上蓮冢

上巳燕至

詩

目錄 卷八

初至平昌與蘇生說耕讀事 二首

卷之十六

七言絕句

天竺中秋

建安王馳覬薺薇露天池茗却謝 四首

五日送黃南昌內徵暫歸旌德 二首

陪張師相桃花嶺卽事十絕

玉版師別意贈貞父十絕

代貞父所種寺作

羅溪橋柳絲別意再贈貞父十絕

哭丁元禮十二絕

有序

鸚鵡賦

答張了心往尋達公弔明德師處

憶光孝寺前看蕉花作

嘆卓老

詩

目錄

九

相者過肝却寄曾舜徵

舜徵故明德師弟子

峨嵋僧

題蘇判畫

四首

孫巡司還嘉禾懷馬心易岳石帆

二首

和袁明府送周陽孺歸廬

二首

法堂僧說泥丸事

二首

送錢簡棲還吳

錢有劍策說劍事

魏辟疆云欲上都

二首

送余玉簫

二首

再贈簡棲往尋梅高金

二首

夏寒

相山障子

正覺寺逢竺僧自云西來訪羅夫子不及

懷王參知松潘

詩

目錄

一百

戊戌上計不見王子聲憶乙未春事

二首

問松潘使者

送學官成都

撥悶偶懷江陵相以下八公

送臧伯順還中吳

前金谿明府羣從而兄顧渚予舊好及之

送桂文學歸慈谿兼訊姜給事松檉

再送伯順歸若

伯順子郡丞沈公之崧婿公旋沒旅雅殊苦

送張伯昇世兄入燕

伯昇字師範鄞丞太倉起潛公子也

淨菴僧歸青陽有懷江本文學

熊墨川寫真秣陵更二十年許贈之

二首

東隱僧在袁明府齋頭

拾芝不能得謝山子歸從間道去口號

二首

題聰示兒

二首

正唱南柯忽隔從龍悼內楊傷之

二首

詩

目錄 百二

丁巡司歸縉雲寄聲括蒼士民

二首

平昌齋發弟子數人從師吳越里居稍有

來問者

二首

寄陳河州并問王道服岳伯

陳前廉州理

送客湘東

寄劉天虞

懷達公中岳因問曾中丞

與帥氏二從侯關者

睡午

丁東兒代內

聞姜仲文紫江藩驚喜湯成

二首

楚江秋

四首

五日夢梅客生如秣陵競渡時

二首

處州郡齋看誠意伯家帖

詩

目錄 百三

拂舞詞

平昌哭兩歲兒呂二絕

有序

平昌哭殤女詹秀七女二絕

有序

香山驗香所采香口號

蕭臺懷古

青城山人遊嘉禾

聞姜仲文使君卧閣旬時懷不能去湯成

六首

柳絲樓感事

二首

嘉水招提寺

右武從辰沅移鎮甘州

聞李伯東使君報推河南薇省喜見乎詞

微有將離之感矣

二首

遣宜伶汝寧爲前宛平令李襲美郎中壽

詩

目錄 三

時襲美過視令子侍御江東還內鄉

四首

送仲文寄賀知忍中書

四首

從信州費生索箋燭

二首

夢惟審如送粵行時別淚

二首

憶王太蒙岳伯過家便度嶺

二首

同大耆有悼

四首

偶詠陶

巳亥發春送達公訪白雲石門還

德夫子

二首

四月八日永安禪院期超無

二首

寺建武張洪沙公子遊武夷六絕

對紀公口號

四首

問李公至清

紀公疎山寺訊吳吏部

三首

詩

目錄 四

送楊吉父伍念父鄉試

四首

洪山看省試懷故友饒伯宗

看演新舉人馬示兒侄

璽翁口號

問青來云我輩投老如住璽中喜其語簡取以自號

送李質卿孺德叔侄吉水口號二生予通

家門士秋場爲劉臨川所錄來求資具

以北戲之

四首

送周仁父遊梁 二首

十年後平昌士民齋發徐畫師來畫像以

祠遣之 四首

爲得月亭小仙祠四絕 有序

題畫送蘇判南還懷唐少嶼 二首

病中遣客

卷之十七

詩

目錄 頁五

七言絕句

華西四絕寄王道服岳伯

贈蘇醫田家 二首

得信州高壽丞寄元舒哭兒書是時元舒

亡久矣 二首

重過采石

唱二夢

出關度蘄河 二首

戊戌上巳揚州鈔關別平昌吏民

和張師相二月桃花嶺看雪

口占奉期建安三月三 二首

玉蘭花開和張師相

上巳杏花樓小集 二首

丁未元旦

詩

目錄 頁

達公來別云欲上都 二首

報恩寺迎佛牙夜禮塔同陸五臺司寇達

公作

聽乳林唄贊

再禮佛牙達塔

達公過奉常時予病滯下幾絕七日復蘇

成韻 二首

辛卯夏謫尉雷陽歸自南都病瘧甚夢如

破屋中月光細碎黯淡覺自身長僅尺

摸索門戶急不可得忽家尊一喚霍然

汗醒 二首

袁侯喜作佛事廣壽寺集僧展藏甚盛寄

問浮梁水月

廣壽寺僧多土田眷屬嘆疾客僧乞食展

詩

目錄 頁七

藏 二首

丁未浴佛日夢遼兒持書頗樂且語地下

成進士嘆笑久之覺而成句

作紫襴戲衣 二首

晉接花子示兒

先友吉水劉允陽兄子晉卿以空函遠寄

却贈 二首

讀錦帆集懷卓老

卽事呈王太蒙憲伯 二首

送吳龍游徙陽春長乞藤障子 四首

雲聲歌寄宜興張文石併懷能始中郎 二首

聽于采唱牡丹

梅花嶺立僧

江雪圖送李篆史還旰 二首

詩

目錄 頁八

掃除瓦礫成堆偶望達官家 二首

送篆史張藜叟九江 二首

送琴僧還閩奉懷世伯李百鶴先生并懷

顏易叟

招青林僧 二首

送曇欽度嶺 二首

病起懷吳璽郎疎山 二首

春興懷學卿 二首

送客麻姑便過廬岳飯僧 二首

寄問清流王相如 二首

何東白太醫許開酒口號 二首

元夕洪沙公子遠致高燈却謝 二首

近禊有懷卽贈莆田藍翰卿往襄陽便過

其先人隨州刺史祠下 三首

詩

目錄 頁

送王孔憲越遊懷中郎 二首

答江陵張維時四絕

嘆沼魚不樂如塵起累禪

楚江采蓮

江鄉聞鴈

噍五交哀二禪送客自嘲

偶誦

偶觸覺幸編

海陵觀徐神翁像 二首

聞拾之渡瓊寄胡憲伯瑞芝 二首

臨章樓聞越舸且別悵然 二首

金精洞 在寧都

雲卿湖上待萬余二生不至

晏蜚卿東還并問張賓王 二首

詩

目錄 頁

同藏公天界寺見沙彌闍者

朱子得太守索顏撫州二姑壇帖

看大理客辭家

湖上有懷陶蘭亭

重過用晦王孫斗西春院作

諷瀑泉王孫四遊詩

沉角寄宗良王孫王孫肢節金縢而韻思

轉清

戊申首夏初夕夢爲何國長恐懼搜索背

人作書生誦哀公問政章醒而成韻

端州逢西域兩生破佛立義偶成二首

治指腕寒痛度嶺所得

春夜有懷謝芝房二首

武陵春夢

詩

目錄 五

看踏麴

內人服散

招慶寺

寫韻懷

聞漁貴道阻問瑞芝中丞二首

偶作

官閣

少小

寄侯徐聞鄧母

寄懷徐聞陳公文彬舊遊

送黃醫歸麻姑二首

口號付小葛送山子廣陵三首

章門諸友雪中來問業一宿便還二首

謝埠同紫柏至沙城不肯乘驢口號

詩

目錄 五

贈郢上弟子

懷美奇方張
居謙叔侄

城南泣李孝廉東宿

江樓看別者

長至簾葛送夢得東還口號

逢左拱之章門卽贈二首

李象中索新婚詩小諠

見交州款儀中代身金人一具面縛鐫名

感詠

山茶初榮

超然爲里兒所撓贈刀遣之

答孫子京香峰之約

得黃荆卿詩來爲壽

醉客歸吳和作

寫道書作

詩

目錄

五

內嘆

答內傳

父傳淳盛德士也母蕭京師人

內人入齋

見故時書畫狼藉惜之

天台縣書所見

滕王閣看王有信演牡丹亭一絕

寄萬丘澤從經畧河西

酌方赤城孝廉 二首

桂林筆工復之皖寄謝阮堅之 五首

玉蘭軒送喻叔虞薄遊嶺南 四首

別景州高柏庄長者

德州却寄苦水楊掌故先生

南署分水

浙中具區赤水茂吳漢城一時俎落悲之

詩

目錄

五

玄都曉夢

聞拾之遠信慘然 二首

念可公

越舸以吳伶來期之元夕湯成 二首

王孫家踏歌偶同黃大次時粵姬初唱夜

難禁之曲 四首

送曹生池陽 二首

楊雪浦家集舊

寶應寺故址

聞江山何曉御醫使琉球回寄寄

入水菴作劇送宗望口號二首

傷歌者

代送蜀客

久鯢作

詩

畫牆爲風雨所晦作

涂石卿

來任卿去官歸蕭山愛元人九歌圖爲作

暮江圖

小桃源圖

潯陽送畫者

梳洗作

目錄 五

庚戌初夏夢侍漳浦朱澹翁尚書奉常

卷之十八

七言絕句

甲申見述比驛寺詩多爲故劉侍御臺發

憤者附題其後

寄青陽何大選袁承謨三里店王賢

姑熟端太學望虹席中有贈

詩

目錄 六

長安酒樓同梅克生夜過劉思雲宅

都下看蓄姬弦子唱命者

北方婦女窰穴者嘆之

計偕濟上逢秀水陳公九德

過春申故宮

花步廊

遺張仙畫乃作灌口像

天界寺塔下印經

紫雲下受紫衣口號

朝天宮

奉常進餅鮮作 二首

聞戒壇許僧尼同受者解嘲 二首

秣陵寄徐天池渭

規中嘆

詩

目錄 頁七

江東神祠夜聽達公讚唄

看金人楊真趙太常試賦

題箋

卓翁縫衣妓

寄萬丘澤 二首

聽閩人說占域事

賢句

南城懷鑑湖竄翁

麻姑山下嘆樂湖張君

蓮塘驛

陽江無底潭

陽江望夫石

瓊人說生黎中先時尚有李贊皇詔軸遺

像在歲一滕之

詩

目錄 頁八

送客謁梅克生軍府

題達公書跡

送日者謁溫公純

爲阿攸多病檢方

龍泉葉生善吹簫自言法師後

過縉雲

西興懷古

過諸暨

爲屠長卿有贈

聞呂玉繩大父相國謚議作

靈隱寺月食

丹徒民張昱奏其叔占收第一祖宋高宗

皇帝駙馬培賜物及第二祖蔡京丞相

女奩物并發吳慶封渾子塚寶物萬萬

詩

目錄 頁

絕倒偶成

過句容

平昌人觀雙塔寺演儀

寒食過薛

濟上看張平子畫

見沈几軒師題詩

二首

罷令歸過太末

周無懷往宣城與沈駁元叙舊送之

蜂

閒雲樓五日

二首

上藍寺後老君堂小坐

右武送西山茗飲

示李微明

送王南陔楚遊

詩

目錄 頁

送章伯昭歸景陵并本寧先生

二首

乙巳都城大水

浮梅檻爲貞父作

四首

慟世

偶齋客客

徐觀察白云得秘術

喜賀闍伯成進士

有唱人願爲客苦惱朝之

卜兆作 二首

送豐城陸郡博廉州 二首

題靜菴僧卷十絕 有序

送葉仁長還建安 二首

亡遽庚子至今十稔秋闈矣偶檢敝篋得

其七八歲所讀文賦俱經厚紙黏襯祖

目錄 夏

父前背誦再四殊記年月重複中有蟲

蟻水跡穿爛兩京三都斷汚過半不覺

啜咽垂涕呼遽向中雷焚燒之遽有知

乎 二首

送謝耳伯歸閩 三首

寄平昌時葉諸生爲護鄭太守碑金石之

文也 二首

送古松造像往奉雞足山 二首

喜李乃始太史蜀歸過飲見示西征三作

用和并懷曹能始九江

聞黃太次計偕過別鄧直指新城遂遊姑

山有所愛憐特遲來棹至閏冬仲過予

止其行暫住芙蓉西館立夏南旋燕言

成韻用紀勝集云爾 十四首

詩

目錄 夏

癸丑火書畫燬盡失去褚蘭亭爲缺思萬

乘之力有不能存所寶亦復了無恨耳

卽事送錢晉明遊西粵歸長興 二首

謹客 二首

玉茗堂校定冊府元龜藏本偶觸浩嘆

送洪雲林入都暫過毘陵 四首

送商孟和詩 二首

送郡丞雷實先還郢并寄舊玉三臺

鴻乙樓 四首

上巳送余孟瀛鰲饒陽應試 二首

鬱儀從龍寄示律詩懷舊張丁二公作 二首

贈紫陽軍漢暉入吳謁董思白黃貞父 二首

送江如僧暫歸麻源往九華作 二首

看孚鷄子

詩

目錄 頁

青來席中夜半遇趙臺官戲作朝上雞鳴

歌有嘆

謝趙仲一遠就八絕

漢未央宮瓦硯

汧陽石魚

烏思藏巧鎖

洮戎數種

香臍

西域葡萄

鎮番枸杞

西寧延壽果

聞都城渴雨苦攤稅

懷馮公元成時可

寄謝侍東遼左 二首

詩

目錄 頁

送朱懋忠當湖

聞瞿屠夫尚留章門睠然懷之 六首

姑蘇莫公遠欲往溪南戲之

寄袁中郎

聞李觀察本寧湯司成嘉賓集南都欲下

一晤湯旋去官有慨而作 二首

章門送劉冲倩之虔臺 四首

滕王閣逢劉琪叔爲別 二首

送黃九洛歸虔 二首

九日遣宜伶赴甘參知永新

九日送楊因之歸新城 二首

送張積之饒陽 四首

口占送陳道與并寄岳石帆昆季 四首

同陳元石送劉琪叔歸山陰 三首

詩

目錄 頁

送彬士陳元石嘉礎歸黃安 六首

送遼幕過居延 二首

送道兄鄒華陽入越 有序二首

謝土作

別墅同饒見石李本仁曾在中甘伯禎

辛丑京考後口號寄溫都堂純 二首

寄懷監利姜公奇方公子

潔上人重修樓閣 二首

七年病答繆仲淳

看幼孫誦千字文破卷狼藉戲示

聞蕭生成芝入都欲得光祿署寄作

讀夢得金陵懷古作

若谷僧從霍林所來爲帥母丁夫人病目

禮藥師經瘡且行爲贈 二首

詩

目錄 頁

中元題

蜀客歸娶者贈之

書金史後

銅雀伎

見改竄牡丹詞者失笑

避暑飲孫賀明爲別作

送未乘遊還閩 二首

過蘧兒故有嘆示念父兄

鳳臺宮人楚自稱酒狂戲贈

頭風在灸起讀郭伏生詩悵然成味

送劉大甫謁趙玄冲膠西

病中見戴師遺書泫然憶庚辰歲別師時

師云子去此中無千秋之客矣水墨空

蒙名迹如在兩人皆且爲異物矣

詩

目錄 頁七

看採茶人別

笑語華山道者

南州門人雪中來問業贈之

七夕

偶成

登高西望

玉茗堂詩集目次

終

玉茗堂全集

臨川義仍湯顯祖著

詩

五言古

出都晚登里二泗道院高閣

弭舳聚煙燭躡鳥凌暉皎旅積方此舒波情亦

增繞榛丘憶蒙密重關思窈窕况此羽人居青

詩

一卷

熒滿幽眇雙扉永平直層樓迴飛矯陵巒翠西

蠡河渠白東森檣櫓密林樹伊優軋魚鳥封畛

四如畫岐術紛可了非經灞陵役復異河陽邊

如何帝鄉雪悠然映江表

陽穀田主人園中

宣遊無滯情端居有遙寄北憲何嫋嫋纖襟

延吹宛轉曲闥通依微連圃遙青華猶被隴

實已盈器南人善澆注北叟忘機事坐仰密雲
隋直望靈膏墜恢恢九夏適曖曖三秋至我行
豈不承葡萄兩抽翠丘園何足論一身已如質
倏見漢陰人空傷仲長志

逢采藥者關外

張公非韻藻孫生乃思沉處處可采藥何爲來
上林昔來當夏首今去欲秋深停艦張暑幔借

詩

一卷二

宅延風襟肅氣豈不蚤叢灌有幽陰穠條俱下
靡弱蔓且旁尋傾崖隱蟬唱列隧繞重音黍稷
雖已齊膏雨尚遲臨在客豈無時一再食林禽
想我家園中榛蕪常見侵懷香不可問遠志復
難任

崔兗行

在七級作

棲陰魯陽穀信宿田公廬道逢雙髻子手提黃

口題問從何方來答言從構榿登嬉發若戶母
出子見拘直用充狸脯不足奉賓厨羣雛何啾
啾覓覓在須臾觀聽發三嘆爲乞此兩雛答言
無所歸巢傾母已無放之不能去空爲大鳥舖
屏營作方畧令持示我妹爲我置高軒養大縱
所如我妹應聲起削楷以爲樞縷結數縱橫網
薄相離婁藉以翠枝葉安設繡窻隅飲以水盤
水飼以紅粟餘仍爲潔瓜果致祝兩禽初一是
是日中鳥精氣感無微當知護汝軀
惠養豈不至野性終踟躕兒童愛觀弄長者意
自殊羽翼自成飛但往不復呼

陽穀助田主人宗祈雨

叢壇歲有秩社樹禮無違巫歌旣宛轉葆舞亦
芬菲何爲闕幽應希復驗靈微滌川悲杲杲瞻

詩

一卷三

嶺佇祁祁峻旅停揮笠園婦罷抽機西郊殊自
密東臯良已稀畏壘今居是汾陽余德非豈慈
行路賜將念主人饑占鳥時開筵迎龍稍下幃
迴雲通海嶧轉潤借河沂揚冥洗燦怒吐澤遂
蒼威昏祈畢月染宵遲零雨飛寧辭墊輕恰兼
此滌塵衣主人登夏稱浮客待秋薇雖無蘭與
菊椒糈餞神歸

詩

一卷四

陽穀主人飲

趨蹌乃人理卧托非世資經知華閭路稍悟山
中時驚蕭蕭河上遊日暮風塵吹何意客陽穀始
得坐茅茨前扉眺南雲後牖延北颺幽樹蟬鳴
中稍與燕歌宜主人重風義斗酒相過隨時時
道風俗商祿以書詩主客自臨酌童婦或觀闕
並言此官客日昨自河湄如何屏騎從冠帶了

不施妝薄不厭進鷄寒亦肯持客聞自驩寔愈
益縱巾綦想念家田下風義亦如斯蕭曠樂斯
土奈何當見離勉身一從秩不獲戀所怡旅翼
終南飛徘徊經宿池人生苟有情別夢當遊茲
南坵分泉

依陰發泉聲開陽盛雲雷揮珠卽橫厲弭柅暫
徘徊神媼膏雲落天孫瀆雨開唯王資轉輪畫

詩

一卷五

地此縈迴洎洎連衡路灑灑注河淮高并刺雲
日橫籌傲山崖鮮冰敵陽至神木斬陰來浮吹
微終夜飛濫常千枚珠粒山東泉藿肉江南財
當知禹貽厥宜歌帝念哉

魯橋南望山

雲波美川色綠蘚龍潺湲在舟徒可咏居情殊
未閒魚鳬今透亂蘭菊舊追攀徘徊河上路塵

冥京洛間馬首臨西山積雪徒清顏素心悲在
染幽期常往還秋光汶陽水忽見湖上山隱映
不能去空然怨出關

夜泛魚臺河

日夕汶陽道明湖影青岑
祭興已孤遠中波夾
平林平林煙色微迢遞表
暉陰明月若佳人杳
靄來窺臨夜黃時叫嘯陽
魚恣奔沉颺颺高柳

詩

一卷 六

鳴櫓絳撓風音竊寂警玄律
空明洞素心紛畫
卽冉冉良夜稍惜惜愧彼蒼
洲客茲遊常映衿

臨清哭王太史懋德

太史同郡不相識病且
死自負爲恨感而哭之

交知有重壤相潤無近親
徒聞君顏色清如冰
水蘋處心在規闕不隨衆
飛塵生平無半雅哀
鳴能見珍諸人無物色之
子有人倫寧聞四海
言引重一時人相期發心
素婉戀來相親何意

我南徂逢君亦不辰有疾不堅卧就鑒朝國闔
良鑒不在國修生宜乞身歸春行采藥慎夏臨
清濱往往溫克人沉疾善悲嗔委蛻卽非有攝
去自傷真托身賢地主送此虛無賓馳覓迫東
岱委覓迴南津在家了爲寄客死理亦均予非
噉噉者懷緒此沾巾

答丁右武稍遷南僕丞懷仙作

詩

一卷 七

斯人負高概情蔬藹紛饒觸邪注冠影雅志在
公朝衣服近吾身有如裘與蕉升蕉有涼燠寒
裘終不凋斯人乃可去將無念霜朝西迴太行
軸南縱廣陵橈有客從瑯琊從君獨酌謠巾帶
若山人玉鈎橫在腰他人富貴媚斯人貧賤驕
山中讀道書玉女時相嬌但令有真骨數至自
飄飄靈阿發昭輝逸駕動鳴椒雲冥深秀資霞

延仙隱標庶反山中駕聊用倚逍遙

汶上懷古武淮楊

山經嘆蛩草風人銓鹿茸徒言用相取寧悟氣
須并輸驩情有贅奈襟趣無羸美劍沉西山佩
服豈得輕約結竝倫品雅意驚通明佳期易中
折初願難竟程浮游滄海姿歸作豫章行相期
齊魯間并泝東南征津途問來者告我以淮瀛

詩

一卷八

邇予滯南徙濡舫不逢盈棲陰陽穀館迎涼秋
月生秋風亦已肅秋河亦已晶庭樹稍靡靡熠
耀且熒熒燕姬陳簾幄魯客媚樽楹徒知秋士
慙寧知秋士驚如何廣陵道花色重盈盈下作
合歡種上作芙蓉精經過但言賞跌艷卽前呈
丁生自言剛聊爲此所縈佩珠思漢女鼓瑟懷
湘靈沉回自有托搖落詎能平旁人謁一官不

殊兒見陽豪情自滔蕩豈在東塵纓念與君遊
時出谷鳴初鶯如何汶陽道獨聽鴈悲聲

送鄒爾瞻吏部

猗猗青鳳臺裊裊嘉林枝嘉林有餘蔭孤鳳無
停姿予本都人士獲此映光儀背來楊柳津今
歸流火時遊旋及多暇琴尊良寄茲高張不可
常委迤邐我思山川時出雲中和爲德滋一節
趨以晚列宿光何遲美人常滿堂目成今復誰
徘徊德音遠何以慰參差

詩

一卷九

江館憶別蔡青門

春華殊郁燁江館憶凌波花源漁父入蘭渚楚
人歌豈不懷芳遠徒令春望多鳴琴風色麗卷
幔煙光和江湖一尊酒持許寸心過
飛霞閣夜宿送冷道人遊嵩丘

天宮吐青霞陽華朝隱屏似有采真人泠泠向
虛境五色贊春耘清虛意言領開書疑杳冥扶
顏真秀穎赤熱金陵氣疊暑江河永清汗晝流
離當風扇猶秉人生正危淺驕陽復茲逞稍稍
映虛真習習襟期冷居然朝市中咫尺會箕顙
始知飛霞閣夜出甘露井願擘青荷衣隨颺散
蘭省屏營坐星夕倏颯煙裝整欵跨非遙崑崙

詩

一卷 十

形非近嶺滌蕩中嵩雲轉側關河影河影月精
流關氣真人警長恨滄煙外奇懷失遮請牛女
足開神江湖寄千頃

喜雪

度臘逾風和入歲占雨絕猶欣夙嚴凍更報今
零雪卧聞森淅歷起視彌飄撒氤氲連信宿颯
沓委城闕寒光黯蕭索清氣凝塊比稍稍薄沉

芬漠漠沾浮月鍾陵紫氣開玉階冰溜折誰分
蘭荔榮長期麥華茁

望報恩寺塔燈

寶積步城南露盤應在壯遶行皆世心登頓極
鬼力衣色江霞染馬首林煙織轉眼百枝燈飛
光九層翼點綴各有行門檻遠可識鱗鰓燭龍
下戶闕暗河直上領覺俄金下界似陰色出江

詩

一卷 十一

隨倒影回城送曛黑岌業世希有灑漾真奇特
蘭膏出大內離冶窟殊域持照諸天人報恩大
明國

過太常博士宅

太常東署中五年足棲集南風多爽塏春梅未
湫濕兒子此生成棊書此敦習逼迫徙詹事後
者來何急出門別井龜致詞如欲泣臨去幾回

首向後恒過入昔作主人居今向賓階揖已悲
題字滅稍呀新堂葺觸迹有思存循年真悵悵
舊隸猶瞻叩比鄰都問及坐深難可留簷庭去
猶立百年渾似此前人互通執弱心誠自嗤懷
來非可戢

六月苦旱渴偶就弘濟寺得江水飲

斗水十餘錢誰云江海濶孤生已四十正爾今

詩

一卷 十三

年渴池井各封閉關梁遮遏注喉如沃焦敢
復費澆抔延生喘脇際常恐命蒂脫朝寤雲漢
呼夜厭飛虫聒明河雖按戶斗杓肯低幹井參
雖在闕玉繩不可掇稍移江上寺江水遠明活
熱乏此甘露點滴在甌鉢沉冥洞壑氣迴風撓
虛豁嵌空倚絕壁日光傾隱割雖非清涼山冰
雪見毫末水觀蕩陰靄晚浴宜巾葛江海足相

忘都人困吹沫安得取水龍傾城此藥石

已丑立秋作

水價日百錢淮清江水濶他生常苦饑今生直
愁渴渴烏無轉勢枯魚自噬沫斷想入梅雨已
覺露華歇山川不出雲星零盡茲月始疑天意
遠敢云地津竭迎秋稍沾浥木葉早枯脫夏雨
瀝金珠秋水灌毫末

詩

一卷 十三

送武部周元孚歸黃州

波瀾拂青鳥風雲翔翠鷗俛仰各有致浮沉中
自知楚客詠蘭芷江煙渺佳期及此晤言笑已
惜青春時我心殊鬱陶世路良參差關河氣未
死江海人猶饑王氣緬終古輕心常在茲武庫
新留仗羽林舊孤兒畧約未敢問精整存有司
當官廣有人須材今復誰君當江陵相天出魚

九旗契濶上封事的樂施顏眉長星十年後流
人千里思邊風鴈門影海氣青田姿賴有董天
人雅麗精文詞奉倩惑傾城安仁惜瑤姬棲遲
長路意婉戀洞房私有情能不極多才難自持
秋色何蒼然懷人益淒其風塵淮楚路煙波河
漢涯誰能世紛淺願言顏髮滋

送董光祿北上

詩

一卷 十四

人生貴可談富貴亦何與悠悠鄉里心董公有
佳處兩過都亭飯及此金陵署世故無不論寸
心稍流輸煙波木末賞雲雪高齋度何以燈燭
深但覺交尊互大器笙鏞安冗從安能駐願言
傾夕秀江山極遊遡等爲光祿勳歲中南北驚
北上蚤風塵南中多月露月露使心清風塵令
素况此馳驅久精華亦有數公卿了可見曲

折自時務中春承詔旨清和卽江路昨者留道
書足知心所寓無以大官厨忍斷素食趨悟門
時有入印證及遲暮

雪夜望報恩塔燈

熒熒冰雪天闕南獨吟眺窅波深洞沆衝風遶
迴窳窳窅照明園天花積光耀白影久希微碎
身此靈廟西京曲池後舍利落爭標大明雖猛

詩

一卷 十五

特祇桓亦經燒猶餘水晶塔刻畫于闐妙五色
金陵外千年燈火照珠龍動鱗甲星河下奔峭
藐爾雪山人因緣發微笑

夕林

槭槭花叢幽竹葉微風咲涼螢亂池上水鳥時
一畔清沐坐來久前林月開照不知山氣深冥
蒙覺葱峭

赴帥生夢作 有序

丁亥十二月予以太常上計過家先一日帥
惟審夢予來相喜慰曰帥生微瘦乎則止予
以冠帶就飲帥生別取山巾着予甚適予首
嘆曰人言我兩人同心止各一頭然也嗟乎
夢生於情情生於適郡中人適予者帥生無
如矣乃卽留酌果取巾相易不差分寸旁客

詩

一卷 六

駭嘆記之

青雲覆嘉林明月映珠津理絕有連氣况乃在
人倫歷落帥生姿禮食先一旬采擷極玄史詞
賦落瑞璘我生弱冠餘良遊非撫塵子爲膳部
郎予入南成均今上歲丙子再見集庚辰前後
各傾展言笑日溫新家能造清酒兒能娛父賓
昔是新相知今爲舊比隣上計邊越來醉我鳳

城春笑謔不下樓安知誰縉紳契濶四五年流
思月相廵予滿大常秩子罷思江綸日夕夢我
歸入門覓鬼親交手無別言但問瘦何因冠帶
卽延酌易我以山巾尺寸了不殊形影若可循
世人言我汝同心徒異身今看巾幘交益知頭
腦幻說夢未終竟報我及城闔歲寒冰雪中松
心竹有筠三嘆此何時滅沒旁人嗔眼觀一堂

詩

一卷 七

內夢見千里人見交等形隔卧托乃疑神素車
尚前語迷途猶見遵况我見爲人分明江海濱
立語卒不盡且坐留飲醇易巾果所宜夢與形
骸真盍簪此爲契彈冠安足陳

江樓曉望同劉司業鄒吏部

夜色明江樓月露泛涼瑟俯窺光響流仰瞰星
河溢徙倚未能寢昏旦一何疾空波滅餘霧高

臺障初日惠風矜帶間泠泠清意出

秋秋度嶺却寄御史大夫朱公王弘陽大理董巢雄光祿劉允陽司業鄒南臯比部

五君子金陵

素秩守山陵積歲在星祠如何別君子垂雲簪
天池清齋出涼門尊酒各前辭婉彼蒼蹊奏澹
然瀟湘姿迴風吹木闌寒生青桂枝冥冥水波

詩

一卷 九

遠日暮心欲悲宮闕有明雲嵯峨氣依微五嶺
望超忽叢山阻遊夷豕豕夾我吟蜚翠拂蘭漪
所思一箇臣嘆息綿蠻詩何當叫我友凌風以
高馳問路逢流星寄言河漢私閤嘿路方始嬋
娟知爲誰千秋有佳期百年女所希玉津以止
渴芝華持呷饑

登報恩塔歸騎望塔燈同汪仲蔚

珠塔凌飈稜鍾陵看建業表裏山川盡勝寄煙

雲慙江光日氣飲世界空明攝迴聽風穴壯側
看飛鳥怯下方燈欲上歸人影相躡千枝邁出
臺四照花開葉見頂色依微開陰點層叠磔摩
如可遇佛光於此接文祖發威神彌天歸震懼
匪報佛王恩自顯天人業花官窟勝麗孽火傳
灰劫華趺暗消隱畫牆堅巖磔三匝禮空存四

詩

一卷 九

遊心苦涉裁量百年中蘭膏幾輝燁

送朱司空上都二十韻

朱公前南客曹時
陸公南祠郎也

心知豈無人遇合故有命奉常凡幾年虛微自
本性朱公南鳳凰軒豁五雲慶凝華整官屬齋
心感靈聖衣簪時在公禮法竊所敬拜別南滁
堦過蕭西曹政刑名何必深奏決多爲令無因
贊君子佩玉歸朝請人知襟想清未信容顏盛

屏居二十年海上風期襲桃李豈須言松筠自
相映春曹忝虛薄故事存高咏偶標朱陸期妙
案清華并陸公濬名理談宗真水鏡朱公與莫
逆寤語爭奇正德業遠相致大雅深儒行倏忽
世道往未覺津途淨尚有老成人端居鎮流競
陸公滯南宰恨晚紆餘勁司空向巖陞次第調
機柄匠器方此呈碎職何足竟丹青大臣節契

詩

一卷 二十

濶在百姓初書大有麥祠官費祈禳閉關心隱
鬱談時氣奔迸稍待歲氣復當歸理貧病深淺
嘆河梁衝波豈遊泳

喜麥

時皖賊初散
南都解嚴

滔滔春雨過已入孟夏月絕流今夏寒塵生井
逕竭所畝秀麥冷背黃夜生發今晨米價落數
歲草根掘北極自河漢南都有宮闕氣脉動三

楚精華受百粵向賊幸么小江湖未深窟就麥
自開散官軍失倉卒但願雨入律經營土冒概
嘉生良在茲鍾陵氣未歇

北望同劉司業允陽

南都幸華予祠郎復清秩雖無當世心願奉清
時畢依依鍾陵雲望望長安日但聞臨幸稀轉
覺軒閣密天高百靈護玉色喜精實驩幸無深

詩

一卷 二十

淺燕語有得失貴弟欲分手前星時在膝戴北
起明雲早晚宮車出

靈洞篇呈趙太史蘭陰

赤松隱靈勝寶婺明清淑高霞流紫白鳴泉亂
松竹參煙石藤古瀉月峰蓮獨時棲唳菴禽或
倚啣花覽春橋遊士女煙臯下樵牧丘壑自寧
一巖洞古傳六芊綿步東迥巖空臨下蘊雨華

石乳滴日氣丹芝馥蕪沒半千歲始獲第三谷
太史此藏書江潭遂初服侍講金華殿試結蘭
陰屋隔以清淺流障以森沉麓激耳流風解過
眼歸雲熟夜明山氣深巾帶坐如沐吾鄉張與
鄧於茲信言宿雲跡各飛眇世事有牽促出山
亦偶爾幽意豈忘目流想青桂遲坐嘆紅蓮速
祇恐丹青人無因反巖築

詩

一卷 五

髮落

草木根地陰頭顱向天悶凜秋風落山卷地吹
長髮沐櫛臨朝陽消颯去如拔粗可試輕簪省
復下勁刷星星幸未出側室在伺察卽知金附
彈了非三十八美鬢當時人亂頭且光滑俛仰
復何道客至就巾抹

丁亥戊子大饑疫

西河尸若魚東岳鬼全瘦南北異肌理生死一
氣候山陵餘王氣戶口入鬼宿猶聞吳越間積
骨與城厚宿麥失先雨香秔未黃茂長星昔中
天氣燄十年後乘除在饑疫發泄免兵寇君王
坐終北遍土分神潘何惜飲餘人得沾香氣壽
欲遊棲霞寺不果

詩

一卷

金陵王舍城攝山有佳景雅意緋桃路極望青

霞嶺吳生要我住幽意夙已領安知淨土薄春
淹水田頃徒資稗子粥未蒙居士請行乞自明
相飯過中時影彌天入饑劫陰光謝靈境膏肓
正佳事早晚未應踴直須稍支濟得復向清整
坐夏了難期結秋西引領

京察後小述

邑子久崖柴長者亦播簸含沙吹幾度鬼彈落

一箇大有拊心嘆不淺知音和參差反舌流倏
忽箕星過幸免青蠅弔厭聽遷鶯賀賤子亦如
人壯心委豪情文章好驚俗曲度自教作貪看
繡袂舞貫踏花枝卧對人時欠伸說事偶涕唾
眠睡忽起笑宴集常背坐敢有輕薄情抵緣迂
僻過一命淹陵署六歲逢都課浮課今已免不
謹前當坐有口視三緘無心嘆八座骨相會偏

詩

一卷 五

奇生辰或孤破吾心少曲折古人多頓挫脫落
慕仙才點撥希王佐咄咄竟何成冉冉誰能那

三十七

我辰建辛酉肅皇歲庚戌初生手有文清廐故
多疾自脫尊慈腹展轉大母膝剪角書上口過
目了可帙家君有明教太父能陰陽童子諸生
中俊氣萬人一弱冠精華開上路風雲出留名

佳麗城希心遊俠窟歷落在世事慷慨趨王術
神州雖大局數着亦可畢了此足高謝別有煙
霞質何悟星歲遲去此春華疾陪畿非要津奉
常稍中秩幾時六百石吾生三十七壯心若流
水幽意似秋日興至期上書媒勞中閣筆常恐
古人先乃與今人匹

懷帥惟審郎中戴公司成

詩

一卷 五

著冠須訪戴脫冠須訪帥磊磊一心人離離十
星歲戴公入山水淡迹分明昧喜沾清悟姿不
惜沉冥醉帥生能造酒酒色清如菜高談常夜
分哀歌忽雪潰兩君真晉人土性有凝慧相見
卽相親了非心所解如雲墮江光顛倒影在內
心歡長若茲日月亦清快重來斷清嘯不復可
人在影撇事詩酒接拏坐巾帶帥生煙霧中戴

公江海外但想卽成笑寄書亦何賴

題趙生冊子

誰向清嘉堂寫此枝與葉初開碧桃影素燕飛
流暉隨意禰花竹粉墨何萎浥點染露華吐
綽風枝接如行墟里中歷落成目涉且知幽靜
意不肯着蜂蝶閨閣日何事偶然心不愜欲從
趙王孫更作來禽帖

詩

一卷 五

顧膳部宴歸三十韻

時大水饑

年深情易盈春蘭氣方煥齋房常自清登臨每
傷獨同人風義生命我春清熟新雨道無人越
歌山有木甚設苦難常爲期省相速適往纔張
具且坐遺巾服行綦過格五點局殘花六豆間
依古禮坐次隨年錄素盞溢芳溫青蔬禰蘭菊
無事極脂膏風斯映明淑心清笑則雅興洽談

逾穆留連清夜沉偶嘆春年肅河北人猶流江

南子初嚮行人深掠食縣官粗賦粥杏花差有

畔苦草正無幅黃星春不死青歲鳥猶宿微祿

幸三飽清齋休五肉秀麥候皇明妨案悵神牧

一人同向隅諸兄須仰屋凡百關天運有萬依

王福江湖初繞雷神州方蘊積舉白但歡展辭

觴敢嘖臧滅燭步除陰明月隱深竹風庭猶數

詩

一卷 五

杯淋浪居末逐金柝夜沉沉玉街清琅琅還齋

深忠餘倚檻端居伏風露藹延和華桐暗相馥

岍幘且輕首啜茗殊清目側看星尾遲遠聽鳴

鷄速向署首明祠靈妃方捧祝

怨婦詩

行出鳳臺門遙見一婦人懷愁須借問雪泣始

言因本是皐臺女穿珠遊漢濱相逢拾翠子聘

以百流銀阿母結香纓阿爹持繡輪江陽萬餘
里飄搖一女身遊絲亦有高芙蓉定無深恃此
朝雲色常懷明月音何言朱雀桁別有鳳凰簪
棄妾青樓晚閉妾重門陰陽霞珠似粒陰雨桂
如薪珠花全轉折侍女罄隨人寧惜容華變恒
愁芳潔淪永束青苔恨去赴綠楊津纔驚念鸞
躍瞥見孤鴛沉江妃倚浪笑漢女逐風吟失意

詩

一卷 五

已從古傷心非獨今無緣拾香骨特寄薄人心

夏至齋爲西署芟竹

方陸闕靈祀清齋澄宿禊仰罷文奏信宿晤
良歆瞻彼蒼琅竹翳此芳華林東園悵蕪蔚南
署稍蒼沉遂覺來蹤淺翻令往意深經營命臺
吏顧盼惑流禽芟根絕橫阻披枝令上尋希間
畱挹露密處待延陰且佇壇場色空凌雲漢心

送吳幼鍾歸皖

嘉會信流止通懷時閉申悠悠紛可恍夢夢具
誰親影纓感來拈捫管喟先民豈無碎首烈密
此惠心人磬折有餘妍玉輝時映身在官非遠
爾接陌有如隣色笑動淹夕思存寧距旬素心
飄以遠芳意密難陳美人及遲暮君子亦清淪
取慰白華想寧詠紫芝辰遯思徒可勉通衢宜

詩

一卷 五

見遵

送沈鄖陽

清漳藻奇色奧嶺結暉英興文旣以鬱勉身能
自清葵蕤曲臺上徘徊多友生青鍾臨樹羽尊
酒寄琴生方歌零露草何言流蚤驚陶陶孟夏
中悠悠江漢征澧沮映南渚秦蜀遙西傾流吐
易風聽卧理卽神明無事東陽守徒流高咏聲

送郭考功北征采藥南歸

汎濫青雲浮曉藹飛風集河漢夜何明江湖氣
方急恭逢惟德銓深心此柔輯好與羣龍旋分
隨高隼執江山自凌峻榮賤有階級朝陽秀初
挾玉笙清可吸連輕綉史榮寧邀聖郎入晤彼
清河嘆庶此寒泉汲沂言動臯壤周咨在原隰
勉爾慎津途寧論取棲粒

詩

一卷 三

贈唐仁卿謫歸海上

津衢無與士精峭有奇人居懷徒可積抗辨力
誰馴道術本多岐况復世所尊風波一言去嚴
霜千古存揆予慕甘寢未息兩家紛方持白華
贈殊望桂林雲

送汪仲蔚行藥匡山

長陵美雲氣日至候靈威神臯方曉靈祠署肅

嘉招如何侍清列不見子風韶青青能幾時幽

谷有鳴喬方當振長纓與子立於朝風迴閭闔
遠林寒芳意銷滅燭動孤寢山川殊未遙棲香
爐嶺雲同波江海潮方深子牟嘆非忻園綺超
寂歷有寤語棲遲成久要出自嘆西門南望石
城橋的的芳梅萼猗猗嘉橘條雖無玄朔安庶
以南國標何爲來水裔倏忽在山椒終知及遲

詩

一卷 三

暮聊用永今朝勉爾山中人當知予寂寥

送范敬之郎中奏滿便遊匡山

受命鍾陵下杳曖蒼梧間清齋隔浮世道書辭
素顏往往應鄉語時時留子衿君客何樸樸君
心殊蕙蘭雖沉中聖答彌著獨醒言塵情若飛
葉素慙乃流根忽聞當北陸奏秩且南轅芳春
集廬嶽晏歲及家園家園日月晚廬嶽煙雲繁

出山苦不易入山良復難願言勗幽躅無令芳緒殘

和別李儀郎道甫

湛氣浮虛中流塵日相輪細人常不聞君子亦云驚銷心緣宿迷洗氣令新悟對俗自含嘿傾知忽流露旁人非所睇之子獨延晤經知世上懷頗愜英流趣何用慰晨風長言警宵露

詩

一卷 三

秋夜盧龍觀

苦熱

火山有棲毫沸泉猶戲鱗念此中夜苦脇息氣不申薄泄雨雲色鬱燠江海濱白門竟長夏赤道延西曼翕虛手交扇霖霖氣沾巾城陰坐倚徙簷影立逡巡渴彼嶮巖色飲沐寒泉津青花吐涼月映之猶炙人洞房劇溫室清簟若層裯白汗委流波展轉難貼身跳身清露下餘蚊逐

光循流嘆火西夕延佇井東晨開此清涼門定我冰雪神倘有四時風吹人無奪倫

雨

吾鄉有再熟蟬鳴卽新糝吳苗苦遲立似渴白露雨赤熱不可奈星雲事已屢根本東南樞流言襍軍府衣冠少三食相見色淒阻仰首鍾陵山雲漢隔深語昨夜江水動風雷龍下取抽尾

詩

一卷 三

黑雲際掣戾若可數颯沓空中聲騰旋半日許疾電閃墻藩連霆殷窻樹氣若白濤下勢如渴烏吐誰謂不終朝三日濕后土夜得清枕簟晝足涼軒俎便覺米價定豁若天雨金向曉星河霽猶望五車柱

送汪汝立郎中奏最兼懷吳幼鍾馬長平

京華今幾時當君客淮上車煩想舟楫塵勞愛

波浪君爲賢主人夜月隨官舫浣此客心憂清
光與浮漾素惟風義佳轉愜神情王朋尊故靜
好落葉時惆悵所知新太宰吾師今副相人生
豈無涯世法各有當緬君蒼素安暑路風塵傷
不知歸皖否可悉吳生狀前觀乞米帖君歸與
籌量無令卒餓死負此時賢望北遊君有人猶
龍馬生壯此生好馳馬吏事能精強嚴役在江

詩

一卷 五

嶺還都足酣暢有才費雕刻雅意歸玄匠送君
過夏首節物深貽蕩日氣清江陰煙光綠蕪漲
但去勿徘徊長安心所向

送徐民部北奏歸覲

托交亦無因通懷在所摠昔我奉常里與君對
門居軒憲襟花竹來往蔭紅魚造次巷無人散
步心閒虛夜分亦不辭清晨常對梳私懷備宣

展時事或歛歛戊子初陽春三王日華初兩家
生男女恨遠不相如以此兩家人相憐難自疎
時時遺甘果襍以綉偏諸婦儀貴筐篋男禮重
瓊琚長庚好公子飛光能照車娟娟我兩雛窺
書臨石渠亦各愛少子追從常戀裾知爲兒女
情暫令言笑舒何意流光積都爲離恨餘昔君
春涉秋浦口治軍儲君歸我祠署官繚隔儲胥

詩

一卷 五

被病省人事驩赴常趙趙問君邇何爲奏計承
明廬君言與世淺幔亭賦歸與君才若貞松忍
比道旁樗里中多貴人長者宜吹噓暫歸采蘭
鯉豈足問樵漁留君日夕遊文園交綺疏河色
過涼雨林影遍虛徐中庭春梧楸幽塘亂芙蕖
瞳矐秋氣鮮月露方愁予年華浩已流遠意不
可除陵祠我當清亦欲歸著書問子春能來一

歲此躊躇

懷郭美命編修吉除勸駕有作

與君初攬結知是風條英風煙積宛洛冠冕潤
吳荆寂歷明星祠駘宕臨春城瀾瀾江波淥悠
悠漢水清迥之宛一人其人秀以貞出京多晤
言宛轉若同生仙舟雖可泛蓬山非我行忽彼
麻衣雪映此生芻情光景若流駒中廬常自驚

詩

一卷 三

在昔寒泉嘆復此有懷并素悲差已盈禮樂宜
未傾澹澹平安始惻惻笙歌成長安惜往日春
鶯能惠聲

丙戌五月大水

芳臯有熱芸空疇猶浩漑時欣日華漏未覺風
心岐北上湧朝濟南垠滯昏曉妨案愁奉常祈
田蕭京兆府署氣無鮮壇場意俱悄梧竹靄滄

涼井邑浮虛杳地脉交龍斷硯席涎蝸遶扇節
尚春衣籬門喧水鳥從陵上原隰登臺望江表
天貌此沉沉客心方渺渺何日風雲掀俯辨山
河了

懷范敬之太守潤州

出牧多時彥了非心所有何悟獨醒人出我同
門友華陽有范氏世祿未應朽粗經名法深轉

詩

一卷 三

覺風流厚數點身上衣肯問家中婦潤州今如
何脂膏昔能否陰煙秣陵下臺門隱高柳罷謁
過從便獨臥棲遲久風雨晦堂除河漢翻戶牖
吐納各有致佳期良不負送別何悠悠片語爲
君壽巧步不終朝拙心當白首君昔廣陵祠飛
書定妍醜于源天下士陳琳安足偶寸心俎豆
前一字春秋後壺冰知天寒此事在人口金焦

玉茗堂全集
雷轟立波浪突傾走交遊兄弟中發興似枚叟
未是觀濤氣欲執子之手見子爲清郎聞子爲
清守自有中冷泉何嫌京口酒

慈竹山

暮雀何啾啾桂樹青簷端飲隨花葉滋饑將木
蔬殘鼓翅若有餘何期孤鳳鸞千秋江海上啄
啖金琅玕威蕤自歌舞豈不凌饑寒習習軒轅

詩

一卷

三

子裁音入雲間上有鳳凰臺下有慈竹山

玉茗堂全集

玉茗堂全集

臨川義仍湯顯祖著

詩

五言古

穆天子

穆王駕白鹿西飲樂人泉盛姬誰家子婉戀隨
周旋朔風吹羽獵重臺障嬋娟盛姬忽告病天

詩

二卷

一

子益悲憐寒漿渴莫飲虛此進壺輜迴望樂池
南哀響震窮天百物在明器千官虞夜筵流星
日月旗鏜鼓送行旃所次卽傷心爲語輒流漣
穆王雖耄荒盛姬殊少年如何西王母白首佇
雲煙西賓庶無死東歸難自仙君看偃師伎徒
言膠漆堅

戚夫人

寶劍決雲氣零暮亦何常不見沛亭長一朝爲
漢皇昔從呂公女今奏後宮倡中有戚夫人時
時陪曲房折腰步天裊袖頓飛揚出塞復入
塞望歸心自傷後宮齊高唱哀響入雲翔終日
不能言倚瑟涕何長心知萬歲後誰能憐趙王
千秋銅雀臺婉戀爲分香

秋夕

詩

二卷 二

亂螢飄熠熠蟋蟀悲何急納納羅衣裳冉冉淒
風入獨坐渺無言自起闌干立

湯考功招遊燕子磯別洞獨宿圓愛師房

六十韻

青春白日遲沉陰物色遠黯淡青華姿冷薄芳
時趨清齋饒稚卿出怪懷謝傳莽蒼誠自喜漸
車非可屢愁看雲物沈喜見荃蘭豎遠遊那得

期近悵差足御月夕乍披朗花朝擬容與茂苑
吾宗秀眷言賞心晤文樽一二好簡書三四寓
幸不懸長雨且復晞流露差池遶西沔曉靄遶
東署盡盡臺城門灑灑明湖路萋萋楊流宿鶯華
萍起窺鷺始知春氣深及此佳期赴精廬且朝
食主人出延步寒暄三舉爵圓方一投箸分金
飽騎從更衣渴馳驚先驅流食架後程需臥具

詩

二卷 三

暄颺卷幃入陰煙承蓋度蒼疇地脉起白水雲
光布微麥洒陵阡疎梅映村聚時聞雉清叫忽
見鳬驚翥青江信明遠層城真筭固市擁鮫人
泣磯臨燕子唳葩華鳥瀾蹙澹沲崖光注磐石
似龜鼉舟船如鴈鷺春波正流美畫風颺起惡
且入閤陽洞相趨折蘆渡峽寫有根雲鯨拆無
枝樹落磔分委積崩湍轉流輸地益插箕踵天

標眩環顧時時席礪硯往往屨沮洳瞰空引一
寶盤渦有三處初行地響咽再入天光吐後房
竟幽煥久坐若清曙響像層潭府客歷潛達附
鏤鏤費鬼力窟宅出人遇常恐風波入閃爍蛟
龍踞通明暫揮酌愁陰且言去亭臯靡芳築津
石流檀度不見銖衣拂但聞金策駐昔物豈今
存今人非昔豫芳遊難可歸官方各隨務單已

詩

二卷 四

動禪悅初心愜遲暮畫閣諸天杪白路恒沙數
背崖捫削成蹠虛倚懸挂剡剡人上慄莫莫神
傾護深心蕩霞日遠氣冥煙霧鳴榔厲似織擾
翰歸如呼燃燈下山闕談經開釋部好相坐生
老勝韻遊新故凡夫偶問疾智者寧深怙林吹
稍流楚白月延心素中時飯色遠永夜香心炷
如經四遊歎初深一宿悟臥聽風潮翻起看蒼

莽五日出陰光隱花開世界露昨遊旣陳迹今
居豈常住心清卽事遠善勝由人助寄語賞音
流回還續芳緒

定安五勝詩 有序

敬觀縹緲大宗伯王公僊居瓊海定安山水
奧麗鴻清條爲五勝頗爲咏思其雖性晦天
海神懸仁智至如幽探閭采常爲欣言不覺

詩

二卷 五

忘其滓懷永彼高躅云爾

五指山

遙遙五指峰嶮絕朱崖右飛聳明光輪嵌空巨
靈手疊嶂開辰已修纖露中酉天霄煙霧中海
氣晴明後一峰時出雲四州紛矯首主人定安
秀肅崑鑿靈牖嵐翠古森洒揮弄亦已久方從
吳會間離離攜星斗

彩筆峰

五指發高華地脉凌飛遶建江
潭藻筆竒峰實
竒矯突嶂抵層雲鈺巒撥飛鳥
葱龍石笋大刻
削蓮峰小翰林爲主人含毫相
緬緲懸知東壁
夜直柱南雲曉時時几研間
倒影來青幃何來
玉字書從崢嶸映華表

金鷄岫

詩

二卷 六

綵筆凌峰雲清溪隱崖嘯離爲朱鳥
方與得金
鷄妙崢嶸冠雲石蕨蕤被林峭非止
金華鮮傳
聞昔光耀遠氣星潮引近色瞰霞照
送此翰林
人撫翼天門召羈棲漢祠影未振
秦川叫暫此
鷄籠山憑虛舒聽眺

馬鞍峴

五指南浪一指橫東境佳氣若駿奔
奇石相

頃領遠飲朱崖津高折騎田嶺精靈
常五色檀
竒非一景中有最懸石如人踞鞍
騁秦鑿餘鳥
龍漢祠餘金影峴口發精竒噴玉煙
華整白雲
起鞍中天門路方永

青橋水

海中有靈宅四望千迴溪偃宛丹石
橋綽約青
雲梯西暉灌文馬東影明金鷄地脉
素流美風

詩

二卷 七

物并縈隄綠石碎雲日青苔沒鳬鷺
春橋宜笑
語煙水足遊棲遠夢滄浪清愴言芳
草萋朱門
若江海推排庶可齊

漢武故事

漢宮寵那尹隔別不相親一朝尹自
請帝爲飾
他嬪尹笑定非是不足當人君令那
獨身來故
衣無飾新尹卽低首啼
人人宮皆言

美絕幸自有真當由得意後爲是故殊倫

讀張敞傳

長安多倫兒數輩老爲箇居家皆溫厚出從僮僕遊遂有長者名閭里咸見優小倫時轉輪酋長日優游安知畫眉人一朝來見收

相如二首

相如美詞賦氣俠殊繽紛汶山鳳凰下琴心誰

詩

二卷 人

獨聞陽昌與成都貴賤豈足分子虛乃同時飄然氣凌雲臥托文園終不受世訾氛清暉緬難竟遺書封禪文知音偶一時千載爲欣欣上有漢武皇下有卓文君

令君有嚴客臨叩自清光王孫爾何爲衆賓臨高堂足可富蹲鴟安知窮鳳凰幸然有好女琴心能見傷我眉揚遠山芙蓉留薄裝一身猶可

分誰能羞夜亡如何挂纓女亦學橫在床此心當語誰此意難自忘兩好不終棲遺文來見將但惜相如死誰念文君狂

京鵲

鴻哉天地籠壯矣京城鵲擇肉人手中翻騰製光耀積貫始成常見童好驚叫風穴鳥王深安知夜吟嘯

詩

二卷 九

部中鶴

曲臺雙白鶴日賦十餐錢良爲升合資留滯江海年傳呼卿出入引吭飛舞前軒墀看鶴人時與小翩翹鳳凰猶可飼安得羽中僊

錦衣鳥

太常東署門連垣接親衛中有怪大鳥好作犬號吠悲嘯無時徙吉凶湏意對非有伯勞沉豈

無子規廢關天殺人處陰風覺沉昧

茶馬

秦晉有茶賈楚蜀多茶旗金城洮河間行引正
參差繡衣來漢中烘作相追隨以篋計分率半
爲軍國資番馬直三十酬篋二十餘配軍與分
牧所望蕃其駒月餘馬百錢豈不足青芻奈何
令倒死在者不能趨倒死亦不聞軍吏相爲漁

詩

二卷 十

黑茶一何美羌馬一何殊有此不珍惜倉卒非
長驅健兒猶餓死安知我馬徂羌馬與黃茶胡
馬求金珠羌馬有權奇胡馬皆駘駘胡強掠我
羌不與兵驅除羌馬亦不來胡馬當何如

胡克遜

人言西北邊有獸名爲遜性不喜獸鬪遂巡解
其困獵者知如此設鬪日馴近相愁來解紛陰

遭此人乃食肉寢其皮似貉花文嫩西州貴將
吏茵褥厚常寸萬萬笑何憫猩猩啼莫恨此獸
仁有禮錯莫身爲殉世有麒麟皮爲鞞復何問
宿浴日亭因出小浪望海

爲郎傷星紀江湖常久居倏忽過南海扁舟挂
扶胥隱隱岸門青杳杳天池虛培塿澹凌歷氣
脉流紆徐潮迴小洲渚龍鱗動清渠於中藏小

詩

二卷 十一

舟其外懸日車雲影蒼梧來咸池相卷舒孟冬
猶星河淡月沾人裾陰湯盪揮霍精色隱踟躕
濯足章丘餘沐髮扶桑初濤輝臨洺盤若木鮮
芙蓉西顧連崦嵫東眺極扶餘小浪亦莞爾大
波始愁予嶼舶自吞吐樓櫓成煙墟飛金出熒
火明珠落鯨魚吾生非賈胡萬里握靈精曉靄
羅浮外傳聞僊所廬玉樹如冬青瑤芝若棋櫺

陽鳥不日浴晝夜更扶輿丹穴亦不炎好風常
和噓白水月之津一飲饑渴除徐聞汝僊尉去
此將焉如

達奚司空立南海王廟門外

司空暹羅人面手黑如漆華風一來觀登觀稍
遊逸戲向扶胥口樹兩波羅密欲表身後奇願
此得成實樹畢顧歸舟冥然忽相失虎門亦不

詩

二卷 五

遠決撤去何疾身家隔胡漢孤生長此畢猶復
盼舟影左手翳西日噴匈帶中裂啍嚨氣噴溢
立死不肯僵目如望家室塑手一何似光景時
時出墟人遞香火陰風吹崢嶸上有南海王長
此波臣秩幽情自相附遊覓知幾驛至今波羅
樹依依雨縈密波聲林影外簷廊暝蕭瑟

衍岡望羅浮夜至朱明觀

炎方已中冬氛氲煦南畧名山紛我思隔絕遊

未擬江海亦何意謫居欣在此沿廻石灣岍紆

舟水南止果得羅浮狀坡陀蘊靈詭初行坦襟

帶平岡十餘里稍入向嶠隧夜雨冷山水木末

已寒裳草根半沮履嶽嶇豈忘嘆念此孤遊始

繇延遠煙外片赤殘陽裏不見飛雲末但覺飛

雲美矯若龍影升細若鱸香起朱明洞天口才

詩

二卷 五

葉紛旖旎路黑愁棲禽號林隱蒼兕襟袖石門

間餘霞青徙倚

陽江道中

恩春少佳樹向北梅花夕入門問小吏知是蓮

塘驛蓮葉落已久林塘映非昔參星到庭戶素

月沾簷隙促織猶在野無衣念行役炎州少冰

雪流光去無迹惟餘千里心間房眷幽客

檳榔園

熒熒煙海深日照無枝林含胎細花出繁霜清
夏沉千林蔭高暑羽扇秋蕭森上有垂房子離
離隱飛禽露乳青圓滋霜魚紅熟禁墮地雨漿
裂登梯搖遠陰落爪瑩膚理著齒寒侵尋風味
自所了微醺何不任徘徊贈珍惜消此瘴鄉心

讀延庚樓詩有懷

并序

詩

二卷 古

臥水橋李叟示其父所遊知名士往還詩草
成帙吳太守錢詩最多其詩與字俱有法能
成其家章衮樂護陳九川徐子弼不如也吳
公有延庚樓士大夫歌嘯其上樓甚高廣今
爲他姓有書畫無存而李叟獨念其父所執
珍襲持護模榻整綴使後之人知百餘年間
臨川猶有唐晉人風尚不至以孔方兄驅除

子墨客卿也悲夫吳公爲名御史太守稱雄
豪當其時視李生貧老人耳過之酣嗽不問
晴雨豈不謂於李生光重乎而卒之其字與
文李生之子反能惜而存之其親子孫至不
能存其一樓也歸其帙而重之詩

吳守樓黃橋李生宿青郊時時玉馬來春漿布
關肴好鳥無遷校幽鳴常交交愁霖唱秋水深

詩

二卷 古

杯對堂坳字矯若龍旋詩飄如翠捎置之吳市
中生綃泣潛蛟延庚發光響高樓凌飛颺惜哉
今則誰看書綃已拋李生子猶存鈿軸明縹膠
爛熳古痕色影映相關抄翕沓錦雲連迸裂珠
泉跑安得携此卷登樓向星苑始知富貴兒不
如貧賤交君看古名迹常得照蓬茅

吾廬

大父直書詩大母愛林池嘉魚薦君子嘉樹引
其藁藁書條以火林藻積披離十載居無常辛
勤嚴幽慈連石構川崎鑿翠啟堂基四阿長中
繩三門映重規文昌通舊觀東井飲餘暉出入
橋梁埜鬱葱佳氣微層臺對金玉隈阡隱靈芝
吾廬亦可愛復此倦遊時

龍沙宴作贈王翼卿大憲

詩

二卷 十六

四明山海姿公才發葱蒨英英霞表雲耿耿巖
際電都水從以清太府政猶擅遂秉北垣法一
視南洲彥道豈青矜闕風從蘭蒨變文章旣在
茲典刑復誰先趨風大憲府就日禪林燕大雅
揚濁清深心及疵賤江遠暮帆急坐寂流鶯囀
恒沙虛靄微定沼空明炫真風良可挹沉憂苦
難遣看君凌霄骨流光開寓縣西笑及斜陽長

安安可見

題李伯東觀察玉嶺咏竹詩後

君家佳兄弟風義雅相熟列宿懸高天相望限
川陸清霜炎嶺外石門泉氣肅扶搖江以西過
我棲靈谷堂流雅歌韻路與椒蘭馥駟馬芝城
來一飯鍾陵宿玉嶺夜生白翰墨冷修竹輕稍
點染後煙臯坐如沐以君雲漢心澹我瀟湘目

二卷 十七

從張相國桃花嶺敬次八韻

昔聞桃花源今見桃花嶺安知出世心居然妙
者靜山川動凌歷攝應在俄頃石室搖天牕花
宮注靈丹心隨雲壑遠色與江霞靚咲拍洪厓
肩步駐鸞簫影逶迤黃綺事眷戀空明景問道
此何時汾陽氣方永

書瓢笠卷示沙彌脩問三懷

年年長千遊日日長千寺臺殿有風神園厨各
清異活水新茶出午鍾香飯至苗哉三住持覺
我瘦慚愧遺恨窄波毀江山缺臨視休官熱惱
路別酒清涼地座有三懷咲聊爲一舒臂忽忽
十年外塵集老身器恨未發心猛何得究竟智
逢僧劣供養見佛長悲淚念與紫柏師獨受雨
花記人亡少方便事在多零悴但見長千僧動

詩

二卷 八

我長千意蕊荔汝何來清標語柔致目言有生
役從師遠江市航頭白團扇曲中紫檀墜白團
奉清暑諸香與行廁軸卷如長雲上有瓢笠字
有瓢不乞食有笠不沾髻不淨瑣瑯中那取蘇
合施傳聞塔新湧報恩燈復熾豈非取勝業未
是奇特事東歸見耆宿問我心何寄經典欲無
學歌舞時作技嘗參道林道難忘誌公誌昨夢

與懷人同乘鹿車戲

答藍翰卿莆中 有序

立秋周仲先明府過此而後括蒼生藥榦至
始得翰卿所贊詩草并良書千言情詩三首
循之奧博精麗蓮岳不足爲其峭深屢市不
足爲其光怪昔人覩靈光而罷賦讀雌霓而
時衡異時翰卿以之矣如云名踪安可窮去

詩

二卷 九

去勿復辭不愁久行惻寧無衰歇情誰令志
不舍長與古今愁高煙白日寒千秋長不虧
游媚性所拙慙悲寧可裁鑒已固已老狗物
亦難任勞思不能寐感物愁逾昨憤切怨幽
當令稍謝掩泣夢賦色古味雋不無微長之
累如云或浮獻其逝識或浪效其昧姿或貌
常而道故或傳駭而理遺此語在鬼神中大

有響象至云傲無垠之大儀選自然之微理
悟返出門之車妙湛受輪之器可謂能言獨
請如此退居弟子誰是先醒使人慚愧雖然
必有以報九日一問龍沙取道麻源可也因
而成詠感翰音之遠聞效同明之一照耳

五十今有餘百歲苦無一榮華悵後雕朋儕感
先驅初傷文賦情久臥煙霞疾所期動蒼莽此

詩

二卷 二十

意成蕭瑟不謂嶺海內乃有淵雲出玉莽悲秋
九枚壯觀濤七勢與觚稜厲風兼羽陵逸靈光
疑以存鮫珠淚猶溢通行有生慮情來無竭筆
望遠慚空虛才難俱超軼桑陰殊未語蘭期忍
相失爲恭或師友謬引真隣匹我家銅陵下寒
煙生桂橘麻源動清淺沙城淨微密有客時過
門無人相入室笙歌慢亭外登高共雲日離居

恨伊始長聞見方畢將子尚能來風斤試運質

丁未上巳同丁右武參知王孫孔陽鬱儀
晉南侍張師相杏花樓小集前中藍翰
卿適至分韻得樓字

杏雨下春水陶然寄扁舟章門期舊好鸞岡恣
冥搜西山委層陰湛彼長江流時陽春方美條
風歘已適蘇蘇楊柳津旋旋鶯燕柔客行殊未

詩

二卷 三

尖端居常有憂有客青蘭軒歸心能見留簪裾
藉朝宰履舄延宗侯飛觴指明湖解帶臨高樓
東西坐忘偶方員環席羞坐久海色動莆中人
見求言同千里心豁此三春昨安知風雨夕翻
爲桃杏秋開應吐飛雲竹樹鳴颼颼深園自多
響眺聽此樓幽夕物歸餘清青華彌道周江山
豈常日歡悲難豫謀且乘燈燭光追隨良夜遊

與懷永作銷心河洛謳被潔竟何與蘭言差
獻酬

澹臺祠下別翰卿有懷余德父用晦王孫
偶乘桃花源泛此章門水泥泥風雨生泥泥芳
華委上巳長林卧寒食青煙起淒涼江楚路留
連二三子王孫良可遊交情及生死遠意夕陽
外素謁寒花裡翰卿甫中來風義三千里含情
詩
二卷 三

澹臺素候氣關門紫追趨苦言別興屬詎能已
我心胥河漢世路聊復爾有適動惆悵欲贈殊
倚徙皓鶴下蕪沒青禽唼花葢矯首澹臺祠空
傷昔人美

答陸君啟孝廉山陰 有序

某學道無成而學爲文學文無成而學詩賦
學詩賦無成轉而學道終未能忘情所習也

意鄉國士裁得以鄉國士相友或未敢與論
天下之士常偶一憤憤欲出於其鄉承下風
於四方之殊才而疵賤已久羸蹶日增行路
之難今世爲甚安得四出而望見其人其人
又安肯坐而爲某來者某府君至忽授以山
陰孝廉陸君啟良言大雅之厚爛焉千言引
重過至粹而受之惺愧泚汗已復驚喜自疑
豈天下士而亦可以一鄉之士友耶遊未能
出其鄉而天下士乃肯爲我先而至者古誠
有之何以得此於今此君蓋有意乎古人非
今人之爲文而已者譚文家之病皆非有餘
而于不足然矣思而陰不足于陽韻而陽不
足于陰自唐四傑後卒以不足病無有餘者
至于文之質生而已成虎豹之皮虹霞之色

不借質于犬羊羶暗必矣陸君體能文之質
了然于後人之所不足必曠然于前人之所
有餘誠從下風得時窺制作用以發舒衰羸
之思畢矣赤水珠亡京山壁在陸君勉之

幼志在詩書吟咀不去口辨稍窺文賦名已出
戶牖坐此實空虛學殖未能久文家雖小技日
中誰大手何李色枯薄餘子定安有國初開口

詩

二卷

五

月龍門實維斗魚珠取何泣垂絲足干嚙有大
聊可觀無微亦當醜澹如星漢垂縹若煙波盪
天機常內斡神明非外守翁忽動生氣鮮芳綴
微標此中誠獨知衰齡半百九行嘆昔人先常
思我躬後不謂崑山安千里漏瓊玖興激山河
親意慙風雲受孝秀始無前羸悴肯相友長卿
已乘化雲杜欲稱叟念此發悲滯何時一杯酒

托契良在茲深心延不朽見子歲大名江湖方
矯首

耆兒之秣陵懷永慶寺真空并傷遽見也
誰兼悲與智真空起弘誓隱映謝公墩潤契人
間世頭陀雲影外有珠在其誓亡子舊抽衣原
臨此兄弟淺深香飯色去住禪枝蔽遠以愛子
托承藉通慈衛腸斷寄江波深心與流涕

詩

二卷

五

念大耋久秣陵訊王舅父堪汪生繼曾
無復倚閭婦衡門翳衰柳孰是在原人相憐不
相守獨身千里外薄命無好醜雖爲縣長兒饑
寒在身口况乃客單外僮僕安可久言之痛肝
肺道遠莫奔禿賴有遲歸信誰念速貧朽王翁
舊師傳汪生近昆友提誨動勤斯飲食復肯有
愛子得依仁因風愧瓊玖

清遠樓送平昌葉梧弟幹太學上都

門有千里客十年纔一晤長跼未終揖白髮
相覷蒼匆定寒旭造次及盤飭周咨吏民故剋
許涉生慮淹駕坐清遠貧病日高倨雨漱寒泉
波風動枯梧據疑析動今古宴笑連昏曙河梁
秋寒深脂車良已遽起嘆歸雲疾時看倦鳥翥
此中不欲久羈棲復何處覆瓿子雲宅擲筆金

詩

二卷 五

門署涼風卷絺綌遠道理衣絮有美能不懷無
勢得相御風煙一時集氣色兩家與且醉勿復
談明朝送君去

生日詩戲劉君東

有序

余五十歲大張樂坐賓筵者十餘日而東君
乃云度六十遊客不出何遽不出耶云病足
不能答拜能止客無拜耶明年七月予更當

過餘為君東滿六十因其婿王生試歸日
古謹之

淵月與試周開堂抱見客將養至六十反覆自
羞尚爭先立嚴誓子婿動呵斥至期坐深隱如
賊恐人得吾聞欲益紀生辰人不識既識復行
避掩耳亦何益妄云妨升起不令坐飲食厚積
不為樂餘樓亦可惜憶我五十時張樂度廣席

詩

二卷 五

鍾鼓何嗶嗶賓從殊蟄蟄所獻卽同啖有拜但
勿揖謹祝若雷震看者如仙集半百已云樂况
此六其十六十何足避一萬四千日生辰聊爾
為昔人日鼓瑟

喜小江饒翁榛六十

中春步遲日南榮望東里何意竹林塘乃有隱
君子結根既喬木成蹊自桃李寬兮長者容樸

爾先民軌屈色少冠蓋醉語或玄史時因采藥
行每聽吟詩喜榮枯四十載吳越三千里過從
常日夕留連在山水靄靄春洲紅曄曄秋山紫
樂郊多種樹清曠時隱几物知肥遯貴道以觀
頤美方爲少者期舍哺老人子

送余成輔歸清流成輔遠遊求應世之技
而好語清狂勉之

詩

二卷 天

客從臨江來長流氣清穩簷躋古人事行色千
里遠念子來何遲吾生倏已晚采秀違春蹊攀
蘭及秋曉淅淅草虫嘆幽幽白雲返風霜遊子
衣蕭裊客中飯晤言深贈策時清動懷卷雅志
在山上無爲慕嵇阮

平昌懷余生恭中州并懷朱川晦

生德甫
公子也

池上久蕭索遲江通竹門刺促浮名子風塵誰

見奔恍今中有精妙者竟何論環轍聖所失端
居凡所存如竹隱深竹靜嘿無世喧寒色亦已
遠雅意在丹元斗西故王孫逝者悲靈根傳君
適嵩岳爾爲笙鶴言

陸元白岳伯宴作

長安曾滿堂良儔秀瞻矚風神傾一座微言謝
氛俗揖別知不忍托交心所欲提落三千載舉

詩

二卷 天

題見黃鵠薇垣限清切鍾球未可觸乃知君子
心風義一何篤樓觀動蒼遠巾帶時一束夜寒
風雨深涓涓注醺醺其政則冰鹽其心則冰玉
坐惜懽時晚起嘆更籌促感君清以凝將歸調
玉燭我觀不可常何由奏心曲

贈舊時守吳淞張伯常觀察并懷馮公時

可

昔侯神姥非常眠簫曲峰鷄犬天中鳴煙墟雲
外春良哉二千石煙膏盈四封一葦臨川城迺
回安可從春風吹豫章燕眺永清容授以華亭
篇披豁生微棕素若月窺條蒼如露滴松江靜
散霞綺巖虛山雲重寂寥僧磬間時一聞歌鍾
馮公括蒼時揮灑興何濃淡迹到黔越開心見
吳淞長吟滄海間雲中成二龍

詩

二卷 三

方鍾岳參伯宴作

虛薄南都時奉常感擢挹我義清佩間揚未若
山立攬轡靜江海周咨遍原隰新安雲卧久起
滯風雷濕川嶺道路長澤國風絲習吏隨衡藻
淨戶覺荏蒲戢貂珥無殘木鼠雀有餘粒復此
鎮南洲下榻禮逾及把酒臨江樓江春去何急
遠岸歸漁樵晴雲動喧蟄薄俗理難定薇垣法

須執幽谷有鶯求中臺候君入

平昌射堂再葺喜謝掌故烏程孫見玄先
生

繫予爲射堂精華氣相迫列宿亘環互三垣炯
可摘時來風候清如窺月巖隙宮墻及諸子樓
觀清六籍空知朋好求誰爲我躬惜猗與孫夫
子三嘆撫陳迹攄精動維斗次旬開震澤章甫

詩

二卷 三

越人路絲竹靈光宅相於弦誦晨晤彼文尊夕
同人習坤靜大壯晞乾闕井逕虹蜺生戶牖颯
雲積徒川感斯文無因佐千役戢戢魯諸生何
時射鄉驛

東作懷周縣貞明府南昌

達人貴濟世知音常苦稀陶潛覺今是蓬瑗悟
昔非雖云息交樂終悲懷卷遶蘭陵賦雲物郊

十春旃旂我有良友人傾筐竹前輝氣茂神理
清襟虛言咲微心賞暫所悅日成良可聯握別
動盈歲從遊霜雪霏燈燭醉餘寒蒸樵飲朝饑
鸞鶴從西來山水當鳴徽聊爲朝夕言忘吾天
壤機歲晏難久淹車馬送言歸歸來重中春田
事遠荆扉野雉旣登隴黃鳥復飛飛板潔方及
辰臨流振初衣爲問神明宰南州誰見依

詩

二卷

三

上巳前一日永寧寺同蕭中藍翰卿宗侯

穆儀孔陽孝廉鄧大素

發春如有期扁舟一遊此孤生寡傳寓禪寂仿
淩止何意風雨稠坐見春華駛殿舍鍾磬濕戶
漬琴書委不言良已深覘蹊遲桃李所思猶未
遠寒洲泥蘭芷同聲百年內朱門二三子零落
在茲辰留連及芳齒念往夕無寐欣來動有以

交新謝輪鞅道舊延繹屐松門留一晤海客談
千里未覺風雅頽乍墮衣裳起高花動寒色木
蘭漾清美開軒邈誰似遠道嗟何已物感陰晴
候人疑盛衰理龍沙往猶滯簫峰上難擬且就
樽間醉將妨語言綺束蘭希茂樹泛羽怪流水
所幸無俗物吳謳稍清耳蕭條隨曲終局促非
願始上巳卽晨遊明湖恣清汎

詩

二卷

三

西塘莊池上懷大父作

大西西南來林塘竹深仰一區常自有百年人
獨往清癯自古色行藏眷幽想隱几松篁韻高
歌鸞鶴響琴書久寥寂桑麻歲茲長風霜喬木
陰雨露丘園怡伏臘記昔舊天水遺真賞三嘆
遠青歸千秋發靈爽

送別駕胡用光年兄歸養

遑將亦有情微文恰和中蹇反幾何時迢迢兩
迎送其苦中年別况直秋悲動號蟲悽近戶語
燕飛辭棟期爲二岳賞和拈九華弄發興自希
有倦遊兼屢空僻居難行書識路歸來夢必傷
同籍稀耳惻風謠衆豈不避鷹鷂終知惜鷺鳳

答鄒愚公毘陵秋約二首

少壯亦如人逶迤成白首終焉世情外知交復

詩

二卷 三

何有忽忽速書至惠我茗瓊玖帶鉤冰蒼碧晶
聊瑩人手小景縛懷袖長圖漲軒牖經營位置
清拂梓煙雲厚遠意動只尺念此盤薄久雙詩
氣色重契濶有善誘期我絲竹間微言坐深酒
鄰燕久爲物棲卧復知某既感新知樂肯負雲
外友春糧白露月發興秋水後垂老適江湖高
歌傷南

脫畧山海嶒嶸洗發煙林倩未覺吾生後常思昔
人先東吳不可致眷此愚公彥平生一字許寸
心千里見蹇予幼多病及老傷疵賤文情動孤
引著作終誰擅滔蕩自諧曲何悟傳清宴通不
碍名理幽將入禪變伎隨老師作梵禪流音轉
野興江雲秋蕭條思會面會面亦何常百年心
所遣

詩

二卷 三

題帥淑人像卷爲陳待御公子常州通守

淳卿作

涼風吹北門致敬來鄉縣柱下始長生堂中悲
聖善杯棬飲餘芬翟衣如可見庶連粉櫨親尚
闕蘋蘩薦桂枝蒲朝陽棘心未維霰方此繁朝
纓猶憐故衣線

題劉季允先人吏部畫竹詞卷

劉生竹馬年高堂課文詞意取激清遠側竹臨
霜焚就中筆則筆墨澹思有餘靡瞻十年所珍
重若蘭書一朝發經笥晚讀淚漣如孝笋已成
班青箱望猶虛薄技何足承手澤良在茲俛紉
煙霧安喫咽趨庭時吉色映毫末縹緗盈淥漪
撫迹起千念托素在一微昔春舍香澤今永防
露稀足示狂馳子父書棄如遺徒傷生者意逝

詩

二卷 三

者亦何爲

王宇泰索周雲淵遺書檢寄

周生亦玄史專門在窺天知星苦無覆靈龜常
不全自解周憚術相遺神道編謂余夙深慧指
顧忘食眠余乏煙霽眼仍愁風露年罷筴等亡
羊懷書猶在笥何因過王子精思入雲淵絕學
從所好傾箱爲致船玄文今已矣妙者庶當傳

平昌送何東白歸江山右序

何翁曉江山人壯年勇任俠常手殺劫賊數
人以他故爲縣官所侮憤恨去道遇奇客口
授禁方曉不甚識字重聽而視脉傳藥輒效
乃更爲縣生客袞衣危冠侍藥平昌與予朝
夕者五年成美規閩都無一語及私敦然長
者也予聽獄或笞囚過當輒意授曉視之無

詩

二卷 三

恙而後卽安民或鬪毆相殺傷赴庭下輒先
付曉謹護之而徐聽其訟亭中有繫人常與
錢曉貸其藥以故五年中縣無鬪傷笞繫而
死者縣中人莫知也縣無城嘗夜半虎傷童
子急呼予予起燎逐虎召曉取巨勝膏漬瘡
茨中喘重驟藥灌童子愈時有十全之名予
問之曰曉何能盡然不全者不治耳數語予

公廉而倨寬而疎某富人其勢人當爲亂已
而果然曉常用爲介介嘆曰縣人何薄福相
耶曉初無子故不治生產歲焚藥券者過半
晚生子數歲思歸江山而予亦且上戍戍計
去不能留也一縣中聞曉去無不遮泣願少
留者至吏卒因伍咸爲悵然予悲而餞以詩
曉後一過尋家老矣猶從使琉球治其王子

詩

二卷 集

婦女應手效國人神之得其海藥以歸市之
吳吳中士大夫多授其方焉

市隱今無人江山有東白小壯類豪漫老大務
敦樸偶回救世心一試懸壺迹雖少隔垣耳能
知數歲脉賣藥常以施問病毋如噴有奇復深
穩無厭普調適脰脰謝車馬婆娑赴朝夕典衣
時爲人解紛翻借客出入在府寺談笑底金璧

洞戶無可猜通都相莫逆口語無人損心事有
天益余公乃生男扁鵲不受刺忽忽動歸思移
家藉泉石嫗孺走遮挽貧病轉愁劇暫爲來去
期終以江山隔五年予恐茲朝集限于役遠愧
全活手去爲人愛惜羽翼何以報肝膽在所積
昌溪春餘想遲汝一廻屐重來不在茲停雲望
歸鳥

詩

二卷

集

五著堂全集

玉茗堂全集

臨川義仍湯顯祖著

詩

五言古

過洪陽先生叢桂軒望仙有作

張公世名德映響若金鏞西叟明大象東丘感
猶龍全神會日毋揚靈觀天宗厥友惟鄧君深

詩

三卷一

松映芙蓉紛吾托根淺華葉常苦穠閱技止外
獎祈道乃心恭代斲自傷指傳薪寧改蹤僂檢
已如期飽矣青霞峯

答梅季豹問臨川舊遊

亭亭豫章木結根臨汝崖昔年會曄鬱積歲稍
蓁徒隱屏不中材歷落自成園中心殊直理外
象多橫枝故鄉有言鳥爲雛常此棲陰翳成魂

魄瑩潤出聲儀寧言卽咽喉于棘遂翻飛本無
媚枝葉况乃盡風微如何遠奇翼乘風能見歸
雖無珠與實庶幾從鳳嬉

南都懷舊寄高太僕

清氣日流滅微生多激昂鼎鼎持一身落落行
四方處世乏明瞻懷賢經肺腸吾鄉高少卿前
時帥清郎十年禮傾握一字情飛翔高卿名理

詩

三卷二

近帥生風性長欣吾疊斯美薄遊歸不忘雖非
天老隣都殊年少場亦復興瀾漫何止行馨香
深言未河漢古色猶清揚我行夕火中誰知今
雨霜感此星歲移念子雙荷裳

雨花臺所見

冉冉春雲陰郁郁晴光瑩取次踏青行發越懷
春興併知天女後如逢雨花剩宜笑入香臺金

頻出幽徑徒倚極爐香徘徊整花勝態隨驚蝶
起思逐流鶯凝美目乍延盼弱腰安可凭朝日
望猶鮮春風語難定拾翠豈無期芳華殊有贈
待向慧香前爲許心期證如何違玉纓沈情擊
金磬

黃岡西望寄王子聲

白露滴江城江聲遶秋至心賞不在茲幽芳渺

詩

三卷 三

難寄木葉號蟬悲水荇潛鱗戲日氣淡芙蓉雲
陰生薜荔栖栖王子情默默楚人思未及湘纍
醒且共蓬池醉遙松起暝色虛竹警寒吹物往
年序遷情存風景異樵歌歸影遲新月忽在地

新昌阻雨夜宴朱明府署中時慶四十七

客行苦無悰迴旋有淹疾結課來越州逢迎繡
衣出東關望嶧邑驚風亂林術擺掣江海雲

夜雨花溢衣被徒束濕冠帶已解漈咫尺天台
姿津潢斷非一月巖了在眼正恐夜離畢賴有
佳主人端居許容膝芸香餘護衣綠蕉軒散帙
流連秋水詠黯淡愁霖筆乍覺雲氣疎旋聞雨
聲密淹歌永涼夜慙逢賤生日半百猶在茲倦
遊心所悉鷄鳴動如曉草根悽蟋蟀暫得爽莓
梁去訪烟霞質

詩

三卷 四

未抵嶧數里阻雨仙岩詰朝留新昌作

江寒風雨飛仙岩氣虛碧崩雲沉戶牖衝飈蕩
簷隙孤亭下車馬濕裝開委積熅衣寧及晨蓐
食且茲夕安知夜淋瀝滅燭移枕席恐爲奔濤
阻侵宵警前策抵嶧日逾午紉棹興非昔甞勉
向津衢新昌暮留客信伯何足難去住亦取適
知是淮南豪家世江右籍維揚豫章門水木如

不隔欣言領幽意南巖候輝魄極日勞梁滑路
迥桑洲驛畧約風雲掀始覺霞標赤軒署復開
敞消散流寓迹豈免厨傳費用慰山水役佳期
良在茲秋光灑蘿薜

古意言別右武

佳會良燕樂厭厭宜密親大醉亦所戒相爲貴
此身出門卽長路况乃在風塵將離曲方撫白

詩

三卷 五

華音正陳近遊得將母遠行祈事君意適豈假
物心期難遇人追從不可得孤遊惟自珍

麗水風雨下船棘口有懷

石城雙水門落日遠江介春潮風雨飛暮寒洲
清帶流雲蒼翠裏緒風驚鼓外分披悟曾歷合
齋迷新屈宿霧緬餘丘生洲隱遙派地脉有虧
成物色故明時曲折神易傷幽清境難會江花

荒流放岸草懷行邁不見林中人自撫孤琴對

秋雨九華館送屠長卿便入會城課濤

課奏常有期牽絲卽前路出門侵雲嶺嶺根罷
還顧爭吐野渡急印牀人吏護簿尉前致辭餞
筵中馬步落日九華館前臨七津渡堂北翠當
闕雲霏內源樹四塞山浮近一夜雨奔赴接日
何曾乾噫風數如暮枕衾移白晝哀壑繞牀注

詩

三卷 六

前旌亦有去烟炊隔隨住居人疲應接省事示
長素問俗苧收晚未嶺山田雨生事隨水源清
時少門戶相對如標枝暫此息文簿得從東海
生歷落省遊趣焚香烟雨外側誦淨名句且以
永今夕持燭及清曙晦朔境未出信宿覺有數
爲霖恐後時會欲披雲霧

望羅浮夜發

我以適窮髮日氣動海水浮羅落空影結念自此始山水何泠泠斷道百餘里烟墟有餘姿層陰相倚徙落日朱明館林下宿盥洗攢巒暗星闕招搖側東指中夜若有人弄影風霞裡首建芙蓉冠清嘯激林靡披衣天門外幽篁聽山鬼

送黃太次上都

久從州縣羈偶爾江湖放生事鮮勤渠朋倫或

詩

三卷 七

寬曠身世杳凡存河山輕弱喪實少新知樂空多舊遊悵忽忽醉言醒有客流高唱精神近修雅風微遠駘宕何來空谷音都非世人相呼見侍清切邀賓與玄囑何止發藏書直欲傾家釀參星良夜中十月寒江上自言交匪今沉冥心所向風煙良已積江山此彌望蕭條沈思興留連悶歡償叢蘭霜委浥岸菊風微颺晤言燈燭

深明發波濤壯居焉謝孤海誰爲發清況遲爾歲華滋寒香生意悵脉源殊可遊靈妃方想像

奉寄趙仲一真寧并問達師

遊道日以迫權夸衆所馮我思一何迥朱絲玉壺冰古人不可問今茲誰見應無期遍燕越有美自齊滕丈夫偉容髮赤子重廉能五載半在馬卽事常撫膺賦粥遠墟呈持籌正井塋寸陰

詩

三卷 八

課桑棗尺水占蓮菱城池香以拂馳道蔭如繩手疏濁河理笑見嘉禾登流渠欲紅腐還吐豈虛增波沲下膏霖畧約上風稜晨桑園舊俗臺閣傳中丞詎剪甘棠惡深在憲文徵明君皆可法爲令足師承遠彼西北道瀾此東南朋傷錦目力怯爲棟豈荷勝虛薄復何意清通蒙見稱樂郊相婉孌畏路兩凌兢一知殊已足對客良

自矜九州騰北驥六月望南鵬塵泥忽森麗風
雲竟掀騰山公一戩事流品再清澄結夏雲已
峻兼秋氣何疑自公亦玄史有師如白乘偶爲
長筵客知非紫衣僧好相山河影陰光日月燈
同心消語嘿爲道割欣憎林泉風正落河嶽雨
初昇念往側西笑懷來中夜興但得存江海無
勞問斗升

詩

三卷 九

奉寄李恒嶠盧氏并問達師二十韻

江上九蓮峯天門對江起風帆下孤客清光映
遊子相逢非有期相看乍成喜便與醉連榻何
但驚倒屣融霜冬日華衣繡江霞綺雅意薄身
世微言及生死形開法象外趣入清微裏往往
宦遊人依依說名理如君中有真使我窺無始
去別長安道歸涉新安水愛而不可見清言猶

在耳再遂朝朔事一擲飛鳬履光景或留連幽
芳相倚徙感時付三嘆懷人動千里盧敖天正
迴關門氣應紫但取兩同心未須齊一指如聞
紫栢師亦覲青雲士威光常半筮梵唱卽盈紙
一切自匪他兩行是因彼何得往泰承百年三
笑笑

送馬仲高入都并問區太史鄧吏部梅嶺

詩

三卷 十

詩

馬生千里姿游閑氣清楚來從海珠寺江光映
重阻相逢邈河漢留連及羈旅北望且悠然南
裝應幾許冬服委輕纖春衣餘白紵時復夢鄉
路高堂離寒暑直欲翻炎溟何緣避風渚長歌
燕市醉短劍吳門語世路今何如天池此一舉
垂楊依遠道遷鶯動儔侶蒼梧舊所歷長安有

心與海目迥清曠韶陽美風緒惻惻江潭人梅
花相憶汝

奉答新喻張克雋明府

微生夙嬰患趨庭迫章句披襟未窮歷吟諷已
入趣稍涉王霸術妄意清時遇逶迤江海心贈
蹬風雲路得貧還自驕夫官非我素斷汲移沙
井休車倚庭樹常恐交知絕不獲賞心晤長天

詩

三卷 十二

紆物色空谷知人處客言神仙尹振鳥龍池野
秋清散明月春陽靄芳露琴歌紛有適簡書澹
無慮高情難圖寥雅意在延佇傾風有近遠賞
氣無新故直以微細質側承君子顧儀文物兼
金惠心深尺素徒知私自憐何期遠相慕白露
滴秋水伊人宛洄遡聊用倚逍遙相於及遲暮
止周叔夜嶺行并示丹壇諸友

羈栖遊嶺南所適一何遠何止遠道嘆桂瘡劇
冬暖去心在行旅來筮得往蹇與君千里期願
我一何晚入門迥驚遠晤言深委婉起坐夜常
半欲去衣數挽燕歌情易摧湘騷韻難反多病
髮有白少營心未損何得攬眠睡亦復減餐飯
心知爲誰設眼見非予忖會是伯山王未及遊
嵇阮中冷謝貪水內熱傷炎坂罷謁蒼梧道晦

詩

三卷 十三

息幽蘭晚來成呂生駕去作子猷返山壇多道
書荆扉且偷偃

送魯司農還南漳

上林非一樹逸翮有同林忽逢春氣美因聽黃
鳥音憶昔乘雲翔凝華散簪襟晨趨建禮月晝
息蘭臺陰年髮方向盛意氣亦交深洗刷自清
漢何言有飛沉冉冉二十年悠悠方寸心寸心

紆北闕羈孤並南粵旋席氣清遠江山候明發
蕩舟星巖遊留後海珠歇側影羅浮外洗氣蒼
梧謁落羽傷炎洲蠹桂迷烟月丹砂不可問清
淚銷人骨失路自相親况乃在窮髮窮髮飽經
過拚飛出網羅漸有風雲氣翻增遊子歌新安
水清淺括蒼山翠多繫予垂錦製欣子得琴和
長嘆拂虹霓相憐慎風波踴躍亦何爲有人山

詩

三卷 十三

之阿明玉豈終泣上路君鳴珂鳴珂復揚汰徵
書出淮沛旣奉潘輿喜復上司農最三載隔思
存一夕良宴會高閣動春酒平沙方解帶天入
斗牛淺地兼江楚大高歌碧雲合罷望朝濟蒼
南浦君如何冥鴻寄江外

送謝曰可吳越遊

與子少窺帷齒至或箕踞嬰其綺樹思嗒爾枯

梧據高隱漾文几連牀接清曙蕭朱晚何及機
雲蚤降庶艱難見真骨柘落遠騰翥豈下西曹
秩獨上東朝疏有才誰不傾無勢敢相馭歸軒
月幾望文尊日將御顏髮看未足瞳矐告我去
有美爲誰侑盈盈欲相語帝都良可樂吾鄉苦
生慮予亦老將客攀翻復愁遽同遊心莫展獨
往世何與未果來歸日且定思存處遲暮及佳

詩

三卷 十四

期江山肯猶豫

留別江院林公

憶昔豫章門鳴絃布春徽秋河不及擘南斗有
餘輝霞埃結奔想長嘆阻修畿歛來舊都遊
皇居接雲巍龍川密隴帶鯨海靜寥飛借問使
者誰冰玉繡爲衣飛書畱近關弭蓋下遙薇高
門無醜顏今德孰不睎向夕動深歎持用慰朝

饑還如銅墨時清言振霏霏溥露適所願但暑
眷將歸和光既云苦勝戰詎能肥貞松與蘿薜
茲理庶無違

離合詩寄京邑諸貴

琅玕豈不珍玉屑竟誰飯檜樹鬱冬臯木葉辭
秋苑衿曲自悠悠衣帶日趨緩乘月望風霄人
遙尺書斷

詩

三卷 五

哀廉帥

世亂足張功時平寬養望恢恢儒者雄心兼將
門將處勢辱爲下投巖功始上成事豈因人循
聲須本量從來武功晉二祖或明兩向後多目
色豈取真級仗寄子屬中官籌邊歸上相平北
上雕勦征南奏禽蕩紀効非有律置對亦無恙
一功性命抵百事金錢傷此公無中人何得亦

孟浪圖墮末思窘累至前榮長我觀賢智人議
穴存周防稍爲世業誘少復全名償一心抱中
孚庶幾省無妄

送朱學使江西并爲廬岳之期

握臂豈無人談心非所罄我友朱司功冰凌骨
色稱精入世界理渺含人外興疎燈坐蕭瑟微
言動笙磬及此暮之春忽枉將離贈青衿久相

詩

三卷 六

待追琢必鮮瑩應須校錄餘稍及旌干定琴書
既靜好雅俗殊風聽投分必標呂下軾帷張鄧
幽芳鹿洞啟靜響龍潭應于役在江嶺獨此事
弘勝遲帆宮蠶雲及屐香爐徑倘懷煙霧姿岐
予素心證

送方侍御視學西川

新安江水清南國美侍御寶瑟汎春祠朝慶入

清曙偶爾鏘佩同未有風期素徒持清白心點
君簪筆署悠悠思莫往踟躕眷將去宿棘南堂
門桃李西川路禮殿今如何文學漢宣布倘逢
金碧影爲報祠官賦

送汪仲蔚備兵入關

肅帝金天精庚戌秋八月七日子生辰再七我
如達是月太白高大臣有誅殺云何旬朔中受

詩

三卷 七

生多穎發子共毘陵顧我同柏舉梅清節顧能
立瓊林梅並開今 皇二載春邁子北客臺十
年南署郎子真文武才予始上春官都亭逢折
簡歧予謬通籍驚見若同產封章口不言世人
心有眼拜秩南太常周旋映圭瓊子旋謝荷去
握手清漢門蒼蒼古龍山輝輝寶婺源有書字
豈減三歲心嬋媛予遷主祠事君還省客軒顏

髮稍蕭疎文言自清整止酒爲君開加餐意言
領時時步雙闕夜夜捫參井滄江臣子心鍾山
帝王影鍾山烈以神石馬含風雲軒轅誠可畏
蒼梧如有聞是日日南至清齋緬靈氛報子得
高遷往憲興泉軍念當江海遙豈云歲華暮昔
在遊鄒呂未嘗隔昏曙十年幾相見夢靄非明
晤人生豈無期交遊亦有數卽知君子交凡百

詩

三卷 六

慎所儀煌波日云遠素絲良不欺與君偶同辰
悠悠心自知惟當白露月清酒祝吾私

丹陽度廣陵懷古

太伯昔讓王光僚遂相踵東南天子氣撫背看
龍種丹陽久已塹白首終何擁不少鄒枚客徒
嗟燕子冢風煙井逕絕朝夕寒池涌千載復蘇
城江山罄餘勇

明孀篇爲司農郎武陵丁君有月婦夫人

作有序

司農尊人尉蜀名山死夫人哭失明常禮北
斗大士像司農亦誦經祝毋願代竟得李生
針復明士林歌之

含潔就鮮水孝始燃光燈何如楚梁母正渴丁
公藤金針付靈藥李生夸國能藥有松明氣針

詩

三卷

五

以金篦稜刻屑事偶爾神明心所憑夫人晝哭
時名山城欲崩哀哀司農兒飛章時上升似有
飛童子空中傳聖僧一撥雲霧起再撒煙波澄
向後足久視不須人寢與北斗倍瞻仰大士常
服膺何止眼爲名身光亦飛騰江漢此靈異冠
帶相嗟稱安知丁孝公遙遙非武陵

鬱孤臺留別黃郡公鍾梅時李本寧參知

引病并懷

達曙臨高臺清風朝日舒江光懸城闕蛇蟠西
南隅崆峒當我前僊駕無由紆水東映龍影透
迤青若趨原泉迴豫章雲氣連蒼梧嶺海軒櫺
間遠勢若可呼集合五方人割立四州樞鼓角
中天鳴公府鎮文儒龍門不可見雲柱將何如
蒼茫洞穴中蒼然成古初黃公所行縣冠帶十

詩

三卷

十

數區于今四三年煙火稱名都解宇何鱗次人
語襟川途方州仰流粟物土驚華腴信美不可
留飄飄安所湏皂葢吹雲清翠玉含煙蕪炎洲
方橘柚高宴深菜萸似昔黃次公高齋遊鳳雛
初矜逐臣遠猶憐僊尉殊佳期晨夕淹懷人煙
月俱搖心躡光景長嘯凌虛無何得此高臺千
秋名鬱孤

虔南津口得黃郡公扇頭明月篇却謝

風物想南都波濤向東粵晨登鬱孤臺蒼茫度
城闕寒帷自遵渚幽芳坐林樾忽在人吏來新
篇贈明月徘徊青桂枝宛戀流蟾窟凌寒秋色
晚入夜河影沒東井流清光南溟照窮髮佳氣
有迴合輕霄時彷彿感君卿月姿悠悠眷清質
純扇豈終掩嬋娟恒自出還以海中珠來投漢
詩
三卷 五

川橘

飛來寺泉

峽山雲氣深松栢參蒼徑縹緲遶屏翠闌干抵
一凭山僧日影過禪房點清磬冒爾寒泉下冷
然慙孤聽近音風葉灑遠韻蒼梧應小品甘露
華長流水晶瑩曹溪脉陰引炎岡冰欲凝稍動
寒漿色雅與齋厨稱花木恣涓滴竹砂通餘賸

經聲法流湧猿吟峽僧定瓶鉢住空影尋常
最勝何意熱中人洒落飛來興

過魯嘆

有言常不知世智非所期孔子亦何人鳳兮真
我師弦歌悅匡邑大樹惱桓魋微服良已苦塵
埃旋復疑豈不懷古懼生今此一時但見路如
織那得轡如絲老子既西訪盜跖亦東窺居夷
詩
三卷 五

只如此泛海欲何爲

鄒嶧

亡麟止東周有亭行西國悠悠交喪時豈辨儒
與墨依希顏母山孟母居其側子與幼希孔俎
豆嬉何飭三遷豈忘報闕宮尊鬻食刻像墓門
前擁涕機中織故無牛鬲意近爲馬遷惑燕齊
多迂怪三騁同伏軾始知仁義人浩然不可逼

幸哉有如此丹青思維則藹藹官聲深異恩
相直玲瓏堊嶧山朝陽千古色

戊戌觀還過陽穀店覽丁亥秋壁間舊題

惘然成韻示趙騰侯

伉伉南奉常報秩此停取一言怒公府萬里辭
春署海漸僊尉姿縣愧神君譽所幸無愁嘆琴
歌足容與來朝正月朔得奉春王御偶隨還縣

詩

三卷 五

牒復繞清吟處開燈牆面塵岸枕窗楣曙身名
良以悠歲月何其遽俯迹自沾衣驅車從此去
勉矣後來人當知心所語

夢覺篇 有序

戊戌歲除達公過我江樓弔石門禪登從姑
哭明德先生往反已亥上元別吳本如明府
去棲鱗峯別予章門予歸春中望夕寢于內

後夜夢床頭一女妖明媚甚戲取畫梅種著
之忽報達公書從九江來開視前削成小冊
也大意本原色觸之事不甚記記其末有大
覺二字又親書海若士三字起而敬志之公
嗚呼予寸虛此度呼予廣虛也

花朝風雨深同人醉三市尋常獨眠睡此夜興
偶爾鷄鳴床帳前何得小皓齒瘦生巧言咲青

詩

三卷 五

衣乃裙綺窺帷映牕旭歷矇如可喜忽忽堂上
音云是達公使有書似剗剗印以金粟紙裝經
若禪夾璘璘字盈指床頭就披盟開讀不及几
似言空有真并寃色無始迄未有弘願相與大
覺此向後指輪筆自書海若士如癡復如覺覽
竟自驚起達公今何處宛自官亭止起念在一
微九江有千里達公雖心通何得便飛耳感此

重思念淚如花墜
誰中觀誠淡悟大覺有深旨
瓶破鳥須飛薪窮火將徒
骷髏半百歲猶自不知死
頂禮雙足尊回旋寸虛子

爲浙司運長陸公受命三世題卷

南陸且天半東吳滄海餘
華亭警清唳崑山留
片璵璣流自方折裁裁中
大夫通材何茂明本性則
貞孤鳴琴出清豐水部鏡
陪都專城坐已

詩

三卷 五

貴筴海道何紆磊砢三十年
貌古中亦俱豈無同年友
高爲朝市樞教忠非教諂
獨立時步趨誰憐驥之子
兩世伏鹽車小往大必來
龍護理所須果以四考甄
兼之八命殊三葉被天暉
名卿或不如寄言忠孝子
世路每乘除

亡書嘆

兩都三十年買書幾千帙
存亡遶秘寫頗亦費

紙筆校書無停晷金石錯
弱質苦成文士名粗與時
賢匹愛惜復何意壯志未
云畢念此三人智侯彼承
家一高樓留丹青以擬蓬
萊室歸休省人事卧久玄
思溢期間理籤軸半百永
餘日安知雨痕深并與青
箱失龍門幸未腐羽陵磬
將佚聚散理常然低空抱
吟膝

答姜仲文

詩

三卷 五

白日不可常孤雲亦何媚
萋芳淡遊子流泊世所棄
事去息交久書來喜君至
愛日生寒姿停雲起高超
經營二三月颯遯豈遯避
驚看就長揖道故如失志
相聞善爲樂相見乃憔悴
爲文寧自傷情多或爲累
感君珍重意承睚不能淚
在沼魚何樂先秋葉難翠
長歌聊復聲短袖時一戲
今日眼中人何年心上事

再別仲文

南國有儀刑東海一氣候昔事宗伯公道業在
宇宙如存鍾鼎姿得奉夔龍袖樹德豈無前達
人真有後誕我通家友濬發在其幼燭銀揚光
陰冰玉相吐噉萬里心常在千秋業垂就非惟
霞綺鮮轉覺風流厚遊刃日知新下車歲存舊
蘭思未敢言衮衣將我覲涉江空緬邈零露非

詩

三卷 五

邂逅把臂未終揖忽忽嘆我瘦將無歌吟疲豈
爲衣食構未少噓寒石終多出雲岫悽然謝不
敏苦樂罄所受容髮過半百敢辭白與皺中懷
行復語隙陰非可逗於君覺有情勸我學無漏
我友達上人英風露禪秀舟攜卧風雨此事相
擊扣同心既云往獨影誰能究但自修止足偶
亦存善宿狂思風落山微情石穿溜世智了無

取小衰當復壽迢迢百年歌臨岐爲君奏

嘲真州友人李季宣

我友江南人雄捷冠無識能笑復能言能飲亦
能食衣恰好輕嬌浮光清容色忽直庶人風眉
脣吹初則對鏡苦不怡逢人恒欲匿憎醜乃重
傷矜好已前惑及此器未虧當知重爲德

聞北土饑麥無收者

詩

三卷 五

關河昔泛舟汶洛今懸磬方茲隴麥稠已絕行
人逕餘芒上拂冠棄桴深隱蹊河上積尸明田
中穀王勝小蹇運新洗太平氣湏應但使夢維
魚寧湏生玉饒

戊子春

南都昔佳麗太學曾紆軫士女接春游清郎陪
勝引俱稱石城樂未聞長安近重來十星歲颯

省歡意盡豈無春日還常似風雲素屋小生
煙紫陌多流磴耳目都非是言笑復何忍
官行疎但覺吏議謹在清豈魚樂吾遊非雉
忽忽清齋罷林行拾青茵

饑

西北久食人千里絕煙影如何江海氣逼濕東
南境越人苦蛟龍吳都復蛙鼃鳧茨涸濱解水

詩

三卷 无

皮盡蹊嶺由來三輔民仰粟二西省所在亦中
熟津梁各有警江船絕肝顛楚粟慳衡郢陵麥
青未熟香秔種猶冷底春歌已斷涉夏饑殊永
淋滲傷雨氣滄茫視風景京尹裁施粥市人稀
說餅心蘇流殣積色沮倅庸騁江漢漕方下水
衙粟已請且賜今年租徐看水田頴

內弟吳繼文訴家口絕穀有嘆

已丘有再獲瑯琊豈豐羅萬端給一口常爲餓
鬼笑幸堪童子師筆舌苦難掉汝祖長沙王漢
冊遠有耀千秋子孫大舊日衣冠妙先疇近零
落莓田苦嘆堯變化乏工本打勞復沙剝今年
普天餓非汝獨愁叫河海半相食木礫飼老少
雖然發臺穀幸自息流嘯地產覺今疲天意敢
前料海珠不受採河魚將息釣積著漏奄戚屑

詩

三卷 无

越流邊微池竭每自中沙隳直緣峭未賜江南
租久讀山東詔秋毫自帝力害氣吾人召汝等
牛一毛生死負犁鋤芝蔴同婦種豆重須裸照
冬稔如可晞休車有餘醕

江西米信

半罷筒宜崇台路承肝顛數載年谷多出入頴
流濫云何忽饑貴小斛千錢麗所在津梁絕似

有流傭瞰家君勉調濟寄書教省淡江湖氣
急牛女星未暗契濶江乘人喧趨永寧鎮

寄問三吳長吏

鍾陵今若何帝都非可問白骨蔽江下赤疫駢
門進豪家終脫死泛戶春零燼人多地欲瘞物
極天爲震嘆此開天域作鎮京吳近河朔仰津
濟江東紆轉運諸君股肱地朝廷肩髀郡德星

詩

三卷 五

青未沉早晚照吳分

疫

以上七首戊
子巳丑間作

西河戶若魚東嶽鬼全瘦江淮西米絕流餓死
無覆炎朔通烟燼生死一氣候金陵佳麗門輻
席無夜盡腦髮寘渠薄天地日熏臭山陵餘王
氣戶口入鬼宿猶聞吳越間疊骨與城厚宿麥
苦遲種香秔未黃茂長彗昔中天氣醎十年後

乘除在饑疫發泄免兵寇恩澤豈不洗
旁漏精華豪家取害氣疫民受君王坐終北邙
土分神沼何惜飲餘人得沾香氣壽

李母詩爲彭生作

星氣美中都溫泉臨古滁良哉二千石延安今
則無自有賢夫人鷄鳴相其夫時時親女工一
一窺圖書終以寒女心從容汝水隅五馬行何

詩

三卷 五

之歸視堂上姑箴管日在側脂膏誠有餘尊人
忽已遠清房行復徂青鸞爲子孫樹羽各扶疎
誰謂棗榆光俯映朝陽梧兩見戊子春載過長
夏初王母坐花勝侍女紛離瑜云是郡夫人年
初九十餘燕喜方未央僊靈源自殊母家苦縣
李夫是彭大夫

北河傷鴈付旁寺僧

蟻流白石山。高師欲凌亂。撐枝何所爲。前有失
群鴈。帖水沒。還出趑趄。逐相流轉。垂及稍低。飛清
波影。橫箭幾爲弋。所留復爲漁。所羨偶隨風勢。
落安知雲影斷。相悲常恐及相依。肯畱玩未絕。
飛鳴分代彼。作慈觀願。依大慈力。出箭入雲漢。
普爲射鴈人。無生可令患。

送詹參知督餉思歸常山

詩

三卷

五

風土無睽曠。交知常阻修。自我爲兄弟。興言二
十秋。何況常玉山。壤接枝相樛。平昌昔傷錦。出
入在龍丘。徒申式閭敬。未果傾蓋投。忽忽來豫
章。我觀如舊遊。榮落固以遠。顏髮亦何適。五十
慕慈母語及涕。不收知君孝義人所至。篤以柔
于役事軍國。紅粟常千艘。星言及春波。賓御爭
獻酬。中江出陽鳥。于淮恣歸舟。紀綱在維楫。閭

澤宜安流。吉哉君子言。世物緊所求。出身苦
病雅意良。優遊時勤損。益嘆略與乾坤籌。同人
或語嘿。未濟難樂憂。諒隨詹尹卜。靈均安所謀。
同仲文送青田劉生還吳有懷達公

事業不可爲。君子薄時勢。那知天下士。動輒人
間世。弱冠殊澹蕩。及此傷年歲。畧涉區中緣。每
直雲外契。知新但含咲。念往常悲涕。人生虛有

詩

三卷

五

夢世界實無蒂。一言太山重。萬事秋毫細。我友
丹陽。彥愛我心。無替相見。動驚瘦相。憂及危。晚
咄咄劉生白。道出文成裔。黃石剖遺訣。蓮華敷
半偈。清齋自童子。高冠側環衛。頓挫成一擲。沉
潛發孤詣。石園亦奇人。得此爲兄弟。三遷出吳
會。攬結皆蘭蕙。霞高赤城燒。鶴遠青田唳。颯來
江上遊。雅一孤舟繫。眠隨沙鳥靜。坐覺山雲霽。

憐予貧病姿問我抽珠髻空虛了無受名身復
何計大有奇特人教作深弘誓夙聞如是言憤
嘆一投袂及此老須眉復是少智慧飄空念亡
子在世如贅婿交初語言外苦甚別離際光景
昔如來達人今善逝送子獨臨崖玄津方鼓枻

懷遂目華明府

繁彼河陽花翳此柴桑柳叱嗟誠一時千金敵

詩

三卷 三五

如帚刀新付全目錦傷歸妙手道引清源潔氣
興溫陵厚冰雪明高堂雨露深疇畝虎檻豁已
除鹿蕉訟希有自秉升石契何似青衿友羣山
高隱天一邑大如斗琴歌君子堂流風出溪口
始覺珠玉前仍驚簪揚後遠音發疵賤心知寄
瓊玖側側含譙尊依依惜貧朽宛變吏民意感
激爲君壽拜最及春明雲霄方矯首

同于中南兄傷右武并別

賢愚迴貉丘河山思曩壤飄離性有適遇合迴
無爽追憶齊年歡粗知十年長輕葢排風游高
裾集雲賞

雲賞復風馳出入何霏霏鸞鴻映初采襟期寧
足揮恒乘日用理兼參微妙機分拙委炎壑晞
光睇遙薇胡爲渚風波慷慨亦來歸

詩

三卷 三六

來歸既永久得遂清言樂美人猶在茲達公安
可作惠風千里至蹇裳恣江閣鬢素故無異肥
瘦乍相愕燕慰極公私深心向寥廓

寥廓非一端當歌忽成泣紛駭百年事機牙互
相襲存者志四方逝者據原隰非身患仍有將
智耄恒及引領洪厓顛靈氛庶茲挹

洪厓不可觀蕭峯長自清月出浦淑遠煙生巖

戶縈中有幽人居留連高尚情終却不可得流
嘆以屏營

屏營亦難留春江有行舟摧殘素心杳迴翔清
佩悠語嘿道方委風雲氣何求壯隨榮落盡晚
覺眠食侵何當泳左將子復來遊

伍貞婦詩

青雲有貞婦宜家成孝廉婉婉閨閣間恩意何

詩

三卷 三

沾沾計偕泣有贈爲兆理亦嫌孝廉竟客死貞
婦誓隨殲蒲桃豈療饑聊以寬慈嚴兒女傷人
心歲月難久淹素履示芳跡池光漫流瞻北海
如可期良不愧鰥鰥

送黃元常偕叔幼子弟仲倩叔遠同魏季

玄歸應秋試

世故不可期心迹殊自知早從冠劍蒙老爲章

句癡兄乃通家子欲以專門師率而勤致敬友

于仍切側分燈雨聽急散帙晴軒還永日坐自

課良夜析所疑問事愁不休談文欣一爲清切

促函丈留連低絳帷念此欲何之磊磊休明時

講肄若鍾鼓虛鳴寧足羈牽率吾家駒黽勉千

里馳黃世瓊琬業魏生金石姿學子一如此起

予良在茲綽帶肅中堂信宿行參差賓散委餘

詩

三卷 三

張明聯紆遠思百日共升第七州誰見隨把酒

暮河橋高歌拊林涯君看白雲起秦青方此辭

夕佳樓贈來參知

出處等維塵未若蕭然真蕭然若有會虛微自

相親身參市朝侶不廢煙霞賓我有齊年歡故

自同心人

同心兩相悅日夕春祠列善謔藹中明微言峻

芳潔今政古猶存古心今所設澤引岱宗雲清
拂我眉雪

雲雪渺何似丹青竊難滓行藏隨萬端死生猶
一視粗存糧藥資長有溝壑志經濟自常體著
作乃餘事

餘事映風規月露春江瀾登樓泣華燭寸心良
不欺伏櫪驥聞嘆遊梁魚見知良用永今夕相

詩

三卷 五

爲黃髮期

贈鄒南臯留都六首

靈崑軸海脉丹穴被天精用九開潛躍得一佐
寧清皇皇孝肅朝柔剛隨盛明長祥發冲聖奇
卷屬師鄉

師鄉倚奇眷剛氣護衡鉉依陰候虹起疑陽忌
龍戰銷心三輔豪碩氣諸州彥東吳未爲靡西

江已麟見

麟見豈無時賢與自有宜君子秉昭賢忠孝復
前規處志毅中孚折體象明夷揮戈事迴遠碧
血理經奇

經奇歲屢周橫天彗已流途窮擬開濟弦絕事
調柔維解沐昭蘇往蹇奉咨疇遂參玄衮闕風
性藹皇州

詩

三卷 四

皇州曠且綿重闔峻而玄欽貞情率爾誹駁理
常然徂秋玉帛起獻歲簡書拍祥金無北躍
珠有南遷

南遷殊北徵今心豈昔懲昔賢懷蒼哲今予謁
鍾陵晚襲稱竟天弱賈憚恭承揆余昧修情何
以贊居興

聞沈純甫郎中臥病宅旁見題欲奏

丹荒逐流禦勲遺存百身虎氣旣奄昂龍龜始
奮辰還生及無恙溘死見陽春管吾經祓浴越
客定吟呻胡爲罹孤瘁沉臥條蕪旬豈棲華子
室寧窳清漳濱傳聞君舍側詭象若爲僂僂形
異中散聽招殊孔賓張口每聞吟飛彈時中人
一車紛可駭九鼎具難陳効之了無應唾之行
復親朗朗長安陌雄雄帝座宸日月交照耀雷

詩

三卷 聖

電條精新云何坐官邸見此非人倫幽憂豈淫
滯軫結在夢民有醜旣懟雅宜笑倍傷均且事
立糧藥無爲廢經申王司空上檢金明閒列真
予官南奉常高寢肅宗裡行祈盛威曄無令斯
鬼神

送右武出關

聚散杳無期有如驂與騑送子遊近關念遠意

何微端簪觸奉舅馳繡戀閑閑斗水有清濁盈
庭無是非丈夫行一意何在久依違

古意送王太蒙東粵

日涉境何常善代理難一衝波日以移真意稍
流夫妻風感締緒世樂倦琴瑟豹飾豈無人羔
羊非此質

質清寧近名我友真人英被服必儒素退食少

詩

三卷 聖

餘羸道遠室人嘆齋居童僕貞環觀滄海資熒

夢聞四明

明明海上霞矯矯雲中鵠清人常宴紓墨吏時
迫東井止峻公方相於雅繇俗尚有典型人心
知式如玉

心知誰不然出牧今旬宣節鎮久人望物色新
時賢每聞三事虛常爲九伯先嶺海復何意庶

以清炎煙

炎煙依我友秋風惜攜手天池萬里心沙城一杯酒物情自可見素絲足回首來往必章門離候南斗

蓮菴詩爲韓求仲作

浮言不可收精意良有儲日中必陽燧月下宜方諸世人空有心安知情所餘嘖嘖白日中浩

詩

二卷 四

嘆不可除不如籍高枕長與神明居懷來隔山海夢去同菴間歇後偶成睡睡久爲之遽試問遽然覺何似嗒然虛傷心春華胥身世不知渠

智志咏示子

有志方有智有智方有志情士鮮明體昏人無出意兼茲庶其立缺之安所詣珍重少年人努力天下事

繭翁予別號也得林若撫繭翁詩爲范長

白書感二妙之深情却寄爲謝

繭翁入壘時絲緒無一縷自分省眠食與世絕筐筥吳門八蠶地故物復何取忽此枯桑翁謬以鮮華與驚若承沮渙采拾被蓬旅噓枯施蛾眉存殘惜機杼墨妙范長白歌清林若撫荀卿誠感賦曼倩或諧語何得奉珠盤空思淚如雨

詩

三卷 四

己卯歲同方汝明海寧禪院

落日梅花峯明霞繡空沓芙蓉不可摘憑雲卧高榻懸藤帶飛鼠平林依布鷁棲燈九蓮下幽香滿禪衲西來問者誰吾亦忘吾答

二京歸覺臨川城小

舊京三四年望鄉心鬱然拜計東華門歸舟鴻雁天遠色入江湖煙波古臨川夙聞賢府主冠

帶相縣延賓親盈艸中任反日夕旋北窺青羊
洞南上銅林阡門巷不相當轉側在眼前始覺
都城大三穀未摩肩人世且區域况乃登雲烟
下視大小城數點何蒼然枌欂古在茲寸心安
可便

方圓吟

生物鮮非圓制物多從方卽此先後天方圓各

詩

三卷 星

有當悟者妙萬物滯者差尋常

玉茗堂全集

臨川義仍湯顯祖著

詩

七言古

送趙中含量移東歸并寄大勞僧

舍人鳳閣何爲者經年逐賊黃山下青嶂繡甲
雙矛英百金纏絡千金馬愛收圖史開心何雅

詩

四卷 一

能吳語對懽儂可憐人馬一時瘦還憶曲臺初
過從年少年來新曉事又向大梁稱小吏舟楫
心搖白下亭衣冠眼熟長干寺不能兄弟去觀
濤且臨風物共登高歸看蓬萊幾清淺爲問神
僧東海勞

送袁滄州

十載披衣遊俠場朱樓四望臨清觴不愚罩柳

低煙碧御宿舍花迴日光花光柳碧城南北青
槐馳道如髮直餘曲長留春暮情新粧似鄆朝
霞色就中有客賦蕪城美人滿堂予目成藹似
芳洲連杜若悄如幽澗落松聲文章不到金華
殿旌麾却向黃岩縣簿領關心君不問章服籠
身我非羨羨君雙鳥近名山雁蕩天台委羽間
香草千名岩窈窕靈泉百道月潄還何爲不向

詩

四卷 二

龍湫發似畏惡溪莓徑滑動道桂枝青蹇僂忽
嘆蘭叢翠凋歌銷香點白世人情翠羽金膏不
厭行君到楚山時極目江湖歷歷覓孤征京闕
重逢霽煙雪爲子酣歌劍花折波間遊子惜遄
迴陌上春風愛離別春風萬物飭拂滄州袁公重
上觀臺遊爲看明姑青鬢色海塵飛盡莫須愁
金陵歌送張幼于兼問伯起

金陵花月蔽江空可憐六代多離宮潮去潮來
都應月花開花落等隨風真人握鏡開神烈便
作神臯賜金策二百餘年天下清往往將軍禮
逢掖蕭帝高居俯絳河金碧詞人闕下多一日
鼎成罷官觀詞人四海空勞歌佳麗南都足風
景浪客紛紛紆難記省挾策時過驃騎航調絃半
逐胭脂井張君別自老詞場兄弟三張此二張

詩

四卷 三

昔歲過君梅乍吐是日逢君菊有芳芳花幾度
勞攀折晏歲崢嶸難具說古稱遊子澹忘歸可
耐思歸告離別相逢相別不相難傲吏清時也
閉關最愛君家張仲蔚滿徑蓬蒿不出山
遙和諸郎夜過桃葉渡

諸公紛紛去何所隔岸熒熒高燭舉若非去挾
秦家妹定是將偷卽市女一從西蜀老王孫于

騎東方總不論也。乏使君呼共載也。無遊女解
宵奔無緣此屬。翩連去飄飄。曄曄知何處。翠納
香奩夜著人。絳蠟清笙幾回曙。當時我亦俊人
羣。情如秋水氣如雲。有酒誰家惜酣暢。饒花是
處怯離分。如今兩鬢籠紗帽。輕煙澹粉何曾到
眼看諸公淹夜遊。心知此事從誰道。衙齋獨宿
清漢斜燈影。籠窗半落花。拚不風流長睡去。却

詩

四卷 四

持殘夢到他家

送前宜春理徐茂吳

西湖徐君美如此。耿耿東來渡江水。微颺木葉
江波生。皓露芙蓉秋色死。秋色連山客早悲。倍
憶離鴻江月時。舊聽鈴陽醉煙柳。動道宜春春
不宜。豫章城西江水清。片雨疎花石蘭館。獻賦
誰知錦繡文。題書直道珠盈椀。一別蒼洲間白

雲金臺暑路忽逢君。祇合飛寬填北海。那堪解
慍出南薰。芳華曩歷辭青瑣。及于風流度江左
孤亭水樹別留人。別道煙霞須着我。我邊知我
若逢君。鄉處相卿自有人。無事南湖催送漿。扁
舟小婦好隨身。莫嫌小婦恒隨從。茗碗香鑪朝
夕供。風雨離騷秋暮行。荃蘭墨妙連舟重。去去
西湖蕭鼓陳。香絲艷粉逐年新。不惜風流頻取

詩

四卷 五

醉君來看見六朝人

懷戴四明先生并問屠長卿

八月十日到官寺。是日臨齋多所思。明堂碧海
舊經遊。複道香街始爲吏。三日南雍拜聖人。爐
煙闕道青璘珣。四明戴公昔臨吹。金尊寶瑟殊
清真。東堂罷講西窗竹。愛聽蕭蕭長此宿。早時
風雨上孤亭。殘尊宛轉夜三更。忽報金塘蓮半

吐遶塘銀燭看花行行屈折掀圖畫煙波清
壁濛濛挂如此風流自可人禮法之人閒見嘆
世事英豪能拂手雪竇春泉宜醞酒不知漁父
醉曾無却道次公狂似有似有人兮華頂陰我
欲從之雲氣深清寒剡溪歷九曲藤花倒影搖
千尋光陰幾處愁情動衣冠黯淡臨門送山下
常聞鸞鳳音樓上能爲金石弄祗愁吟弄愜幽

詩

四卷 六

心秀骨清容鶴在林綠荷灘畔花開賞新婦岩
前月映臨開花映月同誰子諸賓幾許能玄史
赤水之珠屠長卿風波宕跌還鄉里豈有妖姬
解寫姿豈有狡童解咏詩機邊折齒寧妨穠鬢
裡挑心是絕癡古來才子多嬌縱直取歌篇足
彈誦情知宋玉有微詞不道相如爲侍從此君
淪放益翩翩好共登山臨水邊眼見貴人多卧

閣看師遊宴卽神僊

送內方山人還天台

滄海冥冥吹遠松青霞片片生殘峰括山一萬
六千丈山人一室蔥翠濃南連委羽紛靈聖金
芝翠籥玲瓏映四明雲日自開窗五縣山川若
搖鏡山人原合住山間每怪山人不住山我夢
大台無羽翼空歌積雪送君還

詩

四卷 七

送許伯厚歸長水便過吳訪趙公

青雲繽紛眼前起勝氣凌空差可喜見說君才
二十餘我三十餘只如此嬌奢不服吳王孫節
俠還從趙公子家移彈鋏有千秋路入盤桃知
幾里心知年少足風流江上梅花雪夜舟別後
春光若惜憶爲上湖南煙雨樓

雪中再贈伯厚

綠玉之華青雪英高堂一奏多寒聲向人白日
祇欲睡與君達曙非平生片席吳江風欲颺深
杯急燭談逾壯知己全看一劍中通人不在千
篇上世人重別本紛紛今日酣歌一送君定道
師文能下雪還念秦青有過雲

金壇歌贈王悅之從焦弱侯所徙太常東

署側

詩

四卷 八

金壇富家金作盆王生鄧生不到門王生背秋
來過我左拍黃卿右兩孫中坐但言世交薄添
花敗葉度寒溫家貧鬪養妹未嫁有屋讓弟供
晨昏昔有仲華爲友娶于生贈妾風義存過江
讀書苦乏絕借住焦先花竹園采葛成衣葛枯
死采葵成食傷葵根秋清搖落已如此歲晏睡
嶮寧可言我聞此語長太息爲借開房與裝飾

雨雪寧并左伯衣日暮還須故人食王生且坐
讀書詩珠桂如山我酬直黃生孫生苦饒興時
時過我酒可得君不見江東男子有饑寒江西
壯士無顏色

倭王刀子歌答丁右武

丁家次卿有寶刀海氣熒熒秋色高可是三年

綠煙裡精華落盡成吹毫聞道海王昔鑄此擊

詩

四卷 九

鼓童男祀刀子抽驚片電流人目繞怯纖冰墮
寒指君今提刀當贈誰與君對江心不疑處處
從行足知己一片床前光陸離

夜聽鄧孺孝說山水

終日他鄉作遊子到處不曾離屋底鄧生爾時
何許來罷酒彈燈說山水君家最近三茅君我
家貧看鱸峰雲山水眼前人不住遙山遠水復

何云

聽說迎春歌

帝里迎春春最近年少尋春春有分可憐無分
尋春人忽聽春來問借問始知簾戶即驚春來
道粧樓相映新樓前子弟多春日樓上春人最
着人

立春日憶孫生

詩

四卷 十

孫生本是山東美却似江東作鄉里惜別何時
遊故人吳飲半入新安水水上寒雲暗不流片
片雪花吹錦裘似有金尊映明燭日暮留君君
不留留君不住祇愁人別後年光一色新莫論
明日爲人日且道今春已立春

黃卿歸廬江

荆鄂何歸歸斗城紫蓬星高黃道明黃家俊爽

有五子中有一子字荆卿心愛荆卿卽爲字王
生孫生次第至盡日橫筵輕薄篇追風直上英
雄記風心揚柳正堪攀却送春江少婦還香氣
氛氲等笛清難聲婉戀鳳凰山氛氲婉戀無窮
已交態間情良有以春來君去卽應愁春去君
來殊未擬來來去去出風流輕衫細帽紫華騶
花燈不信吹橫笛寒食能來闌絲毬

詩

四卷 十一

送胡山人歸楚依朱子得

山人何處姑蘇客蚤歲避兵居楚澤年來却號
太形人主人覃懷二千石有書數寄覃懷君山
陽報書差一聞桂林蘭署吐金約何得冷却鎮
峰雲爲問山人老何預冰霜遠寄無人處伏枕
寧知春蚤來歸裝數被歡持去花下乘舟興欲
殘春陰江上綠微寒但可解韶分客醉何當推

劍與君彈昨夜面
窗起離色滅燭猶談張相同
數尺粉栢已作薪
一門桃李俄成棘
春宮歲鳩事悠悠
眼底山人有一丘
爲過滄浪垂釣處
煙波能得幾人遊

送祁羨仲訪琅琊丁太僕

汝家羅浮煙月深
青衫笑拂梅花琴
明珠珊瑚亦何有
海上蕭條遊俠久
遊子蕭條白雲飛
琅

詩

四卷 十三

琊之人先繡衣
幾度寸心橫
夜語能餐秀色臨
春暉昨許佩刀曾
寄與直似精靈夜
飛楚半燭燕姬胡
帕頭對此啾啾作
燕語男兒生不遇
風塵酒婦人中領
此身一擲蛾眉能
百萬看君似是有
心人

春酒篇寄帥思南

憶昨遊吳正秋月
桂樹芬蘭遠難極
流光闌

轉春風江上梅花動
紅雪忽憶并州江水前行
春太守習風煙擊鼓半喧
蠻部樂唱歌催斷漢人田
太守能文有風性時時臥
閣能清淨無煩問訊說神
明但道移書知種姓黔中
徵外若椒蘭何如漢署老
祠官已道清明書著晚空
驚正旦酒留殘每向長陵
斟玉盞便似長安沽素漚
此時駘蕩客傷心舊日登
臨人在眼眼中人物

詩

四卷 十三

悵春盃定解春池倒載回
况復南中多鬪法無事東
朝給酒媒

送俞承弁示姑熟子弟

承叔自鹿牛賢豪人也悲之

遊子常年風性高
龍生地主垂千旄
絳帳後堂延弟子
春裝別墅擁賢豪
何處山川不留飲
何處風光能薦寢
花落時粘縹綠箋
杯翻只汚蒲桃錦
爾時問井多懽娛
爾家弟兄猶讀書
長星

出天十年內經過舊地百不如江上更番地
隊河南學館今蕪廢地主才高落網羅門生
盡歸闌闌君家少父識人稀白鹿騰空人事非
頻年落第常留醉幾夜浮橋獨送歸此情此日
堪憐處故人上官得陵署從今見憶直須來幾
日相過那便去春酒春燈花月深離愁今夕動
春心親知報李非無玉直笑栽桃未有陰

詩

四卷 十四

送臧晉叔請歸湖上時唐仁卿以談道貶

同日出關

并寄晉長卿江外

君門如水亦如市直爲風煙能滿紙長卿曾誤
宋東隣晉叔詎憐周小史自古飛簪說俊遊一
官難道減風流深燈夜雨宜殘局淺草春風恣
蹴毬楊柳花飛還顧渚若酒茗魚須判汝與劇
書成舞笑人狂來畫出挑心女仍聞賓從日紛

紆會自離披一送君却笑唐生同日貶一時
穀竟何云

觀趙郭里小圖爲汾源郎中作

大原渡江入西越盡寫家山白雲闕去年臥閣
披此圖展轉續緒意難歇心知不是桃源路直
是玲瓏杏花發野客留連芳樹陰閑人候望新
橋月河橋月出樹陰開楊柳灣西映淺苔漁歌

詩

四卷 十五

頭泛橫潭竹牧笛春殘半樹梅梅花隱隱雲霞
霏西翠樓邊啓竹扉蚤覺煙綃動玄勝况乃卜
築臨清暉清暉古寺寒鍾影經臺半出西南巔
粗知到旣近禪林却笑潘安長騎省君家上世
每逢僊賣藥藏書此洞天蚤晚過遊草市里春
秋得上斜林阡君不見語兒溪邊女兒語越國
夫人越溪女又不見石門帳殿起烽煙中洲一

地小如錢何似洛川諸父老長年如壽太平年

別光祿周公

諱弘祖

光祿大夫奉常士在昔符卿孝廉子曾遊此地
醉飛花今日飛花復遊此戴公蕭散帥即真酒
中駘宕風雲新煙波出沒邈難見我亦簪裾纏
此身正喜君來君亦病交情吏迹恒難并并知
世業改容華爲惜流光與明鏡

詩

四卷 十六

僊蒲靈松二篇爲畢太宰作太宰石埭人

以五日生時以司農徵

廷賓五日承暉慶詔赴三台肅朝命須經浦口
競華舟爲覽江心躍明鏡江臯節物紫茸芳利
取僊蒲泛玉漿見說生辰逢艾節懸知出世御
蘭湯皇流嶽降真奇詭異雀靈鷲對飛止高門
言說孟嘗君盡省今推胡伯始明年賜扇三雀

辰宮縷千絲續命新爲報尚書班扈正兼懷
綵示農人

三峰秀巖撫靈松九曲長林御積風幾見竹花
吹粉礫曾看柏葉改梧桐何如此樹標齡節謚
鬱蕭疎殊可悅偃蓋全棲寶柱雲樛枝細拂金
城雪尚書當日盼庭柯爲想山中蔭女蘿誰道
桂枝攀偃蹇不令槐樹對婆娑喜司徒符昔

詩

四卷 七

夢行臺并發春花送洛陽丹漆自薰香直取真
心作梁棟

帝雩篇宿陵下作

軒帝十二紀乾靈玉燭調輝寶露零胡門忽斷
江河色秘室遙占雲雨星初冬涉夏雪龍見帝
圖無青悲赤縣浪說行春杏葉田空思避暑美
蓉殿邂逅陽門欲縱陰蒼葱斗氣不乘金曾無

太尉心勤雨似有星官起作霖吹幽舞暖從來
有直是中天邁陽九后土平乾翠螭橋行塵半
渴飛魚口靈臺開筴變離爻天子身親衣白茅
未道孝文祠北苑且看光武山南郊素服齋居
還減膳詔止帷宮復辭章遙憐百郡有譏彈未
許三公行策免東西千里欲朝饑大廟還宣奏
捷威忽報風霾猶占虜仍遲露雨一沾衣加恩

詩

四卷 六

洞壑掄才俊下粟郎襄止流殪臺符詔獄有反
除織室陶官俱減進蠲圭食玉本精勤更待何
人出紫雲獨宿山陵祈帝祖因歌雲漢感吾君

天妃宮玉皇閣夕眺

寶蓋珠幢青佩裙拂雲來謁斗中君因攀帝閣
臨元氣却過雷門動紫氛諸天蒼莽開南嶺下
視塵濁思矯首繡嶺平分草樹前清淮半出人

家後還緣梯路俯東軒睥睨飛鱗鳳門表裏
都城如玉切高低道院以雲屯參差南北隨形
勢雉堞御峰南迢迢可憐平圃不抽花未許招
山徒植桂迴鷗拂袖倚西櫺樹影潮音入暮聽
山中氣接江流白江上山連浦口靑靑山四面
迴靈澤二百年來深枯柏能棲寶露足風朝會
徒陰煙宜月夕夕暉山色靄松門仙家日氣也

詩

四卷 九

黃昏若待少年婚宦畢經須猿鶴怨王孫

夜月太玄樓

在神樂觀

芙蓉花發出城遊江光雲色映芳洲下榻縈回
金碧影開燈還動紫華樓樓前嫋嫋垂雲幃樓
上嘈嘈奏天樂何如邀佩戲層城直似吹笙停
半嶽輕風拂袖解人醒急雨能添別院清高興
明星一回首琪樹蒼茫河漢聲

太玄樓畱客

有亭不高良已清開虛作牖傍層城能通月色
仙煙色可聽風聲襍雨聲紫閣流雲應可掬玄
樓夜色迴明燭也知清興未能闕便合移壺就
深竹風燈密竹雨珠跳潑潑曄曄又瀟瀟偏多
宿鳥翻冥密自有啼蛩隱寂寥人家草樹空成
列仙家洞館能清絕花間着屐總成遊竹裏吹

詩

四卷 二十

笙殊可悅回闌側袖倚烏巾此雨持沾衣上塵
若道我疲玄夜酒相看誰是竹林人

代書寄可上人

三十二相君不少衣鉢隨身一飛鳥可知捉塵
幾十年陌上遊覓看不了知君不住瑯琊山元
封主人堪閉關遠公龍泉在香嶽頗有住實能
往還蘆門江上西風入畫裡行人高戴笠幽磬

勝處一窺臨高座熒熒雨花濕

觀閩海游徵君南陽草屋圖歌

西窗蠟炬寒秋燈蘇蘇海屋疑掀騰乃是丹青
拓雲樹寥裳欲往殊不能但見蒼松翠竹珊瑚
幹遠氣冥蒙幕天半南溪煙月影恒流北嶺雲
嵐光不散就中海人心寄邇不愛寶珠恒纖簪
有子抽書作郎吏當時習隱相漁樵須知鹿門

詩

四卷 三十

能貴身不羨隆中長嘯人出門慷慨亦閒事君
不見無諸臺畔海生塵

吹笙歌送梅禹金

感嘆龍君揚郡丞沈君
與太史姜孟頌明府

紫袂春衣可曾絮絲竹西州可曾去秋水微波
木末亭秋花半菊吳陵署從官迫鬱有三年似
汝驕奢留幾處邀懽托宿故言寒罷酒更衣幾
愁曙新林小婦寄書來一種風流許君據朝落

鉛華妾自知夜拂蘭幃君不御梅生開書欲長
跪托道留連在山水卽知遊子幾曾遊自說美
人詎知美先時拾翠凌陽池憶汝吹笙出桃李
天涯此日龍使君世上何人沈太史已覺叢殘
姜令非空驚綽約梅生是津途變化裁十年光
響消浮只千里潮水長看三往還交態今誰一
生死何況青眉并皓齒美酒銷憂只如此

詩

四卷 三

答王恒叔給事憶丁鄒二君

赤城芙蓉青桐柏煙霧連山海氣白中有懷人
幽意多却對墀庭芳草積金書婉戀風霞開寶
瑟透迤月露夕飄飄欲羨茂陵人鬱鬱自憐金
馬客秋風祠下颯驚春逐日江東佳氣新分作
十年陵署客曾無一日犯齋人忽昨開軒細流
酌中酒中寒愁卧閣竹圃雙童會煮茶紗窻少

婦閒吹藥開門上馬卽人間陌頭喜見鍾陵山
幾處池臺招不去有時山水醉忘還道士天壇
長稽首玉女星樓時進酒激玉調笙世上無鳴
鷄吠犬天中有王郎奏事日幾封清顏秀筆動
天容每侍夔龍集東省曾窺鸞鶴下中峰傳來
玉價連城起愁愁蘭葉當門委山川白雲徒聞
之日月河清今有幾鄒生玉律悲迴風御史無

詩

四卷 三

雙行殿中豈有片言觸天上亦隨二美遊江東
江東佳麗殊未央持以待君君莫忘星軒倘使
碧鷄路斗酒相迎朱雀航

送饒伯真之天台兼訊王給事

明德長君
五松子

羅公弟子真神仙煙裴露宿能經年晝採靈花
肝姥宅夜調春酒神公泉武夷幔亭曾拂首子
晉中峰一攜手尋師直泛昆池蓮懷人戲折燕

堂柳雨時誰到天台峰大羅真人各五粒五粒
一去光響滅曾誰伐鼓朝天宗汝今再響天台
策淮水金碑註桐柏寧言六代有衣冠且道千
門對巾幘由來此地足煙霞綠海春深汝憶家
若見方平留畫扇爲報麻姑掃落花

爲郭考功題趙松雪山水歌

曉對鍾陵暮城闕開燈半壁蒼崖折就中可有

詩

四卷 五

鍾子期遠勢疑無趙松雪松上徘徊多素雲雲
波繚繞出峰文何人似對琵琶峽寂歷橫琴如
有聞如聞吹末蕭蕭起隱隱層岩落春水香爐
之雲無盡時君家武夷亦如此

渤海臺歌

東海張公比舍郎高柳垂池拂我牆念此清人
亦古色自言遼州有草堂鹿苑香臺復何有留

與遊人着杯酒此中宜杏復宜桃能添醉色春
雲高翠柏參天槐影地歷落提壺春酒至時有
藤花落酒杯蒼雲曉靄幔亭開拋英弄酒客隨
意隔葉時聞歌笑來睥睨壓雲寒大澤鰲涎往
見蛟龍跡月出臨窺下深黑隱映樓臺樹光
別有幽人行嘆息問君解蘭不歸得君今過家
當入朝我家飛館蔭河橋江南橘香送君有剪

詩

四卷 五

致猶餘青葉條鄉心滿眼寒溝潮太平郎吏宜
逍遙君不見魏之干木秦茅焦

送胡孟弢應制兼懷趙夢白劉子玄

蓮花峰頭君不住桃葉渡前君復度張燈作酒
臨朱絃美人一曲傷遲暮鄉心寧道隔山川客
聲懸愁泥風露揮鞭極目長安雲盡屏回首江
南路君今與我非少年君容故好能談天傾坐

惟須綠玉管結交底用黃金錢誰言耳目都非
是始悟肝膽長不然數年喜讀絕交論昔歲食
看游俠篇酌酒對君心不展北斗臨城路東轉
非關遊子易披離自是世途難餞寒多稼獻歲
入西秦卽漸殘年泊東交江外含梅冰雪深河
陽着柳春風淺春風曾酒送行軒青莎襍樹難
攀援舍人就詩柏梁殿方朔上書金馬門風塵

詩

四卷 五

陌上新知樂煙雨江南舊客憐不見恒山趙夢
白爲問汝南劉子玄

送王伯禎同顧吏部兄弟登三山

今年南中冰雪多凍飲青琴無艷歌小歲忽覺
一年盡春風邇來十日過客中且對宜春婦堂
上須聞正旦酒何須楚澤動鄉心且作吳歎度
京口青衫試拂柳溪橋美人江上問迴潮玉京

諸峰若浮霧廣陵城郭似青霄京口美酒今如
何憶我當時遊曲阿意氣未如荀郎將生年飲
過王清河

寄馬尉雲中

生兒作女須學藏男學作秦與拍張拍張乍可
行邊野作秦珠當耀殿堂豪情自喜作遷客數
日典衣行治裝清淮被病秋色遠雲中擊劍春

詩

四卷 五

暉長見說名王夸漢物傳聞代女愛胡粧男兒
一作邊城尉仕宦何必尙書郎

寄賀知忍清齋

葱陵杳靄江煙深懷人不見愁光陰已覺清和
臨夏首可憐駘蕩接春心與君芳意何冥暮相
憶西齋坐玄寂鮮風乍獵芙蓉開調露似開珠
樹滴少年能事卽清真何須不玩帝城春仙官

自有華陽逸友道還期伊洛人

送于公燹歸金壇

年少金多亦不惡能若人品僅能作莫因長者
避風流自是名人好音樂秣陵可避風景多衣
簪首夏猶清和與君芳意何曾盡別岼芙蓉生
淶波

送劉玄子使歸

詩

四卷 三

歲歲芳矜散城闕草綠煙波漬雲月河梁斗酒
會須領雲閣寸心終未絕劉生風義汝南人何
年青鬢帝城春上憐徐樂獻書晚人識相如乘
傳新星軒曄曄金陵道清署開尊愜倫好那堪
晏歲雪紛紛直是行人心草草見說淮南津吏
迎還將歌吹度蕪城足歷五都有留贈才傾一
聖爭知名歸去梁園動春色一種風心吹臺側

情知愛少亦爲郎爲許含香能見憶菱鞋意氣

復何云經須垂晚立功勳不似世儒重文法祇

堪簪筆事明君

送乳林齋經入東海見大慈國寄達師我

署

大勞僊人愁復愁乳林印經南無南小劫愁春

七年七大海行人三月三此日青城流梵唱達

詩

四卷 三

觀大師汝和上華手纔抽寶葉雲香心正宿蓮

花藏汝去東行入海邦汝師西映玉輪江音光

寂寂雨花暮獨宿風吹明月幢

招梅生篇

敬亭雲飛出祠署新林夜客遊何處翻翻桂樹

可重來宛轉花中詎能去青絲係馬綠楊條斜

簪細帽作輕飄打樹浪催桃葉苦投壺醉喝

花嬌擗知着處能唐突爲許穠情兼弱骨寧知
有女泣春雲不悟同人候秋月同人秋月對河
津翠竹流螢風露新空拋錦字持招客無那香
纓欲挂人

董光祿招遊城南三蘭若同南海曾人舊

卽事

新秋縹緲孤飛鵲我與世人殊恍惚董公自是

詩

四卷 三

心期人片語相邀出林樾洞庭曾生颯前往白
覺嶺海氣超忽峰雲昨夕水波生細雨微寒弄
纖葛主人小憩長干寺世界微明水天佛聖母
蓮花誰送致東海紫衣長信謁開經錦氎照掀
飜乞食香厨能細滑忽然興寄盡飛鳥別自亭
臺生木末虛壑階前山翠微夕陽樹裏江明活
隨意觥籌就花雨滿目山川映雲物北瞻陵嶽

東霞開南候方山西日沒井里依微界斗城宮
殿玲瓏對天闕丹陽王氣隱崢嶸紫海帝江相
遶幹西北微垣燕氣高東南地軸吳都潤董公
繡衣歷河華曾生草履過閩越各自論都有形
勢獨此開天正葱鬱得生中華在倫好况直太
平卧簪綬且追金策度神臯爲拂寶花依佛窟
高僧神理舊微茫吾曹酒意新疎豁已覺數年

詩

四卷 三

兼吏隱復是同人思清越河漢無梁過七夕海
上靈槎占八月董公早晚未留滯曾生信宿當
明發銅盤碧藕青絲壺乘閒醉就雲公歇

送曾人舊由武夷還南海

桂樹之南梅花渚洞庭山人曠幽阻挾日丹霞
不作雨中星大火初流暑芳榭凝崖怕着人水
壺貯雪須留汝行看障壁盡涼風坐見星河流

織女帝鄉雲氣來蒼梧遊子秋風生白紵問千
木葉先秋鳴蟋蟀草根深夜語三千雲海風初
積四十才名春未舉葱崖赤微問流人花州石
壁藏僊侶我友祁生久溟漠半歲孤兒今幾許
卽死何人懷報珠此生在日能張楚有才歷落
宜自愛君休頓挫神色沮珊瑚鏡臺明月珠結
采飛光無處所直爲豪情貪擘結豈少金錢學

詩

四卷 三

羈旅洪都僊候我沈冥建溪秋色君容與南中
桂樹秋芬氤笙歌一曲武夷君獨笑幔亭星月
夜爲憶西山鸞鶴羣

送周宗太游泰山

吾郡東鄉人
自號劍石子

吳門佳山亦無幾飛風積雪淹遊子咫尺佳遊
難定期何況懸情說千里陶陶孟夏清淮深君
從泰山遊孔林侵星發掉浦江曉追風息策琅

琊陰淮南泗上寧疇昔魯酒曹衣嘆行役漁歌
向月杏壇人鷄鳴看日蓮峰客登高望海幾時
還應聞鴻鴈入江關莫信人言天下小孔遊殊
未出鄉山

太常謝公北泊天妃宮有作來年正朔立

春

謝公前使琉球感
天妃神光濟海焉

漢使河源虛織女君得天妃下神語海氣雲驚

詩

四卷 三

葉壁山江關雪憶梅花嶼白澤賜衣金佩刀神
鯨怪燕爭波濤精氣自凌星氣遠功名早遂風
雲高只言世上堪平步候氣尋針非此路常依
北闕玩芳華暫向南都瞻玉樹南北園陵佳氣
重太常新入近天容况復青郊候祈穀立春春
朔幾人逢

署客曹浪喜

今冬寒多忽作煖羊脂臘酒青凝枕達曙留連
歌笑言蓮花漏水今宵短點燭侍兒熏繡衾新
綿細帖令人懶始怪明星出不低何來曙鳥啼
都滿疎窓小竹真蕭瑟淺帳寒梅動疎散客省
經知無卽開祠曹報說添人管比闕雲霞青髮
疎南朝煙月歸心款鍾鼓空思長樂宮江山別
築忘憂館四十頭顱君不知爲看年來衣帶緩

詩

四卷

五

榆林老將歌

奇萬
丘澤

榆關將軍紫花額自言能拂雙枝戟登臺望虜
識風塵度積尋管知水脉娶妻胡語能胡言盜
馬與官多得錢石州雖殘虜多死榆林獨出兵
氣全頃緣互市邊籌假市馬與軍非善馬牽過
倒死卽湏償就中更有難言者餘蕭老將學耕
耘後來兒子不能軍但願英雄不生虜堞零無

火更何云

邊市歌

中興漢水天飛龍天街月氣何雄雄已深吉甕
占河曲偏多俺答嘯雲中二十年中俱老死分
頭住牧多兒子一從先帝許和戎盡說銷兵縱
行李也知善馬不能來去去金繒可復回未愁
有虜驚和市且是無人上敵臺別有帳中稱寫
契解誘邊人作奸細上郡心知虜騎熟西州眼
見孤軍綴也先種色何紛紜五千餘里瞰胡羣
不說遼邊小王子殺降前後李將軍

鳳臺同人望句曲

金壇陵西六十里岫穴層連曳句已青芝碧檢
搖春林夕露朝霏罩靈蔬秣陵煙雨青冥開江
岬迴帆颿落梅世路悠悠忽不愜爲惜風花長

詩

四卷

五

命杯樓臺罷望青歌歇珠窗曉映仙桃發方看
石道起雲霞試與松門弄煙月君不見秦皇嘆
息東遊來伐鼓鳴鍾山谷哀美玉未斷真人氣
幾度春心臨鳳臺

重過石城碣

石城二十四花樓江南置酒飛花愁在處胭脂
久零落不知冠蓋能風流拾翠江邊猶記否含

詩

四卷 三

笑含頻送君酒滿目秋光無盡時自折蓮塘花

下藕

文登羽客謁齊王子宿天妃宮

四十爲郎忽欲老海月江花真草草何處煩憂
著此身誰人未老思僊道客卿行色滿煙霞上
孫故國多梨棗每說從人大父遊安知不羨兒
童好長嘯相看了君意明珠闌干須自保玉女

祠前雲氣流春官署裡明星早忽忽臨風吹玉
笙蒼茫欲認鷄鳴島

凌陽篇

金城石室晝氤氲岩竇曾棲漢令君朝食飲日
赤黃氣春食流空葱翠雲爲愛凌陽僊侯美竟
日清談縣中理綠水飛看白玉魚丹書教服曾
青髓已知兄弟逐絃聲復聞妻子好吹笙參差

詩

四卷 三

二女青童侍窈窕雙簫白鳳迎江上絃歌一迎
送雲表笙簫還按弄斜睨白嶽白龍飛直駕黃
山黃鶴控龍津鶴苑駕翩旋地脉呈臺吐玉泉
砥道冲飛裁七粒懸知服食已三年精靈歲月
替遊陟氣候煙霞難望識朝祠勝節罷中元夜
谷餘光空五色蓉城秋浦送飛軒紫霧春潭濯
夢魂未見雲光同葉縣且欣風物似桃源

送杜給事出憲延安并問高君桂吳君正

志二郎吏

杜諱華先失同鄉楊太宰意出

金臺桃李氣相新接手徘徊君意親君向河漢
作星使予從江表寄波臣不謂君遷亦南省祠
曹歲月蒼梧影雖知歷落映心期未及留連盡
煙景何知卽出鎮西軍晴雪芳臯歸鴈羣少婦
將雛裁滿月尊君割錦正停雲吏迹牽旋從此

詩

四卷 三

江東歌

三山江上翠崔嵬草綠風煙春氣和天宮繚繞
金陵麓人家映帶秦淮河迴廊屈曲通晴雨馳
道流離瑩月波南中富樂風塵少天下娛遊子

弟多悠悠滿目經時歲忽忽盈懷阻嘯歌意氣

周郎三國盡文情庾信六朝過江南丈夫會早

天春心不飲蕩如何

玉茗堂全集

詩

四卷 三九

臨川義仍湯顯祖著

詩

七言古

寄李峯客內鄉追憶陳寶鷄

僊令長安君以後繡服霑春幾迤逗赤縣彈琴
目一時公庭舞鶴冷清漏吟浪紛紜陳寶鷄鳴

詩

五卷

鞭載酒御橋西諸賓歷亂凌風舞小史溫融映
雪啼意氣滿堂心自許密燭迴簾深夜語誰知
生死十年期忽漫浮沉兩僊侶陳君曲折殊可
憐君家一掌順陽川隆中故宅若爲遠安衆諸
劉時往旋少室僧來喜相慰能言峯客身閒貴
兄弟中原詞賦名兒郎上路風雲氣紛吾四十
清爲郎每愛嵩鄖夾內鄉幸好分麾河嶽路真

須一飲帝臺漿

三日二碧王孫山亭飲

金陵岌鬱難攀援孤根碧海齊王孫王孫富麗
豈無有襍沓風塵誰具論熒熒二碧始清絕衣
替約綽相寒溫小碧家臨漢西路次碧宅近清
涼門清涼迴高見蒼莽簾門正接王孫園不嫌
唐突興俱往且爲略約開殘尊初經窈窕上林

王荅堂詩集

五卷

閣便覺氣勢如山村斜臨江皋隔睥睨前瞻天
闕正軒轅但坐自令佳意出遲遊尚及春光存
翠薄荆榛徒極想花蹊桃李知無言忽看城闕
歸雲度起視簷廊宿鳥嚮夕餘妍定三五何
妨滅燭臨高軒前遊但記風色亂未覺今朝月
氣昏無事王孫惜芳草自然幽客眷蘭蓀

聞王悅之說閭門隱者

王郎道有間門人白首青蒲自編席入城賣
常清晨未到中時卽歸宅便持百錢虎丘寺但
坐相逢成主客就飲何曾忘嘯歌歌罷面船動
西夕自言一生不持扇半世蓬頭少巾幘三家
市裏足埋藏百歲人中堪戲劇爲看閨門來去
人不爭遲蚤俱頭白

憶祁羨仲武夷

詩

五卷 三

建江煙月武夷君慢亭綵屋清溪門沓草霏花
紫霞襦酒行命奏賓雲曲鄉人男女皆會孫罷
起翩翩朝至尊弟子壇場閱春色賓從笙歌清
夢魂僂骸半枕若沉月千花疊棧搖飛雲羅浮
祁生好留此九曲鳴榔清嘯聞

送梅禹金應制入都

文脊陵陽幾千仞上有閒遊公子俊流水琴中

寫素心傳山爐畔搖青鬢梅壠霏霏阻笑歌
田澗澗遲芳信每怨春來不見人幸好人來春
欲闌春闌春陰桃李蹊逸興豪心詎肯低結伴
京華聊自喜含情江館足攀携春穀文縈綠波
館敬亭合沓青雲梯正思公子青蘭暮肯惜王
孫芳草萋芳草芳心難自畧與子留連玩芳月
窺飛故燕久應留學語新鶯綠未滑香臺樓宿

詩

五卷 四

臨三山蘭署過從映雙闕借問吳宮佳麗地何
似燕都遊俠窟燕都複道霽神居星海雲煙氣
有餘呂郎舊閣連申嶽樂客初封從望諸北道
主人能載酒西京才子宜上書雲水三千恣相
激才名四十看何如爾家仙尉吳門宰千秋遲
汝飛靈寶青林芝菌雲欲開淥水芙蓉日初出
陸生洛下古無二張率吳中今有一未歷露寒

琴羽獵且問朝陽候雲物朝陽傳接才英
目空江留佩聲閨中少婦憎啼別曲裏諸姬解
咲迎直取終春花月滿不妨初夏雨雲清繡袿
汗色持存存絲騎香風觸送行行拂袖奉華
箔別有名流眷青閣幽意寧辭暮復朝容華稍
悟今非昨猶多俊業倚芳堅似少深心過柔弱
經須飲玉上池津莫學投壺飛電燄飛光滅靈

詩

五卷 五

世續紛避世南郎君不聞自許山川儲歲月止
持歌笑抵功勳來時蕭索風雲合去路參差河
漢分定向燕臺陪駿影還念江臯遊鳳羣

夏州亂

夏州判軍如五堡迫挾藩王磔開府賀蘭山前
高射天花烏池南暗穿虜前年通渭血成痕天
上太白愁峰高不信秦人阮翁仲鑄金終得鎮

臨洮

黎中歌

黎女豪家笄有歲如期置酒屬親至自持針
向肌理刺涅分明極微細點側垂蛾眉花并淡
栗青紋連餘地便坐紡織黎錦單拆襪吳人綵
絲綴珠璣嫁娶須八月黎人春作踏歌戲女兒
競戴小笠笠簪兩銀篦加雉翠半錦短衫花襖

詩

五卷 六

裙白足女奴絳包髻少年男子竹弓弦花幔纏
頭束腰懸簾帽斜珠雙耳環纈錦垂裙赤文臂
丈臂郎君繡面女並上鞦韆兩搖曳分頭攜手
簇遨遊山沓地蠻聲氣歌中答意自心知但
許昏家爲誓椎牛擊鼓會金釵爲懽那復知
年歲

高州簾障子歌

劍門藤絲如髮細織作爭先出新意十二雲屏
海上來平波瑩熨瀟湘字纖纖指真絕奇聞
花側葉鳳交嬉高吹海色障風日還憶煙蘿擺
月時

伍仲元老人飲酒歌

青雲老人何爲者高冠細袖長人也家多故事
饒談笑年少他鄉劣遊冶老去初爲童子師貧

詩

五卷 七

來未覺交情寡到門問酒隨生熟坐地吟詩襍
風雅有子能裝翡翠花無人獨爨青松把謝郎
奕墅宜酬對羅公講席曾沾惹白雲東岡草蕪
沒綠竹西塘夢瀟灑猶記長橋春醉時月出高
林人上馬

送帥從龍北上

忽忽鶯啼二三月灩灩春隨遊子發但覺林泉

幽意深方悲世道交情歇我與若翁真晉人岸
幘留連如笑嘆金錢除書不控眼連珠酒令當
爭新深燈起坐風雷迅洛浦之子驚神駿翁當
厭世有書留我尚爲人覺才盡與翁早拂長安
鞭江山何限酒壚前那堪耆舊山陽笛獨送兒
郎江上船江上從龍日千里極目搖帆我心喜
老矣當如長路何少年自致青雲耳

詩

五卷 八

寄麻城周少愚太學

亭州布衣今已老十年踽踽長安道與君遊處
可憐人煙花漠漠傷懷抱令弟孝廉殊秀羸秋
月秦淮照人好燕子江清回夜闌美人出門亦
草草正擬新驪兩弟兄何悟交情一死生念此
過江欲愁絕在日滿堂誰目成當時我亦鳳臺
門綠衣人去舊銷魂無問江湖一來往含情含

涕與君論

送徐吏部出叅閩藩

漢家高士出南州後人千載嗣風流山川不鬱
精靈色文物長陪霄漢遊君美顏髯多意度惜
在南都稱吏部何曾尊酒忽離分碧海泉山春
洗霧此時兵火絕東南令節衙齋每放叅見說
南方花木早知君遶屋樹宜男

詩

五卷

九

送太常西署翁君歸潮

肅祖玄威兵積戰齒雄俺答天心見北闕大臣
誅死多汝好家公當一面金革衣冠鐵林冢詔
書星火潮陽縣蒼梧起家多苦霧紫荊過國仍
微霰文武全材一路披忠孝深心兩留戀精華
寧厓尹侯書蒼茫蒲海鄒公傳尚書功名星月
旗卒不封侯天子知有子晚入師氏學有女遠

嫁鄒公見鄒君與我長安道鳳池蓮府非其好

公子叅軍亦何有得薄南常轉風操親桃朔食
每經過帝寢年華多祭告素王自合鍾球禮元
勳畧受丹青報稍遷清秩奉春祠得侍玄都觀
羽翮三年奏最自公府四十爲郎豈高蹈君當
勉爲太夫人姊婿中書足鸞詒誰知卽作羅浮
遊只尺雲濤春浩浩歸攀桃李惜羅裙却過金

詩

五卷

十

城樹紫芬終當一出臨邊郡且學圖南候海雲

三生落魄歌送黃荊卿

世上衆生多沃若我處三生常落魄孫生美色
無婦人與伯同寒翳空郭江東王生遙寄居士
床并食時有蛆無油白日自纂組小婦能繡身
能書淮南黃生時折簡半尺青絲寄錢眼君不
見杖頭纔可百餘錢未問中人十金產

送彭虎少歸滁陽謁丁僕丞馬司理

春明遊子逐春歸
襍樹花開鶯亂飛
照水銀鞍桂枝榼
片語維揚初拂衣
藉草臨岐當日送
班荆贈恨神魂動
瑯琊遷客寄書來
數道孤眠恒見夢
夢回江海一相親
色笑玲瓏似燭銀
若非醉色招才子
定是琴心教美人
似有多情彭虎少
落筆雲霓紛照耀
在北從知王氣高
來南更

詩

五卷 十二

索金臺妙愁予空谷謬春聲
小吏津前見馬卿
爲報張憑言道德
祗應公子著刑名

送靳水胡啟賁之通州

昔日逢君泛蘭醪
暫白鬢鬚髮如沃
金馬門前頻見君
似是凌陽嘆荆玉
江漢英英氣屬天
肝昌宛宛近臨川
從來健令輕盤節
直是時流重出全
水清石見渾常事
復道風波海門地
異時

公府惜沈才是歲
朝家誅酷吏清時
那得遊身仕宦從
知欲苦心獨命春
杯悵離別維揚花
月是通津

答恒叔并憶夢白伯符

玄湖煙雨半霏微
鍾阜晴雲濕更飛
卧聽鳴猿谷曙起
遊看宿鳥山明歸
由來意性難塵襪
到處風流饒吐納
吳中有酒酒須酤
洛下無書書

詩

五卷 十三

首客相看似憶海
人煙犯雪裁書已
隔年巾子山前憑
岸幘旗亭樓畔好
迴鞭多君正直能
玄史今日南中美
無此寶刀將寄只
丁卿玉律間調是
鄒子別後交情一
問君山郎謝病欲
何云如今曉事歸
年少漫道長安吃
子雲

送周子中歸楚追憶其叔見素沂孝廉并

問王子聲

君家死亦不曾癡每到南中相憶悲經過七夕
同眠處邪道千秋無見期向後汝家稱莫逆兼
之若輩多名迹看君擲筆斷虹霓令弟調弓聞
霹靂青臯霍靡望無窮去馬翩翩入郢中爲憶
先朝王夢澤烏衣殊不羨江東

寶劍贈龍身之

甘棠聽棘舊池陽萬人遮泣動臺郎沉雲不散

詩

五卷 三

三天日是雪先浮六月霜沅陵拔幟功名偉世
路何人惜葑菲卽知潘岳薨除名不道中郎爲
敝鬼晉帝營西日彩收吳妃宮北水雲流當時
并道英雄主今日纓爲詔獄囚龍生滿身俱俠
骨此事當時殊草率不知僞旨出誰人乍許爰
書歸獄卒遺君寶劍莫輕裁美酒銷心亦怪哉
見說漢家尊太守春風應得赦書來

聞罷內操喜而敬賦

世皇初御玉麟驤左右雲龍相映發重華殿上
徊青蓋環碧池邊賜寶衣胡來自有玄兵殛清
宮那用旗星直也曾九御上西陵也曾七馬遊
南國七馬空餘碧玉騎先帝騎將出殿朝偶過
上林聞獵諫旋停中禁入兵妖吾君射騎稱雄
便十載杓提客星見楚相晨趨寶善門徐戎夜

詩

五卷 四

出圓暉殿文昌未動忽先摧可笑千官發仗哀
一禿待麾蒲子去雙鵝原爲栢人來由來聖主
心存變在日曾尋霍光傳因茲中賁許權兵詎
是美人能教戰貂璫自古說刑餘可使操兵向
玉除授劍章龍那可道飛刀笑虎欲何如懸知
此事關朝社他時將相難高下北斗三垣忽夜
明西園八校從今罷自此龍阿不劍待長無兵

氣入宮嬖小臣拜舞高陵下願壽吾君億萬斯

重別東鄉同廷旺

前時別君殊倉卒賓從如雲散城闕爲言乘興
卽宵征詎道淹襟阻明發飛風積雨斷行輪六
月兼當壬子旬沾衣並未除春服覺桂還應苦
濕薪咫尺行期難定擬何況懸情說山木獨身
來去有遲留似我簪纓詎由已晴明須去不須

詩

五卷 五

疑勝處須遊常苦遲君看沓匪歸來日復是重
陽風雨時

別曾人倩

牂牁水遶三江門蘭石石頭丹龜村南海數家
冠蓋里花州水碧珊瑚根曾生住居勢連此爲
訪金華趙夫子

水亭觀右軍真蹟得誰字

閉門學草初臨池何處高燈清宴時白下亭
江上暮此意悠悠知爲誰開軒拂匣驚龍色滿
目琅玕寧可待不信歸來焚萬帖今宵始見王
羲之

送安卿

明星祠前夜通火此外祠官閉壇坐白日風塵
橫直遊只似安卿無不可安卿此時三十餘未

詩

五卷 六

三十時金陵居去今十年始相見當時太學今
何如當時禮樂從寬政三山陌上繁華盛莫言
槐市富簪裾且說蘭房襟衣鏡五陵年少宿青
臺一歲煙花幾度開驕驄逐處尋人去鸚鵡排
門喚客來是日新妝殊可動高樓大道連雲棟
別有妖姬不見人動是安卿出迎送迎如新月
送如雲個人貪着茜紅裘揚州大舸歌將去天

卜風流妬殺君爲問佳人近佳否桃葉渡江此
來久詢知此地舊繁華不似從前盛花柳花柳
迎春不貯春舞榭粧樓貼向人亦知遊子偏多
病未許逢人卽道貧安卿詩人亦畫史翩翩世
上佳公子釣魚巷曲水亭幽隔水平衢入花裏
世路蕭疎君得遊一行作吏只關愁春色明年
亦如此昨日悲秋今憶秋秋盡雲寒菊有花吳

詩

五卷 七

山惠水是君家不惜秋光與君酌水氣城陰生
暮霞人生對酒莫咨嗟月露光陰判不賒有興
調琴就明燭隨宜拂袖枕烏紗君不見胡繡衣
陳寶鷄此時但附要離塚何曾一醉太常泥一
醉城頭烏夜情滿船燈火送安卿不憂清客隨
潮去自有諸郎能夜行

哀魏伯子

美一人兮魏之昆昔之公子今王孫顏如石
心美玉弱冠詞名擅江曲少年愛我清羸雪
卿湖前羣袂行十載風微關迎送淒鏘絕筆賢
臣頌張公憐才自古人手揮哀藻散沉淪令弟
鶯鶯折前翼獨影羈棲南自北江南男子多夭
年好色好書那得全人生有名亦偶爾何必才
人都老死

詩

五卷 六

爲吳本如明府去思歌

使君去時一年與我好自言學道苦不早紫柏
師來江上春黑月船移天外曉臨川江西一大
冶晝坐一堂若爲了如觀千眼一切衆獨露一
身諸事少回身轉眼能幾時琴裡禪心誰見知
正復歡譟涕歎生爲祠君尚能來人去思心知
使君爲道不須此未能免俗聊爾爲

陳烈婦歌爲張華亭作

同安夢溪生文殊前有許梅後陳妹陳妹本是
清寒女珠玉爲心金佩無十七來歸多婉婉能
諧妯娌勤尊姑鳳岐爲夫數家難刺促感勸常
歛歔海風障雨斷垣下書卷藥椀匡床俱鳳岐
吾伊更寒夜姝時伴績聞詩書自言貧富有天
意但得雙棲百不如何悟雙棲不雙老鳳岐瘦

詩

五卷 九

死青鏡孤彼姝號天淚填臆兩人性命如交蘆
買棺必雙穴無兩得藉蟻蟻當前驅爲夫立兒
拜宗畢絕粒九日經其廬鸞訛雉經事希有吏
民三老成驚趨姝顏如生結不解就歛同車夕
陽隅至今隴樹發精采連枝上有雙鴛呼張家
自是文章族猶子爲子冰玉壺手提白石老人
傳托意青雲士大夫爲臣死忠婦死節丈夫何

必多遺蹟

過貞湖王孫問疾

帝子閨中寧獻王神仙開國多文章龍孫十而
實宗老一時貞吉還宗良宗良一生稱長者古
色峩峩澹瀟瀟酒朝論幾回擇宗正名流是處酬
風雅十數年中餘一人七十老翁餘半身尚有
天機出文賦深堂見客隨車輪三年別君常忽
忽視日相看怕蕪沒後來作者知何人世亦不
復貴此物我來雨雪病經旬久矣相忘世外春
偶欲向君舒一笑會見龍沙出勝人

綠漪園聽簫有作同耀先

平昌此亭能種竹但有此君人不俗非貪翠氣
影紅粧會與簫聲搖綠玉風漪綠玉暮雲寒瀟
湘水色清闌干只道於中耀靈鼠那知其上遊

詩

五卷 十

飛鷺飛鷺窈窕龍烟雨包山丈人此亭主家似
渭南爾素封人如江上依慈姥何來有客宜陶
閒綽約玲瓏君子山不妨仙縣移琴曲竹葉樽
中時往還

玉雲生過平昌徐生畫扇爲別

君子山前管射堂瓊林桂苑隨穿楊碧玉溪橋
嗽金石絃歌市里合宮商別有書聲隱巖壑盡

詩

五卷 五

目停雲心未央相逢露草誰知美獨宿幽蘭殊
自夢何來作賦雲林客爲看鳴琴星宿郎一見
徐生渺清色便欲同車還改鄉結交有神那得
曉邂逅無多難可忘點綴柔紈送心素按抑高
歌迎艷陽誓指青松白日短別淚金燈寒夜長
滴酒相看少年事可憐令尹鬢顏蒼延陵紵綺
終辭鄭郭宗由始遊梁何得途逢卽傾蓋金

尊坐掩悲含霜自言少小爲公子婉孌才情歌
笑香不悟歲華能蟋蟀每言朋好似鴛鴦悠悠
世路交情見忽忽書空良自傷新知那覺異鄉
縣片語輕相遊俠場令尹風期只如此十年前
事心悠揚侵雲嶺高虎吟嘯生波洞遠龍廻翔
手挾奇雲贈雙美看汝雄雌誰激昂

留屠長卿不得

詩

五卷 五

杯殘忽不懽空堂燈影寒十年一笑長安邸嗽
嶇歷落稱才子非烟漢殿香銅盤幽山桂枝愁
蠹死扁舟蹭蹬江湖輕颯來婉孌蓮花城直爲
弦歌似清浦那得乘人逗長卿

長卿初擬恣遊浙東勝處忽念太夫人返

棹悵焉有作

神仙縣令如山鬼白雲青蘿石泉池偶然堂上

遊麋鹿直向栟中殷山水不知誰子耳能清但
見似人心卽已長卿凌雲飄不飛空谷跼然能
至止入門心知客不惡滿堂目成予有美莞爾
弦歌遊縣庭居然水竹如蕭寺開燈彷彿眼中
人罷酒徘徊心上事崢嶸晏歲君如何幽桂叢
山真碣磧侵雲暝石啼玄豹落日寒林隱青兕
能來去住看題筆到處逢迎須倒屣江花入夢

詩

五卷 三

有年餘山木成歌非願始天台莓梁亦咫尺麗
陽片葉蓮花裏縉雲丹丘停鳳笙青田白鶴銜
花蕊與君發興期淹留盡與山經出靈詭何得
采芝未盈把便向高堂成燕喜沓嶂鳴笳響相
答赤亭風颺寒潮起山陰道上少酬接新婦巖
前初倚徙定道窮愁能著書正恐春風動遊子
君去春來誰得知脉脉芳蹊問桃李

送謝君實理高州

幾年執法文登城朱絲之直水壺清遊戲蓬萊
幾清淺坐看海市蜃空明望仙門前望仙子世
路烟波只如此秦皇漢武不得意人間那復炎
州理炎州高涼風色涼綠榕滿堂荔枝漿天池
六月一棲息珊瑚幾尺高摧藏我昔雷陽向孤
遠獨樹無陰下長坂夢隨梅嶺江南春每憶石
城夜中飯秋風莎露排烟嵐一官如寄誰可談
與君相似定相見東海勞僧湘漢南

詩

五卷 四

送李參之侍尊人以魯邸傳歸漳浦

出門蒼生吾不免且閉池林自疎遣眠教女子
護春衣坐對兒郎弄秋卷惟當千里數飛蓬誰
憐三徑生苔蘚傳聞有客自南溟迎侍尊人發
東郊早已才名春未深但道神交心不淺且須

杯酒興淋漓未暇論文極宜展罷相王家醴酒
清靈光歸然新賦成東郡趨庭少陵意北穀捐
書黃石情白雲隱映封中出黃菊支離江上行
雲霄驛外家山色風月樓前歸鴈聲瓏葱曉發
日南陸崢嶸夜語河西傾何得長聞李老子猶
嫵未見林先生

送鄭見素遊江東

詩

五卷 五

艷艷春塋發花朵寂寂春寒試燈火人日何人
清夜沈玉茗堂前風月可向昔登高平遠間滿
目滄浪無土山就中有人鄭君美學富文清幽
意閒信美閒遊動千里如花攬結金陵子但聞
春草爲春生幾見情人爲情死采芣成衣秋柰
何看朱成碧春又過冉香亭下神姑酒忽忽江
華離恨多

寄嘉興馬樂二丈兼懷陸五臺太宰

爲郎苦遲去官早歷落鄉閭罷倫好忽忽神遊
京洛春泣向五臺原上草馬翁只似扶風人樂
生當作望諸君臥想少遊何可得拜築高堂曾
一聞世局風流常似此會見英雄長不死江山
歲月老閒身風雨魚龍動君子沙井闌頭初卜
居穿池散花引紅魚春風入門好楊柳夜月出

詩

五卷 五

水新芙蓉往往催花臨節鼓自踏新詞教歌舞
青春索向酒人拋白髮拚教侍兒數烟雨樓前
烟雨迷鸞逗湖邊鸞逗啼但取風光足留賞越
西還勝大江西

立春過鍾陵訪黃明府貞父偶興

立春春晴殊可遊元夕受燈人不愁明發春林
意鮮好散雪如花吹欒裘偶憶西湖殘雪處笑

對汪汪人叔度緒風蘭葉迴幽香淡月梅花引
心素由來仙令有烟霞壇石山前風氣佳便移
彭澤五株柳來就河陽一縣花

懷魯舜徵衡山

年少相逢在何所山東道上風塵語零落相思
今一時美人悠悠隔江楚一上春官垂廿年消
目無人私自憐此生薄相自應爾似子通材邪

詩

五卷 五

復然長安有懷未傾瀉迴厓峯前音不下忽傳
南嶽金簡文來振西方白蓮社空門酬唱老生
涯衡廬真作往來家有情身中無盡藏與子同
開心肺花

養龍歌送謝玄瑞吳越遊兼呈郭開府

君不見養龍之墟有靈窟雲霧晦冥龍子出首
高三尺長丈餘汗花如雲氣騰勃何因得入小

明王天與皇明受英物不可控御當如何囊沙

壓之初滅沒久乃馴習如遊龍清涼山中來九

重時平初行夕月禮一塵不動怡天容皇帝賜

名飛越峰煙綃貌取雲溶溶神奇會合自有數

沙苑萬里隨遭逢何得貴陽謝生美如此齒至

龍媒尚邊鄙亦有山東坐安石兼以采芝學黃

綺譚深具曉經畧材世淺安知遊俠旨江湘放

詩

五卷 五

客心盈盈吳越懷人春霍霍爲君一擊珊瑚樹
壯不如人今老矣君不見黔臺水鏡留青螺一
人知己將無多但是漢家天子遠相致辦作芝
房天馬歌

以歌代書答趙仲一

景清白血流真寧邦清吾友如其清欲留關尹
言道德稍知公子近刊名風塵兩度相携手吟

語悲歌一壺酒長安貴人方見知鄉里小兒亦
何有翩翩世故不可窮睨柱碎璧成英雄空驚
越客詛秦客未塋滕公得趙公有母閒居差不
惡無家古寺堪留客雖知世上眼難肯何得此
中頭遽白我今與子一恢諧爲民光景正須來
去官只有耕田手處世都無避債臺溫公袖中
誰所寫坐我不羈置林下一番西咲秦無人龍

詩

五卷

五

泉泰阿知我者

送周子成參知入秦并問趙仲一

十年偃蹇帝京春今日驪駒新入秦黃金橫帶
東門道容顏未老參知少長安陌上羅公侯驅
車策馬爭上頭問君何所苦富貴坎壈而長愁
自言平生歷落心好道摘白爲官有何好遊閒
上有滄浪天世上浮榮真可憐君不見清遠道

人官不肯教舞看經出窮醜君今向用歸何意
黽勉從王餞君酒一路春情隨宦情蓮華終南
相送迎有興真寧問天水醉後秦聲與越聲

李伯東使君寫萬竿烟雨

漪漪竹葉何清楚一半橫斜動烟雨此君濃淡
各有情林下人稀欲誰語綠延點綴墨花香別
接風枝雲漢長獨坐江天少塵事滿懷秋色搖

詩

五卷

三

瀟湘

東館別黃貞父

有序

乙巳夏小暑貞父赴徵儀曹過建武辭謁予
送之昶南東館適伯東參知馳書來別貞父
因以墨客所作雪景卷併寄予云午日別貞
父時江閣風雨寒甚因憶沈啓南六月添衣
畫雪次韻爲別貞父命予書其後追憶十年

前別貞父湖上正雪臺殿竹樹蕭然如此畫
中也因及之至如石田詩顛倒炎涼聊戲爾
又何今昔之感云

午日送客風雨寒參知凍飲留江干爲言沈周
曾六月醉起添衣畫雲雪江天曉閣爭黃昏行
人旅泊愁銷翹指揮墨客寫爲別天機偶發非
涼溫六月雪花吹不去冰玉相看宵難致不知

詩

五卷 三

東館是炎天憶別西湖有寒意

粒粒歌

米粒粒我所入不愛惜之真可泣書篇篇我所
箋不愛惜之真可憐何足可憐何足泣窖粟藏
書爭緩急清遠樓頭吟一場後輩誰開玉茗堂
無人解種豐年玉不作書囊作飯囊

送葉納廷令福山歌

池上芙蓉枝臨流映高潔豈不懷清霜幽意自
相悅周旋未云久忽此新橋別江南氣猶燠度
淮天欲雪今去何當行路難前來止坐催科拙
詔書絡繹行催科縣官踏促當如何男兒不肯
負心仰天嘆河陽海曲長奔波我昔彈琴括蒼
曲十載田園媚松菊稚子告予君欲行忽忽鳴
騶思出谷把酒搔頭臨近關鴻雁天高叢菊班

詩

五卷 三

年來有興蹈東海與君一望三神山

玉茗堂全集

臨川義仍湯顯祖著

詩

五言律

古意

春澹曲墀滋風輝遙翠時含情望朝日淥嘆在

新知鬱鬱青門道悠悠湘漢期玉壺起行酒廻

詩

六卷

淚濕青絲

九江送王元景之登封

匹馬歲將晏遊人多暮思廬峰天子氣緱氏僊

人祠客夢流鶯過鄉心寒露滋從來深意氣別

酒詎能醉

送華楚客歸夷陵

聞君有期吳千里暮能過草綠頭雲宅花深門

月沱春聲逐棹遠江色漾帆多別有啼鳥啼

琴清怨和

德州逢李道父觀察

太史南河盡朝陽東路行星辰郎位台煙雨嶽

雲平魯酒能香色燕歌到羽聲知君有奇氣長

揖漢公卿

河上送張明府

詩

六卷二

河朔秋將晚黎陽縣欲花鳴琴當夜色別酒送

年華白髮滄洲遠高歌雲漢斜經過鄴城下自

古欲長嗟

龍潭高閣二首

罇樹紅無地巖簷綠有江磔花低雨檻聽竹亂

秋窻楚瀝杯誰個吳歌榜欲雙崩騰過雲影過

池片心降

真州好風色曉發坐林曉岬巖升餘坪潭窺翠
欲氛蟬啼秋樹影漁唱暮江雲草閣何曾到蕭
然爲此君

第五子生

誕月多春色彌年得和音功名吾不免兒女婦
能禁繡葆花文重銀錢福字深從來湯餅宴仙
署幾迴臨

詩

六卷 三

送楊安入太原軍

星使三河外春王二月初風雲臨上黨花鳥入
昭餘閭近笳聲急川遙騎影虛世途君自見長
嘯欲何如

銅陵

向夕燕支峽遙分白馬看滄浪荷葉點春色鳳
心知邑小無城郭人惟有歲時誰憐江月影懸

弄五松枝

送袁生漢中

君去旬陽道初過明庶風
人緣汚上都尉治
褒中渚莢浮衣碧墟桃引幔紅秦吳千里色流
恨曉雲空

河林有酌

風亭移石竹爲客正開襟宿鳥過殘雨吟重傷

詩

六卷 四

積陰故心人不淺秋色夜方深便合丘中去相
招鳴一琴

初至江關

朔方空水陸南國自山川夜月啼飛鵲秋風咽
斷蟬宦遊長是客吏隱卽爲仙剩有青燈在鳴
榔上酒船

送歐虞部

秋興君能發詩名衆所聽登臨人共遠遙落時
初醒客髯過梅嶺鄉心到草亭遙遙槎上客知
作老人星

送客避難和州

歷陽江外望亦足小翻朝曉色連雲觀春香太
子泉胡姬初進酒劍俠晚尋仙未必逢津吏漁
歌起暮烟

詩

六卷 五

送客湘西

芳意自不淺湘沅蘭未稀爲君歡飲舞今日醉
言歸葉下秋生鬢潮迴月滿衣相逢問形影素
塘孤鴈飛

驚峰寺別季孟陽

幻色餘香細閑遊去未僧林塘接夜竹河慢隱
秋燈無明今日盡思愛舊人能欲向南朝寺酒

衣施講僧

對客二首

流泉亦可聽風色倍泠泠去住人難定登臨酒
易醒吟虫過暮雨來鴈響秋汀祇合蕭湘路獨
基坐竹亭

多年成散木此日更浮萍漣酒幽人至吟詩少
婦聽園林開夜色河幔卷秋星却憶鍾山隱時

詩

六卷 六

時問草亭

寄李少華

關門氣方遠華嶽道爲尊夜色仙人掌春星玉
女盆琴歌隱洞經枕席過河源今日長安客求
仙未敢言

題王逸人莊

金盤河色外石屋基峰西日氣草裏暗花光雲

映溪空巖人語迴簷經鳥飛低直置堪長隱
陂魚稻肥

送蘭道者往天台

地脉連湘曲天台圻海邊來霑清日影去躡紫霞
鮮雲日消春色關山流暮煙靈氛真冉冉
此挹神仙

出關至滄州阻風

詩

六卷 七

天路原非遠歸心忽渺然珠人遲泣海燕客負
談天積雨桺簪滯衝風舸纜旋同人深借問舟
楫在長川

江上送張七歸楚

白望繁簪見清時得菱荷雲霞江色背梧竹野
陰和世外何妨笑人聞忽自歌獨憐湘漢客無
奈醉醒何

送客歸岳州

楓隱號蟬急林開放鵲輕柳煙眠際穩江月靜
餘清夜色遙湘渚秋陰冷岳城遠憐洞庭水漁
笛與歌聲

過年

華年當此夕兒女足喧闐盡燭延親客長筵奉
祖先故情隨臘盡餘俗過江傳大小須饒醉平

詩

六卷 八

安詎偶然

高座陪達公

一切雨花地重遊支道林雲霞法塵影山水妙
明心境以莊嚴寂春當遠喜深金輪忽飛指江
上月華臨

懷張別駕閬中

別駕清如許還家南部郎雲霞秋色冷松柏晚

泉香縣小金牛路山幽玉女房琴歌春續迴相
憶在東堂

金陵西園作

西園興不極北嶺望如何天影隨長壁山光遶
曲阿杏花春作淺芳草暮情多嘆息荆扉掩餘
霞江上波

送客荆南

詩

六卷 九

鬢絲江海上更逐楚雲西客舍調箏女他鄉織
錦妻桂烟湘水綠花月武陵迷不道王孫草芳
春徒自萋

魯王孫

汶河春草色魯酒夜深情問字吾何有聞詩爾
亦清雨歸青社曉雲起岱宗平別有靈光殿時
聞絲竹聲

江樓送東粵翟先輩

樓上秋風遠城陰水樹微芙蓉低木末暝色上
林霏海燕涼猶拂江鳥靜不飛登臨澹無色還
似送將歸

白水園

微風生灌木落日餘清陰葉卷寒芳盡花虛文
靄深琴尊無俗意梧竹有清音莫厭高樓曉長
詩

六卷 十

聞猿夜吟

送周叟東遊

淒淒安所適云向岱宗遊海色天門曉松聲日
觀秋封中雲欲起泗上水還流莫作吳門望吾
衰亦孔丘

秋夜入廣別帥郎

江潭殊自嘆搖落未經知昨夜秋聲起相逢慙

悴時園林阻芳色河漢渺佳期起視浮雲氣蒼
梧不可思

將之廣留別姜丈

世事亦不淺幽期常自深風霞餘物色山水澹
人心一尉雲連海孤生月在林悠悠歲將晚隨
意惜光陰

秋發庾嶺

詩

六卷 上

楓葉沾秋影涼蟬隱夕暉梧雲初暎靄花露欲
霏微嶺色隨行棹江光滿客衣徘徊今夜月孤
鵲正南飛

小金山同陳潯州冷提運送軍府夜酌四

首

偶爾出城郭扁舟潮上時浪花寒雨釣林竹葉
煙吹過酒窓初濕鳴舷坐欲歛金山不應小暈

覺潤州移

嶺外無搖落江中有暮潮市樓懸入艇山閣倚
縈橋似小金山近無多碧海遙興來江楚客長
得夜聞簫

赤海中流合金山小景開帶雲看暝接桂瘴得
寒迴鶴迴吟隨去鷗輕浣欲來枕柳垂一醉微
月下池臺

詩

六卷 上

一官能自冷十月曉衣輕水市懸漁影山厨伐
竹聲杯憐柳子細酒得寄生清細雨炎荒外今
朝學送迎

渡羅廟

不到京洲驛來朝南海王虎門標赤氣龍閣動
朱光銅鼓聲滅漢金碑字隱唐炎池堪浴日今
夕看扶桑

光孝寺

菩提豈無樹天竺有靈僧色與波羅翠香隨簷
荀凝根芽初佛清花葉幾人能密意經三遠無
勞問葛藤

南海江

病餘揚粵夜伏檻遠雲煙閣道晴穿殿溪潮夜
出船時時番鬼笑色色海人眠船上兼靈藥

詩

六卷 三

生倘自全

出朱明觀

羅浮觀日罷出谷晚蒼涼輕去懸流寂峰過倒
影長美雲隨望盡仙草逐行香消息梅花月歸
舟興不忘

戲別冷提運

宦迹他鄉薄生香別署遙翠欹椰子葉紅動美

人蕉酒色寒猶興春心老不銷鹽花金老裏還
赴粵西邀

別魯司理

目送雷陽外心銷赤海旁壺觴薦落花木送
炎涼桂死何勞蠹蘭生應自妨少年能泣玉鄉
國似南漳

陳潯州

詩

六卷 十四

何自船同夕偏過酒涉旬明珠滄海客春色武
陵人草樹他鄉別風煙一處親清潯好白石吾
欲向棲真

國居示姜緒父

林塘有佳色長日自蕭疎靜覺懷春好喧知閤
世餘夢隨芳樹遠人去落花初冒爾滄浪外何
從爲卜居

送西陽掾

慷慨何爲者悠悠鄉里親
星華五渚瀟風俗九溪馴
煖獵隨南客寒泉應北人
黔中美花木知是武陵春

遙憶右武自蜀赴關西

關山渺何處江海一懷人
上路風雲氣初春楊柳津
王孫方去蜀公子正留秦
薄暮笳音起誰

詩

六卷 五

徊芳樹新

東莞江望白雲山

蘿靡番禺路清山間白雲輕
霄含縹緲叢菁出氤氲
迥接蒼梧影微銷碧海氛
安期留舄遠仙館若爲分

平昌送屠長卿歸省

神仙曾作縣君子遂名堂
竹色朝行酒鐘聲晚

隱牀西遊人未老南至日初長
那用登芸閣千秋辭賦香

鴈山種茶人多阮姓偶書所見

一雨鴈山茶天台舊阮家
暮雲遲客子秋色見桃花
壁繡莓苔直溪香草樹斜
鳳簫誰得見空此駐雲霞

七月念日移宅沙井八月十九日殤我西

詩

六卷 六

兒慘然成韻

乍有楊雲宅童烏得幾時
未知歌處所先已哭於斯
蘭玉堦何異熊羆夢亦疑
遶枝無淚盡不見舊巢兒

聞梅客生監軍二首

易與官除賊難知虜合圍
自公持斧出新築受降歸
按節毫毛落分旗燕尾飛
賀蘭山外雪初

拂侍臣衣

叛壘新兒戲降城舊忒胡材堪惟楚有人已
素無池上驄花馬臺中朝夕鳥先朝曾用水絕
地見陰符

送古萍歸百丈山

到來都是淚過去已成塵秋色生鴻鴈江聲冷
白蘋別離心草草重語頻頻莫待他生見還

詩

六卷 上

爲慚愧人

靈谷寺寶誌塔上禮望 孝陵遇雨

香塔幾由旬登臨物外身霧迷藏豹谷雲起
龍津定水流功德橋山合鬼神冥冥松柏雨曾
灑屬車塵

靈谷寺浮屠憶謝友可少小鍾山之約

畫塔連風雨芙蓉入杳冥藤垂翻雀影松偃

龍形法湧無量殿聲飄不住鈴懸愁聚沙處并
作草堂銘

戴師席上送王子厚北上子厚名渾然司
徒北海王公公子也有物表之姿昔人之
度潯雨來辭戴公平生不飲此日連舉兕
爵數度公笑曰吾之邴原也用原字贈詩
命僕就和

詩

六卷 上

去向青州榻來游白下門蘭言接公子草色送
王孫過雨催驪曲臨風寫綠尊不堪頻北首驅
馬獨平原

與郭祠部公廨避暑

鶉節非關暑龍光接盛筵北風疑是畫南署蔭
非烟凍飲何妨裸彈碁自可傳豫愁長醉後渾
飲水中眠

六卷 終

玉茗堂全集

臨川義仍湯顯祖著

詩

七言律

長至奉慰趙祭酒鄉思

東朝使節舊丰茸南國威儀盛辟雍獨嘆芳遊
塵蕙幄偶陪春薦入歌鍾鄉心梅蕊沐爭迸至

詩

七卷

一

日恩華且自逢太史今朝候雲物忍換仙氣卽
成龍

送何衛輝時喜潞藩新出

帝子新封接帝鄉何郎新命守河陽江花碧署
年光滿雲氣蒼梧秋色長內史未須秦法律朝
歌曾識漢循良人傳萬乘旌旗出總爲倚蘭是
國香

送王比部供奉採藥扶侍太夫人歸粵北

部故侍御殿中

白雲司發桂花叢綵袖承親碧海東潘岳宴林
逢令節沈郎行藥正秋風先抽美草占年樂盛
取菖蒲益帝聰竝道春祠惟坐嘯也能符遣及
花驄

已丑長至奉陪王趙二宗伯齋居有感

詩

七卷

二

侍從當年玉佩分長陪鍾律報天文南遊爲占
春曹日北望還書太史雲燭殿星華流宛轉鍾
陵雲氣接氤氲微臣自結迎祥履何限金門奉
聖君

懷帥惟審

帥行山陰有
萬經千山賦

萬經千山興有餘仙人署裏賦樓居只教卧病
常中酒莫道窮愁欲著書煙月西湖人唱晚山

川南國雨晴初相思兩地無相識待何處樂一
閑魚

池陽余立雪小時是尊吏部君請爲之字
以詩問予復有漢祠官風味否答之

山公臺榭卽逢君愛汝能飛字立雲秋浦兼葭
人自遠春江桃李思難分芳尊幾借清韶色妙
墨傳看錦繡文爲道碧鷄光影在漢宮誰許洞

詩

七卷 三

簫聞

北安門曉望

萬里神臯接帝丘祠郎齋祓奉春秋太壇帷幄
天臨幸高廟衣冠月出遊雲氣早飛僊蹕路星
河還向御溝流皆知北極朝宗美猶望南巡燕
鑄留

再寄帥思南

供奉園陵五薦新祠郎初占幽臺春也知歲月
能高隱無柰心情厭襍賓湖海浪談天下事湘
流還是眼中人何年對汝歌聲出金碧岩前醉
幾巡

龍雲卿花燭詩

江海晴雲接帝鄉曲臺今夕倍年光恰逢鳴鴈
朝陽滿並對熏爐夕艷長婦出繡衣門下史子

詩

七卷 四

當青髮侍中郎不知池上鴛鴦影肯向仙臺學

鳳凰

送王侍御以論耿公歸蜀侍御故吉州人

自是安成舊世家偶隨雲物映三巴吳兒自愛
彈文好楚叟新知物論譁盡舸江連巫峽雨繡
衣春作錦城花君恩未報難高隱剝取餘冠氣
觸邪

至日聞聖主深居有感

雲物徘徊宮殿閒
祠郎簪笏侍僊班
飛灰蚤覺微風應
聽樂親知淑氣還
萬里神光分泰時
長年子夜接鍾山
南都至日逢南至
傳道天心欲閉關

送杜給事入都歸覲

載筆何年侍省闈
殿庭今日奏戎機
簪裾曉送

詩

七卷 五

風雲積旌旆
晴開雨雪稀
洞浦花明人映綵
曲梁春滿鴈歸飛
祠郎薦玉君須入
會見乘輿載赤旂

送黃侍御出遷東粵暫歸洪都

侍御以論王弼州行

滿歲原知出帝鄉
誰言卽餞此年芳
春開積雪歸鴻滿
花入晴湖泛鵲長
仙井煙霞廻柱史
梅關消息到韶陽
高冠繡服堂堂去
恨不留臺竟

觸羊

夏至齋居理樂感鶴奉教有述

清卿院宇竹梧寒
金奏泠泠聽未闌
每嘆獨留玄鶴影
何來雙飲玉池瀾
非關聽樂臨涓水
爲許齋心拂漢壇
况復自公多氣色
羽儀今作素衣看

送伍大儀入都大儀舊知澧州是年冬虜

詩

七卷 六

入鳳涼

南國山川照夕曛
茱萸綠酒坐氤氳
烟波似惜湘沅晚
閨閣新愁河漢分
喜見天王朝十月
驚看太白下秦雲
江臯幾片閒秋色
并與登高一

送君

送越客

陪郎真得省朝參
年少相過不厭談
東署泛尊

溪月色西山別袂影晴嵐花枝路轉丹陽郭
草春窺愁女渾爲報倚門人漸老不應遊子滯
江南

送京兆郭公

公以立春日北
徵歸闕觀省

青陽雲出映風津少尹行春始立春正說舊都
遊鳳好何言芳樹聽鶯新南臺再出封章遠吏
部曾窺水鏡親今日掄才向邊急西征還擬太
詩
七卷 七

夫人

懷路輦昌汶上

僊郎賞勝逐年新猶記登臨送入秦幸好蒼黃
逢吏語那堪衰白障胡塵尚書起第人原重太
守還家自不貧最是湖南盛花柳烟波并作汶
陽春

送錢太醫歸東邑

涉江初唱越人舟別騎三山接勝遊梅雨潤
江關曉麥雲新拂漢祠秋衣冠署牒馳名得洞
經迴春採藥留見說家園能樹果年年仙杏許
人求

元夕送吳參軍上九年計

已逢人日勝於人倍賞花燈有百輪祗道吟歌
饒伴侶可堪尊酒寄情親垂來定不參卿老再

詩

七卷 八

入纔知久宦貧獨恨金臺醉公子留君真欲度
餘春

送史德安

同年年少卽推君才地爲郎出守郎列郡鎮珠
連大澤高齋倚葢動浮雲江邊歲月虛流賞漢
上風光好奇聞獨有玄湖秋色苦擘蓮時候與
君分

送吳竟父西歸過運司伯子

蒼兼白露清秦河年少芳樽玉樹歌別館春情
隨夜盡曲江秋色聽潮過吳儂未斷迷香徑海
賦能添出素波爲到故園梅色蚤可堪青鬢客
愁多

奉答朱方伯

青谿蓮社昔繽紛蘭署風流說使君蜀漢蚤迴

詩

七卷 九

清鏡雪秦關數候美人雲虛開貴竹移高榻爲
想平苗借檄文今夜籬門秋色苦懷人高唱月
中聞

萬壽節送顧郎中北上暫歸省長洲

愛子凌波已十年爲郎白首向江天家風自種
僊臺藥鄉俗能歌相府蓮乍可迎涼歸茂苑徑
須度暑入甘泉臨岐况屬天長節暫好朝晨玉

珮連

送趙舍人出守永昌追憶楊用修太史
永昌前宦蜀多賢都尉行邊復少年濁世幾逢
公子俊名家偏着貴人憐歸心片峽飛明月吏
迹連江洗瘴烟知到南中問流寓家家能說子
雲玄

送程中舍還朝

詩

七卷 十

薇垣清切羨中書鳳詔啣飛得自如別路幾逢
花樹密宦情真覺酒期疎江皋曉色侵行佩河
漢秋星轉使車爲報太常能吏隱葱陵長對碧
窻虛

大樓僧真這

銅陵山北九華西秋浦風烟似會稽入座但知
遊褐履參簾誰解對簪珪新叅漢時神光滿舊

宿花城佛影低爲憶年時歌吹晚月明乘醉下
青溪

問薛太學近洙

歸去橫林動一年薛君章句與誰傳經聲隱雨
初移榻樹色籠晴欲放船未許過家營外宅應
須對嶺矚新田清秋茗碗差饒興爲寄蘭陵石
上泉

詩

七卷 上

送熊茂客從汝歸臨川

面城新宅柳從遮綠竹池塘望汝家江上片帆
懸夜色水西春服淨雲沙榮華欲讓他邊樹因
果難分別種花爲寄橋門諸父老肯容陶令說
柴扉

送方比部北上

念年詞客幾追攀衣繡居然傲白鵬往往開帷

臨笛渚時時拄笏對鍾山生波片語應詢去
雨千林送客還同作南郎清讌少知君留待紫
宸班

送劉祠部視學南中

漢渚孱陵路不迷平夷秋色倍萋萋須過列郡
開神馬未許祠官問碧鷄文物自連交海北鄉
音半逐楚雲西諸生盛有談經興無事相如到

詩

七卷 上

若溪

戲李季宣

生憎一宿盡蘭橈官裡除身出董嬌着綻新衣
寧惹妬教成舊曲整看調菱花似月嫌雙笑柳
葉無風愛獨搖見說傾城難再得須拚弱草併
纖腰

送楊武選入都

定擬蘭尊逗夕曛那堪離思卽氤氲心半入
湖陽鴈春氣初深河岳雲自有恩華臨上苑幾
番精色動南軍請看扶道青楊柳賓從紛紜一
送君

戲贈梅禹金

藕花秋冷菊花殘惹盡垂楊興不關上客向歸
留佩語美人抽怨入琴彈山中月色忘懷易水

詩

七卷 三

上風心欲寄難衣帶到家應減盡還誰先得抱
腰看

送李于田吏部北上

微波木葉自繽紛雁影離心江上聞澹蕩平臺
過淥酒青葱別署有玄文遊吳並道人如玉入
洛懸知客似雲爲笑芳林恒獨賞明年春色會
思君

臘憶王道服南海

露冕曾當日觀峰繡衣風色起吳松江邊折柳
春難寄隴上題梅使不逢正朔臨臺青髮遠長
年泛海道心濃祠官大有清齋日爲報鍾陵紫
氣重

送饒司理順德

伯宗故於予不淺
各亢壯別去悲之

十年棲遯月明枝一日春粧蒞樹奇厚祿久無

詩

七卷 四

堂上老長貧多謝里中兒空思幅被通寒夏浪
擬緘書有歲時定過邢臺悲豫子聲音偏合友
人知

送來黃梅

燕雲如馬去江黃醉裏籠鞭點驕驪撲鬢柳花
吹雨色燼衣蘭草襍風香潛廬半入吳都盡江
漢遙分楚塞長爲過蕪城須縱酒此中幽恨卽

難忘

贈趙司理池陽

關霧晴開山翠微風塵笑拂行人衣
吹絲碧草蝶搖映點樹襟花鶯亂飛
客子燕歌思獨苦美人趙璧傳相輝
歲華隨意有春酌江上芙蓉歸不歸

送劉貽哲出餉宜府因携少婦過汝南歸

詩

七卷

五

華山續婦

懷人促別思紛紛錦帳青臺醉欲曛
雪唱自傳孤鳳曲陽和初入九龍軍
春歸草色雙嶠雨家住芙蓉半岳雲
獨恨汝南劉碧玉也持西喚逐夫君

劉君東下第歸西昌

萬里乘春幾度逢每逢相見不從容
燕臺自說

空羣馬僂縣何當起二龍風定擣砧
落木葉月明歌棹倚芙蓉看君未有
清寒色湛露零空酒正濃

和答帥恩南

春鶯出谷草萋萋關右傳書喜欲迷
東箭晚隨霄漢北南冠今滯夜郎西
叢臺氣色連滄海淑浦風烟接朗溪
具道故人能鳳舉那知郎吏欲

詩

七卷

六

鷄棲

送張蓮濱出周

張君雲川人其尊公名御史大夫也

白蘋風色起吳中僂令飄飄赤縣東
醉看幅巾宜畫史閒抽寶瑟付青童
漳河樹影邊陰盡碣石蓮開海色空
便合政成歸瓊轡漢家知有舊乘聰

答君東天津夜泊

津館蒼茫別未曛
滿簷秋色爲思君
風生浪海連山霧
月落長河半樹雲
欲瞻動尋千日酒
待香真惜十年薰
如何咫尺關南道
只似江空與鴈聞

聞蘭谿令謝客戲贈

積阻風霞滿大鄣
河橋春色迸垂楊
桃花片峽迴龍影
蘭葉深溪飲馬香
日氣遠銷金碧路
風

詩

七卷 七

光半在紫巖鄉
從來僊令多遊覽
漫道鳴琴不下堂

書郭武郎畫扇

冰雪汾陽下越鄉
幅巾春雨憶遊梁
曾從粉署移僊尉
似借籌邊入武郎
珠客淚綃分海色
玉人裁素寫秋光
愁予獨唱高齋夕
月露風多河漢長

送林廷任之進賢便歸閩省

神君出宰謝林巒
鼓角乘秋入建安
待唱白雲留客醉
卽看青雪照人寒
江聲暝合風雲路
影晴分日月灘
莫便河陽嗟宦拙
爲儒初着進賢冠

送劉子極歸餉蘭州

劉生西笑出蘭州
餉道封軺卽畫遊
鴈勢連雲

詩

七卷 八

侵岳影蟬聲隔樹
見河流龍門泛雪
誰邀賞騎省吟秋
我獨留生長羌中
慣橫笛落梅疎柳
詎關愁

于中父餉薊邊便歸金壇

雲陽僊吏玉青葱
泛酒蒸桃不再同
少府金錢行餉北
長城旌吹護歸東
秋出馬色河流外
古戍蟬聲木葉中
日近薊門邊候遠
幾人長劍在

送同鄞縣

座師余相國家鄞也嘗便道歸湘潭省其兄方伯震中君

秋盡明州見海槎郎官星裡帶長沙並遊蓮府
看偏入暫向薇垣去莫嗟谷口鳴騶開積霧潭
心側棹倚輕霞佗山一種河陽色并是清湘棠
楸花

送王當世理台州有懷天台勝寄乞縣不

詩

七卷 九

果偶及

帝城風彩日飄飄君向中台躡絳霄避暑早辭
河朔歡迎寒初下潯陽朝春旌氣色溫陵近秋
筆風霜海國遙肯借章安容岸幘不妨吟望赤
欄橋

蔣蟄父宜春以文履繡胸留別却謝

出谷鶯啼思上林美人持贈惜離心雲鳬朔映

文章重鴻勳波開彩翠深平楚風煙銷別酒重

春花柳待鳴琴知君盡舫歸朝日長聽潺潺清

綠陰

寄馬長平理廬州

登高送目海雲東鳴鴈秋生碣石宮小吏廬江
看執法諸侯泗上待趨風鄉心欲賦梁園盡別
騎纔嘶漢苑空不惜放歌今夜好與君千里月

詩

七卷 二十

明中

虞惔然在告

琤瓏浮闕定星光河漢風清有法章秋水岍移
新釣舫藕花洲拂舊荷裳心深不減三年字病
淺難銷十步香剩有閒情堪弄月西湖竹色未
應涼

送李蔚元扶風

玉華僂李種原奇
曉映河陽花樹枝
物色舊逢關令語
扶風新許漢庭知
秦中過洛歸非遠
臘裡逢春去莫遲
獨嘆文園多病客
茂陵衰草欲同時

送王正之宜陽

王郎家世出河汾
似湧龍泉氣不羣
晉代衣冠逢妙日
洛橋車馬候晴雲
春光拂綬何年會
曙

詩

七卷 王

色啣杯此夜分珍
重城南舊分陝百
年棠樹正氤氲

送王淑父理廣平有懷馬長平

輕拋少室踐雲除
見說衙齋好讀書
物論幾年推蘊藉
宦情今日喜蕭疎
人行涿野砧聲外
雁繞漳河木葉初
蚤晚邯鄲應駐節
馬卿原愛蘭相如

送長沙易掌故

秣陵煙雨片帆收
燕子江邊一醉遊
白石滄浪隨意晚
青莎綠樹幾人留
星光夜發長沙渚
雲氣春銷古玉州
舊愛楚騷應暫掩
由來此地易悲秋

送沅州衛叅軍懷計辰州帥思南

叅軍萬里赴沅辰
玉井丹砂與護身
人吏到州

詩

七卷 王

看漢節鬼方爲市
有鄉親黔陽太守
徵書晚徼外書生
碧草春卧向武溪
殘笛裡始知爲棧
更宜人

懷姜宣城并贈馮易州兄弟

春遊曾入謝宣城
見說馮家好弟兄
閣道飛霞延夕賞
水陽鳴雁送春聲
久無長袖能留客
暫有高歌可和卿
幸好燕昭舊池館
幾人來去得

攀荆

送朱應春平湖

御溝垂柳餞金羈年少爲郎事事宜醉倚蜀絃
歸去晚閒歌越棹放行時春開雨氣隨龍母秋
盡煙光識鳥夷取次花邊一留賞君看墨綬已
如絲

送盧少從馬平歸東粵

詩

七卷 三

難將試劇比投荒二廣風煙似一鄉雪署送歸
歌宿莽風津奏發傷垂楊沾衣海色昭潭盡遶
騎春光鬱嶺長會見府朝收迹遠握中懸壁自
生光

送林志和巴陵

棲鳳城南散紫氛雲陽宮北蚤離羣晴枯碧草
占春色醉濕青裴動海雲梅嶺襟花健漢吏紫

壇芳月映湘君清清最愛滄浪水風定漁歌入
夜聞

送陳仲道餉延綬歸嘉定州

司馬西遊賦筆閒相將蜀道出秦關鄉心歷落
焦原上河色蒼茫斷磧間騎影甘泉魚乍躍塞
雲高館雁初還海棠香盡歸休晚解道峨嵋似
遠山

詩

七卷 五

送陸震卿大行祭韓藩歸吳

碧海初消玉樹煙陸雲風色最冷然王人素恰
東堂會帝子珠衣北地傳隊露盤中開日影款
冬花裏送春年星軒到處堪留賞莫負周旋路
八千

送李獻可賣馬價薊門便携家歸華山

李君同是沈几
軒先生門人也

休文池館映青衿每話三秦動我心騎省畫移
官樹綠客窻秋夢岳蓮深佳人竝操歸鴻曲
士先馳買駿金爲過薊門東掖望馬蹄冰雪正
難禁

送王明府赴華州因餉兵寧夏

來去家門路六千朔方還寄華西偏春風旅
臨邊草夜雨歸心染岳蓮宅近關門宜謝客國
詩

七卷 五

留郎署足棲賢還朝若問鳴沙戍自有秦陂漢
渚泉

送楊太素中書出祭趙府

春官玉節付羣才獨遣楊修鄴下來襪被自留
琴客語離筵偏爲酒人開梅風曉角催寒送花
月春帆截浪迴見說趙王能好易相過應不話
叢臺

和答南城梅公

紅泉碧磻舊仙壇曾盡梅真幾日懽城闕署歸
春醉晚石門人去鳳飛殘山中月氣清蘭佩河
上風流映竹冠獨道丹青能長價十年初入漢
祠官

送牛光山暫歸涇陽

嵯峨西嶺映參差小坐高鶯出欲辭獻歲客殘

詩

七卷 五

同署曉兼春人憶踏花時池陽荷鍾分新雨煙
水橫琴寄晚興仕宦向來多曲折君心惟有直
如絲

奉懷羅先生從姑

杖底山河數點煙真人氣候鬱羅天蓬壺別貯
生春酒京洛傳看小字箋鶴淚月明珠樹裡漁
歌風色杏壇前也知姑射能冰雪誰道汾陽一

竊然

送譚侍御歸茶陵

侍御疏閣中故有絲綸簿爲大瑞竊去觸瑞詔

肯切責問出何記御史臺爲言竟謫歸

惠文冠影正冲飛自點秋霜拂繡衣江漢有人雄
畫省絲綸無簿愧黃扉遙帆半落湘雲盡疎磬全分嶽影微
不道清時容卧托草堂猿鶴似依依

詩

七卷 七

送伍給事謫萬載丞

年來清奏出陪京每向秋江送客行給事舊從關
令尹爲丞新失漢公卿星通百粵蠻差少地接長沙濕較輕
自是世情能物色不妨黃綬去逢迎

江上逢龍使君話沅辰事有嘆

繡被同舟可奈何萋萋吳楚舊經過秋風北固

留長嘯夜月南飛入短歌涉世始知愁
江真作苦情多深不莫話壺頭事浪泊迴爲看伏波

送魏光祿便過歸覲

光祿前爲侍御時哭其弟茂權

幾逢清論得深過爲喜迢遞柰別何子舍春懷難
自淺人琴秋恨不宜多青驄氣色連三署鴻鴈風聲隔九河
盡道太官無可獻梅羹今日在

詩

七卷 八

調和

聞姜別駕守冲遷守不知是瀝是貴問之姜君前戶部郎以忤江陵相謫

潮落錢塘秋雁飛荆南遊子露沾衣爲郎白首遊湘岸別駕經年在海沂似向點蒼分雨色可當金筑散晴暉知君不似南中估要使人知漢吏威

送王可大遂昌

鳳起吳閭向越飄折風高闕映岩巖郎官墨綬
纏星氣僊縣蓮花背海潮琴曲夜聲雲母碓農
歌春影碧欄橋看君瘦骨能輕舉爲候飛鳧入
漢朝

送葉鹿吳明府

君家名德稱清華此縣幽奇似永嘉僊令出關

詩

七卷 无

分雨露才人作伴領煙霞疎山月落晨趨郡福
水雲深晚放衙風俗舊多遊女思不勞城上更
裁花

寄右武滁陽

奉常東署黯離居賓從逢君興有餘夜館聽歌
迴騎曉春城中洒落花初山當柱笏時看馬客
過濠梁獨羨魚最是隔江楊柳色鄉心那惜數

行書

送黃觀察雲南

觀察鄉親
多南中賈

北門都水歲清寒萬里南雲映法冠乍許鄉間
來問俗獨憐妻子不之官秋山月落雲旗出絕
徼花當露冕看見說南中稀酒米數杯行色爲
君寬

赴傳觀察宴先向西城夕眺

詩

七卷 三

新懽折簡赴西城戶屢猶虛左席迎暫去樓中
看夕影颯來池上聽秋聲山光積翠晴猶拂露
葉流珠晚更擎月出定知陪一醉恰留懷抱與
君傾

約謝吏部先九日同令弟友可伍山人仲

元造池上

謝郎高卧聽西池樓外風翻滴露枝道有山人

能勸酒不妨家弟一圍碁三江白雁來何蚤九月茱萸興莫遲正恐登高見籬菊落英先發楚臣悲

新歸偶興

越江初服映春絲深院爐香隱几時雨氣夜薰青菌出煙波晴浣白鷗知道遙正自投窮髮混沌何須與畫眉最好東陂事田作農歌幽谷遠

詩

七卷 三

相宜

雷陽初歸別樂少南文學文學故從其大
人之燕歸青雲峰讀書談予所居北垣迴
武曲東井映文昌爲勝漫云

偶然橋外直星文萬里春銷瘴海氛有客聽歌
來淥水幾年栢見在青雲芙蓉小築秋將老菊
蕊孤尊願欲醺却笑黃金臺上客汝家那得望

諸君

約造謝家池不果高卿便有和作復次韻
何曾一造謝家池想像黃花發幾枝漸老荷香
須送酒兼清竹所隱彈碁落葉夜催蛭候蚤遠
天晴覺雁來遲登高發興尋常事未必山川使
我悲

詩

七卷 三

高太僕九月三日天水姬生第八子戲贈

沙井熒熒映子星時維九月自生明春秋興欲
來高子遲慕心知有趙卿秀發芙蓉人就館清
歌子夜月臨城香杯正滿東籬菊爲看成林桂
樹清

八日謝家池宴二首

已覺秋光滿戶庭芙蓉一朵正清泠簾前夕照
煙霞紫座上林霏帳幙青袖拂暗香荷葉徑杯

搖明月水心亭不辭爛醉黃花枕明日登高也
似醒

莫悲桃李散春煙且向西池學採蓮客興浪隨
碁局點秋香那惜酒杯傳花開木末紅宜笑鳥
下波光白可憐是好登高趁明日遠山洲渚正
晴天

九日城樓宴卽事

詩

七卷 三

菊花高節晚相邀靈谷紅泉氣色遙睥睨東樓
連桂館軒轅北斗正星橋金燈映月寒猶薄紗
帽臨風興欲飄歲晏崢嶸一杯酒恰逢搖落聽
吹簫

小閣

新秋小閣淨炎氛徙倚歌聲隔岼閭郭外青山
纔薦爽坐中芳草莫辭薰煙空雨色搖斜日江

迥芙蓉度彩雲竟日淹留那不極白鷗秋水正
爲群

西陵夕照

紅泉碧磴舊追攀臺榭參差金石間海色乍收
天外雨晴光忽動水邊山清秋積翠雲霞淨盡
日幽芳歲月閒爛熳尊前隨意晚欲乘明月弄
潺湲

詩

七卷 三

送何生海寧僧歸寄青陽諸弟子

懶向平昌一放衙昏朝隱几是雲霞何妨客醉
僊人館只似僧來施主家獨夜月中思桂子幾
年江上數蓮花春光入坐能多少未必扶風冷
絳紗

送於掌故宰彭澤

香爐晴色映江關鹿洞花深講席閒望氣可能

遙令尹折腰須是向人間經知彭澤天多水坐
厭平昌月滿山向後登高一壺酒不知叢菊幾
回班

送周掌故遷掌寧都教事歸千越與彭澤
於明府同西

平昌紫閣映青牛石碓雲春夜幾秋拜命喜同

彭澤宰之官能得故鄉遊雙江雁泊涼初起七

詩

七卷 五

月驪歌火欲流曾過寧都美風物此中多桂近

炎州

麗陽十憶

翠潭

括蒼蒼色正江南下有嬋娟百尺潭似與空明
沉翠碧應開劍影映晴嵐寒餘洞壑生煙渺雨
過墟原暮色含獨嘆侍臣青鬢晚春衣點染思

何堪

青室

曾羨軒轅架玉臺鬱葱佳氣與徘徊簷樞舊向
垂蘿密戶牖新從鑒翠開便學東華流霧靄何
如少室倚莓苔生香更借芝蘭色天影空青許
看來

桃源

詩

七卷 五

括蒼山裏一桃源似楚桃源較不諳春色也知
浮澗曲美人還似憶湘沅不知晉世今何得欲
向天台未敢言蕩漾東南好溪水折腰終此寄
田園

竹嶼

也無孤嶼似江心祇是崔嵬寄碧潯箭竹迴臨
星瀨曉括蒼分與慶城陰春如鼓吹山明翠秋

似瀟湘水氣深曾住縉雲古僊子此中長嘯鳳
凰音

栞石

東溪一枕隱飛湍青碧栞床水面安色映湘靈
閒弄好韻深方響欲浮難波間激玉清誰訴洞
裏流泉冷自彈日暮更爲金石奏迴風吹作水
僊寒

詩

七卷

釣磯

一片清寒大好溪好溪真有釣魚磯應須咫尺
通嚴子只似尋常在會稽莎芷雨飄垂柳岬釣
絲春惹落花泥無緣更直江潭客白鷺時飛到
竹西

虛廊

小小逃虛向赤霞連廊千步亦無涯簷前細雨

山寮竹檻外長飄水碓花四注空濛雲下宿一
方清冷月西斜深歌響晨曾誰到來去蕭蕭說
群鴉

響澗

溪惡何須到永嘉高灘勢作鴈行斜崖泉隱枕
吹寒碧山溜迴春吐紺花避暑煙雲流漱玉入
秋風雨帶鳴沙蕭疎靜日松濤起長似高齋聽

詩

七卷

煮茶

峭壁

增城大壑幾曾逢積翠搏空此路重挿地似應
連海影垂天真欲礙雲容晴籠薜蘿朝煙滌滌
折苔班晚氣濃咫尺飛禽不來往何人面壁正

東峰

峭巖

海上歸雲下石帆
嵌空留此夜明巖
幽生洞壑愁龍語
迴轉餘花覺鳥啣
倒影暫能熒翠碧
迴風長似入松杉
闌干溜迹封苔遍
道有天書在玉函

玉茗堂全集

詩

七卷

五

玉茗堂全集

臨川義仍湯顯祖著

詩

七言律詩

送連孟準餉薊暫歸禹州

中高片壁自連城
得侍同門望不輕
鶯集共憐

芳月飲鴈來翻作
苦寒行崆峒絳節
朝雲拂渤

詩

八卷

一

海朱旗夜火迎並
道魏我簪筆裡長
河襟帶潁

流清

送徐司理金華司
理時以縣屬相戲
及之

天臺斜月醉初厭
起見雙旌拂畫簷
陌上風雲

籠去馬越中山水
鏡行幃香吹梅渚
千峰雪清

映冰壺百尺簾道
有泉源堪種秫只
應留著醉

陶潛

卧邸寄帥思南

卧病高齋倚葛巾
陌頭何地著清真
畫長門簿
添過客
支短憲
紗減侍人
西郡酒泉那
可乞南
城水并復無
因惟堪夢裡期
心賞竹箒花溪過
酉辰

送劉襄陽

百花高宴兩留連
五馬行春二月天
耆舊到時

詩

八卷 二

分吟語遊人偏處是
山川南行趙國邊
陰盡西
望巴關楚澤連
莫學君家前郡牧
福衡相見不相憐

送戴萬縣

桂苑香銷碧樹秋
彈碁尊酒興難酬
那愁萬縣
之官遠
自愛三巴景物幽
雪色鴻冥開臘騎
江
心魚復浪春舟
安鄉最近神靈雨
并作隨車苗

麥秋

送吳太原

才名真作漢田郎
十載懷君江水長
自擬斟前
陪漢署誰令剖竹動河梁
恒山郡勢連襄國
孟
渚鄉心隔太行
今日延陵真適晉
聽歌聽碎思
難忘

送胡生

詩

八卷 三

寒貂易水過冰漸
抱劍懷書去莫悲
折柳灞陵
聊盡醉落梅羌笛未禁吹
揮戈見說迴雲氣
疊
鼓聞經破月支
歸去陌頭看傳鄧
東方千騎亦
男兒

京邸移居留別
比舍錢國賢沈胤盛二兄
喬林春鳥接宮墻
道是錢郎并沈郎
庭翠便成
交讓木窻虛暗度
辟寒香
顏公醉謔寧妨靜
頤

憶聽歌不厭長別去那堪重囁并曾從東壁舊餘光

送徐敬輿浮梁暫歸蘭溪省覲

寒郊煙影散春旌列宿河梁昨夜明劉向早傳
蘭署業阮咸堪醉竹林情舟經浦口齊雲宿縣
到池灘遠月行不用蘭川將酒去玉甌春茗會
人清

詩

八卷 四

送殷無美夷陵

桂樹山中難久淹喜從京國動行幘鄉心送客
河淮盡風物爲官楚蜀兼岸隱竹枝歌裊裊峽
連明月映纖纖才名四十宜公府長笑君家短
後髯

送吳司簿朝朔上都

長年美氣動天正玉珮全充使者行謁帝早辭

陵下路先春人切去時情鷄聲北闕雲含曙馬
首西峯雪似晴爲道寢園初薦酎奉常原重漢
西京

范敬之醉後有深語醒之

江上殘潮氣不平過逢郎吏得藏名沾花夜雨
留懽醉搖蕙春風起怨情過恨杳隨彈劍盡投
心差覺報珠明蕭疎半榻天河語長見棲鴉接

詩

八卷 五

鳳城

夕讌吳駕部署中

銀燭驚風颯玉盃盞齋餘乘興一過陪松間薦茗
厨煙近竹裡彈碁幔影開客思旣闌能賦海鄉
心吳會欲登臺懸愁十月歸茗水犯雪同誰看
早梅

送陳司勳兼東魏見泉李于山二吏部

勳司奏績自河陽相送那關吏部郎大有旌旗
臨別館可無盃酒盡同鄉新波泛鷁蕙楊色舊
路乘驄首荀香幸好洛橋名勝在肯將花鳥逐
年光

送何仲雅入對

置酒臨臯拂纜斜參差鳴鴈起晴沙休教興淺
青門柳卽漸春深紫禁花三殿雲霞邀麗藻六
詩
八卷 六

朝人物映輕華郎潛未說江南好遲汝乘軒一
過家

送梁興古暫歸東莞并寄袁萃霞貴竹

每聞深論欲過從恨別靈山幾萬重瘴嶺人才
多伏驥清時選法似圖龍鄉心自試檳榔驛客
路還過紫嶺峰更說白人能賣劍不妨樽俎勸
春農

送汪雲陽計部賑秦

中原岐路出三鴉獨夜星軺望五車歲氣未占
河上草春情難繫洛陽花西都陸海從誰問南
部風煙亦自嗟爲報連城諸從事好將金粟到
人家

送路華昌

名都太守出三齊人地風華映執珪曾過汝園
詩
八卷 七

春羅羅幾年吳署草凄凄干旌半拂花池柳佩
印全封紫水泥賓舊宴餘留綵筆相思無那隴
禽啼

送徐目廳歸越

畫舸悠悠簫鼓聲石蒲尊酒映人清坐隨明月
江中賞歸向山陰道上行暑路獨宜驅傳早涼
園初稱舞衣輕祠郎亦有鄉關思爲報還曹及

早鶯

送蔡體言儀部入都

佳辰上巳與清明花氣雲陰清客程纔向舊都
深禮樂每當高宴出才情爲郎未覺遷鶯早奉
母將邀刻雉榮極望芳臯倍惆悵送君行似送
春行

七夕送張計部西歸

詩

八卷八

久從京兆出江鄉秋興能過漢署郎高韻隔離
纔佇賞疎花別墅稍聞香衣冠勝氣留南國站
杵鄉心入太行無事佳期逢七夕偏歌遊子上
河梁

漢西門樓春望

江開風烟積望遙縈迴花鳥屬春嬌誰令澹蕩
起共惜氤氳淑氣飄巧笑步歸沾暝色遠

帆飛落映晴潮青軒露靄臨桃李琴自金尊行
此宵

送錢用父常州歸覲

玄湖憶暑發雲霞旌旆翩翩出二沙浪說故鄉
同宦侶那堪尊酒送年華驚春咲拂河陽柳入
洛回看江上花他日高齋能憶汝蘭泉新試舉
溪茶

詩

八卷九

送徐士彰諫議辭越憲歸宜興

君歸不作老明經似有封章在漢庭忽報天台
行部遠却憐陽羨故山青香添畫閣傳經罷雨
洗春泉宿酒醒莫厭此身如病鶴年年清迥憶
江汀

送趙國子倅湖

大水名鄉里賢西山秀壑清雲烟並遊南

歌風地爲想春江泛月年芳樹送歸臨極浦梅
花須折向長筵不知松雪齋中帖還似餘波照
雪川

齊山秋眺

相國風流出刺年池陽幽色在南偏烟華欲暗
蒼龍峽石笋長飛齒菡萏泉洞經芋絲還自出亭
堂蕭瑟向誰懸祗應遊子登臨意長帶秋江雁
詩
八卷 十

影旋

永嘉送客遊金陵便謁王恒叔參知濟南
江上移舟汝亦聞能來幾日思離分高歌欲下
龍翔雪遠勢如飛雁蕩雲遶夢落花消雨色一
尊芳草送晴曛遊人自說江南好直是東方有
使君

縉雲仙都朝陽洞

西望雲霞近括蒼層巒洞經起朝陽天衣炫碧
搖晴色丹竈流珠飲日光上弄鸚鵡鳴連赤海中
峰樹影帶扶桑軒君正作遊華夢起視咸池鬢
未霜

送宋崇陽暫歸廣漢

可中風物半臨湘冉冉飛鳬別鴈行雪色西峰
含照久歲華南浦逗歌長新將家口過明月且
詩
八卷 十

醉離情傷夕陽搖落未須憐宋玉蜀絃春拂楚
明光

過曾贈公舊宅時參知君如春在秦

天語春過紫鳳飛廬江太守信瞻依因通筆墨
稱才子自展盃盤借落暉獨弄那嫌交態淺同
遊初覺宦情稀沾衣一夕高堂淚公子秦川客
未歸

平昌得右武家絕決詞示長卿各頃泣不能
讀起罷去便寄張師相感懷成韻

哀響秋江迴鴈聲雨霜紅葉淚山城年來漢網
人難俠老去商歌客易驚貝錦動迎中使語衣
冠誰送御囚行長平坂獄衡星起可是張華氣
不平

和劉季德平昌一益樓撫琴贈別

詩

八卷 十二

爲領佳山到却回石門南望卽天台鄉心度嶺
梅難寄秋意登樓鴈欲來疎竹風泉長自遶一
燈花雨向誰開祗應拂拭江湖外浪柅琴歌酒
數盃

寄樂石帆儀曹

鶯逗湖南烟雨慳吳江夜語孤舟閑山深薄酒
易醒醉天遠輕鳬難往還作縣真如懸度國遷

官欲似飛來山子公帝城能憶否下馬常眠雙
樹灣

送姜耀先寄懷周臨海

偶爾封書去海涯烟霜長是惜客華卽知張緒
當年柳正作河陽一縣花堂上琴聲淒綠水樓
前巾幘起朝霞思君欲似西園語相送河橋日
未斜

詩

八卷 十三

卽事寄孫世行呂玉繩二首

平昌四見碧桐花一睡三餐兩放衙也有雲山
開百里都無城郭奏千家長橋夜月歌攜酒僻
塢春風唱采茶卽事便成彭澤里何須歸去說
桑麻

偶來東浙係銅章只似南都舊禮郎花月總隨
琴在席草書都與印盛箱村歌曉日茶初出社

鼓春風麥始嘗大是山中好長日蕭蕭衙院隱
焚香

達公舟中同本如明府喜月之作

世外人應見面難一燈高興石門殘生波入檻
浮春淺細雨橫舟濕夜寒彼岸似聞風鐸語此
心如傷月輪安不知天上婆娑影偏照恒河渡
宰官

詩

八卷 十四

郝永嘉談處郡佳山水欣然

一郡高居接少微郎官星裏送餘輝江天直下
雙門近海寺東來萬法依洞滿朝陽雲乍起樹
懸春雨鶴初飛因君得附雙鳬影未笑吾兼吏
隱非

甌江別鄭生孔授時生可諫朱生九綸輩

少年何意得追隨夢到琴堂亦自疑江寺龍翔

眠雨夜天台鴈蕩聽泉時留連世路青雲曉
漾春波白鳥知他日柴桑歸醉後筇與相伴五
男兒

孔授人歸寄聲吏民

好在平昌舊吏民如今江表一閒人承明再上
三年計列宿曾班五度春戶外烟霞迴簿領琴
中山水寄情神林田種後何人醉長笑先生漉

詩

八卷 十五

酒巾

答周松陽

長松冉冉月紛紛夜半留琴奏水雲夢去河陽
花似遠興來彭澤柳初分冠拋那用題神武飯
足誰教到廣文最是折梅春棹裡相思時許和
歌聞

答范南宮同曹尊生

南宮幾歲得爲郎曾伴飛鳬入帝鄉薄莫縱歌
燕市酒青春如坐少年場萊蕪作令堪誰語子
建爲文亦自傷况是折腰過半百鄉心早已到
柴桑

戲答平昌建亭之問

墮淚書開淺亦濃訟堂春草碧茸茸看山忽憶
排衙鼓玩月時分出寺鍾政與棲鸞同恍惚夢

詩

八卷 十六

因爲鳥得從容何當更說征南事陵谷蕭蕭有
得儂

初歸東高太僕應芳魯岳伯如春

幾年清夢有長安不道臨川一釣竿雲路試留
僊令鳥泥丸初着遠遊冠樽開竹葉風前笑檻
點花枝雨後看直是故人拋未得欲開三徑與
盤桓

憶虞德園初去官時作

風光趁逐有情神樹遶花飛欲墜茵便作掛冠
成下品也應高枕惜餘春山資自覺妨賢久旅
食何當發興新一棹西湖舊烟雨蓴絲菰米最
宜人

憶黃貞父并其高弟羅玄父孝廉

北高尊酒與淋漓映漾黃家千頃陂紫氣山中

詩

八卷 十七

雲卧久清寒湖上雪歸遲秋風客思尊千里夜
月天香桂一枝爲問羅含春好在後堂絲竹醉
同誰

次吳本如言歸

五柳初歸髮已班折腰真是強爲顏早知負郭
實遊滿得似關門令尹閒風散墨香詩卷淨雨
吹花落印牀慳猶嫌太史占雲朔肯放僊鳬倦

鳥還

送王性凝叔彝還肝并問登州王使君

隴麥離離朝雉鳴偶然幽谷兩鶯聲鄉多載酒
來青舫年少遊仙自赤城彩筆夢移波浪穩長
廊春送雨花晴因風一問蓬萊守曾傷麻姑清
淺行

送傳觀察以故重慶起監平播軍

詩

八卷 十八

卜築原知傍列星幾年菟夢憶丹青兒童舊愛
巴人舞神女初過楚客醒遂有風雲生絕壑豈
無車馬係離亭鄉思錦繡州前月肯寄書生銅
柱銘

傳參戎朝鮮過家有作

提戈萬里到林胡袍血初乾寫戰圖雪意滿空
貂拂座秋風入塞鴈啣蘆扁舟小隊趨懷玉並

酒高臺傍鬱孤忽憶書生舊投筆與君提碎
珊瑚

送劉參藩寄問東莞覃見日盧海嘯諸子
曲江春老賦停雲病淺臨風一送君暫有公榮
宜對酒那堪孫楚卽離羣高餐露菊逢秋盡細
語霜鍾入夜分更折梅花問耆舊羅浮清隱最
相聞

詩

八卷 十九

同黃孝廉太次懷戴司諫廉海

戍客名標漢柱無武陵悲曲寄門徒應疎雨露
過梅嶺長憶秋風入鴈湖地氣遠看猶戴斗天
心難問欲還珠直恐登高易顛顛木蘭陂上片
雲孤

送葉梧從嶺海歸獨山

幾從山縣聽琴聲君子堂中禮樂清老去一官

成浪迹客來千里見高情梅花嶺外裝仍舊
鴈春歸別未輕向後獨山風雨夜相思時有夢
鬼驚

葉特陽歸書以期之

山歸百事總忘情獨有恩仇氣未平壯子殤來
竟易斷微官拋去路難行三年兩度同悲喜千
里孤征看雨晴得借路符堪往返獨山秋有鴈

詩

八卷 二十

來聲

爲亡遠謝平昌諸弟子

憶別絃歌泣鴈行楚山鬼夢亦蒼蒼將攀滿縣
花同發何意吾家桂卽亡半死三聲無淚續千
秋一些有情傷不知向後三生石能更杭州一
斷腸

送朱山人元芳赴總河千總李公之招

遶天江色到窮崖書記翩翩動客懷但去雲
堪截海相思紅藥正翻堦傾心座上河筆別
興壚頭拂袂釵自是公門能醉客麴波春送酒
如淮

送豐城游先民宣城訪禹金

閨與殘春三月三恰逢遊子思江南盃香曲泛
桃花水寶氣橫飛劍影潭隔座爐煙分笑語孤

詩

八卷 三

舟瀑雨過晴嵐年來最憶梅真子浩唱間敲碧

玉簪

送胡元吉饒陽

五月驅車亦自憐三回來別見周旋雖貪絳帳
無多日自是文章美少年片月夢回青雀舫好
風歌送白華編芝山秀色年年賞容易秋光玉
茗前

送宜水鄭青陸歸甌寧

端居長夏思紛紜鄭谷遷鶯遠聽聞半榻好風
吹海色一尊疎雨過炎氛丹青閣迥宜衣紫荷
玉山深引幔雲別後故鄉高宴盡不堪吟望武
夷君

送張自雲兄弟歸新淦

斷橋官柳繫船輕年少馮高一送迎玉茗種花

詩

八卷 三

閒令尹秀江紆錦待儒生當歌逸興風前滿漉
酒相看雨後清家在吟峰好秋色鴈行飛作鳳
鷺聲

送朱鴻臚使粵還朝

冰雪堂開寄碧潯蕭然有客自山陰經趨半榻
蓮花府名在中朝翰墨林河朔坐銷殘暑氣嶺
南歸負歲寒心沾襟忽憶常朝日傳唱初瞻王

殿深

送張廣陵

淮海新恩喜復驚太行親舍舊含情知心彩袖
三年別自倚冰壺六月行江棹瀑花吹短鬢石
城秋雨送高旌相思玉茗尊前月得似瓊花夢
裏清

戲答錢塘姜永明

詩

八卷 三

香奩艷曲省曾傳不報情知越妬燕拚死可令
花性惱貪生直爲酒壚憐僂娥作伴防偷藥女
俠難教唱採蓮猶有錢塘舊蘇小打開油壁上
郎船

留別寒次上罷丞還皖

帝城風物自羈棲世局談端一馬齊龍尾共窺
雲似綺峩眉相向月如珪攀翮氣象銅梁北澹

蕩文章井絡西不有海沂王別駕偏乃誰與
分攜

送黃歸安

年少風神最曲臺復行仙縣稱郎才炮開竹嶼
浮沉玉雨隱花渠大小雷別墅基行拋舊偶過
堂衣好趁新裁相思莫忘關南信盡寫湖光入
早梅

詩

入卷 五

送馬臨淄時有采木之役

如梁歸騎映繁臺長向關東雨露開浪水豈忘
默白石雲門兼得候蓬萊清尊鼓瑟齊兒事仙
縣行春漢尹才蚤晚殿圖西使出天淵神水較
東來

喜昆明劉茂學出宰新都緬懷楊用修作
十縣辰方待此君昆池蓮葉佩氣氣家通折坂

風詰近路入朝天井絡分積雪淨聽柔曲理繁
陽初製錦川紋知君自愛青藜色不似前人薄
子雲

七夕送李叔玄新第表還永春成禮

粉面僊郎趁鵲橋歸槎海上路迢迢流蟾桂葉
香攀滿小鳳桐花翠欲嬌直取春粧明錦畫新
分御燭引華宵懸知向後明光夕枕帳薰爐厭

詩

入卷 五

寂寥

送沈師門友張茂一餉使歸覲濟州相國
有感江陵家世

別酒霜林醉碧蘊省郎將餉雁門軍鄉關畫錦
衣如雪沙塞春旗陣入雲紫氣尚憐張壯武青
韶同事沈休文爲報富平堪卧托冠陽今日不
如君

過安福舊邸口號

宦學新移近禮闈行經舊邸思依依飛帘巷口
人曾拂舞纓街心馬似歸粉障自尋題處迹
爐重對護時衣歸家少婦迎門問粧閣簾閒燕
可飛

同沈胤盛送錢國賢賁武成侯誥之廣陵

歸覲

詩

八卷 二十六

杏池芳宴托交新松樹移居卽舊隣土路天迴
綸誥彩倚門春屬使車塵維揚郭外鶯花滿
李園中燕喜頻爲報河陽須妙宰板輿親御太
夫人

聞李元冲無錫入銓

燕吳長望海雲空千里郎官列宿同寶氣經年
逢令尹名流今日候山公吳恩曉拂金臺霧脚

晚秋高玉樹風獨笑稚生貪食閑肯令人在絕
交中

送王道父歸侍稷山

王郎白髮已暉暉并向恩光入禮闈鳴驥晚辭
中坂起慈烏春繞夕陽歸平林月出姜源巷嬌
水雲生舜女扉花下獨陪王母宴恰分宮錦製
紫衣

詩

八卷 二十七

送婺源潘去華司理東廐

二毛何限興難降丹筆初馳過海邦古驛芙蓉
雲入幔石門秋雨瀑臨窓高標北斗千年氣皎
鏡新安百尺江豫想還朝侍簪筆一時清望恐
無雙

送陳公衡永嘉新歸蒲中過別

臨湖秋色秀蒲田選勝新除大玉天鄉路乃歸

殘燒盡海門舟過夕陽懸
斷地氣連星斗三
謝風光隔歲年並道公卿
饒桂樹君家能似大
丘賢

聞俞義烏稍懷外除慰贈之

舊塢爐峰隱竹衙此君才地稱清華
相逢南陌人皆嘆暫守東遷只自嗟
樹色籠晴雙騎遠雨聲過雁一帆斜
縣前卽有登高處會待陶潛就

詩

八卷 天

菊花

徐本充餉遼西歸有懷葛和父

婺源新尹并吾兄此日春筵舊鹿鳴
候闕苦爲彭澤米存鄉先乞度遼行
單車北渡愁冰裂遼鵲南飛愛月明
便作紆迴成底事蚤禁華髮向蓬迎

除南奉常留別沈胤盛亳州

比舍遊蘭共夕薰參差選下欲離羣
孟深梅雨沾衣色歌罷流鶯接座聞
傳治自然依道德霸臺長是宿風雲
惟餘濠濮千年意秋水盈河侯使君

沈性父司法求平

茗湖嚶谷正春聲年少驪歌別有情
卿月會看連袂入青雲那逐去旌行
家風沈約存南宋國

詩

八卷 无

計田疇在北平石柱未移滄海月
瑤琴真對伯夷清

山陰何比部南行時同觀政春曹輪食未

半而別

食簿輪君興卽殊山膚海簋盛行厨
能文未老過顏署奏試爲郎似許都
賸有一金添醉色可無雙玉護寒途
南曹不下山陰勝晴碧花光清

後湖

戲贈涿鹿劉孺新襄垣

千里虜河苦霧澄
榛祛一別會難憑
賓階醉月存歌笑
仙院朝天識拜興
臘盡扶桑歸涿野
春生片石度韓陵
玄明不問山陰訣
若大腰圍飯一升

送陳悅道使餉白登歸楚

詩

八卷 三

長共梅生泣微衰
秣陵高與此時收
春官別署移星鳥
秋氣連河辨斗牛
畫錦待留三戶語
水衡將餉五原遊
應經畫女神靈地
一笑君家戶牖侯

南海郭觀察夢菊約西城寺琴集別袁滄

州文毅

高懷何用結交深
綺陌翻爲得隱尋
過雨汾陽

移白恰開春海色
薦鳴琴雲浮睥睨烏樓樹
日冷招提鶴在林
夜半袁宏高詠罷
滄州頭白故人心

送許開臣姑蔑

浦城南望卽鄉關
赴詔盈川得往還
拂騎曉雲關樹紫
轉帆低照岸苔斑
生黃月上漁郎浦
喜氣春開鵲豆山
物論邇來資過客
肯從零露一

詩

八卷 三

追攀

寄羅青浦有懷舊令長卿

詔下園桑與度田
五茸飛鳥去翩翩
時同漢殿迎宣札
自愛梅花索往篇
關月曉舒連騎出
海雲春重一帆懸
江東吏迹能招隱
有客鱸魚舊釣船

哭陳寶鷄貞父

鳳去陳倉見玉京楚歌燕筑最含情春榮袖枕
青童送夜雪幃籠白馬迎嘆世動如臨廣武爲
官應與築懷清身後故人誰作誅元方兄妹已
先成

虞長孺話歸飛來峯

幾年芳草思王孫今日離心向爾論歸去月華
雙樹曉飛來雲氣一峯尊花籠入定光難覆竹

詩

八卷 三

浦行歌響易奔更莫衣冠挂蘿薜空令猿鶴夜
驚翻

梅克生座中贈袁天台暫歸廣陵

今日逢君忽不驩十年賓從曲江寒幾窺煙液
浮攀桂復報風心罷采蘭楚客夜過留佩語
姬朝醉拂琴彈還嫌失作神仙令只尺天台控
鶴難

馮開之綺閣夜歸徐茂吳

石渠清切綺雲高珍重宜春舊法曹河朔亭臺
過避暑江東帷蓋欲生濤關中納客談何易閨
裏題村事已勞但醉獨愁鄉夢遶西湖風雨似
離騷

送陳瑞實海康

渾山名第得如君渾浦能開錦繡文陌上橫鞭
詩

八卷 三

初接語花邊解佩若爲分關山馬首河流見海
國鷄鳴夜定聞暫向九龍催傳發雷陽春色待
行雲

送費閩簿

風物如人獨儼然公孫家世似秦川曾遊太學
稱高弟爲厭鴻臚乞外遷去國夢隨燕月盡過
家春發島雲連俱夸十里芙蓉色不負鷺湖十

萬箋

西川學使郭參知斐調西學

日起移官向越賓一增清論滿朝紳新參古色
歸懸鏡舊士高談憶角巾蒼葭獨行雲氣曉佳
林閑望洛客春鬱金美酒須饒作何仁風煙老
却人

初秋邀于中父呂玉繩孫世行樂之初郎

詩

八卷 五

閑小飲

巷無車馬帶京華雨過青熒襍樹花對客動須
眠白日懷人真似憶長沙衣閒縷篋枯垂落釧
响鈞簾觸燕斜冠帶和君渾不暑江南秋思在
蒹葭

方衆父選得冀州自笑今日開籠放白鵝

矣因渠服色嘲之

河朔麾旄照別顏十年秋卷起雲間袖書觀闕
凌風並命酒軒墀載雪還遠唱折楊連驛發應
過扶柳及春攀同門幾月仍同署具曉襟情似
白鵝

戲贈盧國徵使催藥材松江

托道盧郎是國工春年調御使車同方夸遠志
來江左便學懷香去海東玉兔待懸霜杵下金

詩

八卷 五

人遲和露盤中白頭羽翰尋常事折莫倫窺尚
藥籠

右武侍御視馬

簾捲西山柱笏看風塵馳道雪初乾府中聽馬
隨宜山殿上危冠取次彈去色關梅逢臘盡歸
心陌草避春寒年來印秣渾閑事直是天情惠

養雞

南漳魯子與出理廣州過別

未信荆璆老卞和少年風骨動鳴珂行隨世路
追歡少坐歇流芳飲恨多橘溪乍留珠佩語梅
關直上蜃雲過參差六月天池水撥刺飛騰奈
汝何

同丁右武送萬和父婺源

紫陌風暄散遠珂美髯清骨病如何春秋得附

詩

八卷 三

吾流少吳越爭趨晚進多興發松篁時自語佩

參蘭芷日相過心知選勝鳴琴日只愛新安百

尺波

梅庶吉公岑席中送衡湘兄固安

固安孝廉時同

在余許二師南祭酒講下上春
官復同第二師門下云

曾陪相國侍飛簪把劍長安雪夜吟八月寒瀟

湘夢遠十年春草禁烟深雲開赤縣雙鳬映花

襟廬臺兩鬢侵復是連枝爲太史每逢朝朝候
輕陰

朝天宮真人夜語

氣成龍虎萬靈朝太乙高煙午夜燒
燄罷星河
迴劍履夢殘松桂發笙簫琴心且試齋中訣寶
牕還馳世上妖不爲盡詢瀛海事止將靈氣屬
燕昭

詩

八卷 三

答帥思南趙北聞予捷喜自嘆不遷之作

燕市何人發遠悰邯鄲薄酒爲君濃三千奏自

連方朔六百官今過易容軒蓋飛時猶避鶴壁

窺窺處暫成龍羅施未用愁山鬼大好湘沅雲

水車

送劉司理平樂

四百灘龍萬里遙莫雲官興遠蕭蕭雲蛇入銀

看成怯翠鳥吟笙久自調過雨竹衫高白曝終
風草閣亞紅蕉休驚少婦啼珠盡留與猩猩血
比嬌

朱大復舒城

鵲渚逢人報好音龍舒君長挾青琴太湖水色
經濶淺郎位星光入斗深秋士共悲風薄木春
官曾竹月開林漢臣朱邑原鄉里家國情兼歲

詩

八卷 三

祀臨

寄傳郎將

君家門戶起樓蘭幕府新參兩鬢殘徒步封侯
當日易可人相薦此時難火旗夜扇聞山熱水
劍秋生海國寒却笑同時章句友一生金印不
曾看

鄴中關繆侯祠

趙壁叢祠非故鄉漳河懸絕舊荆襄輿圖并借
擇戈色廟貌全依秉燭光運去英雄猶嘆惜靈
來風馬欲踰跟今朝朔望流歌舞何似銅臺對
魏王

王荅堂全集

詩

八卷

玉茗堂全集

臨川義仍

詩

七言律

恭遇端陽 賜閣部官臣采扇官縷諸節

物有述

令節恩華半水蒼 綈賓朱曲御金堂 九華扇出

詩

九卷 一

分涼遍五色絲縈 續命長帖艾靈符 教辟惡俗

蘭風物鎮生香 上陽百草無心闋 競折葵心捧

太陽

春卿初夏喜雨敬和 觀政時作

龍角宵闌敞曙曦 春官對雨出花遲 輕占夜半

含卿月淨洗朝埃 拂帝堦 縹霧暗沾三秀草 和

風新麗萬年枝 爲霖得奉人天喜 還憶高齋護

麥時

懷計辰州

徙藥攀條興不違 古來賢達宦情微 愁心欲報

流黃素遠意空留 明月暉桂嶺雲霞過 客夢武

陵煙雨逗人歸 同在都門不相見 可因岑寂避

芳菲

前廣昌令胡君仲台白塔小飲

詩

九卷 二

眼裏金臺不可登 江天一醉幾年曾 欵巾曲檻

過鳴雨躡步斜陽到 塔稜咏逐蟾流開夕帳 坐

分蟲語暗秋燈 談交亦自風塵好 獨宿孤遊也

去能

送丁休寧

曲江兄弟半吾遊 總愛鶯聲出谷流 紫氣獨參

蓮幙曉白巖相候 水簾秋春心賦 傷絃歌發夏

口歸燕燕喜留共道三公人可作功名渾欲傍
孫劉

潞河迎拜龍峯張老師公起越中卽授處
鉞舟中琴客甚師蕭然求夕高而賦之

壚峯瀑水自招尋十載煙霞積望深河上牽帷
新繡斧關南迎拜舊青衿身非從吏容窺局心
在明王獨抱琴秋月半空渾不暑偶然乘雪坐

詩

九卷 三

山陰

劉君東下第南歸

漠漠蒹葭映夕陽同人秋鬢十三霜鳥棲夜月
移牆影蟻泛春風拂座香筆墨興隨歸路緩綺
羅情共落花忙猶憐獨馬關南去滿目青雲一
鴈行

再送君東

風嘶鬱柳聽彈悲洛下彈冠歸去遲尚拾流螢
窺太乙還驅積羽向天池雙歌舊國桃根葉獨
嘆承家桂樹枝青眼送君頭欲白十年多半里
中兒

第後寄玉雲生有懷帥思南

深尊小拍近如何興淺當年恨別多秋幙有情
留燕語春林無那厭鶯歌香風射雉饒丁壯生

詩

九卷 四

氣臨書有甲科解道遭予能極浦故人雙鬢古
牂牁

送陳立父理越

承家丹筆下青墀雲杜葱蒼玉樹枝世次共推
陳子傳刑名高借董生帷風光絕嶠雲疑處雨
氣殘潮月上時飛旆自饒清興發越東山水最
宜詩

送錢用父江陰

新拋浮玉共朝參軍服籠身百事堪一騎到江
乘夜色雙旌迎路擁朝嵐時非季子空幕客
過春申肯罷談最好鄉關連震澤含山煙雨正
東南

劉思雲錦衣謝客服餌代諸詞客戲作

舞盡琵琶奪盡籌錦袍長對敝貂裘身當列第

詩

九卷 五

宜張楚客向登樓欲傍劉鼎似芙蓉那換醉芝
如翠羽詎銷憂年來世路縱橫裏公子何能學
卧遊

送時確山暫歸蘇臺

蘭省香銷盡日閒綠槐幽鳥畫綿蠻蕭齋愼夏
憐同病客舍悲秋送獨還欹棹雪迷芳草徑轉
旗春動穆陵關思君正在留連處一損茱萸酒

半間

過宛平縣治憶庚辰春雪寶鶴令陳貞父

同訪李峯客時雙鶴飛舞今峯客已去

郎位而貞父物故鶴猶迎舞法焉悲之

居然赤縣在神州不是龍門共大丘白鶴悞來

迎舊舞玉鷄飛去夢前遊傷心有客山陽笛滿

目無人雪夜舟好語世人珍重別交情生死卽

詩

九卷 六

難求

送任文肅理鞏昌

蘭署君初出隴西暮雲春酒惜分攜曾無候吏

來朱圉卽有家書護紫泥滿目鴛鸞迎岫舞出

身鸛鵲背林啼門庭舊事清如水法宿高居太

白齊

張司法入關有懷李漸老中丞

百泉泉上拂亭塵京洛辭秋遠入秦關
倚芙蓉雲氣紫鴈迴高掌月華新
金科暗用儒家筆水鏡光隣上國珍
爲報卿才除陸老可將深坐向誰人

陸公五臺與李公有道濟之望及之

送周明行臨海

旌蓋霏霏遶曙霜仙鳬秋映鴈南翔
川分關嶺江雲盡山入高麗海岸長
千里家園馳御母三

詩

九卷 七

台列宿始爲郎知君未愛元明飯
暫與加食思不忘

樂石帆旌德曉發

關門塵動日猶啣樂令杯行興不凡
走馬驚香新墨綬鳴鶯出谷舊青衫
秋風隴首雲隨蓋夕渚鄉心月映帆
僻縣到來心自遠琴中山水隱層巖

劉諫議出鎮金州暫歸長白

妙迹西遊諫草閒憂時長似喚心顏
太常陵事清齋入長樂鍾聲達夢還
副岳迴旗開白日靈河邀佩出藍關
由來隴塞功名地不說吳都侍從班

送姜司農入秦

茂宰曾標濯錦才同官幾歲鳳凰臺
書通荊蠻

詩

九卷 八

時抽簡酒到郢筒一命杯遂赴秋期
秦隴上卽看春色漢江迴涼州舊宅
渾無恙長似西平駐節來

送習司業赴北徵

習前官太史以失江陵意謫

爲著陽秋出建章十年徵拜自嚴郎
承華漸入東僚貴佩玉還留西序光
暫過琴亭貪衣錦渾參講殿一含香
清時舊德宜開閣獨笑孫弘在

太常

李惟寅宅恭閱洪武 天容衛岳碑有贈

神爵推恩接上勳列侯人地恣推君新開禹跡
移朱岳舊展天圖拜紫雲書省半參江左客柳
營初按殿前軍甘泉羽檄年年異漫倚清時卽
好文

送張客曹備兵安縣過家青府

玉茗堂詩集

九卷 九

曲臺風物正吾流竹塢花溪幾獻酬遷客舊題
華省恨爲郎新作錦官遊家山海日過殘暑閣
道秦雲屬蚤秋萬里雪山當露冕知君挾纊古
綿州

送顧思益膳部

桂苑分華得盆年曲臺文物早周旋陵祠再接
春官禮歲氣雙歌雲漢篇奏計甘泉逢避暑歸

心大火欲流天清秋攝篆真饒事剎與閒曹乞
俸錢

至日恭聞 皇長子有慶兼以雲氣占年
喜而敬作

神臯千里鬱葱青鸞鶴三山繞御屏齋宿但陪
雍時禮端居惟覺奉常醒得逢長日皆天日幸
好前星接帝星滿目黃雲新歲美應書寶鼎在
詩

九卷 十

明庭

神樂院夜醉羽客

有客邪教不醉回惜無多酒注深杯鄒生正解
談天去蕭遠何曾辨命來帝樂西樓遲夢曉空
青南圓逐花開煙光海色尋常度未道年年髮
髮催

陵下寄新野申齋宗正

大府周南接華嵩親賢文物映江東書拍翠瑩
流溫水詔領鴛雛出閨風宗室舊推劉子駿王
孫今作魯申公千秋一倍章陵色自是鍾陵氣
鬱葱

送臨海王福州暫歸觀司空作

爲郎飛割有才名漢守威儀重列卿暫與初禪
遊戲出寧妨終宴踏歌行東甌地脉高連海南

詩

九卷(十二)

部星分赤遠城並向中丞饒問業青箱還與記
昇平

初入秣陵不見帥生有懷太學時作

佳人遲暮思何其直是郎潛世不知世路未嫌
千日酒才情偏愛六朝詩入門便坐從炊黍上
榻橫眠聽解頤獨怪過江愁欲死眼前秋蟹要
人持

送敖學正同知大理

家世初當紫淦城楚黔流寓借才名心知故國
琴尊淺愛聽諸生絃誦清萬里靈關新佐守五
雲春色倍逢迎一官何日麾能得洱海蒼山不
厭行

爲濟南周太常堂翁從金陵寄壽楊太宰

太夫人作

詩

九卷(十二)

碧霞春重海門煌大老承家最得全總是東人
官讌喜遙從南斗拜真僊桃花路暖三千歲青
鳥函開尺五天朝會自公初進酒年年聖澤下
中涓

人日奉別郭京兆并懷李漸老都堂

河尹初徵入帝京陪圻簪綬遊逢迎三秋佩惜
紅蘭晚七日盃霜綵勝行親在家園逢令節人

從霄漢接春聲何緣更借中臺色四海仙舟李郭清

公餞重陪郭京兆暫歸晉江京兆起清江
令爲御史有清直聲

看君真似玉壺冰南北長爲京兆丞人入新年
宜薦酒春祠太一待燒燈祇聞舊國歌風好曾
見清江攬轡能綵鷁動羣後滿一時雲海映

詩

九卷 十三

飛騰

牛首飲林尉平將出守南寧卽贈

寺湧煙花滿石梯還畱春閨與攀攜端居玄武
湖心北出守蒼梧雲氣西月上芳林人去遠霧
迷釣柱鳥飛低心悲道暝南行日江嶠籠晴挂
飲霓

送蔣祠部使歸宜興

仙郎鳴佩出東曹基局芳尊整自豪興匝香臺
還芍藥禮成原廟怡櫻桃春風閨月宜陽羨舊
宅滄浪似漢臯爲報明年聽鶯蚤君來吾欲泛
江濤

曾公如春備兵湘中徙視秦州茶馬有寄
世路悠悠鄉里親端居忽忽意中人鄉書近鴈
宜留楚國計平胡欽借秦日照宛駒成汗血風

詩

九卷 十四

生漢節動情神何緣一劍崆峒外州縣徒勞困
此身

寄李銅陵有懷余參知先輩

神泉候館得神君彭澤鄉音接署閒興發天船
雲際落朝迴仙履漢庭分梅根歲月逢南驛鵲
渚風煙望北軍獨是參知舊來往爲予長拂五
松雲

真如院送井九一歸池陽

諸主好事與談文井幹凌雲動不羣賓從春曹
南典客主家僊館上元君林花岸拂舟前雨隴
麥江搖衣上雲別後心期在秋浦十年秋色幾
平分

送陳比部憲蜀暫歸福清

西郎南署未浮沉執法新看橫帶金福海旃檀

詩

九卷 五

逢世早玄湖煙月映人深孤雲一握旌麾色長
路三秋井絡心便似嘉江向離席竹枝千里暮
猿吟

達公忽至

偶然舟楫到漁灘慚愧吾生涕淚瀾世外欲無
行地易人間惟有遇天難初知供葉隨心喜得
似拈花一笑看珍重別情長憶否隨時香飯慚

加餐

悠然堂括蒼賓嚴師隱處

洞壑辭春蚤閉關偶然開戶見南山悠悠欲傍
停雲去忽忽那知采菊還碧海心期扶杖裏名
山遊記卧樓間朝霏暮沓成何意傲吏懷人向
此間

送丁生濟南訪舊

詩

九卷 六

綠雲晴色映江干罷酒乘舟一送歡一飯共憐
滄水使十年初謁漢祠官新知結綬人情易未
路分金古道難莫爲秋風苦畱滯鵲山明月夜
飛寒

分水縣訪桃溪潘公仲春出桐廬秉燭遊

僊洞香襲人衣十餘里不絕

分水懸帆就索居霑巾信宿下桐廬青山晚棹

桃溪遠紅樹秋燈草閣虛仙洞半空行炬蠟生
香何處滿簪裾開舟更下神靈雨煙霧霏霏總
襲予

送吳渾平

恨不琅琊笑語頻因分醉玉表情親來攀桂樹
招淮客去傷梅花問海人別棹移句將憫母仙
方辟瘴好隨身離懷獨贈西山雪持照深裾覆

詩

九卷 十七

淺塵

次韻蔡青門雪唱

遊子開尊奏苦寒青門餘雪動簷巒影英似拂
梅花笑積素徒悲蕙草殘自有仙人明鶴氅可
無泉客奉珠盤春筴几闌能霏映長作雲霞半
壁看

送汪青城

嵩室榮光異大河梁園歸去莫蹉跎冰漸洛浦
黃塵少春傷雲亭碧草多見說閒情高飲興能
憐孤憤一經過由來漢署憐終賈半壁青城奈
汝何

答張兆文

衣冠馳道出香街書到纔開百日齋已報珠輪
隨月長誰教寶劍逐年埋千秋氣色空流覽十

詩

九卷 十八

載風煙有素懷爲道四愁能見擬陸機家宅近
秦淮

送南益屋

舊與周旋懶折腰秦關漢縣此中饒煙花曉動
連雲樹雨氣秋深亞柏橋扇裏行塵過暑路尊
前別色起良宵龍門再度應回首嶄絕何將比
市朝

寄章衡陽吏部公舊以郢令起當塗清方

見擢喜之

氣連三輔日舒遲
酒記荒疲奏最時
世路玄同關令識
故人疎懶巨源知
當筵尚駐陽春曲
過里微聞薺畫詩
欲附青雲澤不少
獨憐寒谷未應吹

寄麻城陳偶愚懷梅克生劉思雲

詩

九卷 九

逐夜秋風動井梧
幾年無雁向江湖
花邊說夢銷閒好
句裏拈禪發興殊
幕府才華千古盡
錦衣人地一時無
曾同弔屈今垂老
猶自招魂楚大夫

城南窰上李東華
少年以善禁方得幸貴
人補吏往赴于越
李開府薊門調理將士
十年旅食路猶窮
一騎曉嘶塞土風
幸以岐黃

趨大府總將文墨事
深功方抄熠燿曹丞相
元奉驍鯁馬侍中軍吏
自公微問取藥籠能許護
英雄

金右辰客相公所過訪上蓋

偶從一食過伊蒲
自恣室誼飲興殊勝事芙蓉
依綠水高談罔象出
玄珠徵歌怕逐千人和授
簡傳驚一坐無更上聞雲高
百尺時時殘醉倚

詩

九卷 二十

江湖

同孔陽宗侯陳伯達陳仲容小飲閒雲樓
子墨徽書氣若芸
我朱清酒笑爲羣
江鷗浪蹙臨樓淨
風燕簾斜覺坐曛
遠磬一聲分暝色
暮帆千里帶晴雲
扁舟欲濟何年事
領取閒情問相君

明遠樓陳伯達陳仲容仲宜去諒夕燕前

有宗生在座引去留之遲歌兒壓雪不

至

南河五月似新秋
晦日褰帷接勝遊
酒半竹厨連霧暝
夜深渙火帶螢流
門迴綠草分車馬
座借青藜切斗牛
莫爲麻衣驚避起
高樓曾爲至公留

湖風日夕雨初晴
鎖院堂開坐復清
堂迴客過

詩

九卷 主

歸燕喜草暄人語夜蟲驚
高歌轉覺停雲重
顰舞那須壓雪輕
况是斗牛清切地
陳家今夜德星明

送曾東卿廉州以予前謫雷陽問路答之
東人垂淚向君侯
石闌祠堂不可留
家近峩嵴思蜀雪
身將愛子入炎州
心清碧海珠難寄
道暘梅關火正流
賴是雷陽舊遷客
題書堪寄雁

湖秋

見東人扶道遮留曾明府者曾故蜀材諱
朗耳考人無間言數薦宜以高第內徵
苦貧甚旁郡貴公子索之不能應遷廉
州丞士民悲而祠之婉戀三日亦異也
廉吏不可爲而可爲

却從常調過梅關
吏部那知父老攀
路入瘴雲

詩

九卷 主

隨桂遠心將明月看
珠還扁舟曉夢連
王峽銅柱高牙制
百蠻特爲東人留
信宿思君常在大廉山

送晏禮垣陪都公臨川沙河元獻後徙寓
南昌時封事十不報一風景去予祠部
時遠慨焉

春酒纔醺晝錦濃
千山欲送雨重重
江花日出

看盈把諫草天回下幾封家近章門移市宅班
兼祠部憶朝鍾千年相國風流在長向沙河問
濯龍

寄蔡叅知江陰叅知先公長憲於越而余
于南署時有目成之契懷之

者舊相思日幾過八閩簪綬最情多新叅按節
風雲遠舊署含香雨露和江館夜燈留燕語海

詩

九卷 三

門春汛屬渙歌扁舟一卧堪來往別恨年年賦
淥波

清都一飯許年華每夜章門望劍花上路旬宣
新節鎮外臺官屬舊通家衙叅曉散江沉月斡
墨晴飛海上霞乘興就君拚一醉慧泉新火書
溪茶

送黃炯正

仙縣談交玉馬羣獨留芳月照餘醺燈深遶座
江湖色年少承家錦繡文豈有門墻高日月長
存逕路接風雲君歸莫似春歸急病起鶯聲得
乍聞

病起檢理破篋中見蕪陰故人俞白麓陳
王庭夏辛岑劉居仁書泫然久之

年少過逢得好看故人無在獨平安雲霞過客

詩

九卷 五

情千里風月關人事幾般語笑目成春夢遠吟
愁心逐夜江寒拚知不作重遊興便去新歡豈
舊歡

送東鄉翁明府北徵暫歸常熟并懷長公
青瑣

抵聞中秩賜黃金何意徵書卽下臨七夕星河
隨棹遠十旬膏雨訟庭深謳歌幾處甘棠色建

禮中宵視草心曾是金門連久拜雁行清切鳳
凰音

饒二十舅到中黃渡不欲西嘲之

好風長日病留連頭白相過四十年便作雨添
衣帶水豈無人泊釣絲船心衰祗覺身難寄累
淺纔知老較便試問沉吟閨閣裡何如調笑酒
壚前

詩集

九卷 五

送黃冲輔西歸并示李孺德

風漸蘭澤自名邦賸馥懷書玉茗牕來似枉川
窺劍浦歸從間道得清江三冬雪借寒暄盡千
頃陂看意氣降勝事眼前飛將在射鵬吾意欲
加雙

送金谿丁明府北徵暫歸宜興

六年徵拜詔書遲千里幃帷士女悲暫借刑名

推長者終拚意氣啓明時褰帷欲佇雲林色僕
被徵開善卷祠郎位一星休更徙名賢多在白
雲司

送胡瑞芝以東粵右丞入都行仲秋大慶

禮 萬壽日十七 千秋日十三奇逢

盛際也時君方以平播功貴望之

十年清望紫薇臣南極星趨拱北辰萬歲歲當

詩

九卷 五

嵩九祝千秋秋正月重輪芝英瑞寫雲中表金
鏡光傳海上琮琤是平南多事日衮衣推鉞更
何人

新買谷南高岡卿比舍卿病廢卧久追念

昔時歌酒法焉

沙井西頭少僕居江梅趙禮昔賢餘新知一病
同歡少廢里千金買宅虛月下笑聲分的皪風

前秦興覺消疎猶憐出餞鳴騶日詳信接與歸
車廬

送查虞臯叅知以悼亡無子致政歸餘杭
十年簪履記行暉起拜新叅今復違獨夢越山
江嫋嫋雙旌滕閣雨霏霏芰荷香動歸心遠仇
儷情傷春恨微向後東山仍不免遶堂蘭桂一
牽衣

詩

九卷 五

忍將高卧向明時春望瀾瀾春氣悲水淥西冷
懸夢早花飛南浦送歸遲清標豈分風塵得遠
意將爲猿鶴私獨嘆吳公舉年少一時門地拜
尊師時吳體中明府薦余子弟上學者四人及之

送胡瑞芝開府貴州公美客溫度前以平
播功賜一品服及之

楊柳青絲繫玉壺相看那得便長驅天閑奉御

收龍種邀道將軍佩虎符節鎮舊移
旄曾過水西無年年繡服春風裏今日麒麟
畫圖

奉答石楚陽

晴雪初霏木葉紛遠憐同病得相聞衣簪正渴
黃梅雨枕簟常思廬岳雲壯氣一官成自免暮
情千里更何云箋詩閉閣渾閒事長伴漁樵到

詩

九卷 天

日曛

送淮揚分司吳年兄并同謝山子

十年南署水衡清大府仍高京口名不惜鹽車
催遠道那堪驥櫪起長鳴門連水墅青尊色路
遶江關鴻雁聲暫過維揚作鄉語吾憐小謝最
才情

送楊太醫常山

倦遊心跡自悲傷者舊相過語與長供更久忘
蒼嶺路仙家仍住玉龍鄉三秋采艾思盈掬五
月浮蒲客在堂歡食幾時那便去肯憐衰病一
留方

答孫鵬初太史華容

蕭條塵外省追攀獨有懷人意未閒夕拜共瞻
星斗下晝遊長望水雲間波生木葉連江渚寒
詩 九卷 五

動秋烟隔楚山借問湘沅舊仙客一時捐珮幾
人還

何年太史動浮湘行遂初衣理芟裳春思路漸
汀芷綠秋悲庭覆井梧黃百年緩步高曾後千
里同心屈宋傷今日登高成獨醉洞庭相憶酒
泉香

別石帆兄嘉禾

楓落吳江一小航鷗禽無語夜登片如予欲
山中相似爾能折水部郎去日漸多烏遶樹舊
遊誰在馬驚香無綠更踏東華月鶯逗湖西一
斷腸

九日答王天根

湘騷長分見無因千古談交得遇旬堂上燭花
偏後客江邊雨雪正離人初悲卧病江湖遠猶
詩 九卷 三

憶探春洞浦新舊俗龍山高興盡終朝采菊爲
誰親

送楊龍泉兼問平昌舊士民作

十縣龍泉稱大方遠來人吏亦冠裳河橋舊聽
吹簫好秋色遙看製錦良每及同官趨燕堦頗
思前令在平昌蓮花遶郡還堪賞爲寄雲霞墨
數行

別館尊開叢桂秋好溪千里舊曾遊出入
朝霞重君子堂深宿雨稠梓社青雲殊自喜
鄉白髮更何求少微星動重遊日會向留
上留

送顧亭之東歸

耆舊熒熒江夢悠素衣初見草堂幽山王去後
風期盡公子來時氣色留獨夜雨聲思秉燭東

詩

九卷 三

行雲樹憶歸舟君家兄弟如羣玉衰白能從顧
俊遊

送王松潛寄懷蔡叅知威茂

長安西盡一維州獨坐邊樓得借籌萬里軍儲
從灌口百花風物寄遨頭懷湘賦許江籬泣入
蜀書因蒟醬求未愛王郎輕九折同官欣作錦
官遊

送徐鍾汝守蒲

萬里雲開五馬行一時風雨驛高旌人煙白下
通來往家近南州失送迎到郡自憐冠蓋美還
鄉真作錦衣榮因公漲海銷炎暑六月蒲塘對
目清

平昌鐘樓晚眺

可憐城市欲紛紛直上層樓勢入雲獨樹老僧

詩

九卷 三

歸夕照一山棲鳥報斜暉初驚梵唱凌空靜還
隱鍾聲入定聞忽恠夜來星劫曉諸天於此震
魔軍

入粵過別從姑諸友

祠郎杯酒憶京華夜半鉤簾看雪花世上浮沉
何足問座中生死一長嗟山川好滯周南客蘭
菊偏傷楚客家欲過麻源問清淺還從勾漏訪

冊砂

寄贈分宜李淮南明府奏景

久辭雲漢絕通津
千里餘光恰照隣
仙舄候占朝朔遠
微陽江動楚萍新
風烟入望能忘興
湖海論文必有神
傳道淮南續招隱
宜春春酒正宜人

喜陸君啟進士榮歸大越爲母馮太夫人

詩

九卷 三

壽

當年曾誤食金桃
親見雲中陸字高
壽母自傳天女籍
仙郎新着漢宜袍
芝殮嶺宴逢初度
花勝宮簪映二毛
海月半天春共遠
時從西母聽雲璈

驛下蓬萊氣色新
陸郎歸喜報慈親
元常閉法應千載
天姥晴光始六旬
玉樹臨風香遶席
碧

桃承露醉宜春
心知彩袖家園裏
笑問當年懷橘人

橘人

送岳石梁仲兄西粵

汝兄頰髮舊蕭然
十五從君計吏年
世事始知碁局淺
悲歌全賴唾壺堅
春光老去碧湘盡
瘴雨青來寒燒連
欲向蒼梧同謁帝
一時魂夢九疑烟

詩

九卷 三

夜半傳盃玉茗堂
一麾千里寄宜陽
登朝積歲遊何薄
失路逢知語自長
客興湯隨春草綠
臣心真與帝梧蒼
何時獨宿天台上
風雨莓苔看石梁

九日送王與父兄東下作

夕照離離江上楓
微軀渾欲送江東
驚看壯節同心友
來共黃花白髮翁
獨宿自傷千里外
重

逢相憶百年中蒼茫後會知何得猶望加餐湯
淚同

得湘中陳獻可書感寄

獻賦明庭坐數奇黃沙匹馬憶追隨百年夢盡
沉湘客千里書開采艾時戶引薌泉宜漬酒家
臨韶石好吟詩相思會面終難得便作覓招祗
淚垂

詩

九卷 三五

哭戴愚齋老師師微病書偶語于門落筆
而逝語云百年混世今朝始得拋除一
笑歸真俗客無勞挽弔

生死虛空一幕朝由來得道始逍遙心迴日月
光猶曼夢落江山氣未消清嘯似聞雲鶴舉果
花長擬鬚絲搖千秋不受巫陽弔雪竇雲門赴
大招

送王元對歸鄂

千秋有客自臨川晴雨相看笑語前大好歡
逢去日肯因愁別緩流年風軒遠佇江籬色浪
柵全開鄂樹烟向後心期寒夢裏楚天蘭雪倍
應憐

送周咸寧應召公家舒莊僖同里期之

忽忽登高望不窮一州冠冕餞城東孤舟向鄂

詩

九卷 三五

留春色駿馬趨燕起朔風太史自占鳬鳥影陶
潛偏笑菊花叢臨川氣脉西南好曾是尚書給
事中

送嘉禾趙孝廉明南度嶺

先朝名諫趙當湖祖德文心世不孤賴有壺觴
稱地主敢將絲管寄門徒江臯客借經時卧海
國春隨至日敷莫向美人輕弄壁連城須在帝

王都

送王孝廉東旭還越

軒車未敢拜迎疎咄咄尊前風雨餘問偈僧來
頻薦語倦遊人去恰題書元龍有榻高留客枚
乘能文病起予向後永安新夜月海天遙對一
舟虛

樂安張聖如明府以廉能第一入覲喜而

詩

九卷 三

贈此

至日青旂散曉寒尚留殘雪美人看潘輿在御
難爲別陶徑新開畧盡歡岳夢遠連承露掌棠
陰初覆切雲冠天書得借廉平色一遣周行見
鳳鸞

奉和吳體中明府懷達公

雨花天影見時難仙令書開九帶殘身外有身

雲破曉指邊非指月生寒知他曲向誰家唱問
汝心將何處安爲報虎溪殘笑裏幾人林下欲
休官

再次吳明府韻寄太史仲父之作

歌聲山谷採樵還隴麥參差雉子班每聽遷鶯
來戶外親知列宿在人間詩分錦帶播新月花
發河陽憶舊山未問樅臺射蛟處烟波誰許釣

詩

九卷 三

竿閒

送朱懋忠平湖

通家常擬後輝光得子成名笑欲狂一座郎官
高列宿十年耆舊見甘棠江山到日春寒盡桃
李開時墨綬香自古公才從治劇莫輕疎嬾似
平昌

送費師之寄兆卿

不須裘馬去翩翩風物名家自儼然數幅輕羅
留結夢一盃芳草寄題箋青衫客散河橋柳暮
雨春歸寒食天定向林間呼小阮荷湖新着釣
魚船

玉茗堂全集

詩

九卷

三

玉茗堂全集

臨川義仍湯顯祖著

詩

七言律

奉答王弘陽大理思歸有作

廷尉題門客暫過幾年簪紱寄煙蘿直憐祠署
齋心好無奈清朝病骨何玄武湖晴春泛少綠

詩

十卷

一

雲亭暮興歸多重來得盡新知樂驂騎鱗鱗望
九河

松陽周明府乍聞平昌得緯真子形神飛

動急書來迎之喜作明府最善琴理

空谷逢人亦快哉平昌一榻自仙才卽看山色
排雲起似聽泉聲喜客來折簡到時朝騎發傾
筐迎處夜筵開長卿大有聞琴興許傍琴堂更

築臺

達公過盱便云東返寄問賀知悉

扁舟茶供不曾溫便去西山禮石門雲霞袈裟
召梵影風生鈴鐸向人言中邊總放三輪出生
死那將九帶存別後曲阿逢賀雅百年如幻忍
何論

達公來自從姑過西山

詩

十卷 二

厭逢人世懶生天直爲新叅紫柏禪險句天橋
餘醉墨春茶雲霧足醒泉看相有住微成恨話
到無生已絕憐但得似師緣興好烟花遊戲往
來邊

帥思南還郡應過辰沅地主龍君宗武計
君謙亨俱以坎廝去官而子方有春官
之役懷來有作

擺落荆南心事微帝城雲物傍春輝啼鶯匝樹
花侵座去馬臨關柳拂旂金筑幾年還報政湘
沅無路一沾衣知君到鄴傳新喜爲愛曹王興
欲飛

朝天宮夜別呂玉繩司法寧國

偶從公子折芳馨千里風期在敬亭拂署曉雲
花淡淡卷簾秋水月泠泠松間訪道爭連壁竹

詩

十卷 三

裏行歌幾聚星正恐無緣隸仙府風颺雲鶴片
時聽

送胡司理都勻癸未秋已聞播橫勉之

廿載遭迴出武溪一官遙寄重萋萋星州總向
三辰北風物還過二酉西秋入偏橋雲樹合春
生平浪水煙齊從來司法祭軍事能使楊安識
漢威

揚州送鄧上客

兄弟交遊有歲年
曲江吟嘯隔秋烟
鳴琴雪照章華路
拂綬風香解佩川
遠思正縈河上草
高情纔報越人篇
登高一望還留醉
江北江南寒食天

爲劉允陽太史尊公壽

象緯峩峩高士名
西州紫詰自南榮
春風酒對

詩

十卷 四

蟠桃熟夏雨香生
竹簟清几水定中
高隱几瀟山佳處
下蓬瀛今朝筇杖
將扶老長有青藜
護漢京

與釣竿和尚宿牛首山杏樹下作

曾記漁翁到杏壇
花巖片色映空寒
六時湧地千芥塔
雙闕凌風秋露盤
夜盡忽聞船子唱
月明還似夾山看
折蘆渡口西風急
不爲無魚下

釣竿

送詹東園詹工書畫署中有醉茶軒作

新安江水峻淪漪
白岳如君亦自奇
河朔風塵爲客蚤
江東雲物向人遲
淋漓墨妙啣盃日
盤薄春光啜茗時
千卷貯書那不畏
深心只遣鬢毛知

過峽山微病示南華僧

詩

十卷 五

疊岫澄潭開夕氛
登臨水木湛氤氲
林前曉拂諸天樂
池上晴飛初地雲
帝子神遊香殿出
道人心定玉泉分
曹溪一滴能消疾
何用丹砂就葛君

羅浮嘆別逃菴主人

甘泉公與儒破道而山毀惜之

名岳丘墟惜湛君
儒流得似道流羣
天門夜息朱陵氣
洞館朝殘玉女雲
桂樹炎州當戶見
蓮

花漏水接窻聞何時共躡金梁影坐看扶桑到日曛

遠安定叅佐劉生

潞河春色泛樓船柳葉旌門動絲旃莫向分流愁度隴經須合郡與臨邊峯陰日散降城雪浪影風輕好麥川得似江南留一醉蒲桃金枕爲君偏

詩

十卷 六

江館

林中高館築須成水外閒庭甃欲平身世河山多白首子孫天地一蒼生釣簾語燕驚風起檻舸眠鷗泥浪明是好花朝誰到賞綠波如酒泛新晴

遣夢

休官雲卧散仙如花下笙殘過客餘幽意偶隨

春夢蝶生涯真作武陵漁來成擁髻荒烟合去覺牽帷暮雨疎風斷笑聲弦月上空歌靈漢與

脚踏

思達觀

何來不上九江船船頭正遶香爐烟第一人從歡喜地取次身居自在天語落君臣迴照後心消父母未生前看花泛月尋常事怕到春歸不

詩

十卷 七

直錢

草堂

負却臨江舊草堂斷橋車馬回來忙身將百里郎官隱心爲西河愛子傷酒後放歌難自短花間笑語若爲長高冠照水看何似分付流光與鬢霜

和文判郡用韻 有序

文高安蜀江鄉人也以翰林孔目出判廣州
予以南祠郎謫尉徐聞忝爲賓主茲復判括
蒼郡事而予量移平昌令爲學官築藏經閣
射堂方新屬文行縣顧而詠之爲和

人自西京翰花香來慚仙尉與仙郎射堂忝馬
纔開帖官舍聞鶯有報章冠蓋風流晴色滿山
溪雲影綠陰長鄉心錦水拋何得正借文翁韻

詩

十卷八

講堂

爲大名魏太守壽

行年九十自長年銀艾安車詔國賢舊業公侯
開大魏新恩日月最幽燕喬林久借三珠樹繁
水初飛百歲泉簪紱滿朝候仙氣採芝歌近帝
雲篇

送徐大名

花源不住去蘭津萬里携家清路塵人望西曹
持律久帝憐東甌寵符新祇將金壁祠河伯自
有旌旗學漢臣五馬江邊莫留滯黎陽三月待
行春

祠署送朱禮垣奏計過家淮上

簪裾拂檻柳條舒南省翩翩向直廬江草醉吟
新月夜淮揚歸興五湖餘春官得侍開元禮天

詩

十卷九

子寧忘諫獵書望幸幾年如召對漢家朝講未
應虛

九日壽劉元承尊人故西學令有五男子

明經百里舊爲郎止足能禁歲月長鳳嶺看成
書玉樹龍城歸試鬱金香秋風鼓瑟行三樂春
酒趨庭對五常正憶楚江彭澤近年年高菊爲
重陽

禮部送錢塘周年兄司法岳州周故鄢陵

縣學官重過及之

荏苒新幟在湖陽
搖落逢君筆有霜
試政春曹朝別袂
過家秋水夜廻航
勞愁未覺歌聲短
吏迹何妨飲興長
更過鄢陵逢弟子
何如車騎昔遊梁

陳公園

詩

十卷 十

五岳清時賦遂初
玉華仙圃興誰如
千花散竹停雲迥
萬柳籠萍過雨疎
楚雀半棲廻夜枕
吳簞千里祿朝蔬
城隅向息經臺近
謝客聞繡貝葉書

送崇仁令并寄家問

曾逢狹路幾情親
碧玉堂開青桂隣
把鏡動憐秋鬢客
移床偏近故心人
來諸世路看朝列
去

領仙山作外臣爲報鶯鳬留暫隱
草堂猿鶴未終瞋

寄岳石帆

爾愛天書入御函
有人爲縣向松杉
吟餘徑竹山禽語
坐久庭花野鹿啣
解事小兒陳夜飲
閒情少婦襲春衫
年來更夢誰邊好
烟雨樓西看石帆

詩

十卷 十二

歸雲亭懷何賓巖先師麗水

候仙亭子張遺文
洞倚梅花到夕曛
積砌幾年留曉暖
連廊千載宿氤氲
非關山岫心難隱
長是成龍氣不分
况復佳人懷日暮
山川長見出湖雲

右武學歸云
愍公道勞山脩煉
處意有動

欣然問之

右武談鋒醉欲豪新沽一滴水甜曹已通陽
東南海得似神山大小勞管住風前御驚影軍
持水上伏龍韜不知動後能生死珍重轅門客
寶刀

向麗水君來悟空寺因牒有寄

玉鏡溪邊燕垢通麗陽孤客雨晴中千山月出
堪隨影清寺泉聲足悟空莫榻夜眠高燭盡版

詩

十卷 十三

房春醉乳香融艱難縣牒留僧米取施遊人飯
色同

與麗陽何家昆仲吾師何公起家進賢令

視江右學予年十四補縣諸生令平昌

懷舊作此

歸雲亭望思悠然一徑梅花小洞天但值何郎
隨意飲每逢陶令折腰憐星當處士蓮花邵歲

在成童弟子員并道西江舊桃李投瓊空有淚
如泉

初歸

彭澤孤舟一賦歸高雲無盡恰低飛燒丹縱辱
金還是抵鵲徒誇玉已非便覺風塵隨老大那
堪烟景入清微春深小院啼鶯午殘夢香銷半
掩扉

詩

十卷 十三

移築沙井

亦自知津亦自迷新歸門逕草淒淒閒遊水曲
風迴髮夢醒山空月在臍家近金堤田負郭巷
連沙井汲成泥幽還不到嚶鳴得大向春來百
鳥啼

右武座中章斗津朱以功舉吾郡襍字鄉

音爲賦听然答之

問到玄亭酒亦玄諸般字說笑臨川隔門畧近
關門尹有有知書大有年事取聲形時會意書
兼半清幻成圓通方便俗從來理只待蘇張註
伏虔

辛丑閑住作懷李本寧廉訪

江楚無涯亦有涯輕鷗岸幘俯晴沙芝從蕙嘆

纔吟葉李代桃僵舊借花官重千篇文士賦拚

詩

十卷 十四

歸百世野人家高齋晝靜遊蜂出夢到何年放

午衙

却喜

却喜家公似壯年登山着屐快鳴鞭遲回阿母

加餐少早作休官侍藥便舞袖尚連金鴈補歌

筌時間白華篇南遊北望成何事且及春光報

眼前

首秋玉石臺送胡元吉暫返芝湖

漣中沙井竹厨烟五柳門生得此賢醉與踏歌
清夢曉老拚吟眺白雲天杯分玉石人如玉舟
過蓮荷客泛蓮便欲同君將巧思秋光時近鵲
橋邊

再送張自雲歸閩皂

久拚文墨卧漳濱年少何當清路塵氣脉遠連

詩

十卷 十五

金鳳里名家真是玉堂人青箱雅子窺題藻高

燭蛾曾記飲巡莫忘千旄遲歲月西樓吟望白

頭新

壬寅中秋後三夕送劉天虞歸秦至延橋

別作天虞以潞守清強忤中貴謫稅嶺

外歸道饒陽迂迴過我三日而別能不

心傷

曲車千里意無涯
擇落來悲楚客家
一夕關河
留紫氣幾年江嶺寄梅花
秋風滿鬢人難別
夜火雙旌月未斜
向後秦川清淚裏
夢回殘露滴
蓂莢

劉天虞暫歸汝南別業寄聲趙夢白馬長

平

忽忽江頭送遠人
秦川公子夜歸秦
山中卧病

詩

十卷 六

能過客澤畔行吟見逐臣
趙璧肯爲秦柱碎
梁園相憶馬卿貧
前臨楚塞登高盡
圓首黃花涕淚新

彭興祖遠過別去訪劉廣平廣平守溫郡

時聞予且以平昌令擢丞溫喜甚爲起

書樓五間不果然感其意焉

不住吳中處士家
恰尋彭澤寄烟霞
西齋病俠

宜高枕南斗開秋有斷槎
意氣動憐歡日少交
遊常覺去情賒
廣平藉甚思吾美
便作題輿到永嘉

送周富滿臨海尉赴象山巡檢富吾家舊

小史也出身傍人而事予甚謹憐而送之

小小相依京洛行爲誰書記得微名
驚看妙對

詩

十卷 七

臨雙闕又送巡官出四明
但是歲時來薄俸
每當憂喜見長情
秋光去後何人憶
紅木樨開海嶠清

建安王夜宴卽事

龍沙正自擁名藩
秀骨凌霄帝子孫
淥水宜人秋澹淡
小山何客暮攀翻
衣簪翠拂長眉舞
犀玉杯深古色存
似是建安逢七子
盈盈飛蓋舊

西園

偶隨高勝接華軒花動名園客思繁玉斗夜傾
珠斗近衮衣遙覺布衣尊徵歌一一從南楚守
器纍纍奉北藩巧笑舊沾詞客醉博山通曉奉
餘溫

奉別建安王

盡日王門醉小伶碧牕秋遶露泠泠廻塘漫接

詩

十卷 八

清華館巧石懸開乳翠亭坐末相如雲氣遠登
高宋玉暮山青猶聞道術生毛羽玉女同看第
幾星

覺右武有病悲之

霜籬藤架舊胡床湖面風吹新月光芳樹乍離
秋色苦碧雲纔合暮情傷當歌欲別思來日看
鰓心知老故鄉輾近龍沙有仙訣恐教容髮易

滄桑

癸卯秋試過丁叔兼下第有來學之期逾
三年而叔兼死檢笥中得此詩存之

又過秋光一信風眼前還得似終童詩書肯付
高情外身世長思急難中未必乃公重刻印止
應之子自爲弓西家兄弟連齋觴一歲何妨西
復東

詩

十卷 十九

聞東邑愛慕前令伍象明爲築臺思之欣
東曾明府二君皆蜀才也

中江原自錦江來錦製遙占試劇才谷向朝陽
晴色滿山當獨秀暮雲開新秋菊圃三迴見舊
令棠陰一倍栽自是東人愛西美與君如對象
明臺

送謝玄瑞遊吳

幾年空谷少聞鶯
恰恰驚春得友聲
家在東山留遠色
客來南國見高情
尊開元夕花燈喜
坐對前池雪水清
萬里龍坑有雲氣
飛騰那得傍人行

問訊劉侯如司理金華

建武衣冠有世家
劉郎高第得金華
兼秋法令寒噓日
映世文章海曙霞
問俗定知松變石
登

詩

十卷 二十

高留醉菊餘花不
嫌陶令腰頻折
會向平昌訪白沙

用韻答姜仲文使君

紫氣憑陵東出關
十年清夢五雲間
美人自合來南浦
猿鶴何須怨北山
空江色借文尊淨
高閣晴開玉佩閒
共說蟠溪最年少
丹青那惜鬢毛斑

上已進賢玉嶺公館夜讀李伯東觀察竹
所八絕淋漓琅玕清而不寐咏此

土嶺春陰小院清
參知昨夜憇江城
開尊遠映壇場色
截律高爲鸞鳳聲
心在雲霄憐護筍
才難車馬避題名
風光况屬蘭亭節
修竹流波和欲成

閒雲樓宴呈張師相

詩

十卷 二十

青閣逶迤坐日曛
楚江春酒思氤氲
親知河岳千年氣
更作蓬壺一片雲
日照西峰鸞鶴舞
風廻南浦棹歌聞
朝飛暮捲渾閒事
願得爲龍護聖君

羽翼初成鬢亦斑
西來鸞鶴剎追攀
空驚浴日臨蒼海
暫許行雲過舊山
禿樹鶯啼高舫外
綠波春色畫樓閒
江湖魏闕尋常夢
且聽漁歌盡

日間

杏花樓宴答張師相

仙人近住杏花樓
籬門相對百花洲
端居色色春來好
高卧時時雲出遊
洞戶雨迴蒼翠曉
明湖風切管絃流
歡深向夕臨蘭興
何限烟波倚釣舟

紫禁初歸鬢未華
五雲樓閣是仙家
湖光欲瀉

詩

十卷 三

牕櫺入磴道全依草
樹斜風物差池疑
鳳嶺月光清
淡問龍沙白頭弟子
拋閒得春色年年醉
杏花

臨章樓宴別張詹簿

西樓長夏日滔滔
曾侍東皇醉碧桃
細草落花行處好
風帆沙鳥坐來高
西山近拂蛾眉翠
南浦遙聽楚客騷
却怪夜來衫袖濕
綠波春酒隱

蒲萄

建安曲池夜歸醉和

梁園春物藹餘暉
遠徑春歸客未歸
粉黛笑侵圖畫色
殿堂光發舞人衣
星槎暗逐樓臺轉
簾影晴隨風雨飛
殘燭卧深清露曉
蒲萄香夢醉霏微

爲維揚李孝廉催歸作

詩

十卷 三

一泊洪厓鬢未班
葱蘢原自古西山
卽知仙李長良大
宥對瓊花竟日間
燕趙風塵行拂首
秦湘春色醉顏逢
人定唱江南好無
柰鄉心雲水間

懷王觀生從霍林長安歸華嶺

太史吾家動逸羣
石蘭高館最思君
秋光映帶芙蓉水
仙氣隨車華蓋雲
婚嫁坐令山色老
笙

歌長對客愁分因思子晉仙才盛友道寥寥伊
洛聞

春槎晚泛同吳門李賓侯章門宗侯霞堊
館作

偶從脩禊到江關竟日移尊未擬還風物並高
吳楚外羅衣初試雨晴間青波泛月寧辭夜白
髮禁春好是閒極目興亡成一醉古來鸞鶴在

詩

十卷 五

西山

秋初擬峴臺送袁滄孺明府丞郡金華四
首 有序

故令長洲蔣公嘗遷此丞出憲蘄州袁公蘄
人也三兒開遠最受特知茲行一縣人爲公
不嫌而星壤隣近足慰慕思且公于黃梅路
熟當不以世味作渴想也把酒歌驪遂成長

律

造次金華似蔣侯居然節鎮在蘄州兒童舊歎
吳門屈父老新遮楚澤留突兀風雲誰失馬跡
蹢歲月總全牛當歌笑折陶家柳得傍甘棠記
舊遊

大府年年缺守來專城一一寄長才歌紆激楚
風流盡淚擁題輿問道迴寶婺星牛連紫氣鄉

詩

十卷 五

心道意久黃梅看君似厭蘭陰酒爲盡臨川水
一盃

金華風物似吳興幽意何當此郡丞別駕路隨
秋月引峴臺人念漢江澄蒼華欲盡重臨水流
火初歸一飲冰八詠樓空青史在一時雲夢氣
憑陵

帳飲傾城就碧沙新瞻郎位佐金華千旌曉駐

蛟龍色稚子春深桃李花江楚風雲連上國公
侯門地作通家秋光欲問騎羊子水壘山橋一
放衙

送周起西溧陽

到日芙蓉花滿池高齋殘燭醉還移三山客夢
潮生早十月鴻飛雪下遲去矣自饒歌白苧淒
其吾欲繫青驪江關一別能相憶春市橋頭聽

詩

十卷 庚

雨時

送吳近陽掌故以荆傳暫還上高

每恨才多局世間高情良夜一追攀初經廣武
逢人嘆何待湘騷送客還桃李暗飛春雪盡圓
書高對墨池間相思莫便催顏髮遠色年年在

鏡山

清高起後詩爲姚廣昌作公子當世俊才

公侯必復 其在茲乎

榮華千載竟誰前獨是清高托後賢清似茗泉
蘊春藻高如竺嶺動秋烟君臣十事中書令父
子三朝太史傳邂逅姑山聞一曲薰風仍似嘆
虞絃

和答清公軍中秋日寫懷下勞山戍雷陽

止觀六祖寺聞送稅使章江只尺臨川

詩

十卷 毛

不到問之

海印東行萬里沙十年生事到南華珠池解作
抽衣寶梅嶺能高拂坐花獨夜從軍吹簫簾有
時送客淚袈裟開書欲笑廬山遠不到柴桑處
士家

送方鍾岳叅知入蜀

千里宮湖法宿明十年還是賦西征雨中方岳

開行色江外秋風麗去旌便向錦川趨
客座還從劍閣問豐城
追隨尚憶南端日
拄笏昂昂笑語清

余如竹喻叔虞夜宴聞雲樓有作

老舊相看酒不空
小山秋色畫樓中
微波遠帶星河白
艷曲全銷蠟炬紅
浮世累多真冉冉
高情年少莫匆匆
堪將枕簟鉤簾畔
一卧閒雲聽

詩

十卷 天

曉風

高樓直上捲簾輕
大好西山一倍晴
遠勢雁隨殘照落
片雲秋逐暮帆生
歡多燭灑風前語
年少尊開物外情
共笑采鸞千歲後
可能長此聽江聲

圖南邀宴其先公瀑泉舊隱偶作

佳期長是說參差
江楚風流自一時
幽意動尋

叢桂隱高情傳唱牡丹詞
澹臺門北秋生蚤
蛩子湖西月上遲
爛醉長松深夜語
瀑泉風雨到寒枝

夕佳樓留別海岳太素圖南叔虞得八齊
平楚開尊睥睨齊
倚樓晴覺雁飛低
三秋采菊人難見
九月登高客自淒
南浦棹歌來漢女
夕陽山氣似虹霓
臨岐躑躅沙城事
無限風光却

詩

十卷 天

向西

送賀孝廉讀禮朝海東歸寄懷賀知忍

十月梅花驛騎催
麻衣猶滯孝廉才
交親客向江南好
大士香傳海上來
半菊池臺秋色盡
遠天風木夜鴻哀
孤舟却憶丹陽郭
羣從縱橫日幾迴

王伯臯賀函伯前後秋捷志喜

江上離離愁雁悲仲文官舍遺聞知參差擢桂
芝蘭友邂逅登龍逐犬兒興劇恨難千里駕交
深留盡百年期春風北固還西笑紫幄門生舊
絳帷

送伍念父武昌

省曾信宿不逢迎半百同生好弟兄洛下傳書

千里色衡陽歸夢十年情江楓露滴綈袍重楚

詩

十卷 三

客愁分遠樹輕半屋青雲舊家口審將官柳寄

春晴

再送念父遊鄂并問郭美命孟義甫

十年心事幾經過一夕離尊可奈何鴻雁影寒

天暮色芙蓉秋盡水層波通書近覺青雲少別

夢遙隨芳草多零落侍臣湘楚盡豈能無淚向

烟蘿

送宜黃令武昌趙明府入覲并懷解元令

侄

風神如畫理如絃仙令宜人向一年家世自連
卿月曉郎官真借德星懸鍾臺舊路雲霄直棠
樹新花雨露鮮爲報楚山和氏璧償城何惜美
人傳

和吏部陳匡左奉常東署見懷之作二首

詩

十卷 三

祠罷東皇欲赴湘拋殘文物在東堂安知湖海
元龍氣恰憶山陵老奉常千里夢魂鶯出谷一
時心事燕辭梁苔牆數字風雲盡肯借高題續
雁行

奉常東署亦棲賢春戶秋牕榻每懸花爲好風
開更登竹因清露洗還鮮山川自出垂千里流
放初歸恰九年獨是高歌向明月驚鳥時作遶

枝憐

讀陳匡左元史本末有感

楚然寒谷少人聲
玉茗書歸雪夜明
匡左才華千里色
江東雲樹十年情
題紉自覺風期切
發篋纔知史論成
契闊向君垂欲老
閒春吾意一南征

送金谿吳繼疎南祠吳尊公疎山侍郎也

詩

十卷 三

君以救同官邠寧趙邦清出吏部及之
一官何止俟爲名
要與羣飛作鳳聲
吏部承家多遠意
侍郎愛國有餘清
風光欲下雲林別
雪意能高畫舸迎
恨不河橋拚一醉
折梅留向蚤春行

不勝衣弱氣嶙峋水鏡中
朝見此人共惜當門
蘭向楚總拚睨桂壁
歸秦清時去國能無夢近

地論交亦有神
肅穆祠官吾舊隱
鍾陵長護鬱葱新

懷袁中郎曹能始二美

雪灑燈殘衣上塵
十年雲卧憶情神
侵朝每借風霞色
後夜全開月露真
燕市交遊常病酒
江南詞賦易傷春
無竒一縣千巖裏
上客何由到此人

詩

十卷 三

每愛袁郎思欲飛
仍傳子建足天機
湘中歲月初投佩
江外雲山一染衣
雪唱曉風吹的皪
雨花秋水帶菲微
佳人遲暮難重會
腸斷溝頭匹馬歸

寄孫子京并懷王悅之

滿眼春陽醉欲醺
官亭迴雁憶離羣
鍾丘幾過神靈雨
芳苑長開水樹雲
去住有情年事窘
山

川絕恙客愁分江東弟子招何得未有音書第一
簡君

奉常弟子最知名絲竹傳經一倍清自解風前
留色笑恰從雲外聽飛鳴新春作夢江南好故
物懷悲川上盈白髮王生推長者可能重會漢
公卿

相公木蘭軒

詩

十卷 三五

一春風雨半龍沙鵲喜新晴報晚霞水鏡題才
新赴閩天台擲賦舊名家關梅山餞催鶯蚤江
草移帆掠燕斜向後得陪東閣飲思君長詠木
蘭花

和贈樊欽之度嶺

春中雨雪正霏微遊子江頭泣楚衣羽翼自須
留諫草墨線非爲赴戎機應過放還三年苦每

見天池六月飛萬里雷陽幾消息相思那得雁
來稀

與欽之言別

萬死雄飛御史章天恩還許到雷陽移家數傷
君遷樹少婦長開蘇合香嶺嶠清和梅熟蚤楚
江風雨燕飛忙重來海客將何語曾住羅浮覺
晝長

詩

十卷 三五

再用韻奉答欽之兄徐聞講堂之句

楚衣如雪對春衣自笑清狂出禮闈投嶠杳難
邀後命講堂當亦傍前輝西山月落鸞簫迥南
斗天低海色微珍重去珠能見憶新詩裁作淚
簡君

欽之兄自號天山子味共保黃髮之句爲

之悵然

雲霞川漲肅鳬驚官閣乘春小坐移蜚過天山
宜注易征行歲月好吟詩心知遠道迴艱別語
向明時掩淚辭廿載長安雙白首百年黃髮更
爲期

送周仰謙叅知入關

西笑何因更入秦一盃芳草醉留春關中氣色
催行旆河上軍輪樵去塵失路戲憐當路客宦
詩

十卷 三

情偏滯道情人相思雲壑堪誰老珍重天涯况
此身

寄趙仲一吏部真寧仲一居常推尊某公

師父不去口失官歸窘甚其師父噴責
其負至斷仲一子頭創竟寸縣官因而
惡之書來云欲來過我與吳繼疎君同
住答之

函谷封書去亦難小天天水憶長安傾家便可
蠲門士過里何須惱縣官穴處郊風年事晚歌
酣秦女壯心殘開箋忽動江湖色紫氣西來南
斗寒

丁未夏初雨夜夢見右武恹然之色哽咽
有言記之

揆辰俱是六庚年弱冠同飛語笑便向後風雲
詩

十卷 三

常藐爾較前門戶忽悽然春燈淚起難書夢江
楚情深怯問天無限日車翻未得高歌九曲不
成眠

送石首王司理南康

十旌奕奕見時巡五柳熏風入座新雨過池亭
邀上客曲喧花鳥奏鞬賓荆江漸北寒飛瀑鷄
火蕪西夕照隣不爲劍光零落盡移家星子欲

相親

送仲文使君東歸使君每憐余瘦念之

由來紫氣欲東還豈有移文勸北山江上雲霞
新祖帳山中蘭菊舊追攀三年字滅心難寄五
柳門虛卧欲關再見莫憐消瘦盡加餐那得向
離顏

徐生伯聚生尊人光祿君以抗疏去官奉

詩

十卷 三

道伯聚能世其家喜為贈此

曾奏鄉書躡紫氛龍丘君長世人聞齋居妙入
莊嚴理柱史名留光祿勳惆悵山河回白首總
看公子入青雲陶家紙筆渾無恙俊骨能飛得
似君

送胡實美遊吳

一時才盡百年餘千里心銷六月初別淚隴雲

新燕引片帆江雨暮蟬疎湘騷楚客收殘賦耆
舊吳門問索居石闕題來知不亦兼君能讀父
藏書

同相國為嘿巷王孫壽

蕭史蕭峰拂紫烟六旬六月啟初筵心將一嘿
觀玄秘坐擁高談發後賢朱戶雅兼歌雪泛青
藜光並相星懸江西亦有淮南操長被薰風仰

詩

十卷 三

帝絃

玉言堂全集

臨川義仍公顯祖著

詩

五言排律

送王北部北上光祿

北部以諫取
麒麟謫起

地迴羅浮色天高越秀春
湖南推妙宰江表寄時巡
氣候風雲合心期歲月申
謫官樓下雉托

詩

十一卷 一

諷在麒麟山木歌王子湘
蘭見楚臣稍遷司理俊再
入典刑新郢署攀留久卿
才借問頻種蘭初命子行
藥遠寧親候報遷鶯喜言
調光祿珍玄湖清帳飲陽
月煖車茵法酒箴何得和
羹理必均時從大官局斟酌
嘆勞薪

送文太僕六十韻

太僕以乙科爲郎論江陵起復成起南鴻臚

世閭高臨汝衣冠起岳州
情靈華蓋曉氣脉洞

庭秋江漢稱才子瀟湘托好迷
霜林暮玉清郎署白雲悠是日
江陵相長星寓縣愁禮嬾金章
變權誤墨續留奮筆含香勇衝
冠執法羞燕臣隨伏闕楚客竟爲
囚御挺驚魂落丹墀濺血流動傳
天詔獄分作鬼投幽遠竄逢羣魅
銷寰失爽鳩秦城將急杵漢黨欲
窮鉤淚濕條支盡身拚井鬼休扶
顏依枸杞作語向鼈牛洗雪人難

詩

十一卷 二

待選陽運忽周機權還太乙氣色
隕蚩尤詔青溟人望恩波許自由
玉關歸鳥道青海發龍湫遂作雲
雷起還令湘漢浮法星低照蜀明
月遠通浩復有東門恨難爲西塞
憂猿鳴初黯淡鶴怨轉夷猶龍影
迴江郭巴雲護岳樓文章霑入霧
富貴起隨漚天在山難畜王明井
必收九河原曲直百鍊骨剛柔光
祿徵能就陪臺出似遊

蒼梧蟠帝寢芳樹繞潮溝典客高情映祠郎清
燕酬如雲瞻鸞鷟似雪耻蟬蛸好以青蘋弄時
將白簡抽似綠參世業不惜偶人傳下秩依園
廟齋心隔冕旒時時分羽籥一一聽鳴球習色
朝霞起祠陰宿鳥啾才情空荏苒耄耋得優遊
翰墨飛長紙壺觴引薄脩忘年過瀝落淡歲語
綢繆受命同嘉橘孤株感若榴看松高蓋偃援

詩

十一卷 三

佳晚枝樛世事留黃閣公才尚黑頭乞歸丹疏
人言佩尺書投岩望宜專坐朝銓且七騶離心
眷蘭菊別韻起梧楸冠蓋鴻臚道于旌白鷺洲
月卿爭祖席雲從識僊舟岸草搖清籟江花點
敝裘行藏燕市古出入楚門修去欲蒐戎乘行
將味德輶鳳沆鳴鏑滿雲笏羽書稠清渭秦并
子河源漢列侯羌胡形欲詭將相語猶禽馬穀

經年減燕金幾處京和戎虛漢物賢黃豈吾謀
太白朝芒角崆峒宿踐踪英雄懷玉劍形勢惜
金甌老亦趨千里今何問一丘駿園周問得戎
議傳咸優並事今吳趙長流舊沈鄒羣公心赤
古高爵歲華道未必參帷幙看君展一籌

同董光祿望雪漢西禪閣陪胡瑞芝武部
鄉關望不極江漢此登臨山川照雲雪城闕動

詩

十一卷 四

光陰色與空門淨寒棲佛影深得從葉梓敬來
飭紫芝尋冠蓋人如玉聚尊月在林飛霜曾白
簡繁露滿青衿祠署看能入幽蘭思不禁惟餘
光祿宴清切歲寒心

高座寺懷可上人

發轍自公暇登眺此人同春湛禪林上人初佛
位中冥濛江水色淡澹曉雲空大地花光滿諸

天雨氣融嶽眉開遠照廬嶽會深表白月東林
裏何人笑遠公

盧溝曉望

氣脉開玄朔晴霞動紫氛龍隨天闕曉虹度井
陘雲冠蓋流塵合旌旗落月分參差鎬池見隱
約渭橋聞草繡榮光繞花滋淑氣薰今朝玄朔
山西笑益氤氲

詩

十一卷 五

萬侍御赴判劍州過金陵有贈

君以邊事
論政府行

紫氣通華岳黃苗闢草萊地遙金柱接天廣玉
門開雪嶺燕支逼湟池戍落迴安攘餘上策駕
御失雄猜世數鳴沙積風烟壘壁摧奸閹嫌說
劍斷道怯行枚倍有金縢去毫無善馬來市和
虛內帑買爵富中台醉吏囊誰問疲儒轂浪推
虜王迎後佛胡婦戲前媒席煖戈猶枕盟寒塹

欲灰飲河清渭赤食月白星災萬里城危蹙三

公網數恢借籌沉漢幄折僞起雲臺字俠披肝

苦章飛戰血哀叫關心展轉卧閣語徘徊鬼謁

能湯日神奸不畏雷繡衣飄遠影封事委浮埃

璫隼掀難下臺烏落未回敵人乘障舞壯士隔

河哈朝露商君藥章江蜀漢材燕磯朝鷗語牛

渚夜星陪色笑誰雙枕心知且一盃燭開燕黯

詩

十一卷 六

淡車入劍摧頰角韻寒吟微鷄聲暗舞催春王

回斗柄月將在河魁冰雪陰將解風雲氣似培

秦中初折柳江外與題梅去色連雲棧歸心灩

澦堆參軍聳自好灑洒絕倫才

初發瑤湖次宿方溪

別吳十一
舅陸八弟

病瘦那臨鏡清虛欲衣綿春糧三月外伏枕一

秋偏吉日將行色殊方或勝緣曾過新雨薄氣

逐晚雲鮮堂上行猶怯低窗寢似便命飄危葉
起相濕死灰然君子能無瘡良醫幸有全月憲
催藥杵雲戶隱書箋氣弱難扶餒裝輕得漾船
斑爛香地泣葱鬱舊坐憐故故隨搖曳悠悠獨
迴沿金隄斜照落瑤水暮風旋客夢初移枕勞
歌始扣舷外家依才下中國向窮邊肝贛江連
峽雷瓊海隔天滄浪誰荒爾岐路欲潸然星謫

詩

十一卷 七

郎官遠心知宅相賢賦詩耆舊引尊酒樂人傳
嗚祝人難老鵬扶尉欲仙山川彌望積丘壑幾
時專

尉徐聞抵家直下侍御莊浪備兵遷越歸

覲遠遺西物却寄三十韻

嘉靖間寧夏將王
謝議決水退虜

地脉陽關遠天心雪嶺高何年金狄巧入夜羽
書勞張翊愁臨水王瓊戲集壕傳聞通渭不

擬過臨洮詔蜀丁都護巡秦漢節旄繡衣分儼
雅團扇失腥臊古浪烏稍迫長城豹額半善騎
宛白馬能送海青綠芳樹凝笳入真珠卷帳逃
雄文三楚客醉色五陵豪凍拭青硯硯春拋碧
玉搔燕支歌冷淡胡旋舞周遭獨將危班遠誰
憐放竇滔年華依贈紆心事與同袍似語長沙
鵬初漂漲海熬三秋餘病枕萬里脫詞曹赤水

詩

十一卷 八

蛟龍影炎州翡翠毛月低枝鵲遶風細嶺猿號
故國羅浮夢新州古佛毫尉留雷部隱兵過海
門操月嶼珠爲燭星岩燕拍篙蒼梧韶奏謁白
雪郢沉騷嶺樹天猶漏臯蘭漢欲塵白河迴鳥
陣青海送龍馭舞換征衣綵歸將王母桃熒熒
分枸杞瓊瑣寄葡萄遠致緘重復幽遷慰鬱陶
尊慈乘健飯越騎仰投醵春汛新移燐宵光宿

佩刀浙江秋色好兄弟欲觀清

伯父秋園晚宴有述四十韻

由也垂雙鬢公然一老儒釣竿嚴子瀨碁局帝王都
龍虎燒丹有瀟湘鼓瑟無武夷春歲月廬岳暮江湖汗漫期
常共清真德未孤卧遊仙裊裊行樂醉烏烏舊試朋簪合新
瞻佛座敷時時開盡軸日白隱香爐年少誰留夢情多數被呼

詩

十一卷 九

月高輕點拍春睡美投壺長袖光陰遠深衣禮數殊步趨真長者
詩賦可賢乎每嘆青雲器長誇千里駒山隨叢桂小座許竹林
隅雨暈浮蒸菌沙根颯石蒲棘枝青裊架荷葉翠欹扶竹暗
冷蒼玉榴明迥絳珠長樓陰樹偃殘砌晚花紆稍稍風吹鴈涓涓
水沒鳬少花秋莫冷多酒日堪晡滌口蘭英過調腸芍醬頰
三絲摘碧藕波

色驚青菰蜀獻全知嘆憂生勿謬吁謫遷方渺

渺抗疏失區區大火奔長路中寒卧薄軀病呼

天比語滯泣海南面數過憐猶子深慈爲友于

良醫疴畧起君子瘡何俱擬作三生度驚看萬

死蘇低垂爭末路潦倒送窮途我覺才情盡尊

悲力命徂心摧虞弔客冤付楚招巫瘴入何多

幸春歸卽少娛駐顏宜大藥碎魅且靈符骨肉

詩

十一卷 十

欣何得江山意不渝定應添腦髓何得有肌膚
少事堪長日多財祗累愚興來過咫尺老至莫
鋪鉢薄命隨文酒清懷在竹梧有人林下酌何
物府中趨

秋日西池望二仙橋

池上挹秋光登臨愛夕陽鏡中蒲柳色衣上芰
荷香聽雨初畱展當風一撻床倚蘭筵客語高

菊以隣芳紫翠連山腰晴陰隔水涼坐看人世
小仙駁白雲鄉

西塘煙渚憶大父徵君

喬木無人問王孫有歲芳池臺秋縹緲梧竹暮
荒涼雨意青山外煙墟綠水傍祗應悲蟋蟀何
得奏鴛鴦星落少微隱書拋大酉藏不知稽叔
夜清嘯若爲長

詩

十一卷

十二

陽江避熱入海至潤洲夜看珠池作寄郭

蘇州

春縣城猶熱高州海似涼地傾雷轉側天入斗
微茫薄夢遊空影浮生出太荒烏鰲藏黑鬼竹
節向龍王日射潤洲郭風斜別島洋交池懸寶
藏長夜發珠光閃閃星河白盈盈烟霧黃氣如
虹玉迥影似獨銀長爲映吳梅福廻看漢直堂

弄鮪殊有泣盤露滴君裳

相圃新成十韻示諸生

禮樂在乎昌諸生立射堂山形君子似地脉聖
人倚四獸風雲合三龜日月良天門馳直道星
舍翼迴廊半壁新泉煖成帷舊木蒼嘗聞殷曰
序如見孔之牆遠意葉蓬色清歌蘋藻香修容
隨抗耦射策擬穿揚有鵠求臣子爲侯應帝王

詩

十一卷

十三

同科非爾力得雋乃吾祥

平昌報願寺鍾樓新成十韻

舊有金輪地樓傾怯曙鍾自能施抖擻於此寄
春容以下雲平壑爲高翠遶峰聲聞懸十里色
界祇三重霽晚千樵迥霜宵九乳濃空中靈響
落世上耳根逢滌海翻晴鶴露雷隱夜龍花臺
遙箭刻燈塔閃芙蓉去逐香鯨吼來參法鼓寥

無因報弘願長畦一惺忪

潮音閣開李本寧參知赴闕有懷

渺渺西江水悠悠大隱林折蘭清漢上福世鳳
城陰荆吳連氣色湘嶺寄飛沉復此春潮望淒
其雲杜心弄珠如可見江月寄情深

平昌尊羅閣成率諸生恭讀御箴下宴

相國欽言十八韻

詩

十一卷 十三

君子猶各地問公卽有源平昌開舊館前今作
新門朱雀何飛舞靈蛇太伏蹲或爲聞地理爰
築見天根遂爾升層棟因茲賁復垣山川夾戶
牖日月創懸軒氣脉宜龍舉階梯此駭奔鍾球
懸聖作鼓篋付司存似謁河宗帝如招洛誦孫
橫經將吏事直道倚君恩未覺絃歌冷粗知色
笑喧自公垂勝賞于役動高驚掌故登堂禮諸

生避席言弁星趨比丰冊玉候西崑入國傳經

語觀風展德論射堂樽組合文圖竹書翻嶺借
游蘭馥池紆采碧溫第令周士貴始識漢儒尊
喜劉溫川奏最述懷

海濶江重潤嵩高岳有神高陽才應世大雅德
宜人賜履躋東越分符下北辰飲棄驚變鳥踐
草覺逢麟律轉喧寒遞絃調緩急何人知君子

詩

十一卷 十四

恕戶嘆我侯仁上計盈三稔中書第一循賜金
龜紐印露冕雀扶輪地遠將還亥天高且借伯
翔龍依宛轉蒼鹿映嶙峋况復孤危子能攀易
簡親遠心多欲警疎骨久如馴湘水誰招屈蘭
陵令老荷筆花春減舊碁局世增新下陳風雲
絕偏枯雨露鈞能言悲夢鳥或語應窮鱗自竄
從知昔人物後飲醇通懷無棄物薄照有存隣

喜候鶯遷出愁將鰥屈申由來星宿寧得近斗
微春

謫尉過錢塘得姜守冲宴方太守詩恹然

成韻

旅客如吳會同人在水陽笑迴花壓帽泣別酒

清裝獻賦登枚子修文下沈郎暮雲春穀冷秋

草微亭荒獨嘆題與此曾邀數騎將風期行桂

詩

十一卷 五

持月旦坐游揚戲出馨兒語鮮傳荔子嘗雨齋

深懸蟬暗檻淺鶯鶯共夢常千里相思偶一方

尚持心膽素稀覺鬢顏蒼道舊才難盡看新意

易傷禮早存授簡興劇儼垂堂擲地詩搖卷兼

香墨吐香煙霞移几閣山水過舟航南屏鍾初

斷西冷漏不妨語經吳署俊色帶海雲長市筑

留還俠輿歌接似狂鬼來多白岳人去獨滄浪

別薦誠高韻同官雅和章朗音雙叩銀陳事一

悵繡自愧紛吾久還疑向若茫文章傾禦魅意

氣盡投湘罷讀塵經笥傭書冷筆牀今朝孽瑤

草還自惜餘芳

奉寄李蒼門諫議并呈省院諸公二十韻

漢壁藍光遠秦關紫氣深寶蓮開華嶽仙樹出

咸林夕拜連封事辰遊費雅箴國家方有道天

詩

十一卷 六

地得無心震位遲佳氣西師急好音數災山少

木厥貢土惟金漸覺風謠苦長看日氣殺繭絲

抽欲老仗馬嘶難任地大誰爲政天高汝作霖

英奇才世出虛薄病年侵愧見同門友愁聞節

柱吟越中隨奏計朝下慙琴尋繡轡凌朝踐清

尊薄夜樹賞新喧散帙懷舊黜沾襟自合王喬

履誰分子曉琴竊孤覓莽蒼朝集意蕭森路盡

求牽復春多肯幸臨子牟留魏闕陶令去江潭
報玖將遺珮彈冠擬合簪棄榆如薄照蘭菊待
分陰

奉懷開府曾公河南四十韻并懷達公

北斗青雲迥西江紫氣連祥金聲殷地明玉氣
霏煙問俗褰帷久趨朝獨坐專風雲猶四嶽朝
市必三川節制河南北光輝邾後先有開通維

詩

十一卷 十七

鼎惟德鎮伊瀍諷納藩垣重均調氣脉全美風
歸漢汝冷雨發周田五老遊河曲諸生咏洛篇
紫臺黃閣近春色衮衣妍憶昔趨庭日多君拜
慶年蚤占卿月貴長御德星賢與梓危恭敬維
簡下曲卷戶庭風邈矣盃圓飲徒然莫報心常
絕長謠涕欲漣陽春開后土陰德見皇天珮玉
深棠隸褒綸疊几筵新恩聞欲舞舊德見猶憐

愴惻鳴琴後趨踰露冕前自公承欵曲入計謝
陶甄政布優優美恩垂湛湛鮮有心非木石無
命卽林泉涸鮒江難喚高鶯谷遂遷私懷時自
語公度肯吾捐慰藉盈書札提携損俸錢案傳
餐玉飽盤泣報珠圓煖律吹何及寒灰濕詎然
一丘粗買僻三徑已隨便轉施與梁就遂工樂
石鑄魚龍喧蟄蟄江海祝涓涓微願終何者親

詩

十一卷 十八

知亦已焉自天高緬邈餘地小翩旋舊識盧敖
士差通紫柏禪得隨乘鶴去思枕伏牛眠路指
三花直門拋五柳偏披雲嫌造次愛日許賓綠
祇恐台衡入遙詹佛座聯馮陵車欲借想像榻
誰懸積氣江湖上幽芳歲月延倘陪丞相幕猶
自惜青蓮

再答夢澤張新喻二十二韻

獨有神明宰能開阜閭春清嚴常映雅微眇必
依仁握篆蟠龍起臨梁瞰虎馴甘棠迴訟雀生
草入翔麟已得周南趣誰兼漢吏循山排羣玉
府江沒九星辰損價謀燕石題書許涸鱗雲天
拋逸簡世路委勞薪北闕心辭主西河淚損神
遶號孤季子羣宴偶伶倫遂涉徘徊體將延歲
月身歌憐紅袖老舞愛白華親地小堪旋我天

詩

十一卷 九

高宥問人市喧容色滿林殷足音頻彩歛停雲
近暄沾愛日新國風深款頌庭詩得咨詢獨立
宜公子共惟定帝臣受知因宛宛聞頌益津津
便欲噓寒草相依過瑞筠三思氷雪阻載笑語
言伸隱軫聽鶯谷商量步驥塵遲君臺閣裏風
一起青蘋

奉寄南少宰集公 有序

嘗別公司成之第竟今音微緜綿人地阻隔
無繇更承風澤一就雲華庚子之歲長殤在
南獨公與春卿九我李公以大人古處撫恤
存遺周至愴怛逝者未申結草之懷在者莫
報噓枯之德每食必祝永言勿諼而已久之
復有司成允陽劉公之戚憶長安上元飲公
允陽私第時公方晉中允笑言未央藜火薪

詩

十一卷 二

窮適重山王之感次兒太耆昔在太學過受
明龍郭公商盤傳公二師辟珥提飾極大人
之有造竟童子之無知茲復握衣備酒庭下
雖其恩雅得倚平安亦知嗚咽大恩思而竭
蹶如某者故已謀疎翼燕而心懸和陰聞此
子獲望宮牆如此身自遊廣樂矣不覺手之
舞之遂復斯陶斯咏忘其言之不足見其佩

之有餘耳

趣起思千里徘徊望九仙
劍騰溪閣外星燭海
壇前建禮蓬萊舊抽書
蕙草鮮清華宜翼聖素
質每懷賢樂司成金盃
行右允偏玉融開照
座金崎合從蓬地迴風
雲通天清日月連暫留
南國華蓋東北門銓世
路方河漢公居且澗瀝
江山悲遯矣淵岳興悠
然太史文書副中台氣
色全到門元禮貴入室
子雲玄未擬垂幽谷終
知托大川

懷舊再上葉公懷劉李郭傳四公也

忽忽亦何事悠悠真偶然
安成祭酒客零落探
花年洞壑盡長覆山陽
笛蚤傳晨星疎館閣仙
李自風煙蚤盡吾家
誓能觀上國賢一朝拋
騷影三載泣龍泉
弱喪人同惜情傷君獨憐
次兒

臨搶地猶子復依天
傳相商巖後林宗折角前
人師斟酌蒲童稚發生便未老
思門戶從公隔
履躔候龍知仰沫舐犢爲留田
別有傷心處當
君水鏡懸

送仲子太考入南雍感舊奉贈大司成太

原傳公三十韻

有序

傳公以天下之士爲海內之宗河汾地以作

之師築巖天以考其相冠冕之屬章掖之徒
仰其門闕如望雲中之山挹其津涯如味忻
然之水何言豚犬得近鸞龍慕彼隈桂僚昭
餘而每竭方茲驚下駟屈乘以猶疲感戢舊
恩哽咽成念其兄已矣猶羈結草之懷有子
淒其常恐析薪之墜提携弱息依倚洪鈞曾
聞叢象之靈重沾聖臯之雨正恐東維入夢

何暇嗣音於子衿北斗調春便已通神於帝
座敢曰詩言其志庶幾情見乎詞

列星分出晉參井照連吳自古流元氣冲齡發
寶符簡書周太史簪笏漢諸儒澤寫忻泉盛峰
含聖阜孤德深消斧鑿村大費鍾爐棗竹漪堂
砌青槐影市隅自然變典樂能復鳳將雛鵬歲
逢庚子豚兒別友于鴿原依急難後父失驚呼

詩

十一卷 五

戶薄才情異天高力命殊青雲願附孔白雪楚
招巫南國求魂遍西河寫淚枯山川歸死骨丘
經過殘駒忽忽愁人卧涓涓愛子扶秋期臨卷
近春水練裙紆有友招遊驟如愚亦步趨汗青
尊館閣垂白送江湖得遇人師喜相於老病甦
羨魚情莫有私憤意難無旅食淹新筭需衣爨
舊襦寧親觀國暫齒胃過庭俱建業風雲地圖

橋道德樞寸陰披日月都講及樵蘇後學多懷
輒前恩少報珠淳沱從至海汾曲許循途抵恐
丹青出爭看霖雨須周行留詠藻堯命欲師蒲
蓋洗鴻都業高掀綠字圖蠹書徵野老綿蕞記
門徒獨笑幽山桂蒼茫問帝梧

壽南祭酒祥符張公太夫人劉十五韻

首夏清和迥遲春麗景紆何來僊姥宅移自承

詩

十一卷 五

明盧劉媪開祥遠張翁發慶餘遊梁歸令室隣
孟得高居每贊還金數長資佩玉虛明章將太
史陰德特充閭時雨生中岳垂雲出孟諸王風
資密勿卿月照扶疎勝業三槐後高標片玉如
南陔詩潔白東序禮勤渠慈竹長隨鳳清江卽
鯉魚泮宮追魯燕國學近潘輿旦欲中靈葵輝
將滿望舒棘心吹正煖萱草綠方初戴勝高堂

上笙鏞奏樂胥

寄呂麟趾三十韻

有序

麟趾姚江相國孫予齊年好友也憶兩都之
酒未寒寸心之血猶熱君以宣城理入持鉉
以去而予投荒君以江州判起都水理蘆政
而予投閒矣向後風雲路遠情眷轉深遽見
之戚思禮周渥雖宜父之視亡回未足比其

詩

十一卷

三

猶子也得耆兒南雍書感咽思念至不能止
涕夫報者無從而施者莫倦靜言思之何以
得此收涕成篇忽憶君所舊理宣城梅禹金
其鄉屠長卿孫世行樂之初金以風雅節俠
支離坎壈累夕見夢及之世路何期佳人難
得惟有加餐相勗耳

適越餘千里投燕自一時文從珠海滴血向玉

山移相國絲綸舊承家鼎彝資遠心春穀水高
詠法曹詩得共祠郎笑難教吏部辭銓流持在
藻鏡水拭無疵緬戀香爐色嵯陀幼婦詞蒲蘆
今政敏蕙苴昔賢疑向後山公啟推先水部宜
玉歸姜子釣龍護竹孫枝青舊風雲路鮮新日
月池西陵期未果南國憶相離半百逢庚子選
阡失壯兒道途傷淺蒂匍匐見深慈猿父腸難

詩

十一卷

三

續愚公贅易絲桂銷三選草草爛一園葵淚隱
長殤盡心知老倒垂琴書開落其門戶立海其
曲畏宜伶促春傷建酒遲聖賢吾不免天地爾
何爲逸駕思吾呂園橋付阿耆金趨猶子愛得
御故人私堂構看如北雲天托更誰偶然尋夢
語殊欲奮肩隨耳熱孫郎笑灰寒樂子吹禹金
當映坐赤水近何之貧病人交困英雄世欲欺

江海兄弟遠秋色友朋衰忠厚因麟趾交遊固
負懷江南容數子還欲賦佳期

奉贈觀察漳浦薛公三十韻

公抱道而生扶搖起乎炎海執法而仕輔弼
光乎辰極孚尹旁達如坤之玉純粹以精如
乾之金起家南都武部以機務登朝出視西
京學政用人師重世屬者來憲我江之西湖

詩

十一卷 五

之東也俯仰盈虛念念遷而不有文武張弛
事事行其所無用靜則洗心密藏效動則黃
中通理蓋繇閩中學脉自延平氏師中立而
友仲晦卓有鄒魯之風薛本儒宗起河汾子
顯文清而隱中離金祖萊朱之誥至公仕學
通參體用歸一建牙于盱有羅明德夫子吾
師也接豫章仲素之業而更衍真風益深仁

趣其人如其風不亡公下車於漳其思修
其俎豆選其答述指示學人風動南隸原公
德心直以文法附道質義還仁庶彼夏革無
施春和有象耳豈不恬淡委迤超然名迹之
外也使者方君上其治行曰真儒作用名世
經綸天子有動而將卿拜焉棠憩所庇蓬室
在茲接明燈而講聖心擁寒雪而分天命風

詩

十一卷 天

流詎遠嗣者其誰感詠成篇庶幾大雅之思
云爾

仲虺寧微仲人龍復有人雲霄開漳粵梁岳正
旣闢蚤發丹霞氣全輝碧海春風雲含韻古日
月動懷新樞府雄南國漳流漾比辰中和歌樂
漢文武憲生申執法霜飛楚衡文鏡入秦關門
關令尹鄧幽帶詞臣自有河汾業能無洙泗隣

教與延水合學步紫陽親在道忘今古于宗成
萬俾中離沉海嶠大理出河津已見金如錫
知玉賤珉自公持等智諸子攝同倫時雨山川
應清風節鉞巡死灰驚吹鳳生草識翔麟物化
唐人儉身先漢吏循宦游長似拙造次必如仁
影畏中庸獨聲歡大雅馴真儒誰作用名世卽
經綸——高前獻時時下隱淪豫章名不暇吁

詩

十一卷 元

水脉原真蠹簡西塘玉荒祠南澗蘋師門存印
證吾道覺精神日用前隈壘風流後縉紳寸中
深此佩迹外藐難陳大器金鏘靜層臺棟桷勻
薛宣終入相召伯再來旬愛日如從趙高天肯
借恂惟餘春蔽芾長此翳松筠

奉壽洪陽師二十八韻

有序

殷有衡盤以正壽國食天之報號爲平格以

爲均徹三極之理微妙深廣與神明通故壽
所謂同于道者道亦樂得之相與持世也吾
師洪陽張公以道術經制爲世儒宗而玄嘿
守中禪智無上三極之內平格靡餘而略叅
世機輒紆弘筭東征決策遼薊無恐威截海
外實奠肘腋至于元良國本 聖衷久屬公
復正色而安之此萬世之功也竟以此危身

詩

十一卷 三

去國雖歸袞未期而几舄無恙以公淵回雲
施足以壽國而用之不能盡天意所留疑未
有期也某從成均遊事公至今二十五年公
且七十矣而精神意度凝粹無異吾觀貴人
所欲已極常無可繼而盡也我公勲爵著盛
而皆不極甚欲欣欣于道其意固遠某未能
免俗從諸弟子後敢披寸草以佐長春

天源纔入癸歲德首惟寅花甲籌開七葉更瑞
浹旬松喬留夜語鸞鶴自西馴盡拱天人慶端
逢大老辰有姬初降呂惟嶽既生申懿達文章
伯紆涂道德臣王人將綬冕君子試經綸玉燭
天文應珠鈴帝幄親決機清極表定策正重輪
遂有羣飛入誰將寸管陳調和輕將相師表在
人倫社稷容堪老肝腸及匪身路長心緬邈天

詩

十一卷 三

遠意遐巡久覺皇情舊初驚物論新側身歸羽
翮危節寄松筠太史橫經昔諸生遶座頻起家
將建禮酬國動依仁莫漫波廻瀾終知燭映隣
山房寒折簡江閣醉含醇自領沙城識分沾水
月因地偏叢桂晚洲遠百花春問路名津假尋
源道術真香臺時作主丹室夜留賓好相金輪
淨陰符火候勾山龍餘氣色河馬見精神寶氣

虛前席頗趨迴後塵拚飛看赤鳥或躍倚鴻鉤
更借商顏叟方知辟穀人

贈袁明府奏計二十二韻

有序

黃蘄滄孺表公起衆生所敬之天誕兩祖流
傳之地現宰官而說法蔭國土以流慈理事
相融寂照無碍器界任其橫豎名相歸其卷
舒蓋他以攝伏凡心自以莊嚴勝事猶垂悲

詩

十一卷 三

憫曲引衰頽喻以相分不可不明性宗不可
不了以何因緣之故得聞奇特之言啟聖証
於昏沉感法儀之方便乃至小兒開遠都歸
大德含弘容快觀於天人許受參於童子豈
童真之有位卽長者之無邊音在達老舟中
得共本如座下刊垂九帶如標指月之輪辨
示兩兒若誘聚沙之塔逮逢明府愈開昏衢

在手等以常然亦多生而幸直獻珞何日抽
珠此年因祖帳以朝天遡宗門而讀海是亦
觀其所感匪云盡之以言

地括衡廬軸天開軫翼躔嶺飛三角秀春溢四
流全氣脉原殊地精華竟屬天久無同和者時
有異人焉雨渴黃梅後僧醫破額前餘波通選
佛勝器等隨緣四世君侯復三公令長賢妙心

詩

十一卷 三

紆若錦直道撫如絃一切精神大三身性相圓
時時過玉茗色色見金蓮論學能無戲經行即
有權香聞隨近遠甜至失中邊慚愧愚生晚參
承達老禪本如曾九帶形似攝雙筌舊憶棠陰
遠新沾藥雨便因緣時復有感發分吾偏有子
才何得無人秀亦捐小兒那辨日衰薄游逢年
飲水心知煖探珠象欲玄偈兼童子聽法爲寧

官傳祖道朝正入宗風結夏旋由來一大事莫
作境留連

答太傅于田李公河上四十三韻 有序

公家長垣起嵩縣令遷南吏部郎與魏懋忠
李道父三公于南奉常時晤言風雅之契後
公視學濟洛入爲列卿開府節制遂用功顯
北剪薊狄西禽播酋累進大司馬官傳加恩

詩

十一卷 三

錦衣之冑終制墨衰之餘常疑文武忠孝世
鮮通人如公文憲炳于中原武威跨乎殊俗
忘軀制法以明忠崇榮極哀以致孝四者殆
庶其兼之矣某濶契言笑久遠乃辱尊車馳
問授以經畧鴻編并諸大雅非止律呂於師
中實乃金玉乎王度固非朽薄所克窺承三
復欣美不能已于報言爾

大國山河上長垣日月傍黃圖實胡彩赤縣乃
迎祥少室三珠樹中高一懸棠西遊仙令尹南
國尚書郎問政冰壺爛香題翰墨香圖書堯洛
渚絲竹魯官墻沙苑全收駿銀臺半帖黃才難
應不數地大有非常遂以清卿月橫飛紫塞霜
旌旗從趙北枕席過遼陽破竹摧驕虜分金惜
陣亡首功今始有奏捷舊何嘗道過三韓直威

詩

十卷

五

加一戰揚晚山清木葉出日靜扶桑東北留飛
將西南乞贊星夜郎忘漢大井鬼覺星芒頓挫
巴渝舞漂零越蜀裝安危懸幕府星火下瞿塘
詔許登壇拜軍歸授鉞將烏窮焚樹入沙急唱
籌量死士千金得生兵八面當剪鯢鯨青觀吹
律定封疆帝御山龍紫公腰水玉蒼猷俘開典
冊飲至肅旆常草創湏留後麻衣泣靡遺乞歸

營堦處起復事河防似縷堤殊立如雷浪不妨
結冠經底柱沉玉到宣房蚤著河渠志旋奔日
夜喪不周天地缺能事聖賢匡岵岵皆殊役瞻
依每巨創墨緣忠孝節圭錫典謨光自我秣陵
夕陪公蘭署芳遠心生宇宙雅意屬緜緜獨許
淵雲妙曾窺管葛長有星多入蜀無命只投湘
去夢懷西美留寬思北方晉師開大魏儀部鎮

詩

十卷

五

維楊總是三河俊難教一木杭始衰慳飲啄長
病倒衣裳未照幽人喜餘波道術忘十年驚契
闊一字涕淋浪爲問張華劍還能出豫章

答淮撫李公五十韻

作序

公家本關中身依輦下與大名魏公允貞長
垣李公化龍皆予奉常時永夕之好公以戶
部郎疏救魏公失貴人意降司東昌理遷南

儀曹郎出憲千齊視學于晉起復以南列卿
開府維揚總漕河上智殘貂虎猛會伏戎五
方估客付其川陸之安一時使者奉爲社稷
之役可謂如其人如其人矣其奉戊戌計歸
別公秣陵城外于今七稔馳使來迎雅意殊
厚獨愧身與公等比肩事主老而爲客亦非
予所能也感而謝言紆其悵惆云爾

詩

十一卷 五

地大山河積天高日月搏一時同大魏雙李出
長安舊國回西笑新知正北看學成金碧簡氣
拂紫駟鞍上士垂遷擢中樞肯犯千題書當靈
靈輓柱欲卽卽卽出嶽扶雲出鍾山隱霧蟠自東
旋出鎮于洛竟登壇視學河汾迴歸思慕龍轡
月華卿再滿風木淚初乾壯節分麾易危途仗
鉞難甲兵銷日本羽檄動辰韓詔豈求金切祖

當輓粟殘河渠千丈決門戶一錢據邊管庫
索中貂虎益冠海沙吹抵密天日望何漫氣短
江湖急心傷井逕寒維揚禁攬擾過宋轉漫汗
似戰玄黃血將探赤白九咽喉平轄內鼻懸仰
臺端扣閣傳聲苦提封飲淚酸鯨鯢趨夜水鳥
雀避秋翰國論才逾亟途歌政及寬欲歸心項
領向住旨盤桓字挾風霜立勲兼竹素刊自公

詩

十一卷 五

除退食懷舊勗加飡問騎從人託開書對客闌
谷中過履迹淮上到情瀾尚記登臨好忘言日
夜懽園陵新祭酒花月舊長干附尾睇騏驎趨
班失鳳鸞梅仙初解尉陶令一之官月下三生
石星高七里灘死心歸牧笛生意在漁竿老至
燕餘玉愁來澧罷蘭禁烟思渺渺聯佩憶珊珊
世局隨高手天機許下觀酒資三徑援文刻寸

心丹事定詢顏髮交初識肺肝大才須紫戟公
子必琅玕獨坐知懸榻衙門晤考業夢回琴石
枕興發野蔬盤三子牽裾弱雙親舞袖團始尋
方士藥時應講僧檀棄置終何得交遊或末嘆
賦心傷磊塊韻脚儼婆跼世逐多情重身偏寡
和單營家差晏起行路卽朝湍弄雨神龍憤棲
烟野鶴拚古來千里曲何日爲君彈

詩

十一卷 五

敬和任太府處州奏最紀瑞作

昔賢最十羣今秩表王河陳蕃惟雅正劉寵不
煩苛中和時講職循俗舊弢戈四年來不淺方
替留未多惠心調物理嘉氣接天和鹿隨行部
草虎去度江波尋常登秀麥咫尺薦嘉禾復契
援神瑞初驚謠頌訛南明芝疊采東序舊連柯
本之呈郡德兼以發賢科詎同日照葉寧似夜

舒荷豫章宜表出零陵獻欲過欣吾逢盛美
薄寄塗歌

九日宴別奉贈任太府開憲潮陽

爲謁蒼梧影曾飄赤海涯風雲團巨壘氣脉隱
長蛇憲節平分履軍麾夾建牙騷除常不免靜
現亦無譁正爾君侯往翻其士女遮三年停括
嶺一郡遶蓮花慢擊三千水遲沽十萬家臺車

詩

十一卷 四

真龍勉轅卧足咨嗟秣馬留之子沾衣向若耶
靈芝紆疎秀連理鬱交加自戲鸞刀小能依孚
繡華佳期遙鴈月鄉國近龍沙刺史鰲彭澤桓
公得嘉嘉皖知歸慮淺潮候去程賒信宿東人
衆侵星南斗槎令條紛結雨詩草映韜霞向比
瞻晨鳥圖南念井蛙會須捐墨綬那更乞丹砂
獨有題梅路相思寄折麻

玉版居述懷贈黃貞父進賢三十韻

未厭滄沅謫長聞江夏名似懷沙飲老如對月
初生湖水家千頃香臺坐九成小春燠席煖餘
雪汎舟明麟鳳諸生立江山一座傾芝蘭遊金
賞金石扣隨鳴得奉人師禮兼通物際情玄言
關令尹儒術漢春卿礪石雲移潤鍾陵夕借聲
道疑冰雪宵政愜米鹽清馴雉童心美分蕉鹿

詩

十一卷 四

訟平亦餘知肯繁毫末見精誠玉版風中翠
梁甫外情郎官依北斗循吏冠西京有客趨懸
榻何人間濯纓子衿朝日往官燭夜分迎淺笑
臨風揖微醺吹月行琴應聽子賤酒合對公榮
獨下漢宮履雙清洛浦笙鶴翻風骨遠見漾羽
毛輕山阮忘言契淵雲動筆精幾從窺鐵柱一
櫺卧沙城左顧期難定高遷夢易驚目大開蔽

冕之子必銓衡日月離無涸風雲路有程雅多
公視草籍甚衆班荆咫尺朝簪合毫釐世法爭
自憐傷小錦誰惜注翹旌舉燭隣光剝彈冠弱
思繁亦知幽谷裏還得後聞鶯

答威茂觀察東昌杜孝卿三十二韻

孝卿

人給事南省憲秦視學于晉從滇入蜀予篤友也因王參知松濤寄答焉

杜曲佳期傷琴臺遠意憑地卑高士喜才絕眾

詩

十一卷 四

人憎身世隨寒耐行藏畏熱憊九州趨屈一
榻坐驕矜祠廟高天問郎官列宿應薄遊貧自
許多病俗猶仍歲月珠彈鵲乾坤玉點蠅閒情
深洞經朝夢滅觚稜興盡炎荒得心傷小縣曾
春風依雉廩秋水卧魚背出豈管三徑歸將買
一塋雨寬春穗沒星急夏糧升忽忽雲霄且洛皇
皇枕簟興尺箋飛錦水清色見壺冰耳執轡何

極心灰泣未能行人周禮貴給事漢官澄綬合
蕭朱結金分管鮑稱每過談似綺時憶酒如泥
雨閣催金盞風窓遶翠燈笑連江月爽別恨海
雲蒸豸使秦師拱龍門絳士登十年驚會面一
語氣填膺南國精神潤西方美思凝動人鷗鳥
片歸客暮帆層間政懸巴子題書到蜀僧牙旗
掀岫玉井絡度橋繩江東喧金馬嵐開濕皂鷹

詩

十一卷 望

南正得朋

輓司徒新城王公十四韻

蜀制齊公
尊人也

灤海齊風大瑯琊晉祚榮王公天下實公子國
之禎策奏燕臺重書開楚服清埃闡持大體卿
署起鴻名太僕鳴騶入中丞仗鉞行尹京懷寶

德農扈振新聲國論推儒雅軍儲屬老成文謨
通帝座武緯緝天營袞服歸何急金甌覆已明
麒麟看畫像烏鳥聽陳情七秩蒲輪待三公赤
芾迎僊遊旋岱岳遺事足滄瀛世嘆青箱遠天
悲玉柱傾東歸吾有輓綸綍正西平

送姜仲文使君以上 萬壽行歸里并致

常潤諸君子三十韻

有序

詩

十一卷 四

予故宗伯丹陽鳳阿公官屬也最受知于公
子仲文仲文以司農郎抗疏忤時相十年家
食起參江右政一見憐予瘦生常欲取道衡
泌大有援絕之語心實感之別際愈爲悵然
而里中顧叔時交際明于中父賀知恐前後
疑然足音無絕並予所不能忘懷也
拓落吾何有棲遲道亦輕不應傷去住長自惜

生成分薄知常淺年過感易盈意隨枯樹盡交
樞紫芝榮神物分彌戀朋簪合驟爲尚書千里
驥抗疏萬人英西候關門入東歸谷口耕世珍
儒術體公起國家情天地謙恒吉林園賁復貞
下車求孺子邀路覺泉明瘦訝加餐少愁知失
落并門衰差有子家慶幸爲兄和寡垂三嘆嘯
枯許一營丹陽懷窈窕泗上憶嶢嶢飯飫衙齋

詩

十一卷 星

語鍾疲寺榻迎暮霞開水閣秋雨會沙城岳族
風流厚江鄉月旦清爲期欹紱覓取路領柴荆
倏聽呼嵩起奄觀入洛行試飛疑或躍連策悚
于征思贈愁平子書題病長卿光塵行處擁幽
緒觸時縈未濟憐秋水同人問好聲酒酣京口
熟鷄弄海天晴久與吾流藉將高汝穎名鏡波
毫髮偃盤淚寸心傾消息隨陽雁行藏出谷鶯

短歌通契濶長夢滯精誠玉女雙投佩茅君一
占現終知及遲暮常欲向昇平

春王十日奉壽洪陽師相

出震誰司斗連天得姓張薇垣當上相精氣屬
南昌時雨山川出陽雲日月光好生初發歲盛
德蚤迎祥二候占年美三公佩玉蒼風雲迴泰
際冰雪似汾陽計相寧須乳留侯未却糧金提
仍撫運繡黻且含章太傅麒麟閣真仙鸞鶴圖
千秋來進酒長壽若東王

詩

十一卷 星

與鄒愚公期秣陵晤馮元成李本寧未見
吳楚一時盡風雲千里新敬通初罷第李叟未
歸秦東下意何杳南枝心自親同爲不死客獨
是可憐人寄言吹律者江上想餘春
與劉浙君東

隣近無千里交親有十年花林恒共蹴草榻金
曾眠世路銜盃裏韶春把鏡前關河連紫氣雲
霧滿青天座有寧馨語牀空阿堵錢丹陽汝孤
往白下我悠然南士爭攀柳西娃正採蓮遊人
如漢渚公子似秦川媚影皆馳賞攢心別可憐
松毛閒玉塵竹筴代金蟬地氣經南薄天心正
北懸鶯花三月晚貧病一生全上藥終難就勞

詩

十一卷 四

送南太宰趙公致政歸餘姚

薪半已燃塵情多擺落芳意久連絲八水將圖
佛三山欲候仙題書寫微尚會獎卽冥筌
鳳德咸尊岳鴻軒忽罷天舜田元自美趙璧本
來圓蚤遲登槐日曾瞻聽棘年陪畿優德鎮六
尚仰平筌太宰真留後維師定掩前清朝成愷
悌薄俗避華妍疏謝寧標節敦留是惜賢鶯花

攢別帳鳬藻媚歸川華首終彌耀丹心詎改懸
寄言瑣池客都此看神仙

玉茗堂全集

詩

十一卷 四

玉茗堂全集

臨川義仍湯顯祖著

詩

七言排律

奉贈趙宗伯二十韻

天水璇源鬱上宗王孫真氣接吳淞千霄蚤映
長虹色隱海全窺大壑淙池上白龍浮冉冉河

詩

十二卷

一

陽金鳳出啞啞名傳漢殿收奇藻氣圻星台發
副封曉柱泉驚歸趙客涉江兼得唱吳儂徵書
北闕紆蓬苑祭酒西都領辟雍通籍舊叨延杖
履奉常新入聽歌鍾得臨南部山川美幸與春
祠歲月從列宿乍沉方朔隱平津偏怯故人逢
纖纖玉井含秋氣忽忽甘泉奏夕烽丞相憂邊
能宛轉君王馳傳飲春容仍懸禮樂推尊列聖

好精神借折衝積霰戔戔山嶺桂餘風謖謖澗
中松年華極目催三秀春草歸心畧五茸未擬
經筵臨白虎先看畫室正銅龍光輝自合重明
麗恩澤長分湛露濃雷翥千年逢少海雲攢四
岳辨中峰股肱漢室丹青事羽翼商山雲經蹤
相國門前瞻玉樹懷人江上寄芙蓉獨憐郎位
鍾陵下霄漢遙遙望九重

詩

十二卷

二

答李郴州乞雨蘇仙有應因憶與高太僕
謝友可吳拾之夜遊時謫徐聞不得過

柳爲恨耳

秋水洞庭波渺渺春年林墅柳粲粲謝生豈可
今無一與子爲歡月有三姝裏新粧能達曙興
中餘酒必留酣君僧太僕柳文局我愛吳卿碧
玉簪幾度笑歌迴夜渚何年別淚隱晴嵐之官

楚曲遙連桂問俗衡州喜種藍似有青牛隨李
叟久無白鶴到蘇耽不知雲漢歌能苦爲許山
川雨作甘罷舞香雲連下鶴初飛靈雨應隨驟
歌風文學諸生滿爲政神明自爾堪歲在春曹
誰不美古稱仙尉我猶慙今歸幾問湘源北昔
去初過漳嶺南桂水所思能晤語韶陽歸興失
窮探三春倏別何情切千里傳書得面談更欲

詩

十二卷

三

蒼梧一來往不堪憔悴向江潭

嶺外初歸讀王恒叔點蒼山寄示五岳遊

欣然成韻

封章瑣闥移晨病世事陪都接夜談芳草遠山
簾月碧暮雲江水翠於藍風光曉映難留卧官
興蕭疎許放參燕趙金河餘氣色瀟湘桂水出
晴嵐文殊月到仙臺午珠樹止倫少室三石鏡

我眉過蜀客衡陽鴈影入蘇耽青如出日峰前
笑玉女明星掌上探委羽鴈湫三竺下點蒼鷄
足五雲南雲霞踐陟君龍勇碑版窮搜子亦貪
自我園陵新耐飲爲郎漢署宿香含傷心有客
憐難寄生意何人樹不堪瘴嶺夜珠迴合浦臨
川小築寄香楠時時采藥仙華苑稍稍拈花佛
影龕也學素封千樹橘還留中婦一眠蠶間遊

詩

十二卷

四

幾地思公子婚娶何年到小男舊有浮丘雲作
蓋能無子晉鶴爲驂霞城欲賦誰能賞蕙帳重
過省愧慚蠻部碧鷄光縹緲昆池神馬暗趁趨
諸公且看青鏤筆未老那抽綠玉簪獨怪登高
易憔悴不應漁父荒湘潭

次答鄧遠遊漢兼懷李本寧觀察六十

有序

予自辛丑躋伏家食得交秀水令鄧君遠遊
尊酒鍊燈久濶談讌而良書美韻瀲灩其來
情無泛源藻有餘縟至於商發流品歸寸才
情雅爲要論昔人已云楚夏殊風俱動於氣
蘭茝異臭金感於鬼固無容參長以詘短受
素而却丹要於沒世可選而已予於此技非
有師承偶從少作倏今齒至殆欲忘情筆墨

詩

十二卷

五

之間而復引爲在茲歸於作者一言爲智或
不其然至如遠遊乃以殊致之韻方將之力
浸淫義根憑凌物象夷育素美鬱而文生成
言成書有足度越萬此者乃若君家文潔侍
郎表清言于澹臺之後函史待詔發露書于
明德之簡方于時賢當亦互爲巧拙耳茲當
服闋上都別語辛丑大計吏過堂時觀察李

公爲予琅琅爭此長物予在平昌五年戊計
西歸曾無一日到縣而更撫入丑計此乃時
人局置已定得竟陵一知爲足耳材如竟陵
正自不免楚國先賢足有明論邑犬羣吠吠
所怪也誹俊疑桀固常態也然本寧謂予久
已高尚人云便遂此君之高金是知己無妨
嘯歌往詩牽率而成相遲登高爲作九辨耳

詩

十二卷

六

西江牛女發精奇盱汝從天結秀姿上路風雲
龍虎氣中洲毛羽鳳凰兒鳥孤峯外搏霄金燕
子潭邊駕翠宜定有佳人吟暮合肯無憔悴泣
江籬嚶嚶幽谷誰清迥嘿嘿長沙自濕卑忽夜
委金燕市駿杪春邀玉鄧林枝看驚婉戀迎門
急語到驂牢上酒遲萬里拂衣行色滿一時彈
泪燭花欹娟娟月色當瓊瑤濯濯風流灑柳絲

學富蓬山初過關春歸秀水一臨池水閣姑射
仙人潔花發河陽令尹慈小錦勳傷吾汝愧善
刀飛割汝吾師官家未厭朱雲直吏部那爭楚
客私豐獄地深埋劍語漢臯天遠弄珠疑空攀
蕙怨蘭何得故代桃僵李不辭辨馬祗勞三反
復鼓琴終是一成虧心銷百歲難同盡業在千
秋且自喚烟月夢迴湘漢路山川閑憶秣陵祠

詩

十二卷 七

尋常客去看餘幾五十年將托契誰近事草堂
麋鹿隱遠心江國鴈鴻知俄傳清淺麻姑信爲
寫團圓班婕詩海月在篇收磊砢淵雲爲墨散
淋漓精思氣脉追梁苑大較心神動楚詞形似
絕頂情理湊波瀾懸逐世風移都非一骨由人
賞半是多才坐俗疵金摘凌雲爭尺寸兼聽廣
樂辨毫釐參天物色虛酬想擲地人驚實見推

扣鍛夜吟聲病苦摧殘朝嗽物華滋官方拓落
堪如許精氣銷亡或在茲解事小兒愁校書悲
翁少婦惜吾吟終知不中囊錢用始願猶賢博
奕爲懷舊此肩成異物交新引臂得同時徵君
潛谷收函史六潔章江失羽儀叢桂晚香山拂
鬱葉茂秋色水連漪家聲漢代元侯宅名字峯
陰紫閣岐過國君王留授簡承家兄弟慨吹篴

詩

十二卷 八

素琴入御絃歌起白首論交紵縞思日照西堂
吟蟋蟀風清南國吹參差莊生樂畔鯨魚出平
子愁中錦繡遺賦罷停雲三徑晚一尊黃菊正
東籬

瓊花觀二十韻

千歲瓊花花樹奇瓊窻月影香風吹廣陵恨結
煙霞種后土情生冰雪粧淡縞粧成不死樹光

珠凝在獨搖枝清疎欲下桐花鳳宛轉那樓柳
葉離遂有飛瓊來戲集猶遲弄玉與追隨蓬萊
望後今何夕玉李餐來得幾時乍似靈儔喧洛
浦還如寶瑟出天池俱燒鵲尾青沉發金曳龍
綃紫帳垂天上只聞香素遠人間空記露華滋
鳳縷遶處初傳曲雪袖攀來欲寄誰不夜清都
兩凌滴長明輝影一參差真妃愛逐琳霄賞道

詩

十二卷 九

士疑從碧海窺拜乞會應憐玉斧攀依少得駐
瑤輜似聞人氣翻鸞舉偏度春陰許鶴知別袂
曉催留翠灩洞簫人語隔紅姿驚看桂葉銀輝
落笑問桃花金母期但道蕪城爭艷逸安知隋
苑卽披離時移畫色零金粉地老青苔沒絳墀
生小好仙恒欲訪風塵懷舊益相悲樓臺尚覺
江都好絲管能禁海月遲四海一株今玉茗歸

休長此憶瓊姬

用韻和方玉成二十韻

天柱山迴煙月餘長年發興自匡廬爐香合杳
青華蓋瀑練分明玉佩裾拂匣斗牛趨劍浦射
蛟風雨出龍舒淦城雪照秋雲白鍾寺紅殷海
日虛托道茫茫初向若經知渺渺欲愁予歸休
事業留華闕籍甚文章付石渠千里明妃琴際

詩

十二卷 十

語十年幽客鏡中噓松篁韻合傳堪賞蘭菊蕪
滋長欲除倏歛臨川悲逝者參差吾黨到歸與
猶龍氣色周藏史衰鳳吟聲楚接輿但看佳時
長度曲將因妙處一傳書端居歲月鷗羣隱高
閣園林蝶夢遽忽忽雲霞生研席蕭蕭燈火候
柴墟粗拚卷帙論心後盡倒衣裳識面初露重
草根深蟋蟀風輕木末半芙蓉新通曲徑延三

益舊蒲高堂學二疎與劇瀉巾差有酒驩非彈
鏤敢無魚諸兄蚤借烏臺筆一第遲飛玉殿臚
江外遊間公子路山中清遠道人居能來更作
楚然喜况復他時使者車

玉茗堂全集

詩

十二卷

十一

玉茗堂全集

臨川義仍湯顯祖著

詩

五言絕句

秋江

暝色際江海懷人春望來瀾瀾波月散颯颯漁

火開

詩

十三卷

偶成

鴈影金河盡梅花玉管催江南望春色獨上鳳

凰臺

遷祠部拜 孝陵

寢署三年外祠郎初報聞臣心似江水長遶孝

陵雲

聞 聖躬調御有感

帝母親調藥千官想御門鍾陵無限色今日聖
皇孫

送汪主客

酒寒須別君燈火欲紛紜今夜籬門月殘年江
上雲

上巳日遊牛首登寶塔

天闕雲霞起吳都烟海迴凌風飄綠袖招得幾
詩

十三卷 二

人來

又登文殊閣

花岩藏地古珠塔湧樓平何似登龍首居然俯

漢京

上巳後二日遊幽棲寺

百日齋初過三春綠已齊披雲眠佛窟殘屐到

幽棲

遊獻花岩芙蓉閣

木末芙蓉出花岩草樹齊陵高詒象北江白數
峰西

住鷺峰寺曉起同夏正之

拂衣蒼翠堂雲光滿虛闥後臺臨雨花前亭生
木末

曹溪

以下多
嶺南作

詩

十三卷

三

熱海行難到黃梅渴未沾無因四千里分取一

杯甜

子篙灘

落日從中挂烟霏生暮寒山含濛濛驛波瀉月

華灘

凭頭灘

南飛此孤影菁峭行人稀鳥口灘邊立前頭彈

于磯

鴻灑灘

鴻灑英州路中藏彈子村澄潭疊屏嶂巉絕兩

天門

觀世洞

在韶河

山似曾陀小人依大士清洞中金碧響門外摘

篙聲

詩

十三卷 四

飜風燕灘

掠水春自驚遶塘秋不見漠漠浪花飄一似飜

風燕

浪石灘

雨濕瀆陽暮風鳴浪石寒鷗鷺飛不起橫過釣

絲灘

大廟峽

縹緲香爐峽雲祠山翠中蠻歌聽不見叢竹暮

江風

登飛來寺右絕嶺

極目縹旛外飛峰并欲飜日光榕樹嶺青色大

蓮村

廻岐驛

寺遶飛來興江流清遠思五羊從此去定是不

詩

十三卷 五

廻岐

五羊驛

五色紛何異蒼茫白石間不見騎羊子手持香

穗還

廣城二首

臨江喧萬井立地湧千艘氣脉雄如此由來是

廣州

書題小雪後人在廣州迴不道雷陽信真成寄落梅

湛林

昨夜騎羊驛今朝鹿步來百年無湛子閒殺釣魚臺

惜東莞祁生

誰能意氣淺偶爾烟花深今日羅浮子來傷江

詩

十三卷 六

海心

答崔子玉明府朱明洞相遲不至二首

玉洞憑高枕朱陵坐欲曛羅浮窺日蚤還待躡

飛雲

到門風景薄極望青霞開海上神仙今能遊仙

對來

至月朔羅浮冲虛觀夜坐

夜酒朱明館參星倚戶開梅花須放蚤欲夢美人來

羅浮上簾泉避雨蝴蝶洞遲南海崔子玉

不至四首

朱陵雲欲冷白石歲將淹風雨看今夕懸泉始上簾

老人峰可接洞裏吹雲葉只是雨花飄片片成

詩

十三卷 七

蝴蝶

洞中隱風雨夢蝶愁飛舉美人濕不來暗與梅

花語

老人雲忽聲森冥雨氣透風色上簾泉留連下

山晚

番禺江上七日長至二首

珠海半輪月炎州玉管灰江關問行旅還被一

陽催

不能趨舞蹈聊自展衣冠日影隨南至天心向

北看

南海浴日亭拜長至二首

孤臣通浴日滄海亦書雲願得扶桑影年年奉

聖君

五拜晴雲北連呼萬歲三愛日逢南至波臣亦

詩

十三卷 八

至南

夜坐東倪司理時恤刑在廣

升筆夜良苦寒重燈下鳴爲官向南斗只合注

人生

至日懷劉允陽太史

合樂清齋夜春暉拜舞餘蒼梧有雪氣太史不

歸書

至日懷劉允陽太史

君從寒谷起我向日南來不知仙瑄裏還有自

飛灰

戲蜀客

西蜀富家女懷清亦有臺文君正新寡那得逐

琴來

恩平中火

詩

十三卷 九

海氣層雲盡山煙遠燒浮孤臣隨蚤晚一飯是

恩州

海上雜味

小盟青種子割雀最知風每歲初春夜高飛鳴

向東

水飯因家女春歌踏和聲火鷄催欲蚤莫聽紅

頭驚

總不好紙筆耳兒生事窮幾番春欲暮慚愧白頭翁

耳帶山鷄白微低撫翼聲客意何處曉海色最先鳴

不似剪刀尾全無白畫眉愈高飛愈疾愁絕叫天兒

青絕瓊西路能言是了哥不教呼萬歲只爲隴

詩

十三卷 十

禽多

鳳凰五色小高韻遠徐聞正使蘇君在誰爲黎子雲

破敵鷓鴣淺爲雄翰羽粗一般藍翠好長閑白

山呼

北來多喜鵲止是到徐聞海南何得爾能事李將軍

粵地多瓊島何年胡燕飛南中少秋色長似起春歸

月勝來書鱗脂膏脫滿筐紺花浮凝點犀箸走流香

見說臨川港江珧海月佳故鄉無此物各縣古珠厓

碧樹琅玕石瓏璣金玉聲平生鐵如意愁惜爲

詩

十三卷 十一

君輕

盆石如花樹嶺岼似假山海雲常此濕莓雨未湏班

草中決明子夜合葉朝開泥泥春陰雨牛羊蚤下來

益智何湏智無知葉子枝有花開下節飽食記年時

嶺俗檳榔重盈門過禮時銀刀飛寶匣金蕤摩
花枝

不是無鷄翅花梨似降真微香深紫色袖濕酒
盃春

秋色藤花晚青香子欲圓相思不相識紅豆在
君邊

翡翠磯塘曉苔亭草石幽葛衣烟雨裏十月始

詩

十三卷 十二

宜秋

翁源靈池口號

出震甘泉湧溫香乳玉龍如何兩仙老不作兩
仙童

英德水

漾漾炊烟濕磯頭彈子圓迴帆雙白鳥欹枕

晴川

卜公冢

寒食秣陵下偶然持一尊同來看花草何意傷
離門

新歸

畧約新梳洗春衫小坐偏畫眉長自好今日鏡
臺前

西池

詩

十三卷 十三

白鷺低迴疾寒塘秋葉稀暝煙開雨色飛濕藕
絲衣

黃生去平昌遊廬霍

送汝侵雲嶺孤雲難往還芙蓉河上去四十七

盤山

過河間題壁留示趙仲一

九河已成陸卑栖猶問津道心能似此滄海亦

生塵

陽穀店 丁亥

獨來陽穀店遠屋是青山似有江南色蕭蕭簷

樹間

覲田宿龍潭 乙未

是歲春連雪烟花思不堪雨中雙燕子今夕是

江南

詩

十三卷 十四

度廣南蜺江至長沙口號

樹慘江雲濕烟昏海日斜寄言賈太傅今日是

長沙

符離道中

宛宛符離外青山倚復開長河天子氣飛舞鳳

陵來

河間主人店

提壺醉小鮮春月半窓眠不分河間女挑燈來
數錢

廣陵偶題二首

歲月隨人去風塵可自如偶然流淚處翻着舊
時書

忽忽知何意悠悠向此方怯知新涕淚還是舊
衣裳

詩

十三卷 五

呼春鳥口號二首

日日呼春鳥殘陽到月西不知春欲去還向恨
人啼

呼春春幾時白馬青遊絲不合春能去花間聞
子規

去錢塘別劉季德關叔秀

賓從紛然去主人難自懽錢塘秋八月潮上欲

生寒

鴈山大龍湫

坐看青華水長飛白玉烟洞簫吹不去風雨落晴天

鴈山迷路

借問採茶女烟霞路幾重屏山遮不斷前向剪刀峯

詩

十三卷 十六

鴈湫白雲菴

飄搖白石梯試躡蒼龍背風雨隱寒岩孤清白雲內

廣陵有贈

儂住曲江臺臺門一點開蛾眉今夜淺斜月剪江來

丁酉三月平昌率爾口號

花明長蕩女杯開冷水春一倍登臨處青山如故人

千山一酒樓伐木下長流一笑游龍縣爲龍向此游

答龍凌玉痛遽兒

去歲復茲日羈魂不可招盤珠空感咽無淚濕龍綃

詩

十三卷 十七

湏陽峽

窈窕香爐峽玲瓏臯石山翠禽迴浪急玄狖接峰間

峽山上七里白泡潭爲易名紺花

樹光吹峽雨苔色動江霞泡影非全白沾衣作紺花

韶石

舜帝南巡日傳聞此地迴秋風響靈峽還似鳳飛來

謁帝蒼梧道行歌赤水濱樂昌好鳴磬能待有心人

五月奏南薰千秋仰白雲可憐簫管韻不得到徐聞

大聖虛忘味何曾到海涯今朝撫韶石直似見詩
十三卷 十八

重華

羅浮夜語憶明德師

夜樂風傳響扶桑日倒流無人憶清淺夫子在

南洲

羅浮飛雲嶺

勾漏杳無人獨自神仙尉海天今夜瞻龍門有

雲氣

下飛雲嶺

絕嶺能清嘯下山渾欲愁千山一回首雲氣是羅浮

青霞洞懷湛公四首

下山興不淺竟作青霞遊一片東樓影參星南戶流

海蛸窺石冷山鬼被林幽不爲青霞古誰能深詩
十三卷 十九

夜遊

發興動心賞懷賢如舊遊海鷄催欲曉漸媿昔人留

洞壑隨龍氣丹樓寄晚霞千秋好流涕湛子不爲家

保昌下水

亂石水濺濺綾江下瀨船撐腰過黎壁纔得小

謝旋

打頓

昨夕波羅峽今宵打頓灘獨眠秋色裏殘月下
風濤

九里

九里十三坡沉沉烟翠多釣臺何用築吾自泛
清波

詩

十三卷 三

曲江

古驛芙蓉外煙林晴欲開曲江秋色晚木末幾
徘徊

夢亭

知向夢中來好向夢中去來去夢亭中知醒在
何處

口號戲贈張正郎

客散紅亭酒天寒雲月微何來花燭清不照粉
郎歸

雪中同張正郎歸思

御溝殘雪色仙署蚤梅花似少青綾被爲郎獨
憶家

十咏

信陵君飲酒近婦人

詩

十三卷 三

魏國乃爲累萬古悲公子世上無神仙英雄如
是死

荆卿所待客不至

所待要爲誰造次入重關壯士有寒聲心知不
復還

陸賈不欲數過諸子

留侯世業外長從赤松子陸生頗經務取適得

如此

通德野田荒草之泣

精靈費常盡事去無好美擁髻一時淚千古傷心始

馬伏波頗哀老子

熱惱願涼適文淵思少游慷慨既疇昔危疑安得休

詩

十三卷 五

臧子源爲張超死東郡

討卓氣已震拒袁心更悲但爲所知死寧問所知誰

司馬德操謂龐德公妻子作忝元直欲來

世亂難爲士存身各有致鹿門一輩人未測語何事

魏王分香

事業易委謝恩愛難銷沉虞歌與戚舞英雄同此心

謝太傅雅志未遂

四十尚高卧出處非造次爲語西州人舊日東山意

王逸少覺傷哀樂之致

才盡氣亦盡情事復幾許大勢老人懷難與少

詩

十三卷 五

年語

咏懊惱事二首

文宣顧其子機牙噤不施大有可憐人焚香煮

藥時

河北拭甄面江東泣麗屍山川半流血此劫爲臙脂

夜書梅花閣

素月流清輝夜久光如積悠然江海心馮軒此
聞笛

平昌聞右武被逮慘然作

獨有豐城劍千秋氣不銷長平一杯酒還合祭
臯陶

舊日霜臺使今當詔若盧不得飛鳬去相看啼

夜烏

詩

十三卷 孟

題溪口店寄勞生希召龍游

穀雨將春去茶烟滿眼來如花直溪口半是採

茶回

忽忽登樓去長安五度春云何冷水店尚有熱

心人

姑熟病熱同端望虹太學

暮江無斷波夢熱自相依一雨能今夕高意陪

電飛

濕蒸難野地病渴省談天靜日鳴埧雨藤床一
覺眠

景州董子宅同高栢庄長者

落日窺園處秋光繁露餘不知千歲後誰復亂
書書

帷開竹林古書掩玉盃開獨有河間獻英靈時

詩

十三卷 孟

往還

高唐同計偕嘉興陳公九德午火偶一禿

馬伎人來倩飯陳故盛德士時有故人

守高唐不受謁爲題壁惱之

孝廉方勃率俗吏敢抑掄卽知無盼子賴是有

綿駒

穆耳自流悅傷神常獨恹定知絲駒唱未及杞

良妻

子在高唐英風此北方無人照千里慚媿夜
珠光

越唱長安道齊趨東郭門不知簪珥夕何處可
留髡

新汲

銅瓶受五升青絲三合繩蕩入甌扁裏蓮花發

詩

十三卷 五

古青

苦瘡問達公

四海難銷熱三焦不煖涼自然心似瘡何處藥
爲王

苦滯下七日達公來

未進紅罌粟徒然青木香精華何處舉留散在
心王

夢千勝地不淨爲苾芻所惱作

一片香嚴地兼非行廁時醒來知是夢垢淨竟
何施

醫俗亭同王弘陽大理咏

舊日王孫路半曲梁園竹時有會心人勿剪湘

波綠

示數息僧

詩

十三卷 五

嘿然成燕坐一日下三千和風定何處空悲長

壽夭

看守心施鳥

乞食到人家家家飯煮沙尚餘香積米持施白
鳥鴉

吳序憐予乏絕勸爲黃山白岳之遊不果

欲識金銀氣多從黃白遊一生痴絕處無夢到

徽州

百哭三首

一自去長安無心拍馬鞍
祗應歸在處時復向
西看

大笠覆無影枯藤杖不萌
定知非獄苦何得向
天生

三年江上別病餘秋氣恹
萬物隨黃落傷心紫

詩

十三卷 天

柏西

看西域人繡柱肚

手印從如色娑陀出恨王
至今嘗乳處猶是鬱

金香

徐聞留別貴生書院

天地孰爲貴乾坤只此生
海波終日鼓誰悉貴
生情

書文中子後

郎主在六經諸公復何有
欲以龍門關上擷喪
家制

觀劉忠愍公手筆口占

危言奉天門疾雷擊鴟吻
骨肉了無餘銀鈎見
忠愍

冬至王江涇舟中送彭直指赴建

詩

十三卷 天

退鷁風初急啼鳥日正寒
今朝逢柱後長是髮

衝冠

似有都船獄飛霜一詣臺
相逢長至日難道不

然灰

過候彭御史獄所時尚書都堂郎吏次第

一在繫傷之

未必關三木曾無授一經
年來看貫索多是貴

人星

答劉允陽太史招遊玉笥諸山

嘆世過十載還山纔一年自來高意氣今日始

遊仙

玉笥新行發金華舊講韓詩臣初采佩天子正

書衣

香城寺口占時洪都諸老有道術者與豐

詩

十三卷 辛

城李稠原侍御爭此諷之

卜兆已下策認言無遠情寸心理不朽何必在

香城

稠原家豐城說有佳地在華山下肯見推

與笑答

道眼久相假節原能見聞得傍牛斗氣雙棲華

蓋雲

憶耆兄南都

去騎已一月平安還未通驚心前日事流淚向

江東

憶無懷伯宗

抗壯成三友摧藏見一翁吞聲九泉下流淚寸

心中

贈龍君揚公子凌玉太和

詩

十三卷 辛

江上見龍駒金鱗照紫虛龍門開日日何得尚

爲魚

快閣一中酒淋漓醉墨花池亭開示客秋影見

龍蛇

龍門低夕照一柱遠擎天見說孟中好還須惜

少年

麗水瓊瑤同呂紹價王良聘呂故盡史官

紀後乃云與時貴銀臺使通籍王先人

某進士死于孝及之

堰堠響崖谷懸流松栢清千秋想盤礴何知世

上名

士生氣沉俠世外誰知己風雨不出山吞聲堰

堠水

楚江四時

詩

十三卷 三

波沱楊柳絲崖氣隱天碧好風吹雨來及此歸

并夕

沙淺碧潏潏遠晴山翠新輕波蕩柔櫓江暖最

宜人

水痕落空碧紅樹颯披離一種臨風意秋江晚

渡時

積雪滿槎枒晦此江山色漠漠漁樵人相望不

相識

野意

野照紆寒碧林煙上夕陰終朝采瑤草不是楚

人心

有贈

似笑玲瓏語如啼宛轉歌亦知春色少偏作暮

情多

詩

十三卷 三

偶題

世路尋常見心期次第過一般花月好祇是恨

人多

山陰劉冲倩粵行祈子口號

自昔遊光孝波羅樹色青君行宜折取歸種小

蘭亭

燈窗韻和山子

淒涼芙蓉錦心銷蓮蕊燈一春何處好還道去
春曾

露葉驚寒鳥紗窻宿夜燈卽知花事蚤心性爲
誰曾

月露紛來下菱歌欲暮燈容華江上晚消息幾
人曾

睡眠驚阿姊坐起半帷燈只似年時夢幽思說
詩

十三卷 三

未曾

哭婁江女子 有序

吳士張元長許子洽前後來言婁江女子俞

二娘秀慧能文詞未有所適臨曙牡丹亭傳

奇蠅頭細字批注其側幽思苦韻有篇千本

詞者十七惋憤而終元長得其別本寄謝耳

伯來示傷之因憶周明行中丞言向婁江王

相國家勸駕出家樂演此相國曰吾老年人

近頗爲此曲惆悵王字泰亦云乃至俞家女

子好之至死情之於人甚哉

畫燭搖金閣真珠泣繡窻如何傷此曲偏只在

婁江

何自爲情死悲傷必有神一時文字業天下有

心人

詩

十三卷 三

癸卯秋宿鍾陵玉嶺公館與開遠年十六

侍憶孺弱冠時過此初移竹置館焉

種竹此何地秋深玉嶺塵甃令車馬客來夢竹

林人

雲生玉嶺路風遶石壇秋賴此青青色長看小

鳳遊

半牕通月色一榻掃眠雲玉嶺多鳴玉蕭蕭是

此君

重遊三十載向昔未成林今日青葱色空傷雲
漢心

青閣

明月下青閣遲懽心所娛鳴笙松檜間細與流
風俱

偶嘆

詩

十三卷 三

偶向交衢立長風吹我襟不知來往客終日是
何心

蓮池墜簪題壁 有序

予庚午秋舉赴謝總裁叅知餘姚張公岳晚
過池上照影搔首墜一蓮簪題壁而去庚寅
達觀禪師過予于南北部鄒南畢郎舍中曰
吾望子久矣因誦前詩三十年事也師爲作

館壁君記甚奇今春五臺僧樂愚來乞文復

棲賢寺修墜簪之約予病苦恐未能觀厥成

感激悲涕是用存其少作奉爲來因云爾

搔首向東林遺簪墮復沉雖爲頭上物終是水

雲心

橋影下西夕遺簪秋水中或是投簪處因緣蓮

葉東

詩

十三卷 三

四阿羅漢口號

月下了殘經

明暗自一時未斷言語路宵雨月中人下來叅
文句

雪剎

一法不可作煩惱不得絕正好日通紅落盡刀

山雪

龍

鉢小龍亦小龍大鉢卽大若作小因緣終成陰
器界

伏虎

有勢莫使勢有智莫使智遭際此痴蟲瞞瞞作
佛事

黔中客有遺

詩

十三卷 天

見說南中苦吹沙畏射工何來閨閣裏得有九
香蟲

坐故椅懷揚州蕭成芝

念年斑竹椅寒色映瓜州坐客蕭然遠懷來清
淚流

送客九江有謁

候雁三春盡晴雲九疊開祗應溢日月曾見白

公來

題租厝後

欲歛東臯稅須清南畝菑獨笑陶彭澤持籌寫
簿時

佃客題名滿倉廩漬墨深了無江海意真有稻
梁心

擇日裝新曆逢年慶濁醪老蒼教落墨庄客對

詩

十三卷 天

揮毫

報國將爲報傳家足此傳今朝外史氏宜書大
有年

銀俵詩 有序

予友朱元芳持其宗人家閩邵汀山峪中得
窖金銀器歸忽忽穢甚不可禁且小口時有
愆厥長老云是流賊窖金時常困苦一人至

求死不得約之曰爲我守窖否其人應許復
告之如是數四應許畢之窖中遇金者祭度
而後可朱氏婦教上章曰汝爲賊守久當我
得此金度汝命已而穢淨病已朱氏用富有
中表周氏遇此度之終不能得也反其金窖
中曉夫人之於人也豈不甚哉昔聞虎俵茲
爲作銀俵詩

詩

十三卷 甲

死仇爲仇守俵爾何其愚試語穴金人此術定
何如

爲連城道人口占

白石何當煮藍田未許漿但服雲霞氣生身有

玉光

答客

富貴不可知年壽何須問但無少婦緣祖有老

人分

摘白

側室了無與聊取世眼黑今朝好日辰鐫此一
室白

負負吟有序

予年十三學古文詞于司諫徐公良傳便爲
學使者處州何公鏜見異且曰文章名世者

詩

十三卷 甲

必予也爲諸生時太倉張公振之期予以季
札之才婺源余公懋學仁和沈公楠金承異
識至春秋大主試余許兩相國侍御孟津劉
公思問總裁餘姚張公岳房考嘉興馬公千
乘沈公自邠進之榮伍未有以報也四明戴
公洵東昌王公汝訓至爲忘形交而吾鄉李
公東明朱公試羅公大紘鄒公元標轉以大

道見屬不欲作文詞而止瞻言負之爲志愧焉

少小逢先覺平生與德隣行年踰六六疑是死

陳人

癸丑四月十九日分三子口百

分器不分書聊以惠羣愚分田不分屋聊以示

同居

詩

十三卷 聖

得吉水劉年侄同升書喟然

悽然來問病滿紙不勝情異日西州動餘生識

晉卿

文情不厭新交情不厭陳能存先昔友留示後

來人

送李孺德

何日承凶問君來自吉州可憐總帷客不作錦

衣遊

我自慟吾親因君倍愴神十年師弟子千古吉

州人

送徐婿德胤

宛爾東海彥快此中山婿百歲俯鸞凰千秋仰

驥驥

拜門來問病相見卽依依安得仙人杖乘龍見

詩

十三卷 聖

汝歸

病中喚主人翁

尋常作使汝不容宅中立今日喜翁歸作使亦

何益

貧老嘆

一壽二日富常疑斯言否末路始知難速貧寧

速朽

訣世語 有序

僕老矣幸畢二尊人大事苦塊中發疾彌留
已不可起慎終之容仍用麻衣冠草屨以襲
厝二尊人之側庶便晨昏恒見達人返虛俗
禮繁窒怪之恨之恐遂溘焉先茲乞免遂成
短絕用寄哀鳴

一祈免哭

詩

十三卷 四

生平畏聞哭聲兒女孝敬自有至性不可強
也慎無請哭成禮

善哭已無取佞哀非所懷帷官都過密偏覺有

餘哀

一祈免僧度

僧舊在門下者無煩俗七兒輩持半偈齋僧
念心經數週足矣

便作普度事都無清淨僧灑水奉心經聊爲破
暗燈

一祈免牲

肉食而鄙六十七年於斯矣殺業有徵報何
所底每見牲奠腥汚塗藉大非清虛所宜乞
哀嫻遊幸免牲命止求蔬水見遺非徒省穢
存潔亦大爲鄙人資冥福也更煩屠宰到門

詩

十三卷 五

不預乞免者子爲不孝

豕首高刺天羊子隨墮地何當覓鬼前作此不
淨事

一祈免冥錢

與者楮幣相見無煩金銀山錠等物
生不名一錢自分作窮鬼戔戔金銀山不如一
端綺

一祈免奠章

人生而偽聞譽則悅既反而真聞諛則赧往
見奠章誇揚爛熳長跪高誦兩爲失體竊不
自揣代中表門生預爲數語無煩登軸第書
素紙奠畢焚之殊覺雅便萬乞俯從

維某年某月日某某祝曰惟靈歸虛返真

願在每端遊良深悲悼茲陳素筵附於蘭菊

詩

十三卷 奠

用妥靈心嗚呼上饗

不煩奠者苦我代作斯文昨日已陳迹今日復
何云

一祈免崖木

化者須材沙木堅厚爲度崖不足眩也至囑
至囑

千嶺同一土隨宜集沙板闊崖無厚質虛花誰

人眼

一祈免久露

地形取遠所忌無久留

世故不可測隨在便安置借問地上人安知地
中事

忽忽吟 此苦次絕筆在丙辰夏杪望日

孤哀子熒熒不如死含笑侍堂房班衰拂

詩

十三卷 奠

螻蟻

玉茗堂全集

臨川義仍湯顯祖著

詩

七言絕句

黃金臺

昭王靈氣久疎蕪今日登臺弔望諸一自崩生
流涕後幾人曾讀報燕書

詩

十四卷 一

池陽城南

池南三十六青峰暗與青華色氣重日暮烟空
片霞起江光飛滿石門松

送趙大歸齊

石林風雨樹蕭蕭鳴鴈秋生江上潮何待三周
華不注歸心如海白雲遙

送秦次君之汴

朝雲鄴日望南洲一曲蘭歌清漢流爲過雙溝
莫留悵月明無限吹臺秋

別梅固安

黃村別徑曉塵輕仙令梅生出送行薄暮離情
向汾水白溝河上遶秋聲

送陸生遊齊

涉江送子芙蓉菴楊柳春行綠影潭東去青青

詩

十四卷 二

莫惆悵濟南山水似江南

送鄭午陽之文登

爲赴東華碧海期紫藤高髻獨行時只應自占
崑崙影白玉臺前映九池

豫章送何貞長遊岳州

平江仙女接陽臺龍影連雲日幾迴爲憶故中
芝草長一羣鸞鶴聽歌來

武進道中

迎春鄉曲影晴湖苦竹西青接伴奴總爲遊人
俊鞍馬貪看忘落髻心珠

梁溪

橫山斷尾若龍蹲烟雨平蕪勢獨尊日暮花溪
泛桃水太湖西去有雙門

宜興道中

詩

十四卷 三

金沙的的淺紅顏笑插桃花飄鬢鬟遙見隔林
人喚語陌頭回望小心山

逢賣玉者

萬里于闐片玉輸到來連日價傾都安知幾歲
金臺下卞子無緣似賈胡

憶丁右武關西

西昆散霧隱岷山爲聽波聲幾歲還羌笛梅花

戊樓裏可堪春色對吳關

看賈別

金釵擊鼓醉豪呼桂樹高樓啼夜鳥不信中秋
月輪滿年年海上看明珠

津西晚望

西津西望綠冥蒙流水花林秋映空三峰忽自
飛靈雨凌亂金光日氣中

詩

十四卷 四

送文生九谿

錦袍沾濕醉春殘細雨梅時江上寒南北武陵
真不遠何人生入荔枝灘

王小坏去溧陽

陽羨山光春氣流平林東望曲壇幽卽知金碧
明河上烟雨能開大小浮

秀州

雨濕松陵春滿烟杏花榆莢映新田不知何處
唱歌好東柵平湖日夜船

金竹

村鼓壇神六日招豚肩斗酒去安苗兒童逐手
爭拋食社長分頭看插標

新林浦

凌陽浦里襍花生曉屋鳴鳩春樹晴昨夜南溪

詩

十四卷 五

足新雨轆轤原上踏歌聲

青陽道口

棹山橋上晚烟吹花氣晴雲煖石池解道青陽
人易老道傍仙冢故纍纍

宿鍾樓尖

百丈天花散伏龍青寒殘日映孤踪松杉半拂
歸雲洞錦繡全開待月峰

赤鑄山

千將昔此鑄芙蓉風雨千秋石上松借問閭門
騰虎氣何如江上鎮蛟龍

夢日亭

曾借君王七寶鞭湖陰絳氣屬晴天如今畫地
連江海祗合長安夢日邊

采石化城寺

詩

十四卷 六

滄波雲氣結樓臺采石金陵相映開一朶青蓮
留夜宿諸天水月照人來

穀池店

清弋秋江接賞溪賞心人望竹園西青衫草色
兼晴雨白蕩開花山鷗啼

庚辰再過南陵懷林明府

梅花白石映春林綠水滄陵思憶深別後何人

見秋浦娟娟殘月下城陰

望華亭夕

華嶺懸泉下飲猿六池秋色映梅根今宵滅燭

華亭上可是前身水月菟

魚龍洞

青城百里洞仙家坐起西南九片霞日氣玲瓏

洲渚色綠魚青鳥白蓮花

詩

十四卷

七

九華

滴翠峰前天柱高雲門清蘄發仙琚不知海上

金輪月夜夜神光起白毫

花塘答蘇青陽

岩經朦朧烟雨初龍池風色散花餘遊人自惜

三春草仙令裁飛五色魚

望春

除日迎春春吹開鳳凰今作望春臺氣氤氳淺色
含香芷簌簌浮寒動蚤梅

廣陵夜

金燈颯颯夜潮寒樓觀春陰海氣殘莫露鄉心
與離思美人容易曲中彈

病酒答梅禹金

青樓明燭夜歡殘醉吐春衫倚畫闌賴是美人

詩

十四卷

八

能愛惜雙雙紅袖障輕寒

答龍郡丞

楚江春雨入東吳公子名園興不孤竹裏紅魚
遊聽曲花間玉女笑投壺

江宿

寂歷秋江漁火稀起看殘月映林微波光水鳥
驚猶宿露冷流螢濕不飛

青陽道中

溪山雲影杏花飄
衫袖凌風酒色消
數道松杉殘日裡
春深立馬望華橋

漂陽洞山

瓦屋如雲春作花
華陽絳氣屬青蛇
中開百尺仙人掌
搖漾金光落紫霞

豫章東湖送客

詩

十四卷

九

木葉微波江蚤寒
我眉秋色醉金鞍
不煩琴曲驚千里
已看纖腰盡七盤

南康一夕至東流

秋風菊浦猶殘菊
春雪梅林欲破梅
星子縣前明月動
仙人湖上白雲來

與劉東流

湖上仙人綠玉尊
梅潭新月映黃盞
空江不見

王孫草忘却春深五柳門

寄葉石埭

仙縣春泉似漢臯
誰家姊妹得仙桃
今朝水上絃歌發
爲送飛鳧雲漢高

寄林南陵

日飲朝霞春氣開
陵陽仙令築亭臺
至今五色丹泉上
猶似吹簫白鳳來

詩

十四卷

十

寄林巴陵

漢西門上月華流
灋浦湘君玉佩遊
借問仙鳧何處遠
白雲飛滿洞庭秋

莫愁湖

石城湖上美人居
花月笙歌春恨餘
獨自樓臺對公子
晚風秋水落芙蕖

送人入蜀

曉曉津樹曉帆開簫鼓秋聲遠
岼回無事江關
卽惆悵劍南猶有望鄉臺

邸報御門有喜

萬年仙曆正朝元至日書雲望至尊見說天人
調御蚤齊趨閭闔待春溫

和王伯臯薄粧含暮景

盡教年少聽笙歌粉署曲臺春恨多最是薄粧
詩
十四卷 十二

含暮景薰香爐伴要人過

張老別

空江積雨映朝霞歸去吳淞處士家爛醉莫嫌
秋髮改尊前重對玉簪花

卽事

漢家七葉珥金貂不見松陰嘆綠苗却嘆江陵
浪花盡一時開放等閑消

送陸生從軍薊門二首

鴉鵲盤雲秋氣清香河飲馬暮嘶聲新穿繡甲
花樓子知是潮河第一營

盤山秋影挂盧龍別道烽煙入喜峰但得轅門
能拜將邊牆何用兩三重

寄右武莊浪

蘭州潦遶金城關積石河源星宿間沙塞封侯
詩
十四卷 十二

良自苦男兒一上燕支山

朔塞歌二首

白道徐流過五重青春繡甲隱蒙茸歸驄莫緩
遊鄉口噪鵲長看小喜峰

獨上偏頭笑一回娘娘灘上繡旌開金珠不施
從軍婦順義夫人眼裡來

胡姬抄騎過通渭

渭南兵火照城山十八盤西探馬還似倚燕支
好顏色秋風欲向妙娥關

河州

連峰萬頃接重臺陣洒龍門戰血開積石東頭
懸騎入洮河西畔打鷹來

弔西寧帥

峽石千兵死戰場將軍不敢治金瘡籌邊自有

詩

十四卷 三

和戎使閣道無勞問破羌

王莎衣欲過葉軍府肅州

崆峒問道此何時祁連陣酒次參差紅塵自蹴

燕支塞白首高歌王母祠

南華寺二首

和尚坐具幾許闍生龍白象紛來趨西天寶林
只如此上有菩提樹一株

寂寂寶林雙樹寒一花千葉向中安新州百姓
能如此慚愧浮生是宰官

乳源道中

洞徑闌干滴乳源湘州一逕古梅村九仙西北
何靈氣嫋嫋風雲長出門

廣南聞鴈

傳道衡陽有鴈迴炎州片影更飛來似憐遷客

詩

十四卷 十四

思歸苦爲帶鄉心過嶺梅

小金山次蘇長公韻

夕陽烟雨片江開灩灩寒潮自去來我亦桃榔

巷下客明珠海上寄蓮臺

石城弔鄒汝愚

花徃城郭異高涼海氣昏朝陸祿黃莫爲三巴
愁客死還湏五日過雷陽

徐聞泛海歸百尺樓示張明威

沓磊風煙臘月秋
參天五指見瓊州
旌旗直下波千頃
海氣能高百尺樓

白沙海口出沓磊

東望何須萬里沙
南溟初此泛靈槎
不堪衣帶飛寒色
蹴浪蕪天吐石花

送賣水絮人過萬州

詩

十四卷 十五

江西水絮白輕微
殘臘天南正葛衣
見說先朝曾雨雪
橫榔寒落凍魚飛

和宋周太常平昌草堂四詠

鷺洲釣月

暝踏孤舟一釣魚
半鉤新玉挂蟾蜍
猶憐白鷺蕭蕭影
秋老寒塘獨照渠

白馬樵雲

白馬鞍中畫出雲
誰家伐木帶晴暉
不應長是丁丁響
時有遷鶯斷續聞

吳臯春作

喚起青牛更莫眠
吳臯春雨杏花天
他山種樹能多少
留作陶家酒米田

月崑夜讀

君子山房月倍清
娟娟憐與讀書明
如今更有閒官燭
只聽吾伊三兩聲

詩

十四卷 十六

和葉可權草堂四詠

平昌

松屋卧雲

樓轉松風韻紫虛
眠雲夜冷畫芙蓉
山中所有應如此
直是江南陶隱居

竹窻延月

風露娟娟浣竹林
月窻秋影夜來深
不知叢桂

山中客長聽瀟湘雲水音

荷亭酌酒

酒是金荷露滴成花如素女步輕盈西風暮雨
何辭醉便向池亭卧亦清

竹嶼烹茶

君子山前放午衙濕烟青竹弄雲霞澆將玉井
峰前水來試桃溪雨後茶

詩

十四卷

七

平昌青城山

萬仞飛泉掛石龍青城如霧洗芙蓉自非仙令
鳴琴出誰闕秋窻玉女峰

赤壁望浦城

平昌

樓臺岩下碧泉分石戶天窻時出雲夜踏仙梯
浦霞氣海光初映武夷君

東梅嶺

平昌

唐山三十六縈迴遶徑如絲雲霧開獨坐野堂
春寂寂幽香寒雨正東梅

洞峰

平昌

西行百里洞孤峰上有龍門常出龍不知龍出
能多少只看龍湫雲氣重

石門泉

青田

春虛寒雨石門泉遠似虹蜺近若煙獨洗蒼苔

詩

十四卷

十六

注雲經懸飛白鶴遶青田

班春二首

今日班春也不遲瑞牛山色雨晴時迎門競帶
春鞭去更與春花桺兩枝

家家官裏給春鞭要爾鞭牛學種田盛與花枝
各留賞迎頭喜勝在新年

黃塘廟

山空流火亂螢飄池上風清酒氣消四顧沉林
雨初歇平昌令尹聽吹簫

上巳渡安仁水有憶兩都

泛羽流波芳樹新船中穩坐唱歌人可憐三月
桃花水不似千金隄上春

午日處州禁競渡

獨寫菖蒲竹葉杯蓮城芳草踏初回情知不向
詩 十四卷 九

甌江死舴舺何勞弔屈來

九日登處州萬象山時繡衣按郡

風定烏紗且莫飄蓮城秋色半寒潮黃花向客
如相笑今日陶潛在折腰

送徐吉父長安上書

笑別平昌酒一盃燕昭雲氣築金臺馬頭若見
西山雪莫作山陰半夜回

松遂界石鏡

玉輪江上美人精黃鶴樓西石照明何似松陰
側圓鏡一溪苔蘚暮灘聲

遂昌松陽界萬歲山口號山舊名晚翠趙
康王避金騎所棲

來去山前朝暮霞金光片片石蓮花如今萬歲
山朝北不似南巡望翠華

詩

十四卷 二十

送客信陽謁何太史

直到三鴉九曲河迴腸一日幾經過萋萋莫向
王孫草恨這關前春恨多

看畫口號

何處三公指向空白頭西笑日東紅三公久視
如相識烏有子虛無是公

送客萍鄉成禮

宜春春酒鳳簫迴暮雨雲朝玉女推歸到筆花
應五色聰明泉上讀書來

讀四十二章經

好是摩騰並法蘭金光輪指爲君彈都拚劫盡
跣蓮裏直是中華遇佛難

唐山寺

有序

唐季禪月大師貫休居平昌唐山十四年夢

詩

十四卷 三

異人授以寫梵相十八尊者像一像未就異
人教以臨水爲之意師乃此像後身也後大
師去蜀蜀孟氏二女尼欲遊天台師教之唐
山見尊者至則尊者皆現身云

東梅嶺路踐龍蛇似阻天台石蹬霞忽忽雲堂
見尊者紅魚波影白蓮花

廣仁院

有序

平昌廣仁院佛殿壁有邑人毛會潛畫一婦

乳兒夜有兒啼聲衆怪之一日僧語會笑曰

易耳以筆添乳入口遂絕

曾爲娥眉斬畫師千秋能此畫孩兒自慚遶佛

無飛乳滿縣兒啼似不知

湯書所聞答唐觀察

嶺外梅殘鬢欲星孤琴搖拽越山青只言姓字

詩

十四卷 三

人間有那得題名到御屏

縣小河陽花遍開金盤露冷醉人來也知不厭

山公啟解事長虧女秀才

蘭署江南花月新封書纔上海生塵心知故相

嗔還得直是當今丞相嗔

一疏春浮瘴海涯五年山縣寄蓮花已拚姓字

無人識檢點封章得內家

東筦鍾宗望帥家二從正覺寺晚眺讀蓮
師龕巖童子銘三絕各用韻掩淚和之
不能成聲

天花拂水向城隅八歲西兒瓜髮殊解道往生
成佛子偶然爲父泣遺珠

達公金骨也塵沙萬古彭殤此一家恰是鍾情
渾忘却十年紅淚映袈裟

詩

十四卷 三

無情師印有情文水點軍持滴路墳止是金環
何用覓月明吹笛逕山雲

帥從升兄弟園上作

宿草春歸幾醉醒白頭吟望暮山青思君小閣
東園好棠棣花前看脊鴿

池上青山醉倚門迴車陌巷小遊園留連未覺
鶯花老桃李深深更一言

小園湏着小宜伶唱到玲瓏入犯聽曲度盡傳
春夢景不教人恨太惺惺

斷霞秋色剪澄江白鳥晴邀彩筆雙客去會湏
酬一醉枕欹山雪夜鳴窻

九日聞鍾宗望文昌橋畔思鄉

自作新橋俯碧湍曾無高客淚闌干何來嶺外
慙公子露泣夫容怨蚤寒

詩

十四卷 四

臨水登高秋復秋二從相殢好遨遊不應幾滴
黃花酒杖向新橋作淚流

送宗望

池上新歌遶翠盤石梁斜月帶征鞍初歸嶺外
無炎熱飽向江鄉承露寒

玉茗池頭燈燭光芙蓉清露濕衣裳思君獨向
章門去八月乘槎牛斗傍

何處清光不可留
亂帆楓葉最宜秋
非因久客無知己
公子年來欲倦遊

每逢相見即依然
公子思歸鴻雁天
嶺外夢魂江上月
不堪今夕是離筵

詠楊太宰桃花園圖卷寄右武爾瞻

吏部桃花千樹穠
春風春日好顏容
亦知鄒子閒吹律
略放丁生一夢松

詩

十四卷 五

爲華容宰口號

院院花開春可憐
宮娥湖上看新田
卽今雲夢纔乾土
莫要兒家水面錢

湯書

新篴仔細曾無錄
小論叢殘未擬玄
獵賦韻高雲夢後
騷經注上日中前

戲寄右武

右武將軍入浚稽
戈鋌如雪照天梯
西峰大有蓮花寺
欲夢蘇卿湖水西

平昌河橋縱囚觀燈

遶縣笙歌一省圓
寂無燈火照圓局
中宵徹斷星橋鎖
貫索從教漏幾星

平昌君子堂

君子堂前煙樹齊
山炊水碓盡橋西
庭中有訟

詩

十四卷 五

多蕉鹿市上無
誼少聞鷄

除夕遣囚 平昌

除夜星灰氣燭天
酖酥銷恨獄神前
須歸拜朔遲三日
湓見陽春又一年

甲午秋在平昌夢遷石阡守并爲兒遽夢

得玉床自占石不易
阡素床豈秋兆湯

志之

石自成阡玉自牀何來秋夢接雲涼世間多少
驚蝴蝶長恨莊生說渺茫

乙未計遂二月六日同吳令袁中郎出關

懷王秉白石清室思白

四愁無路向中郎江楚秦吳在帝鄉不信關南
有千里君看流涕若爲長

丙申平昌迎春曉雲如金有喜

詩

十四卷 七

仙縣春來士女前插花堂上領春鞭青郊一出
同人笑黃氣三書大有年

石牛渡菴

枕帶河橋傍夕醺石牛風起過殘雲不知簷外
千竿雨和夢蕭蕭得此君

平昌射堂戲作

此地懸知獵鳳麟我來初作射堂新諸生異日

逢夫子還是彎弓與扣輪

谷轉溪回地脉雄諸生高宴射堂中尋常好插
東南箭誰傍秋霄一挂弓

乙未平昌三拜朔矣示館中遊好平昌屬

括蒼常見呼老鵝鷄云

歲歲書雲色正黃春山無恙對琴堂飛鳬又作
朝天去太史應占老鵝鷄

詩

十四卷 二六

丙申平昌戲贈勾芒神

春到平昌立四年勾芒迎在土牛前也知欲去
河陽寧爲與催花蚤一鞭

丁酉平昌迎春口占

琴歌積雪訟庭閒五見春陽鳳曆班歲入火鷄
催種蚤插花鞭起睡牛山

聞谷南高卿起武岡

年少何須卽挂冠玉人無恙繡袍寬扶顏欲問
升砂水離夢先過孔雀灘

芳草佳期與夢迴淥波春色照雲開賈生西上
知何日千古沉湘一到來

光熙峰笑東來道者

紫竹林西小白華海天瓔珞散紅霞恒河欲問
東來意千步沙多萬里沙

詩

十四卷 元

潮音洞絕粒僧

中時旛影施檀開獨上潮音冷笑回饑飽嶺邊
持一食怕從羅刹口中來

潮音

洞裏潮音一泡多如雷如磬隱波羅蓮花側覆
尋常說今日將身在會陀

盤陀看日出

盤陀石上暗飛霜吹入香爐作道場破衲睡來
天鏡曉清輝五色在扶桑

送朝海僧

盡洗凡心莫洗懸海門東去探明珠毒龍正在
波清處便好隨流過鉢盂

湖州事起

大姓常須酒析醒恹恹何意獨爲醒都堂便是

詩

十四卷 三

還鄉日執法難爲貫索星

嶺外送客平樂下第

南行三十六灘龍依舊龍門得化龍別有清湘
起愁色踏歌人望九疑峰

香舉逢賈胡

不住田園不樹桑玳珂衣錦下雲檣明珠海上
傳星氣白玉河邊看月光

望鄉哭弟儒祖

腸斷雙親兩鬢花春歸何忍帶烏紗孤飛一歲
喬林曉提著噍噍怕近家

題雙輪走馬燈

一篝燈影亂輪蹄一片東征一片西好似咸陽
烽火夕楚騅歸去漢龍嘶

粵裝偶見祁羨仲刀子

詩

十四卷 三

桂瘴來時青氣深七星巖畔寶刀沉交遊半百
逢生死燕市悲歌一片心

始興舟中

石墨畫眉春色開有人江上寄愁迴轉風灣底
曾迴燭新婦灘前一咏梅

夜泊金匙

涼日蕭蕭懶步灘扁舟黃葉映秋殘叢祠海客

饒歌舞銀筋金匙醉不難

過曲江

去鴈已開梅嶺雪歸舟猶帶海人煙青臯雨過
如鋪粉會是韶陽種乳田

夢譚見日祁羨仲韓博羅區海目如昔時

下第出長安潞河雪舟言別成韻後絕

余和者羨仲拋盜落地愴然罷起覺而

詩

十四卷 三

紀之

抵蘆半醉雪花飛夜起清寒話入微共道梅關
春色蚤那堪人去直春歸

羅浮見日吐精熒更直韓區好弟兄手攬敝貂
成一笑長年風雪此中行

看番禺人入真臘

檳榔船上問郎行笑指貞蒲十日程不用他鄉

起離思總無鶯燕杜鵑聲

聽香山譯者

占城十日過交欄十二帆飛看溜還握粟定留

三佛國采香長飭九州山

花面蠻姬十五強薔薇露水拂朝粧盡頭西海

新生月口出東林倒挂香

嶺南踏踏詞

詩

十四卷 三

女郎祠下踏歌時女伴晨粧教莫遲鶴子草粘

爲面磨石榴花揉作臙脂

笑倩梳粧阿姊家暮雲籠月海生霞珠釵正押

相思子匣粉裁拈指甲花

恩州午火

逐客恩州一飯沾伏波盤筍見纖纖炎風不遣

春銷盡二月桃花絳雪鹽

石城送蜀客梧州

春到回龍傍鬱林亂藤煙月送猿吟鵲聲莫更
逢三月銷盡同鄉九折心

爲徐聞鄧生懷其尊人靖州

春半黔中花木渡日斜江上武陵蠻披衣看取
湘雲色浪楫長歌山外山

徐聞送越客臨高寄家雷水二絕

詩

十四卷 三

珠崖如困氣朝昏背磊歌殘一斷竟但載綠珠
吹笛去買愁村是莫愁村

一曲明珠老會稽客行長憶夜烏啼瓊潮不解
人朝夕半月東流半月西

徐聞熊明府以鷄舌贈別期復爲郎也却

贈

鷄螺盃尖易行酒魚子箋灰難草麻三省郎官

事已往與君吞却沈香花

宗望酒中言別

三秋一日見歸期忍淚河梁步欲遲更向章門
一盃酒暮雲秋色過江時

久客逢秋心易傷新聲遺此盡離觴休將半路
梅花嶺夢斷相思玉茗堂

中暑索帥二從燒醢

詩

十四卷 三五

百尺高樓傲不消侵風障日卧昭曉不應便得
清寒病爲愛連珠麴女燒

帥從升赴省試問開遠兒何日往

江外閒題一葉書紅裙愛子戀何如章門最近
龍門路未敢爭先八月初

高要送魯司理

江楚西歸欲問天瓊雷東斷瘴雲連留題共醉

星巖客夢裏乘槎是此年

先秋榜一日泊富陽懷吳伯霖

捲帆秋色富春西雲氣飛來草樹齊月路曉風
飄桂子吳山先聽海潮鷄

別達公

說到無生生便降偶隨船影出章江西山雨氣
朝來捲不是珠簾是法幢

詩

十四卷 三六

歸舟重得達公船

無情當作有情緣幾夜交蘆話不眠送到江頭
惆悵盡歸時重上去時船

江中見月懷達公

無情無盡恰情多情到無多得盡麼解到多情
情盡處月中無樹影無波

離達老苦

水月光中出化城空風雲裏念聰明不應悲涕
長如許此事從知覺有情

行千金隄懷蜀人古太守

曾用三犀壓水精蜀人文雅世清平年來太守
風流盡分付漁歌與棹聲

聞許伯厚入都

木末寒生水氣清吳西烟雨最含情秋風俠骨

詩

十四卷 三

雲霄裏河外江南寄一聲

章門客有問湯老送達公悲涕者

達公去處何時去若老歸時何處歸等是江西
西上路總無情淚濕天衣

橋斷臺欹有懷居張二守

居公時有峴山情張老題橋恨不成自有青山
何必爾不妨春水漲行人

關南上橋寺候黃觀察善卿殯不至湯古

催裴詩三首奉呈輓唱諸君子

薤露將晞蚤食前如何報說五更天因風寄與
鷄鳴枕則爲長眠廢短眠

曾是長安花下人懸泉相候一沾巾城南日出
人多少不見黃家開道神

不可攀留夢已殘殯虞歌斷五更寒黃泉咫尺

詩

十四卷 三

淹如此得似人間行路難

江樓忽遇楚僧古萍索酒談偈悵然悲之

去雪江前紫柏師清秋重泛古萍誰相看不問
眉毛幾大要精靈下髮時

僧殘猶醉兩三盃千里相過一食回建立已隨

萍水去攀緣還似藥山來

懷貞父長安

御溝晴雪過啼鴉猶自空啣帶粉衙何似與君
沾醉起孤山月下看梅花

寄問費學卿

一片文心與道情五湖風物舊來清當今得似

唐天子九華山前問冠卿

公子乘春興不孤畫眉金縷醉鴛湖經知玉茗
堂中客打進春心得到無

詩

十四卷 三九

王茗堂全集

王茗堂全集

臨川義仍湯顯祖著

詩

七言絕句

再覲回宿龍潭驛

戊戌

誰向歸舟唱一聲玉蘭花盡牡丹榮似憐遊子
春三月纔換江南第一程

詩

十五卷

迎春口占二首

甲午

并得花齊近午衙花前含笑插烏紗不妨春色
遲遲好等是春三二月花

去歲春花插較遲風煙晴雨半參差年來乞與
春晴好得見河陽似舊時

夜聽松陽周明府鳴琴四曲

蕭湘雲水

月白霜寒夜欲沈美人高燭映琴心不知堂上
松風起半是蕭湘雲水音

天風環珮

翠殘香明燭凝紅起視閒庭霜月空未合清音
轉嘹唳玉人環珮正秋風

漢宮秋

千門河漢夜雲收風起高堂燭艷流直是井梧

詩

十五卷

二

心不灰聲聲還泣漢宮秋

梅花弄

嚴城霜漏隱疎笳堂上尊殘片月斜爲聽主人

寒絕處一溪煙水半梅花

出松門回憶琴堂更成四絕

依依約約夜絃分彈到瀟湘水接雲怪得暮寒

脩竹裏楚山容易泣湘君

竹梧秋露冷冷環珮天風欲杳冥彈到夜鴻
飛不起却教中散帶愁聽

玉堂無樹不驚風偏有秋風入漢宮滅燭露寒
清漏曉聲聲流絕夜絃中

夜水寒雲半欲參聲聲離鴈起江南誰憐獨照
高堂影三弄梅花也不堪

韶陽夜泊

詩

十五卷

三

秋光遠送芙蓉驛亂石還過打頓灘獨棹青燈

紅樹裏露華高枕曲江寒

清遠送客過零陵

清遠江前唱竹枝香爐峽口暮風吹看君不盡

愁雲色直望蒼梧似九嶷

湘陰曲有贈

鄴泉釀酒作茶縻驚鷺井上曬臘脂獨夜湘華

采蓮子何處聞歡歌竹枝

送袁生謁南寧郡

白髮孤遊銅柱西瘴來江影似虹霓
千山落月無人語榕樹蕭蕭剗桂啼

送武陵陳判之鬱林

鄉樹素人隔幾重鬱江秋煖衣芙蓉
參差人面能人語怕是猩猩樹底逢

詩

十五卷 四

送林貴縣

蒼梧猿斷泣湘君人向清潯逗日曛
直下寶江明月影能開二十四峯雲

小孤夜泊

小姑廟前迴夜舟風起哀歌神女遊
灩灩落霞懸脂港娟娟新月蛾眉洲

淮清橋弔許公

玉璽勤王跡已歸寶釵猶在翠微空
涓涓幾尺淮清水流向江東許侍中

高座寺爲方侍講築學臺四絕

有引

方家女種落教坊年年踏青雨花臺
上望而悲之曰我祖翰林君也雙梅樹
爲記因地入梅都尉家而酬絕予爲植
其墓有田春秋祠之教坊人先已爲李
道父郎中放其籍嫁商

詩

十五卷 五

入矣

碧血誰藏雙樹栽爲堂相近雨花臺
心知不是琵琶女寒食年年挂紙來

宿草悲歌日欲斜清明不哭怕梅家
不知都尉

當年死也似梅花近雨花

都尉亦死靖難

一種寒梅似白楊墓門不閉返魂香
雨花臺上春愁客只似遊湖看岳王

定有舍利世不傳寶鼎偷得堊江邊
生公說好雨香花向墓田

送闕叔秀北遊

家住白蘋洲水村霏霏筆勢超王孫
蓮花幕何必諸生倚市門

得馮具區祭酒書示紫柏

祭酒能思舊禮曹金陵寒色映江濤
書中只說

詩

十五卷 六

春容老得似田光與貫高

拾之偶有所從恨不從予同遊公遊爲味

此

扁舟予在水雲間汝逐嬌歌去不還
陪笑語一燈分照萬重山

聞王子聲令太湖是明德先師舊蒞

雲夢諸孫年少郎羅公愛月舊池塘不應此縣

宜仙令百藥山前常異香

都下東同年三君有引

同年南君魯君劉君偕予試政禮闈十五年
所矣俱以縣令來朝臣輿流移可笑可歎立
春歲除春焉成味

曲江花老曲臺前試政傳看美少年
流涕復來歌笑地白頭相喚起朝天

詩

十五卷 七

御河水雪已溶溶爲愛長安日近冬
今夜歲除春立蚤衣冠還似聽朝鍾

樓外二首

樓外珠簾瞰碧江鏡前紅袖立紗牕
教將侍女高擎燭怕見新歡影一雙

洞房春淺似桃源蘭燈幽暉映雪痕
卧向枕障時有態起看粧鏡欲無言

答無懷

新雨無人髮未梳得來池上故人書高風六月
宜棲息秋水來時同看魚

雨蕉

東風吹展半廊青數葉芭蕉未擬聽記得楚江
殘雨夜背燈人語醉初醒

寄題劉君東遠遊樓

詩

十五卷 八

種桃道士知何去看竹主人殊未旋世事山中
那得有白雲樓上小遊仙

七夕醉答君東二首

秋風河漢鵲成梁矯首牽夫悅暮粧爲問遠遊
樓下女幾年一度見劉郎

玉茗堂開春翠屏新詞傳唱牡丹亭傷心拍遍
無人會自招檀痕教小伶

七夕

露冷風淺月光微今夜南枝鵲不飛慣向人間
窺贈枕閒從天外看支機

八月三日吳觀察得月亭夜宴已而客病
主人別有恹然感人事之何常悵爲歡
之不易率然成韻并有懷人二首

詩

十五卷 九

當戶好斷雲城郭半侵樓

水遶芙蓉竹遶堦酒泉香濕看書齋主人舊帶
銀鈎手亭子新鋪得月牌

少婦嘆三首

長安少女嫁南郎指道高遷卽帝鄉十七年來
彈淚盡却隨回鴈寄衣裳

少女思歸一倍愁妝臺倚築望京樓閒來只索

圖西笑夫婿何因得上頭

時時作話不教多帝里餘生定一過獨笑酒醒涼炕上錯呼燈影送鳴珂

庚子八月五日得南京七月十六日亡蓮

信十首

江天捲地黑風來報道吾家玉樹摧驚落枕牀無淚出重重書計若爲開

詩

十五卷 十

回也死時三十二遽子亡時二十三地下相逢問年歲修文年少更難堪

劍未埋天玉末塵會心惟有再來身廻腸怪事書空遍忽忽長呼若個親

空教弱冠敵才名未到長沙聽鵬鳴猿叫三聲腸斷盡到無腸斷泣無聲

心包錦繡氣成霞只作朝開暮落花不待攬回

成報服就中皮骨已成麻

鼻如懸膽目如瑩促領無肩骨太清只道官微能下壽令人錯相管公明

孔明屯渭旗先殞士雅先鞭楫已摧好似吾兒戰江左奪營無路壯心灰

地下兒曹知識淺人間我輩結交深泉臺帥伯堪依止爲道從龍一片心

時帥從龍周旋生死

詩

十五卷 十二

後死都知文在茲遽廬天地一遽兒誰能哭自

千秋裏共要金陵立冢祠

吳元石賀知悉便欲留墓阿遽金陵爲起

祠字耆兒嘆而謝曰感君高誼第恐千秋萬歲後誰識孟嘗君耶

宋朝已死王元澤直至明殂湯士遽恨殺臨川

隔江左半山無路得乘驢

寄廿子開

聞君何自不爲霖映帶江山托卧深入日西頭

送歌舞一聲吹斷碧雲心

人日

風光人日最宜春暫與登高醉一巡獨笑歌人
還未老惟應老却聽歌人

寄曾開府并問達公

玉人金鬢映成周紫柏先生在伏牛到得虎溪
三笑處不妨開口喚裴休

詩

十五

十二

飲青來閣卽事八絕

春風醉客倚闌時樓外鞦韆出柳絲解折細腰
拋更遠風前長袖拂鶯兒

春過睥睨繡牕前斜日霏霏草樹烟綽莫亂紅
驚燕起折腰人送畫鞦韆

小旂檀閣醉諸天坐近氍毹不許眠爲待玉纖
來拜佛宰官身畔看紅蓮

城南烟色遠萋萋高宴城隅日赤色最是一春
落處鞦韆斜月畫樓西

大好今年寒食天夕陽樓外看鞦韆春衫馬上
年年客今日長安醉夢邊

風烟如此亦江山滿目春心不閉關爲道周郎
長謝客三層樓上殢紅顏

東南山色翠逶迤日照西陵上酒進看罷鞦韆

詩

十五卷

十三

微有恨不敲方響出紅兒

樓中大士列威儀樓外鞦韆倚侍兒便欲借叅
童子偈碧雲那辨對湯師

江山圖

地折東南一半無天傾西北幾雄都秦皇不合
求仙去眼見江山是畫圖

周長松琴堂曉發

松陰雪月向來清堂上橫琴遊一聲待微梅花
天欲曉却教孤角放人行

感事

中洎鑿空山河盡聖主求金日夜勞顛是年來
稀駿骨黃金應與築臺高

戲答無懷周翁宗鎬十首

洞章三見粉黃朱蕩澹清微氣色殊自此閒情

詩

十五卷 十四

都謝歌仙歌一點重如珠

金石心情好柰他一春開得幾巡花何消促膝

分明語總是奴家與婢家

前君偷送寶鑪書小婦窺牕總破除武帝未能

餐宛若文君終是損相如

平昌金礦浸河車曾道飛燒入川佳中使只今

堆白雪衰翁幾日試黃芽

無病還應學病人水牕山館四無隣
神仙字大要清齋却五辛

朝朝池上看魚兒遶鬚風輕楊柳絲二十年前
曾一醉御溝融雪下朝時

古道周周亦念饑不應金翠鎖重扉門前剩有

三江水扯住監河莫放歸

翁云饑三江口無施者

君須大業老難尋頭白熒熒視日陰數卷黃庭

詩

十五卷 十五

抄字錯可憐三食蠹魚心

雲路烟波咫尺間兩人憔悴舊江山重來只話

尋常事落日墮頭酒未慳

蚌老秋深欲吐珠多男多事費躊躇不須竇氏

平攀桂五柳分教守一株

時蓬者遠西呂方在振也

過北鄉神橋

野老相逢秋色派太荷溪鳥沒菰蒲輕烟欲露

醉遊嶺片月能生巧子湖

寄南平公

去去精靈得幾年豐城曾與玩龍泉
歸舟儘載閒風月好過高高黯淡天

劉君東病足遠遊樓寄問四絕

遠遊絲履遠遊冠風月樓中入望寬
便道主人饒濟勝不將山水換長安

詩

十五卷 十六

巖岫風烟四望深花枝伏檻清樓陰
不應婚嫁尋常事大要羈遲白髮心

西昌能作遠遊堂翰墨江山此醉鄉
直是留連拚不去分拋五岳付誰行

何年忽忽更悠悠向癖山川祗卧遊
便合真形來夢裏也應隨步作三休

醉答君東怡園書六絕

逶迤原是世中情脫畧還疑身後名
俠骨從來重歌舞白忙閒殺舊東平

樓觀光陰十畝間蟠龍織翠入樓山
偏爭雪後饒歸興大向春深欲閉關

一州交態總浮沉何意胸沾吉水深
待放梅花粗欲了梅花粗不了人心

世間兒子漫紛紛蘭玉葱芊只自薰
種得江園

詩

十五卷 十七

千樹橘始應呼我作封君

君東以有佳兒當計相戲

說到彈珠愛我深可堪消盡壯來心
紫釵一郡無人唱便是吳歛聽不禁

也知乘興及怡園世事入門難出門
道是不遊遊便得問關芳草妬王孫

向君京四索泰和縣方物

鷄

上禽何意說丹雘黃脚鳥鷗最暖中玉粒幾年
高機裏今朝求向祝鷄翁

酒

太乙春濃號蒸和兼清人望十旬過若須旋注
糟床玉籬菊參差奈汝何

湘竹篋子

細紋如浪翠勺黃遠寄精瑩亦大方遇有楚騷

詩

十五卷 十八

文字貯屈平終不負瀟湘

扇

知君未愛古人爲愛我張顛小杜詩別却南平
輕扇子幾人同醉墨淋漓

寄生脚張羅二恨吳迎旦口號

迎病教唱
紫釵客有

掩淚者近絕
不來恨之

吳儂不見見吳迎不見吳迎掩淚情暗向清源

詞下呪教迎啼徹杜鵑聲

宜信詞清源
師藩口神

不堪歌舞奈情何戶見羅張可雀羅大是情場
情復少教人何處復情多

記與萬詞部語次戊戌春事

登知新
建當危

頭年卽是次年因說與諸公不信人未是沙堤
行不穩沙堤無樹可藏春

庚子七月晦吳觀察得月亭舉燭沾醉云

詩

十五卷 十九

各有子秋試望之悵然成韻八絕

初過得月水心亭酌姮娥共醉醒恰是尊前
迎晦日金波全讓滿池星

同君蚤歲問姮娥此夜亭看桂影波何物向人
偏灑漱酒杯先月占圓多

面面荷心滴露臺娟娟得月水亭開亭前逐夜
飄香氣會是吳家折桂來

風亭曲檻高流注擬注寬杯擣月華桂葉沉沈
渺天漢前杯哈答金蝦蟇

晦色平波月不流高情來坐此中幽夜荷風露
銀燈燐猶照深杯水檻頭

勝館名園千萬金不能銷帖看人心吳郎一丈
亭兼水有客酣歌清夜沉

把酒蓮西得月初看花側燭跳紅魚白頭兄弟
詩 十五卷 干

宜深飲幾許秋光城市居

燈圓林岸綠烟稠幽鳥喧棲螢亂流自後主人
饒得月不知何客最宜秋

庚子八月四日五鼓忽然煩悶起作三首 同前
得月亭詩遂成 亡蓮詩識傷哉

夢到江南心忽忽起看星漢鼓冬冬門闌幾尺
通天水不合生兒望作龍

金道文章是國華年來夢卜總無佳春風玉樹
長年在爲要先開眼裏花

山川宅占渾難見天地才殊也未憑燕得英雄
成夢境封侯箭裏讀書燈

重得亡蓮計二十二絕

遽兒原是佐王才何但文心一路開金道黑頭
公蚤晚那知止竟不成槐

詩

十五卷 主

汝從三歲識經書八歲成文便起予更作遽年
過六十那堪一夢是遽遽

五歲三都成暗誦終星廿史畧流通不知持此
歸天上還是同他入土中

丁場文字畧參差十月西歸見捷兒不謂齟然
遊太學文章驚動兩鴻師

郭傳先生近得知吳門尺練短遽兒畧天才子

遭陽九辜負顏回慟聖師

博士齋頭詹事府平昌署裏望江樓何處不曾

牽手教敗書遺草壁間留

乙未拋辭再不同丁春重見亦匆匆嘉大有

相援意不敢題書報董公

先是華亭董玄宰語嘉興弟子許生應培

教遊太學許爲地道意追念之

已覺書淫時病目正逢名盛卽殘身醴泉便竭

詩

十五卷 三

靈芝死自是蒼蒼不近人

眼中只有我兒郎怪事飄零沒異鄉道與姁娥

應下泣一枝秋蚤桂銷亡

天下試闈今日開我兒殊欲赴燕臺可憐虛負

黃金氣千里徒傷死骨灰

文章法裏兼諸品經濟談中得幾分正道老成

扶帝制誰教年少作修文

瘦人麻白有時黃好着輕絲藕葉重爲少眉

拋世去不教人喚玉螳螂

中秋先日我生辰去歲來家賀我旬誰料今年

無彩服江東麻布淚痕新

愁中偶見碧桃菱勺水相滋翠立回偏是我兒

愁熱死秋深冷露不將來

不爲鷄口亦何妨文到神奇更甚忙自是鬼神

詩

十五卷 三

爲瘡痂非關參朮誤膏肓

死別彌天淚不禁兒生只礙我人心如何病到

支離處教弟須看禪理深

每道三乘是一途就中無念亦無無何因病得

空明相起向燈前索念珠

久不來傍見亦嗔坐來風調覺偏親如今滿屋

無知已解得吾任是別人

八歲南京起大名廿餘咄咄死南京知爹已絕
趨朝意便道南京不忍行

我兒偏愛說那宅拆肉還娘骨付命肉到九原
娘解否要爺收取骨還家

兒常論鬼豈人爲鬼物原開別一支我願定依
人作鬼燈前夢裏見來時

從來亢壯少情親宦不成遊家累貧頭白向遠
詩 十五卷 十五

遽又死阿爹真是可憐人

亡蓮四異

朔夜中堂下竊行如鼯如恨徹明聲不知是汝
鬼先到還是亡荆氣不平

八月朔忽自不擇卜
竊問試事東出聞人
云我止有銀四分九釐那知是四分別久離
也通久聞恨聲甚慘登梯想露不見來處晨
炊乃止

黃蛇朔五隊堦前汝夢黃蛇飛上天恰是病來

初七日肯教人不信因緣

七月五日玉茗庭前
號一蛇兒便六日在
南都夢黃蛇上天七日病瘧下兼瘧嘔
服參朮求健人試過中元一日不起矣

紙筆俱飛作片霞夢餘人道好生涯不知自在

王何在豈有文章號覺華

兒夢一王者名覺華
自在王借其紙筆不

與已而紙筆自飛去後
以覺華編名其文識耶

覺華文字儘流傳萬選精輝有半千兩字合來

成故物夢人曾施古文錢

兒夢拾古
錢故字也

詩

十五卷 十五

長卿苦情寄之瘍筋骨段壞號痛不可忍

教令閨舍念觀世音稍定戲寄十絕

老大無因此病深到頭難過了人心親知得授

醫王訣解唱迦雲觀世音

涕唾機關一線安業緣無定轉何難諸天普雨

蓮花水只要身當承露盤

甘露醍醐鎮自涼抽筋擺盞亦何妨家間大有

童男女盡捧蓮花當藥王

肉眼戲從羅刹女色身吹老黑風船年來藥向
舍利得瑪瑙真珠不直錢

智慧生成護白衣更綠諸漏密皈依雌風病骨
因何起懺悔心隨雲雨飛

色聲香味觸留連杻械刀枷鎖骨穿但入曾門
能定痛一般心火是寒蓮

詩

十五卷

三六

卧具隨身醫藥扶到頭能作壞僧無猶餘十辦
青蓮爪長向天花禮數珠

四大乘風動海潮秋前移病對芭蕉不知一種
無名恨也向蓮花品內消

金骨如絲付粉霜殘年空服禹餘糧惟除念彼
觀音力銷盡烟花入禁方

非關鉛粉藥是病自愛燕支寃作親今日人前

稱長者觀音休現女兒身

懷龍身之蕪陰舊遇因時有皮寨之役成
身之前平五開有云

龍伯空江引釣絲掣鰲無奈黑風隨幾回赤鱗
山前立恰是秋風鳴劍時

姑熟秋江白紵催風波一落更難回五開銅鼓
知何意漫入乖龍耳後來

詩

十五卷

三七

君東病足戲爲臨川之約

遠遊名字入樓清面面江山看雨晴賴是年來
雙腳穩俗人行處不曾行

春光原只被花催不解將人笑口開但得素心
人在眼十年蒼鬢一時回

諸生時同周明行天寧寺房頭不見

少小能爲文字禪硯池花雨竹牕前海珠夜落

蒼龍影淚向誰家一滴泉

再寄身之

都慳遊興十年前世路風雲已隔天尚憶一尊
梅嶺下春衣快閣偶停船

聞兄坐起要人扶還自高歌舞鸕鷀一別楚天
如夢裏妓衣燈火記于湖

夢回

詩

十五卷 二天

海天星月動沉沉玉女雙窺碧落深跼踖一聲
金磴曉醒時心換醉時心

懷身之初度并弔楊臨臯監軍

半百龍生又十年遶天兵甲在西川江湘一笑
平蠻客快閣秋風得醉眠

龍生六十看人間兩足雖殘髮未斑獨恨泰和
好鷄酒臨臯生欲去平蠻

王孔丞哭遽

才子高名自一時年來死別間生離秋風老淚
吊何處露濕庭前青桂枝

病齒笑答

微角清吟齧不辭恐緣微細得參差不如換與
鄉含笑解唱江南啄木兒

辛丑社日至良岡憶壬申數年事滋然口

詩

十五卷 元

號

十上曾歸此讀書病妻羸女正愁予重來眷屬
俱黃土夜雨燈花洒淚初

辛丑大計聞之啞然

孫劉要使不三公點滓微雲混太空比似陶家
栽五柳便無愧棘也春風

人遺湘紋笛材內子持作筆聞之

折雨裁雲風露清斷腸千點寄江城便饒寫盡
湘皋色何似還他雲漢聲

代答

解作參差凌紫霞湘靈終是怨懷沙不如剩取
摘殘錦夢裡同看五色花

閨閣中嘆雨

青天遲日太匆匆一歲春光雨和風萬樹千花

詩

十五卷

三

猶有嘆兒家一樹寶珠紅

代旱龍船人罵水龍船人

午日前後俗部
天廟旱龍船十

人負之以出上刻小兒不淨相嚇取米
物夜歸頗盈水龍船空有沈溺之怖鮮
有酒標之利
代爲此詰

年年五月柿兒曹金鼓排門聲勢高但取月明
歸蒲載爲龍何必在波濤

代文昌橋閣大士問部人何以不助大士

完橋而遠助南昌旌陽廟祝

龍沙一火自應傳魚腹千人更可憐可是不從
橋上過都求拔宅竟升天

代郡人答

大士行緣敢告勞微情功德兩爭高蛟龍柱燬
施纖鐵烏鵲橋成更一毛

辛丑五日又病聽稚兒念書

詩

十五卷

三

酒錢都成藥碗香病禁風雨兩蒲陽扶床更作
書聲聒不學羣兒戲索郎

南昌弔羅維禎青蘭山居偶成

麻衣如雪覆龍沙淚滿春風水一涯殘雪未消
人似玉青蘭晴色半蒹葭

用韻水月問病

幾曾出露幾含藏長自增增說禁方盡日科頭

成一笑病王原是老醫王

風巖結夏恣清涼
突兀奇雲幽路光
獨坐池亭還病熱
由來水月是醫王

偶興度一少年爲僧

三百文錢不可憐
一頭頭髮向諸天
徒然不得金刀力
擢髮難消此業錢

自心煩惱却求人
選佛場中作勝因
便與杖頭

詩

十五卷

三

三百个只教還我髻中珍

忽見繆仲淳

屏風疊裏鴈初迴
灩灩湖天片月閒
紫栢去時春色老
老可中還有到人來

數滴瓶泉花小紅
絲絲禪供翠盤中
秋光坐對蒲塘晚
一種香清到色空

口號寄馬長平初見長平于魏老卜肆感

懷

不曾爲吏向廬江
一笑相逢俠不降
今日長沙思季主
長安空老魏無雙

水月破船吟

明月西流江水東
破篷無恙好篩風
衝波不信船心漏
到岸纔知杯渡空

役盡風波莫怨天
破船原是舊家船
南來北去

詩

十五卷

三

客邊事忙却江心閒數錢

水月疎山尋達公遊處并問吳選部

不聽石門流水禪
疎山空老白雲天
達公到目詩留壁
可得袈裟覆紫烟

欲禮名山作草堂
達公曾此費商量
惠休靈徹爭來往
慚愧三生恰姓湯

石寺寒江風月纖
當中一佛我莊嚴
白雲盡處

殘經在官爲多生下一籤

半臂袈裟水一方白雲秋影送高涼
關山盡日憐公子自解朝衣蘸佛香

水月匡山結臘寄問那來惹

破衲粗沾梅雨黃白蓮吹斷遠池香
江空水月無人別牢落浮生是佳光

無生休說未生前話到無生不偶然
珍重白頭

詩

十五卷 三

吟望盡萬山殘雪九江船

侍宸殿贈益藩老內史

玉皇分與舊貂璫白髮宮脾翠佩長
掃地焚香

春殿裏總延詞客奉君王

曾叩僊都宿侍宸君王臺殿百花新
傷心不向

梁園老白首湘江漢逐臣

時謫雷陽

鳳羽參差伴侍臣天潢南畔見河津
得如飛蓋

西園夜誰是抽毫賦月人

占仙亭接大羅天鳳舞鸞歌得幾年
偷道淮王好賓客麻姑真作酒如泉

明德師坐化時黃南道人遣受語師筆云

不聞一線

口號送謝山子再如廣陵

風雨蕭蕭江水西孤舟纔上蜀禽啼
春心一片

隋堤柳君去迷樓判却迷

詩

十五卷 三

非關玉茗不相留自是瓊花結勝遊
四海蒼生

憑望盡東山今日在楊州

武家樓西望塔下寺

年少書酣此共懷石蓮龕雪夜燈齊
重來獨上

南樓月鈴鐸無風塔影西

先寒食一日同張了心哭王太湖袁翰林

張衡愁處起離情不見黃州王子聲
絮酒隻鷄

千載事楚天明月是清明

十年江上子規啼共醉長安踏雪泥獨是王孫
歸路盡茂陵寒食草萋萋

修文何地一彈冠也共公安袁玉蟠十載禁煙
飛不到楚天寒食正應寒

嬌歌殘雪夜呼盧折盡雄心與太湖今日招覓
向江楚氣吞雲夢一時無

詩

十五卷

五

哭梅堯生

長安醉卧雪霏微共枕貂裘覆衲衣今日塞門
成宿草楚天覓夢向誰飛

眼裏衡湘一個無文情吞漢武吞胡錦衣躍馬
吾何泣十載窮交在兩都

望耆泥

雨過杏花寒食天秣陵春色也依然遊閒不是

兒家業大好歸來學種園

清遠樓中一覺眠雨鶯風燕乍晴天年來愛作
團樂語不得中男在眼前

吳拾芝訪星子吳勾容并招謝山子廣陵
但道延陵卽近親暖風輕雨帝鄉塵宮湖便是

郎官浦仙令原爲星子人

中酒高歌只在家朝來喜客向京華何因不趁

詩

十五卷

五

春流去過盡揚州芍樂花

亂踏烟花醉飲悲斷橋疎雨片帆移乘流且莫
江南住五日揚州作水嬉

笑指雙娥淚別衣暮簾青雀雨微微迷樓得見
謝山子好作雙僊劉阮歸

清明悼亡

版屋如房閉玉真新添一尺瓦鱗鱗不應廿載

還輕淺好在殷勤同穴人

齊水青林斷女蘿廿年松栢青山阿南都不解

成長別纔送卿卿出上河

歸家東
齊水

曾夢紗牕倚素琴何知菱絕鳳凰音春烟石閣

題何事寒夜烏哀一片心

晉中夢于故
題下翠銀琴

枕簟青林一到衙相看幾月病還家藥成不得

夫人用賜斷江東剪草花

詩

十五卷

三六

欲葬宮商買地遲深深瓦屋覆寒姿秣陵舊恨

年多少夢斷紅橋送子時

南都夢卿能髻外
把青兒中橋相付指

紅寺云欲
彼月餘計至

寒食上蘧冢

總爲金陵破我家子規啼血暮光斜寒漿局上

清明家年少文章作土苴

上巳燕至

祇憑憔悴望江南不記蘭亭三月三花自無言
春自老却教歸燕與呢喃

初至平昌與蘇生說耕讀事

杏花輕淺訟庭閒雲雨疎風一往還新歲班春

向誰手許卿耕破瑞牛山

青雲坊下老明經河畔橋邊處士星不爲峨眉

風骨遠書聲那得醉餘聽

詩

十五卷

三六

玉茗堂全集

王荅堂全集

臨川義仍湯顯祖著

詩

七言絕句

大竺中秋

江樓無燭露淒清風動琅玕笑語明一夜桂花
何處落月中空有軸簾聲

詩

十六卷

建安王馳賦薔薇露天池茗却謝

朱邸晴熙散綺塵百花爭發小陽春青罽船上
薔薇露白鐫山中憔悴人

薔薇花顚動官墻飛蓋離離惹夢長忽報芙蓉
池上客海風吹送露華香

已過西峰白露滋天池寒色映青瓷梁王憶得
相如渴正是幽蘭醉雪時

天池十月應霜華玉茗生烟吐石花便作王侯
何所慕吾家真有建安茶

五日送黃南昌內徵暫歸旌德

浴李斟蘭候使君西山鸞鶴幾成羣終知五日
江頭別長望千秋嶺上雲

爲政蕭峰已絕塵更題耆舊足風神瀕行欲贈
江心鏡曾照湘波憔悴人

詩

十六卷

陪張師相桃花嶺卽事十絕

江城重似築沙堤弟子從師鸞鶴西便有人間
候雲氣碧桃休作武陵迷

芳堤酌酒步春遲海大魚飛半醉時賓從自然
貪鬪鶯相公頻問放生池

兩山相對天門開洞壑眠龍起夜雷直是曉晴
風色好玉笙吹徹紫雲迴

桃花峰裏吹參差
皓鶴驚飛王母祠
爲報文成
休辟穀天書來下帝王師

晴雪纔飛噴玉潭
舞雩初暖曳春衫
詩成更在

流波處大好明年三月三

桃花和雪洗紅顏
石室晴雷隱遠山
爲報沙城

舊僊侶千年纔見一人閒

桃花峰前生古烟
桃花水下漲新田
到處雲霞

詩

十六卷 三

成宴坐山公何必買山錢

章江寺湧津梁濶石室花平卧托高大有閒雲

三百首絕勝風雨聽離騷

花橋斜界落花鄉
上有桃花嶺路長
西笑未須

愁虎豹東行原自擁鸞皇

石梁斜日見遊魚
題柱常驚驪馬車
今日相公

成大隱不勞沉却豫章書

玉版師寓意贈貞父十絕

貞父所種寺笋作

幾曲闌干風露低
離人驚夢滿禪棲
不知清淚能多少
雨點教催萬玉齊

賴是因緣生此地
陶韋詩句米黃書
巡檐掃壁思君子
一倍離情到碧虛

雨濕疎鍾時看雲
月殘紅寺照初曛
不應便作題門去
五六年來爲此君

詩

十六卷 四

竹厨涼夜駐征驂
禪悅離愁滿座談
便作西來遠建節
今朝玉版喚誰參

色味聲香去住存
別離無限到空門
祇須剖腹書名姓
便上雲霄記宿痕

颯颯鍾陵遶梵音
依依檀石下雲陰
不辭瘦硬成黃竹
貞父年年抱此心

日月湖寬寺影寒
厨烟欲散雨初乾
僧敲鳥宿

尋常夢直是無人現宰官

雲漢書催玉笋班兒童還憶令君還應須便作
甘棠拜此寺真爲慈姥山

偶憐秋色淨居天林下高僧對食眠便欲似君
爲手板愁君相謔紫衣禪

都拚秀色爲君餐護得凌雲共歲寒向後長安
天欲遠可能相報日平安

詩集

十六卷 五

羅溪橋柳絲別意再贈貞父十絕

垂柳溪邊驛騎通長安行樂最春風看君匹馬
朝天去要使人呼萬丈虹

萬丈虹飛挂石幢栽排楊柳一千雙恩波濯濯
春如許不得移根向浙江

十丈湖心百丈橋依依拂拂又迢迢重來要識
風流處樵童扶輪一萬條

畫橋千尺飲晴霓雨氣湖光柳色西別後高車
似流水幾人迴望欲低迷

斷虹疎雨半湖陰柳色烟霏四望臨見卧舳艫
三兩隻知君應有萬重心

着地低枝擁去程郎官湖似使君清心知不是
三眠日要是蒼生卧轍情

湖影參差柳影齊萬人扶路一攀攜使君家在

詩

十六卷

六

西湖上今日黃堤似白堤

何年雨畢便成梁千頃湖陂柳萬行隨意行人
染春綠長如叔度對汪汪

行人萬丈躡飛虹明聖湖心在此中記得遊留
堤上路柳絲偏罩舊乘驄

幾年春色候菱龍湖上初驚雲氣重向後行人
總攀折不知官柳爲誰濃

哭丁元禮十二絕 右序

右武兄同予生庚之戌舉庚之午友善丁丑
右武第進士理閩漳舉元禮小字漳哥殊偉
麗是臘予子遽生貌寢而龐讀書各數千卷
瑰于文詞能鉤抉時勢物情之變而好深言
之予時時憂二子早慧而右武頗不爲然謂
當兩家怪勞歷落之際而壯子能爾殆亦荒

詩

十六卷 七

年穀也已而二子各厭其鄉遊成均以去意
亦一當紓其內急耳然而遠于嚴慈之規骨
肉之養各以雄飛自行其意童孺羈旅飲食
醫餌之不時至庚子秋七月初遽以就試南
雍病殯下死逾年痛定爲壬寅春予過右武
所見漳哥心動而未敢言時時語漳哥自愛
語其弟叔兼好護其兄而已癸卯秋就試都

下而病作歸逾年七月初而甚能自知死日
曰吾夢見其所若一王者將以其口享予如
期再絕而蘇誠三日無動我將反然不能待
矣嗚呼哀哉天乎死而其容煢煢如生迫舍
猶視有恨于予才之不盡耶父怨之未舒與
嗟乎已矣玉已折矣劍已摧矣兩家之痛曷
其已矣每一斷腸輒成絕章得十二首歌之

詩

十六卷 八

娛賓前漳哥其有知哭示地下亡遽否

年少通家弟子親微談高步出精神不應正作
多羅死地下修文要此人

丁寧不合便移床寶氣流天月委光夢赴何王
知不免紫鸞無路玉笙長

溫其如玉意逡巡隱約衝天一段噴泣盡劍光
何處拭西山黃土只埋人

才名十九吐星鋸曾侍羈危到朔方今日自成
埋玉劍尺眉遺恨向千將

翩翩冠佩去寧論三娶各家未有孫八卦樓中
須夢汝不知何卦是歸魂

夢短應知目不暇文章不作老人星何緣月上

高橋望白鶴重歸說姓丁

貪看年少惜情多玉樹臨風可若何向後題書

詩

十六卷 九

堪短氣怕提名字到漳哥

去年顛倒在長安怕似遠兒歸路難恰好到家

遲一盡兩頭門戶泣芝蘭

朱唇玉面眼如星年少何因卽杳冥地下怕逢

遠盡語兩家消索鬼難聽

同生幻世壯如蓬前後同場七月初大是中元

無淚哭蘭盆燒盡讀殘書

眼枯還哭到何年星聚長思十載前同是白頭
傷壯子章門腸斷向臨川

裁成玉樹竟無成對泣西河老弟兄白髮吁天
難盡說尋常只道是鍾情

鵲鵲賦

隴西千里向平原西笑時時綠羽綠不似福生
終見殺止因能作世人言

詩

十六卷 十

答張了心往尋達公平明德師處

可到姑山一了心羅公蹤跡在禪林門前便有

西來意紫柏香銷涕淚深

憶光孝寺前看蕉花作

拜朔臺前春色深碧雲江上幾沉吟罪紅膩綠

蓮花女袖盡芭蕉一卷心

嘆卓老

自是精靈愛出家鉢頭何必向京華知教笑舞
歸刀杖爛醉諸天雨禪花

相者過肝却寄曾舜徵

舜徵故明德師弟子

江海秋生骨氣寒心知碧眼相人難十年宰相
君饒得會向衡山問懶殘

在世何知出世難向來長羨死灰寒麻源得見
羅夫子春色漁歌起杏壇

詩

十六卷 十二

峨嵋僧

去向西州拜諾那中巖佳處老龍過峨嵋直下
玻璃水長似天波寫月波

題蘇判盡

雲影松陰翠欲遮石梁山徑有人家清輝似人
天台路盡日看飛水雪花

綠雲華屋寄清真不似山陽舊七人便欲攜書

向孤嶼水光山色坐吟身

弄雲多半水亭陰水外幽人杖屨尋獨坐深梁
空翠裏不應真有羨魚心

垂垂樹雪俯山亭時見幽人山谷行獨笑灞橋
無酒店題詩空折野梅清

孫巡司還嘉禾懷馬心易岳石帆

家近湖南烟雨邊漁歌那復羨臨川君看清日

詩

十六卷 十三

高華客大向雲林作散仙

不爲尊絲想越鄉斷帆秋老秣陵霜歸家得向
錢郎醉分取吳江蟹半黃

和袁明府送周陽儒歸斷

池上芙蓉照淺霞一杯含笑楚天涯參差夏臘
長齋好三角山前菜已花

其葉風流自一時木蓮花發酒臨池知君老病

消除得破額山前是大醫

法堂僧說泥九事

西笑無因躡紫霞時時相勸服靈砂深秋不上

終南去已過蟠桃十月花

洞主空留火候舊傳來太乙近天都不知一線

風狂起故得蓮花七佛無

送錢簡棲還吳

錢有劍笑說劍事

詩

十六卷 十三

中秋作客兩重陽殘菊空江病遶床歸夢一尊

何所屬離歌分付小宜黃

字吐寒雲劍吐花虬盤香施虎丘茶一秋高閣

逢高士斜踏長橋看落霞

魏辟疆云欲上都

曾批僊鳥去朝天過我爐頭醉雪眠動道汝兄

才興好媚媚相幕隱紅蓮

車間曾過辟疆園花竹爽書靜不喧今日劇辛
從魏往黃金臺畔憶王孫

送余玉簾

一曲蘭舟未敢淹月生秋水廉纖遙知獨夜

匡山裏靜捲爐烟看玉簾

雲起西山氣色殊玉簾高影挂東湖歸心不住

逢殘菊池上秋光得醉無

詩

十六卷 十四

再贈簡棲往尋梅禹金

寶劍書成氣不降白鷗秋水下吳艤時時學病

相如渴錯道臨邛在隔江

白頭秋浪滿江潯錢起江行正苦吟爲道故人

冰雪盡一枝梅在敬亭心

夏寒

明朝欲醉三庚伏昨夜還余一葉裊止似薄體

林間好在京師欲覓頭眠

湘自潭子

蒼梧雲影落人間帝子浮湘竟不還千載秦皇
問堯女不能燒却淚痕斑

正覺寺逢竺僧自云西來訪羅夫子不及

萬里伊州入漢關羅公不見履空還今宵下馬
迎風塔可似西南正覺山

詩

十六卷 七

懷王參知松潘

仗節西遊自一時雪山秋色照峨嵋義之只作
常言語未了汶江一段奇

戊戌上計不見王子聲憶乙未春事

承明再入滿愁生聽履都無王子聲不爲玉棺
貪葬玉也應仙舄傍人行

獨上燕臺草樹齊風光遙斷楚雲西誰憐稚子

新銘閣不得先靈御史題

問松潘使者

松潘長夏雪花吹萬疊硯房日上遲大有牛羊
張竿酒不妨鰕菜似龍芝

送學官成都

船丹黃葉向秋分江楚天西滯白雲到得玉堂
無一事文翁真作梓潼君

詩

十六卷 七

撥悶偶懷江陵相以下八公

總教拋却宦情何忽自悲傷忽笑歌半百年來
春署裏數家開閣不曾過

送臧伯順還中吳

前金谿明府羣從而兄顧渚予舊好及之

稚齒風神似玉清郡齋時聽讀書聲重來繡黻
能相憶玉茗堂中結綰迎

金谿上國王喬履顧清浮家帶畫船少弟同堂

關秀色小山能別大山鮮

送桂文學歸慈谿兼訊姜給事公榘

闕湖隄上窺明月石硯山中訪墨卿香几詠成

除正字儒家今日桂先生

生自言國初正字君後從弟子伯順客茗

白蘋秋盡晚香零盃酒吳中客歲星大有姜湖

人釣雪一松盤處最清冷

再送伯順歸茗

伯順予郡丞沈公之壻婿公旋沒旅雅殊苦

詩

十六卷 十七

驪歌無那客愁催衛玠停車看一回去到白蘋

天欲雪讀書聲滿歲寒臺

燕歌曾送求平推死孝琅琅風木疑別後何期

見司馬素車添作路傍悲

公弟前未平理之嗟官璽卽以父喪哭死

送張伯昇世兄入燕

伯昇予師前郡丞太倉起潛公子也

斷絳秋水送將歸滿目黃花細雨飛淚盡報恩

惟一劍要離冢上血沾衣

老至纔知感舊恩空栽桃李不能言今朝得遇

張公子風雨連天拂淚痕

虛傳挂劍在東吳薄行門生只似無駿骨古來

銷不盡黃金臺上帝王都

洞庭公子好長生風骨泠泠秋復清必若燕昭

有靈氣薊門還作望仙行

淨菴僧歸青陽有懷江本文學

詩

十六卷 十八

海寧僧到遂昌來不見江家黑秀才但是相逢

送迎處高情長似九華臺

熊墨川寫真秣陵更二十年許贈之

高館秋深拂素纈端相無定邈何嫌要知清遠

樓中客海月松雲是一纖

石城秋水憶精神玉茗問雲更寫真定解與人

添髮雪若爲花得帶中銀

東隱僧在袁明府齋頭

西來東隱住東林虎嘯泉驚不住心却到縣齋
鳴磬裏亂藤黃葉挂秋陰

拾芝不能得謝山子歸從間道去口號

江南江北幾留連鴈字同歸小雪天一夜馬嘶
雲外去想知無用載花船

迷樓有客信依微十月江晴一鴈飛定是劉郎

詩

十六卷 九

歸路急怕人持問阮郎歸

題牕示兒

昔人長有好文章面面明窗淨几張秋色滿園

幽桂發可能無意月中香

芸閣鈞簾坐夕暉行吟書帶草依微卽知杏花苑

春池燕總向披香殿裏飛

止唱南柯忽聞從龍掉內楊傷之

絲烟吹夢老南柯淚濕龍圖可柰何不道楊花

真欲雪與君譟作鼓盆歌

病酒那將心痛醫白楊風起淚絲垂可憐解得

南柯曲不及淳郎睡醒時

丁巡司歸縉雲寄聲括蒼士民

縉雲風物近平昌處士星飛去括蒼今日見君

如舊識一杯初拂開湖霜

詩集

十六卷 二十

僊都小吏去重來曾向朝陽客幾迴者舊歸時

龍借問門前五柳是三槐

平昌齋發弟子數人從師吳越里居稍有

來問者

送子吳西去讀書一時桃李似春初今朝得見

柴葉叟落日寒園自荷鋤

春風纔試弄琴年送汝杭州一贈鞭今日老師

林下久可能贏得讀書錢

寄陳河州并問王道服岳伯

陳前廉州理

萬里珠從合浦還鳳林春色遠臨關知君不似
貪炎熱暫與開牙向雪山

書生投筆事何常萬里功名或破羗林下尺書
成底用故人今在紫薇堂

送客湘東

詩

十六卷 五

拂檻菱歌餞遠遊斷蟬疎雨最宜秋思君獨夜
夢何處班竹簾西湘水流

寄劉天虞

秦中弟子最聰明何用偏教隴上聲半拍未成
先斷絕可憐頭白爲多情

懷達公中岳因問曾中丞

聲音欲向乳林傳河洛初歸繡斧年便似虎溪

還送出月明三十二峯前

與帥氏二從侯關者

東堂歌舞飲三更坐聽城門啟鑰聲負郭千家
如夢裏幾人同看月華生

睡午

門戶從知氣色微花前濃睡過春暉莊生大有
人間世忍遣清覓化蝶飛

詩

十六卷 五

丁東兒代內

玉馬高簷聽乍稀玉樓閒坐午風微無端說起
愆殘月曾似朝天玉佩歸

聞姜仲文叅江藩驚喜湯成

春遊無事得相催湯踏沙城笑一回搖漾十年

江月老丹陽郭裡和君來

書題殘臘擬春遊發興難隨風雨休身是尚書

舊官屬今朝公子到南洲

予故宗伯鳳阿公屬也

楚江秋

等是遷延醉一程
悽鸞愁鳳語分明
柔情怕逐江流轉
一曲琵琶引鼻聲

病倚珠簾微嗽時
無緣相見蹙蛾眉
楚江秋色清如許
坐聽闌干琥珀詞

遶江幽怨逐絃深
樓外秋山起暮陰
大有行人

詩

十六卷 五

偷下淚參差彈破碧雲心

楚雲如夢夜何如
泥泥絃中說衆諸
落月滿簾風露急
爲誰清怨與躊躇

五日夢梅客生如秣陵競渡時

吹簾伏檻影沈沈
五日更頭思夢深
似有一絲長命縷
莫愁湖上繫人心

夢中還有好容顏
鍾漏泠泠到楚山
自作江疊

何用弔菖蘭心事在人間

處州郡齋看誠意伯家帖

黔帖吾家自不全
當教北海謨欣然
僊都會是劉家本
指破烏金起墨煙

拂舞詞

玉壺清管向西隣
紅袖斜飛雨拂塵
醉裏踏歌春欲遍
風光長屬太平人

詩

十六卷 五

平昌哭兩歲兒呂二絕

有序

呂兒秀慧甚痘殤前呼爹與點茶云
已是客亡去母爲剪髮留記久之蘇云
阿姐何得剪兒髮悲起仆席云當去
某所爲子不佳又云不合阿爹處因
起索抱弄小香鬪面頰

殤兒慧絕轉爲人去住無佳不柰塵
縷髮誤隨腸斷盡得因金剪寄餘噴

呂兒能說去來因茶點香沾小幻身畢竟燈殘
難繫久風前迴照白頭親

平昌哭殤女詹秀七女二絕

有序

詹秀產于詹事府能讀書許字吉水劉祭酒
應秋兒痘殤前一日看紅衣正立拜起別先
祠七女娠夢雙星掠喙而流產以七夕半期
而殤

詩

十六卷 五

死到明姑也不辭要留人世作相思傷心七歲
班嬭女解着禮紅別祖祠

古夢吞星卽有靈今當織女是何星心知不合
飛流去淚酒蒼茫河漢青

香山驗香所采香口號

不絕如絲戲海龍大魚春漲吐芙蓉千金一片
渾圓半願得爲雲護九重

蕭臺懷古

木葉山煙海色移舊家簾影扇開時那知十段
回心曲併作千秋絕命詞

青城山人遊嘉禾

雪下峨眉見一班興隨江海漾春還欲開天口
憑飛舞心在長牆素駐間

聞姜仲文使君卧閣旬特懷不能去漫成

詩

十六卷 五

聞君卧閣有旬期爽氣西山枕簟隨南浦到來
車騎滿還誰得見鄭當時

君司郵政

因君病肺雨留連夢到茅山采藥年我自當歸
君遠志敢言同病一相憐

也知官舍卧難高文字閒僉客夢勞八月弟兄
來七簷車門秋似曲江濤

每慚消瘦得君愁教莫多情當卽休又是半年

心事裏等閒無恙亦傷秋

自選方書不要醫半垂簾坐獨眠時何應懶去

爲京兆張敞名臣錯書眉

時遷尹京未舉

酒影相看意獨深龍沙烟月向沈沈卽今微病

兼秋意大幻湘騷對越吟

柳絲樓感事

殘日西樓映粉紅書眉吹蹙柳條風重來攀折

詩

十六卷

七

人何處腸斷千絲一笛中

一年春事賞心同千里湘臯曲未終別恨乍隨

帆影去柳條眉暈半絲風

嘉禾招提寺

且脫袈裟覆錦袍酒闌衣桁雨蕭騷千金一曲

傷春色零落瑤琴金係條

右武從辰沅移鎮甘州

春深漢廣不還鄉少寄丹砂似越裝自別西京

菟夢冷流沙千里一舟航

聞李伯東使君報淮河南薇省喜見乎詞

微有將離之感矣

高遷來賀意悠悠三載章江許再留要得望雲

兼近日中州真作勝南洲

河洛青雲氣色濃法星江上嘆猶龍依枝欲遶

詩

十六卷

八

三株樹掣袂還過五老峯

遣宜伶汝寧爲前宛平令李襲美郎中壽

時襲美過視令子侍御江東還內鄉

赤縣琴歌積夢思宜伶尊酒寄新詞天中好醉

澄潭菊彭澤登高此一時

僂李蟠根世不同長生玉樹正中崧西占紫氣

乘牛出來向江東看躍驄

帝臺春飲玉漿寒紺髮僊八下碧瀾大有僊郎
雲漢重繡衣長作舞衣看

長是春陵氣色新鸞歌鳳舞不辭頻初將汝上
千齡酒來醉隆中百歲人

送仲文寄賀知悉中書

擬作高門待使君恰從江上嘆離羣江東舊有
高陽里隨意秋賦河漢雲

詩

十六卷 五

衙齋一別似三秋許再過從恨不留但道長安
傾北笑暫隨江水寄東流

鸞鶴西山動紫氛平生心許賦凌雲龍沙別有
登高興不爲旌陽爲使君

偶經心事得君憐賀六郎家憶往年未寄鸞膠
需鹿角粗將性命比危絃

從信州費生索箋燭

有酒須開玉茗堂貪將墨妙殢紅粧知君託物
來何有百幅皮箋曄燭長

好送鸞湖十萬箋都拚紅燭照離筵西齋不是
尋常醉大半城烏欲曙天

夢惟審如送粵行時別淚

半百忘年好弟兄笑談竟夢覺平生自從痛別
東堂後三市五峯何處行

詩

十六卷 三

死友吾生更不聞似存華屋氣紛紜羅浮夢斷
無人笑殘月蒼蒼說似君

憶王太蒙岳伯過家便度嶺

江西風景足旬宣嶺外山河又一天自是君心
比秋水世間空有石門泉

便道東還滄海期秋風積水借天池君家最近
紅蓮府獨自婆婆青桂枝

同大耋有悼

望六吹飴亦可憐
兩開湯餅向耆年
盈盈又抱孫枝泣
冷雨疎風小雪天

壯子前場失兩孫
吳孃歸夢阿耆存
何來露笋風吹折
老淚年年向竹根

但求洛誦守文園
垂白枯梧隱淚痕
是處明陽回一照
幾年么鳳到桐孫

詩

十六卷 三

解道錢塲不可爲
閒從子舍一傷悲
庭前正有三株樹
得見孫枝爾許時

偶詠陶

抱琴歸去飲微醺
山海圖中眼一過
自是秦人貧避世
泉明何必恨荆軻

巳亥發春送達公訪白雲石門過肝弔明

德夫子

殘雪疎山發暝烟
卷帆春度石門前
空宵爲夢

羅夫子明月姑峯一線天

小住袈裟白雲地
更過石門文字禪
平遠空高一回首
清淺肝姑誰泊船

四月八日永安禪院期超無

清朝不見小彌天
竹塢炊茶過午烟
解是雨花新浴佛
諸天誰供洗兒錢

詩

十六卷 三

不寒不熱在香臺
天下人民心髓開
獨是吳兒稱解事
更同無臘洗僧來

寄建武張洪沙公子遊武夷六絕

清顏如月思如雲
長要偷書水翠裙
何處玉笙風颭起
寥天吹向武夷君

夜覓清嘖建溪茶
六月空寒襍翠霞
莫作鄉人苦相喚
楚西公子字洪沙

避伏懷仙向赤閭飛鳶水外迥行塵中峯置酒
邀靈雨還是張家十二人

公子風流醉亦醒城頭枕障萬山青都將赤日
冰壺水并作秋河灑幔亭

冰簟香銷酒復清何須六月望仙行武夷若問
水清淺爲道龍沙高過城

羽扇輕將鸞鶴招幔亭風雨隱晴霄不能驚得

詩

十六卷 三

張公子簫曲峯頭慣弄簫

對紀公口號

王舍金碑一丈慳碑中祇是說忙閒驚飛六月

香鱸瀑散作千層雪浪山

清紀清吟飯後茶超無無恙酒前花一般茶酒

都銷得柳樹池頭舊作家

纔說拈花事已多相逢一笑定如何閒情得閒

香山老去傍香鱸作鳥窠

長說東林去未能柴門相見石門僧前林月出
秋河起大好陰涼話葛藤

問李生至清

麻姑山水蔚藍天醉墨橫飛倚少年却被倒城
人笑煞太平橋畔野僧眠

紀公疎山寺訊吳吏部

詩

十六卷 三

了公南渡正風烟藏轉蓮花到六千今日太平
逢地主若爲消受白雲禪

山頭日脚過鳴榔龍氣風生草樹香吏部竹林
同避暑肯將高卧笑柴葉

送楊吉父伍念父鄉試

明遠樓前湖水連月中相對兩蒼然姮娥既有
長生藥未必全將與少年

青雲峯近意何長玄草亭深髮易蒼一似外間
分老少不如焚却至公堂

友聲相喚出河津伐桂丁丁向月輪大有少年
邪薄倖姮娥須惜老成人

破帽焚拋筆硯綠桂花秋發廣寒天龍門九月
成高會絕勝龍沙八百仙

洪山看省試懷故友饒伯宗

詩

十六卷 三五

龍門燈火送兒回落月踉蹌古殿隈同學故人
衾枕後今宵洒淚看河魁

看演新舉人馬示兒侄

龍門一望意踟躕歷塊凌雲盡此途九十五騎
雲似錦就中誰是我家駒

鹽翁口號

周青來云我輩長老如佳
賓中喜其語簡取以自號

不隨器界不成窠不斷因緣不弄蛾大向此中

乾到死世人休擬似蘇何

送李質卿孺德叔侄吉水口號二生予通

家門士秋場爲劉臨川所錄來求資具
以比戲之

李家秦楚一孤村接葉成陰氣脉存借問牽舟
過臨汝何如立馬向天門

海陽竟陵名家
俱是孤村李

明府雙珠照一家劉郎種李似桃花只須春水

詩

十六卷 三五

龍門去何待秋風泣漢槎

義學文心舊老師清歌淥酒較無辭爭知小阮
風流盡會是王家叔不癡

李下彈冠似竹林一尊秋雨夜池深歸裝若滯
金錢色陶令黃花更不禁

送周仁父遊梁

鴻鴈高飛海色空河橋秋發暮雲東書生解作

相如賦歲晏梁王在雪宮

客自何來來舊鄉喜將詞賦學遊梁驚心不向
夷門泣河上無塵髮有霜

十年後平昌士民齎發徐畫師來畫像以
祠遺之

好手高情徐侶雲大兒能似李將軍神明妙處
今何有却遣丹青混使君

詩

十六卷 三

雪殘寒日映江干畫到歸鴻目送難怡憶清華
舊出水五絃容易不曾彈

縣有清華閣

地僻汪樓有雁聞長林歸夢雪紛紛心知遠意
宜丘壑縣社何由畫陸雲

偶爾朝臺竟不還吏民相問好客顏都應畫與
江湖意濶落雙鳬雲影間

爲得月亭小仙祠四絕 有亭

年友觀察吳君有再歲子美兒哲白如畫殊

慧以痘殤三日猶視肢骨柔曼至可啟唇澆
注漿水君不忍龕而立之池亭西時有光異
下神而詢之曰僂童也予前數殤子爲悲而
絃之詩

殊紅留顙不留髮落月闌干水半潯定解再來
啼一喚青春阿母舊金環

詩

十六卷 三

得月亭前事渺茫金童承露泣仙方清波大有
霜荷葉却要人間紅子湯

淚向沈珠得月臺月生如見夜光回回時解說
寃親苦恩重報珠時一來

恰如花落有來期美子祠前清露枝不是鍾情
偏我輩世間難得老人兒

題畫送蘇判南還懷唐少嶼

六國黃金寫印文白頭那似此蘇君西江一幅
開秋水笑向南天五色雲

蘇君曾說好襟期花嶼唐翁愛我詩雲外不辭
歸夢遠參差騎馬到滇池

病中遣客

縹血能銷四大身深深息息也繁神門前春色
休相訪獨柳池邊一瘵人

詩

十六卷

玉茗堂全集

玉茗堂全集

臨川義仍湯顯祖著

詩

七言絕句

華西四絕寄王道服岳伯

百二河關紫氣重垂闌躡蹠度蒼龍無緣便瞰
明星出露洗笙簫雲外峰

詩

十七卷

昊氣金河靜鬱盤峰中人語白雲端初窺玉井
樓頭坐十丈蓮花掌上看

西峰瀑濺雨廉纖星宿牕搖上玉簾落日清山
松色動倒吹蒼嶺作龍髯

西望白雲乘帝鄉一時忘却在車笥蓮花別起
清寒色玉女頭盆下玉漿

贈蘇醫田家

杏花菖葉泥春田種杏栽蒲較引年向後五倉
須却粒看君真得禹餘仙

仕宦逢年總未央仙翁車騎有餘糧城南二頃
都休問六印何如肘後方

得信州高壽丞寄元舒哭兒書是時元舒

亡久矣

去來吳越幾經過相國名園春恨多便作再遊

詩

十卷

君在否可憐蒲稗浴鷗波

君哭孩兒解索環阿舒都不在人間舊作寄來

堪掩涕十年心事到常山

重過采石

夕陽千里弄舟還一片秋聲兩岸山醉著錦袍

如夢杳月明何限水雲間

唱二夢

半學儂歌小梵天宜伶相伴酒中禪纏頭不用
通明錦一夜紅氍四百錢

出關度瀛河

岸草移舟簫鼓遲河陽春色憶佳期衝風日暮
人千里屈子乘湘去此時

河陽春動草氍氍楚客含情向碧潭自別黃金
臺下路不嫌人唱望江南

詩

十七卷

三

戊戌上巳揚州鈔關別平昌吏民

富貴年華逝不還吏民何用泣江關清朝拂綬
看行李稚子牽舟雲水間

和張師相二月桃花嶺看雪

天番六出駐仙車春色同雲半紫霞醉問桃花
定紅雪仙家原重碧桃花

口占奉期建安三月三

洞浦吹簫興卽留幾攀高駕動南州禁春羽爵
應無筭但借賢王山水流

排比新聲接舊驪重門初燕語春寒心知日暮
能留客明月西園是建安

玉蘭花開和錢師相

長廊客散雨微晴素影高寒月下行似是相公
憐曲廡木蘭花慢一聲聲

上巳杏花樓小集

茂林修竹美南洲相國宗侯集勝遊大好年光
與湖色一尊風雨杏花樓

花枝湖滌淥如紅上巳尊開雨和風坐對亭臯
復將夕客心銷在杏樓中

丁未元旦

春色應隨向曉天冠裳遙望一嶽然今朝太史

書雲朔不見仙鳧有十年

達公來別云欲上都

艇子湖頭破衲衣秣陵秋影片雲飛庭前舊種
芭蕉樹雪裏埋心待汝歸

夢破長安古寺鐘偶經花雨舊林空尋常一飯
堪隨施何必天言是可中

報恩寺迎佛牙夜禮塔同陸五臺司寇達

公作

駕御園開寶色空水晶燈火映餘紅焉知爪髮
青銅色依舊長干木寺中

聽乳林唄贊

絳桃春盡攝山幽地湧千峰月氣浮忽散梵聲
驚曉起遶天風雨塔西頭

再禮佛牙遶塔

蓮葉留牙印未光
辟支山石更尋常
單蘭吐盡
千千切紅玉
裁消一寸長

達公過奉常時予病
帶下幾絕七日復蘇

成韻

病注如泉氣色微
看人言與病人違
不因善巧
令歡喜
簾外紛披五綵衣

已分芭蕉欲盡身
達摩心事見能仁
朱門客到

詩

十七卷 六

須回首省得長呼達道人

辛卯夏謫尉雷陽歸自南都
疴瘵甚夢如

破屋中月光細碎
黯淡覺自身長僅尺

摸索門戶急不可得
忽家尊一喚霍然

汗醒

病掩菟鎗月影微
拋殘家舍欲何之
恰逢慈父

呼亡子得見三三二二時

夢中沉似月黃昏
破屋踉蹌苦索門
幸好家公
與留住不須炎海更招蒐

袁侯喜作佛事
廣壽寺集僧展藏甚盛寄

問浮梁水月

五色袈裟飯一時
虛堂雅步稱容儀
獨持海月
歸山去正是燈油猛盛時

廣壽寺僧多土田
眷屬噴疾客僧乞食展

詩

十七卷 七

藏

乞食繙經好勝因
有情相續更何人
心知破鉢
難留住爲有從前獅子身

名句文身總不多
空拋盞飯向維那
諸天聽着

成何事流涕相看
迦葉波

丁未浴佛日夢
遶兒持書頗樂且語地下

成進士嘆笑久之覺而成句

萬卷都拋作紙錢傷心才在數人前黃泉尚有
書生業同學誰終第六天

作紫綢戲衣

試剪輕綃作舞衣也教頻到寒微當歌正值
春殘醉醉後竟隨煙月飛

無分更衣金紫羅伎大穿趁踏朝歌俳場得似
官場好燈下紅香不較多

詩

十七卷 八

看接花子示兒

度臘占春老壹曉一年花事竟如何陶家只合
栽楊柳玉樹芝蘭自不多

先友吉水劉允陽兄子晉卿以空閑遠寄

却贈

天上人爲泉卜期悲思公子卽能詩兩家門戶
堪如此不見長安書記時

遠道空書意不任昔人詩共此時心便作親朋
無一字足教之子慎千金

讀錦帆集懷卓老

世事玲瓏說不周慧心人遠碧湘流都將舌上
青蓮子摘與公安袁六休

卽事呈王太蒙憲伯

蠟炬通宵坐綺筵樓頭星火正中天南州已作

詩

十七卷 九

清涼境秋月冰壺十五年

月照龍沙水氣清籠燈破碎引前行紫薇堂上
沙堤客長見丹心徹裏明

送吳龍游徙陽春長乞藤墮子

龍丘山水帶風塵未暇絃歌學愛人直置梅花

江嶺外恩光常許奏陽春

倦遊遊處亦風光碁局并書遶印床莫爲炎蕞

心便熱春州南畔正高涼

海珠江與七星連夜半山川好扣舷解是吳郎

舊風色一杯相對石門泉

折腰君喜得同鄉僊嶠題書歲月長定有高雲

藤障子先分海色到柴桑

雲聲歌寄宜興張文石併懷能始中郎

同是清時放逐行參差江嶺向吳京蒹葭盡處

詩

十七卷

十

滿秋色高閣蒼茫雲漢聲

畫史伶歌粉墨羣水煙山翠恰饒君不應洞裏

呼龍起一片張公善卷雲

新來好句得曹袁翠冷珠輝整欲言更作清微

河漢語秋聲移動白雲痕

聽于采唱牡丹

不肯蠻歌逐隊行獨身移向恨離情來時動唱

盈盈曲年少那堪數死生

梅花嶺立僧

馬鳴牛咽三車地水擊雲搖萬里天解向江南

傳信息梅花嶺上一枯禪

江雪圖送李篆史還肝

落日河橋歸雁呼淥尊清淺映麻姑還邀曉月

冰壺句來看寒江雪棹圖

詩

十七卷

十二

去別章門夜泊船雪窻高枕對窮年朝看雪意

成霞色知是圖書氣燭天

掃除瓦礫成堆偶望遠官家

社燕秋歸掃舊窠倒翻門戶見天河東家樓上

西家庫得似吾家瓦礫多

偶然閑掃到池林瓦礫堆高一丈深若遇仙才

能作使此中真可築黃金

送叢史張藜叟九江

西江歲月逢殘雪東壁圖書老客星
半箸藜羹禁大嚼就中知有五侯鯖

漆布齋頭坐欲曛暮江晴雪見峰雲
雙鉤若向屏風底爲帶芝泥九疊文

送琴僧還閩奉懷世伯李百鶴先生并懷

顏曼叟

詩

十七卷 十三

水有懷仙山有靈琴僧湏向足間亭
桃陵左相能相見百鶴老人時一聽

招青林僧

到處青林是作家不萌枝上又開花
明朝得問文殊病打碎琉璃浪喫茶

春到青林幾樹香華嚴海畔衆齋糧
不應下會相瞞得白牯狸奴在一堂

送曇欽度嶺

雪浪山頭下雪溪六朝僧度楚雲西
無緣更逐齋時去不信人間飯色齊

昨日春分酒一卮明朝僧飯乞從誰
參差欲到梅關路正是黃梅雨渴時

病起懷吳璽郎疎山

風雨樓頭病欲休獨行池上柳絲稠
相思三月

詩

七卷 十三

桃花水欲下真人蓮葉舟

沙井門庭靜不紛百年多病更何云
獨憐一片袈裟地終日樓頭望白雲

春興懷學卿

章門秋色老菰蒲歸去春風又阿奴
解得鶯兒黃似酒亂催雙槳向鷺湖

何來鶯燕已春分公子乘春醉碧雲
起踏鷺湖

唱金縷嫩黃衫映水皺文

送客麻姑便過廬岳飯僧

湖陽歸雁雪紛紛映漾峰頭幾疊雲不向麻源

問清淺龍沙高已半匡君

王孫高興逐年新草色鄉心一半春堂上白鴉

飛欲盡鉢中香飯覲誰人

寄問清流王相如

詩

十七卷 十四

雪銷晴瀑下衡廬賦寫清流煙月餘便不遊梁

先客楚氣吞雲夢亦相如

江城南浦繫舟頻笑隔桃蕊又一春但向清流

作漁父汨沅難是獨醒人

何東白太醫許開酒口號

滿樓風雨滯春衣恰見騎牛賣藥歸試看杏花

原上望酒壚人到藥壚稀

偶然病肺怯春風避酒嫌歌百興空何意白頭
心較小不能膽大似郎中

元夕洪沙公子遠致高燈却謝

編珠洗翠焰樓臺細雨和風酒一杯巡簷忽睨

開雲月清夜同誰賞笑來

八閩傳艷見高華三市煙宵此一家玉宇滿堂

風帶起翩翩公子自洪沙

詩

十七卷 十五

近袂有懷卽贈莆田藍翰卿往襄陽便過

其先人隨州刺史祠下

楚客曾同章水西滿樓風雨杏花低今朝寒食

仍葦水間殺花枝發大堤

相逢上巳前三日湛湛長江雨不分更過杏花

樓上醉一時朋舊憶斯文

春風忽作武昌遊官柳綠蘇繫客舟莫過峴山

輕下淚汝南碑在古隨州

送王孔憲越遊懷中郎

赤日行天豈去時山陰殘雪夜何之飄花漱石

寒如許曾見袁家五泄詩

石門流火氣霏微月露孤舟小葛衣直過嚴陵

問湘楚客星歌與亂帆飛

答江陵張維時四絕

詩

十七卷 十六

嘆沼魚不樂如塵趣累禪

失却龍門夜雨醒旱池噓沫翳微萍無因說與

魚天子只授金光一分經

楚江采蓮

蓮心獨唱采蓮歌葉裹菰糧衣敗荷何似醉遊

沙市裏琵琶相共鯽魚多

江鄉聞雁

蘆葦滄涼自一時彌天繒繳竟何施洞庭彭澤

春波闊消息傳君雁字詩

噍五交哀二禪送客自嘲

送客無端祇自嘲楚江煙雨寄衡茅達公卓老

尋常事生死無交勝絕交

偶編

花竹臨池散曉光偶拈諸品坐繩床長年得見

詩

十七卷 十七

波斯水靜日能生般若香

偶觸覺華編

說着亡蓮卽漸腸十年秋夢覺華王不應天上

文章府要得人間破錦囊

蓮夢覺華王車時而
殤歲已亥爲我作句

已酉不復見檢其故帙
餘錦斷爛悲之委絕矣

海陵觀徐神翁像

色盡神移看寫生元都衫影罩空明滄葉欲換

題慈去一種神仙世上情

僧像虛無畫像新
掉頭不識底傳神
千秋淚迹神光裡
慈看人問羅刹人

閑拾之渡瓊寄胡憲伯瑞芝

蒼苔高臺向若登
玉芝煙雨去時曾
秋風海閣香囊裡
爲賦炎州五色藤

自然瓊樹不妨瓊
能使炎風海外清
但得儂儂詩上七卷

一千口與君相對卧紅笙

臨章樓聞越舸且別悵然

臨章樓畔唱歌頻
亂颯花枝記飲巡
定去揚州須說與
相憐還是故鄉人

亂帆秋影半江樓
燕語滄涼傍客舟
便去揚州且明日
故鄉今夜有人留

金精洞在寧都

悠悠世事幾千年
鳳舞鸞歌此洞天
夜半紫雲飛作雨
金精石上漱瓊泉

雲卿湖上待萬余二生不至

夢裡吟詩醉寫真
秋光湖上月粼粼
無因嚼得青蓮子
爲覓香雲館內人

晏黃卿東還并問張賓王

偶談黃鶴事多奇
七夕迷樓獨詠詩
頭白未銷玉茗堂詩集十七卷

吳楚氣與君殘醉月斜時

爾師南國舊知名
遲暮東歸弟子情
積雪半天迴雁影
葫蘆河上見蜚卿

同藏公天界寺見沙彌踰者

偶逢集夏與同遊
鳥語風簷臺殿幽
一食老僧移坐起
少年隨意打皮毬

朱子得太守索顏撫州二姑壇帖

靈姑簫發久凌虛千歲顏公小字書得似灌園
真跡在金陵韓馬欲何如

看大理客辭家

白巖如鏡瀉青湖龍尾關前望小孤便作點蒼
山色好可能分入畫眉無

湖上有懷陶蘭亭

竹葉新炊龍井香睡鬼清渴酒壚傍何時一棹

詩

十七卷 二十

山陰雪爲試陶家十六湯

重過用晦王孫斗西春院作

求仙愛戴竹皮冠北斗西飛草樹漫惟有殘叢

舊詩卷銅盤收淚月清寒

飄瀑泉王孫四遊詩

好詩清淺世人留廬岳歸來卽倦遊石架題名
煙月裏海風吹盡瀑泉秋

沉角寄宗良王孫王孫肢節金瘡而韻思

轉清

好逕王孫桂花風水盤壘端傳山紅由來一葉
天香傳總在枯心斷節中

戊申首夏初夕夢爲何國長恐懼搜索背

人作書生誦哀公問政章醒而成韻

從夫當夕夢爲王丹穴初醒愁詎央便作蒲葦

詩

十七卷 三

能問政不應圖畫到高昌

端州逢西域兩生破佛立義偶成

畫屏天主絳紗籠碧眼愁胡譯字通正似瑞龍

看甲錯香膏原在本心中

二子西來迹已奇黃金作使更何疑自言天竺

原無佛說與蓮花教主知

治指腕寒痛度嶺所得

破蓬風起到擎雷指腕侵尋未病催縱有針神
卧路各可能真氣一時回

春夜有懷謝芝房

木閣青頭青佳枝越人文字漢臣知幾年元夕
深杯醒又是登殘月落時

每到燈時一舉杯參軍書去隔年回章門便是
金臺路飛越峰前足練來

詩

十七卷

五

武陵春夢

細語春情惜夜紅妨人眠睡五更風明朝翡翠
洲前立拾取砂接置枕中

看踏麴

繫馬慵粧笑有無強將人當酒家胡晴來正踏
襄陵麴石蜜紅椒色味殊

內人服散

曉鏡當牕影碧紗曾無心緒到鉛華經春惡阻
如何藥還愛新飛水玉花

招慶寺

曉風疎雨帶雲陰翠登輕衫湖水心一曲渭城
底春色西泠橋畔落花深

寫韻樓

松樓寫韻暗沉吟似有人來江樹深斜月半山

詩

十七卷

五

風佩起千秋南浦別離心

聞漁貴道阻問瑞芝中丞

金沙原與蜀通津路出黔陽千里塵何事不教
東一綫蘭滄千古爲他人

鬼氣臨參不宵降時時兵甲問南邦天開貴竹
當雄楚地擁西臺接潯江

偶作

兵風鶴盡華亭夜彩筆鸚鵡銷漢水春天道到來
那可說無名人殺有名人

官閣

蘭歌滅燭暗逢迎檻倚紅梅發艷輕半醉卷簾
春雪裏竹厨燭火夜分情

小小

少小詞場得浪名白頭文字總忘情若非河岳

詩

十七卷 五

驅排盡定是煙花撥振成

寄候徐聞鄧母

真妃南斗向南窗遊子登堂淚欲枯海鮮一甌
知味美可憐無復報恩珠

寄懷徐聞陳公文彬舊遊

雷轟天飛海色青一時風雨滯炎溼石門望罷
星河絕猶記浮槎舊跡

送黃醫師麻姑

蹈海談天興不無白頭心在片雲孤肝翁眼裏
三回別別卽教收彈鵲珠

朝采三花夜采直藥壚肝母憶精神欲將清淺
東瀛水長照高空黃鶴人

口號付小葛送山子廣陵

青來水榭三層出山子吳歎一部遊爲記臨川

詩

十七卷 五

荀伯子尋常兩事足千秋

塘上蒲生新酒香水嬉風信下維揚山公醉興

同山子愛時時問葛疆

煙月揚州一過家五峰春作綠雲遮年來酒盞

拋除得唱盡江南白葛花

章門諸友雪中來問業一宿便還

一絲香餌不曾聞便作鳴舷鼓浪回不爲臨川

道鈞街可能辛苦雪中來

斷臂都無世上情少林人自雪中行文章詩俊
何須此亦有前程一死生

謝埠同紫柏至沙城不肯乘驢口號

彌天風雨暮樟臺大笠長藤去不回不是泥中
瞻白足儘交人笑赤驢來

贈郢上弟子懷姜奇方張
居謙叔侄

詩

十七卷 三

年展高腔發柱歌月明橫淚向山河從來郢市
誇能手今日琵琶飯餽多

城南泣李孝廉東宿

齋閣湖頭坐數移十年相憶舊題詩頻來淚滴
寒塘裏風動殘荷送我時

江樓看別者

落花初起舵樓風彩扇熒熒拜孟公人去碧塵

歸燕老流蘇浮動月明中

長至簾幕送夢得東還口號

夜插梅尊凍飲頻河梁飛鴈感情親清鋪一簾
琉璃色爲照王門冰雪人

年少相看青舊稀新聲纔和忽言歸蕭蕭雪意
清如許日暮河橋贈葛衣

逢左拱之章門卽贈

詩

十七卷 三

秋水殘霞相見親曉風留得使車塵何當闕下
優游客來問江邊憔悴人

宅裡難尋江上逢江中雲起暮帆風披榛夜半
吟招隱似賦吳都左太冲

李象史索新婚詩小謔

朱珪不娶何孤潔李子催妝強索詩向後勒成
雙鳳紐臂花偷押睡紅脂

見交州欵儀中代身金人一具面縛

感詠

唐亡鄴部真無策漢棄珠厓亦委心不得鎮南
關外地伏波空進代降金

山茶初發

檀心翠葉此含胎燈候晴紅帶雪開喚作寶珠
須愛惜燕裙時與障寒來

詩

十七卷 五

超然爲里兒所撓贈刀遣之

攫衣偷扇總牢騷馬上頭陀氣骨高但是藕絲
隨遁去篋中須惜我王刀

答孫子京香峰之約

玉氣流光蘭氣薰秣陵文物最思君年來槐席
夢何處長似峰香湖起雲

得黃荆卿詩來爲壽

我心長有一荆卿寶氣熒熒金斗城更近淮南
有仙藥只將詩草賀長生

醉客歸吳和作

浮家只在洞庭灣浪醉何常信宿還水月寺前
春露曉夢覓茶氣小青山

寫道書作

厨開柏燠吹芸葉袖拂鸞綃吐墨花奉常禮署

詩

十七卷 五

清微甚也有蓬山北道家

內嘆

曾學宮粧報粉衙遠隨才士適天涯無緣更說
趨朝事白玉河頭夢落花

答內傳

父傳淳盛德士
也母蕭京師人

且伴忘憂學種花玉臺閒咏小牕紗年來見說
兒輩好能賦東征作大家

內人入齋

不爲成雙學種麻偶然開獨梅
炊沙清齋素服
光如月自賞香纓未利花

見故時書畫狼藉惜之

牡丹賦作官厨鎮焦雪
圖支漆竹門自是一時
珍重意落花依草更何論

天台縣書所見

詩

十七卷

序

池煖風絲着柳芽懶粧宜
面出山家春光一夜
無人見十字街頭賣杏花

滕王閣看王有信演牡丹亭二絕

韻若笙簫氣若絲牡丹竟夢去來時
河移客散
江波起不解銷魂不遣知
棹燭煙銷泣絳紗清微苦調脆殘霞
愁來一
更衣起江樹沉沉天漢斜

寄萬丘澤從經畧河西

緩剪羊毛作稅錢
高材留鎮夏西偏
方升河土
思秦漢何但姑臧是水田

酌方赤城孝廉

赤城霞氣動虛舟來作西江月
下遊唱盡新詞
留一醉芙蓉清露最宜秋

笑倚孤屏接大方
吟壇相望水雲鄉
何時更躡

詩

十七卷

三

清寒影天柱峯頭看月光

桂林筆工復之皖寄謝阮堅之

是物臨川只衆諸阮郎教作趣何殊
獨憐內史
臨池處未是江淹五色初

落繅阿那意態慵
陣圖千里付良工
知君殺盡

青鐵管起向蘭臺篆北宮

下士所無空寸心
幽蘭清水費沉吟
南來一

蒼琅色無限江風起竹林

中山休作越吟聲天柱峯頭是筆精不敢秋毫
忘江左與君傾山自然情

筆毫合潤向江波匠手來歸益惠多似我只臨
袁晉帖留君堪發盛唐歌

玉蘭軒送喻叔虞薄遊嶺南

世有文章不逐貧遠遊須是好精神風光嶺外

詩

十七卷 三

從誰說破鉢巖頭第一人

煙月留人自一時孤舟南浦送行遲關南十月

梅花雪來鴈峰前寄一枝

兄弟能文獨可憐玉蘭清瘦語留連經過五荒

知炎熱歸趁扶搖六月前

十年相負海人期淚與裁綃一賦詩君去未須

頻道別浮羅堪有夢來時

別景州高柏庄長者

十載殘貂去復回柏庄長向董惟開相看馬色
耐寒酒愛我題書似玉杯

德州却寄苦水揚掌故先生

官近濠梁興卽同霍丘文學詎成翁驅車更屬
平原酒日暈吹沙河上風

南署分冰

詩

十七卷 三

銀牀曉汲向紗窻小飯過時熱未降自笑剪冰
無尺樣縱拋朱李石蘭缸

浙中具區赤水茂吳漢城一時俎落悲之

雨夜恒多處士星一時江海熒熒溫王鄰應

何須死似少興公著作銘

玄都曉夢

城郭人民不可知好懷幽夢亦相隨山行落月

聞簫處林坐熏風摘阮時

聞拾之遠信慘然

吳江此信不須傳只作悠悠在一天無限白頭
歌笑裡新詞還得個人憐

延陵公子最聰明婚嫁年來學遠行折莫吳歌
遺惆悵斷橋衰柳別時情

念可公

詩

十七卷 三

王法無心足自知大臣斷事可能遲無邊佛血
消詳出大好人天打縛時

越舸以吳伶來期之元夕湯成

人日期君君有人石床清泚注宜春今宵又踏

春陽雪解傍吳飲記燭巡

白頭情事故鄉留殘雪春燈宜夜遊處處吹簫

有明月相看何必在揚州

王孫家踏歌調同黃太次時粵姬初唱夜

難禁之曲

珊瑚海上玉如林豫章門前風露深動是醉眠
江月曉不應傳唱夜難禁

西山雲氣晚來多偶爾相逢人踏歌裴珂大編
載卿去如此秋光愁奈何

不須重上泛湖船碧玉王家小洞天上客何來

詩

十七卷 三

看歌舞暮粧微雨最宜憐

高堂留客正黃昏疊鼓初飛雲出門但是看人

隨喝采支分不許妬王孫

遠曹生池陽

千里相過陶令家水邊高菊映殘霞東歸一上

青蓮石雨洗風吹紺碧花

十年秋浦記曾遊白筍煙霜長自秋大有池陽

隱君子月明人語弄溪樓

楊雪浦家懷舊

雪暗燈殘思復沉昔人曾此醉黃金琴歌一去
憑誰續淚點閒關絃上心

寶應寺故址

內史繙經魯國書寶雲初地出浮圖不知世上
相輪火燒過茶門一字無

詩

十七卷

三

聞江山何曉御醫使琉球回喜寄

千里江山一舉杯舊遊無計與徘徊焉知老去
何東白又向扶藜看日回

八水菴作劇送宗望口號

送客菴頭秋思微清閨初地亦依稀着他昏散
成何用且借天花落舞衣

離情幾日更匆匆十里蕭條得二從玉茗池頭

秋色裡可能三度見芙蓉

傷歌者

聰明許細自朝昏慢舞疑歌向莫論死去一春
傳不死花神留玩牡丹魂

代送蜀客

新婦同牽架上衣今朝舉案淚痕揮經知別後
銷魂處十二峯頭雲雨飛

詩

十七卷

三

久眺作

通天爲恙是何神去歲辛夷花又新獨是太醫
如吏酷吟詩酷酒不山人

書牆爲風雨所晦作

吳牆初立彩雲新風雨從天洗角鱗門戶十年
斑剝盡不妨人笑癩麒麟

涂石壁

不住環中雲水蹤十年衰病此相逢談禪未覺
虛煩淨豈有丹砂治懊懣

來任卿去官歸蕭山愛元人九歌圖爲作
去意蕭然此大夫剡中溪谷世言殊傷心漁父
歸湘譜一似英皇泣舜圖

暮江圖

風起煙霏林翠開暮帆秋色半江迴疎燈獨照

詩

十七卷

三六

歸鴻急長似瀟湘夜雨寒

小桃源圖

桃源無路覓秦餘欲傍滄浪漁父居不知雲夢
山頭女有得心情來獻魚

潯陽送畫者

氣骨高寒足白知颿來湓日照鬚眉驚呼傾觥
相臨取五老峯頭雪霽晴

梳洗作

白髮新梳對曉霞合歡紗帽整裁斜
堪拋繡履宜男粉還藉香簪瘦客花

庚戌初夏夢侍潯浦朱澹翁尚書奉常

東廳已老江酒客右坐脩然海上翁
二十年來纔一夢牡丹初向後堂中

玉茗堂全集

詩

十七卷

三十

王荅全集

臨川義仍湯顯祖著

七言絕句

甲申見遶北驛寺詩多爲故劉侍御臺發
憤者附題其後

江陵罷事劉郎出冠蓋悲傷并一時爲問遼陽

詩

十八卷

嚴譴日幾人曾作送行詩

寄青陽何大選袁承謨三里店王賢

金陵子弟憶年時每到雕湖定夕炊一別凌陽

雙鯉後九華烟月夢常隨

姑熟端太學望虹橋中有贈

離離江月照高臺憶別朝陽郵袂回如夢更逢

江上飲不教頻唱恨無媒

長安酒樓同梅克生夜過劉思雲宅

炙肉行場深夜留錦衣重覆敝貂裘新豐滿市
無人識飲傍常何問馬周

都下看瞽姬弦子唱命者

聞來不是百章歌強合宮商可奈何合眼琵琶
說官品洪州初有阿來婆

北方婦女窰穴者嘆之

詩

十八卷

略剪茅茨亦丈夫曲腰官柳足扶櫺不應穴處

今何世錦帶書中說四姑

計偕濟上逢秀水陳公九德

半酤清酒濁河頭滿目風塵吹未休爲報齊人

莫天口荀卿五十正來遊

過春申故宮

迷迷春草暮江陰黃歇宮開竹塢深土穢尚留

亡國語離亭當日聽琴心

花步廊

手面兒郎學剪花圖花捻蠟是生涯春兒又到
朱門裏眼見風流度幾家

遺張仙畫乃作灌口像

青城梓浪不同時水次郎君是別姿萬里橋西
左丞相何知却是李冰兒

詩

十八卷

三

天界寺塔下印經

中官摸發歲紛紜更費金錢與潤文未恨故宮
當火宅赤烏猶似氣侵雲

紫栢不受紫衣口號

秣陵衣色如天竺赤布僧隨大笠遮懶作儀同
稱輔國相逢何用紫袈裟

朝天宮

教門公事亦無多首座都監奈汝何除却離壇
星月曉紫雲殘夢玉簫和

奉常進鯖鮮作

夏首晴江出網絲春陵嘗麥進鮮時吳都不用
瓶魚鱠千里冰盤夾秀脂

薦麥春殘過望魚越江休數鱠吳餘芹芽芍醬
天厨裏何似鮮芳玉飴初

詩

十八卷

四

聞戒壇許僧尼同受者解嘲

師子國中開鐵索蔡州崖畔轉金輪但是天花
無住着何須更問女兒身

翻經學士費沉吟老壽將軍出妙音只看洛陽
東寺裡兒馨通得法華心 ○

秣陵寄徐天池涓

百漁味罷首重回小景西征次第聞更乞天池

半劫水將公無死或能來

規中夢

見火全飛水上金波瀾曾此費沉吟新開內景
分明語七節蓮花護小心

江東神祠夜聽達公讚唄

沉沉江樹月生雲潮水金經入夜分定是清溪
靈語笑千秋纔得唄聲聞

詩

十八卷 五

看金人楊奐趙太常試賦

夢華無計得追攀大定明昌一解顏何幸紫衣
來問賦異香初出殿櫺間

題箋

檻竹臨塘風月鮮圖花味鳥送殘年桓玄僞事
俱塵土循藉風流五色箋

卓翁縫衣妓

木蘭衣色本希微何用求他鍼縫衣曾是半眉
看不見一時天女散花歸

寄萬丘澤

鳴駝賊水漫沙流落日牛羊豢收獨醉葡萄
定風色知君隔海心無憂

獨參戎幕海西頭虜騎蕭條萬里秋醉裏琵琶
驚人破可能頭白未封侯

詩

十八卷 六

聽閩人說古城事

長說三光在覆盆梯航不共四交論何緣覓得
開天竅還道天西有一門

贗句

張率新詩題沈約慶虬清思托相知剗心置地
何難識古月今人看卽殊

南城懷鑑湖寧翁

師門長共月中行卧聽玄都理玉笙一散魚龍
烟霧裏蘭沙不見霽先生

麻姑山下嘆樂湖張君

幽憂長與至人遊妙語清歌瘦不休別後麻源
春信遠樂湖烟雨寄東流

蓮塘驛

陽春驛晚看蓮塘白馬山來海嶽長不似江南
詩 十八卷 七

青茵舊止因炎熱當秋霜

陽江無底潭

毒潭烟霧恣沉冥妖怪長如金鼓聲何得羅槩
隱君子海風吹絕夜絃清

陽江望夫石

峯省如黛翠如鬟破鏡迷離烟霧間昨夜雙魚
何處所賊船多在海陵山

瓊人說生黎中先時尚有李贊二詔軸遺

像在歲一膝之

英風名閎冠朝參麻詒丹青委瘴嵐解得鬼門
關外客千秋還唱夢江南

送客謁梅克生軍府

節鎮曾同京洛塵醉拈鸚鵡漢陽春分麾上黨
男兒事莫買釵頭問婦人

詩

十八卷 八

題達公書跡

永欣寺裏升堂罷蕉葉林間立塚初認到達公
奇險處劍頭釵脚幾踟躕

送日者謁溫公純

交初紫氣欲如何擊殺刑衝世局多要得郎星
依帝座莫教箕口向天河

爲阿攸多病檢方

嶺外時留蘇合香爐頭湯沸小兒郎不知顛顛
經中說黃帝曾無立小方

龍泉葉生善吹簫自言法師後

金紫飄飄接翰林霓裳吹動廣寒心洪都故郡
龍飛日曾記儒家有葉琛

過縉雲

日上扶桑海氣收仙人榜上記曾遊祗愁怪石

詩

十八卷一九

能生長不遣陽冰一字留

西興懷古

采菱歌罷送將歸秋露初生白紵衣倚棹斜陽
江郭裡烏鳶閒啞素蝦飛

過諸暨

苧蘿山下雨淋漓解帶山橋過午炊幾箸江蝦
成獨笑一文錢裏見西施

爲屠長卿有贈

望若朝雲見若神一時含笑一時嗔不應至死
緣消渴放誕風流是可人

聞呂玉繩大父相國謚議作

名公子孫今絕倫先朝相國幾經春不應朝士
紛紜語曾是頭頭第一人

靈隱寺月食

詩

十八卷二十

最是修羅不着人今宵桂子隊無因先教收取
關單鬼曾爲傷心在月輪

丹徒民張昱奏其叔占收第一祖宋高宗

皇帝駙馬培賜物及第二祖蔡京丞相

女奩物并發吳慶封渙子塚寶物萬萬

絕句偶成

天帝詎諧一笑聞宣和遺事莫紛紛獨憐千歲

惟埋客不到延陵季子墳

過句容

句容別館向勾吳露冷春宵起夜烏獨是梧桐
秋不死長留雲氣似枌榆

平昌入覲雙塔寺演儀

帝里春迴佛院香傳來風鐸語琳瑯無能一一
循金索孤負祠官舊太常

詩

十八卷 十二

寒食過薛

東來塵氣雨初分店樹新烟河岳雲過盡三廚
無一客今朝寒食孟嘗君

濟上看張平子畫

女牆如月畫屏開長佩遷延望若來只爲敬君
留一笑齊王安得九成臺

見沈几軒師題詩

幾度秋光扇未塵玉門開篋憶清真不應南浦
歌風客來作西州痛哭人

捐壘裁雲見沈公扶搖偏愛嶺南風雙悲太史
抱年少獨幸門生作老翁

罷令歸過太末

清獻坊西一棹移溪山樵語暮烟遲始知白晝
高眠客不是青城散樂時

詩

十八卷 十三

周無懷往宣城與沈殿元叙舊送之

短髯江閣興何豪夜折蘆歌宿鳥號大勢嵇生
堪仰泣呂安何事更邢高

蜂

清露高簷歷亂旋午烟微颺網絲纏憑誰決取
飛飛去作蜜啣花謝少年

聞雲棲五日

坐隱湖簾觸獸環一彈一說恨隔山今宵一片
寒賓鐵跳出平池烟月同

粗叅絳帳與橫經却許鏗鏘到以庭爲道幽名
燈下見唱來還是隔簾聽

上藍寺後老君堂小坐

突兀精藍禪意微客塵朝暮遶僧衣何得昊天
依老子靜念樓中雲氣飛

詩

十八卷 十三

右武送西山茗飲

春山雲霧剪新芽活水旋炊紺碧花不似劉郎
因病酒菊莖纔換六班茶

示李微明

少年豪氣幾年成斷酒辭家向此行夜半梅花
春雪裏小窗燈火讀書聲

送王南陔楚遊

又負秋期見卽悲爲文將弔楚湘纍心知欲別
語難盡便作忘情去莫辭

送章伯昭歸景陵并懷本寧先生

年少名家似孝標蘭臺風起去人遙能來江漢
三千里時有秋思過雁橋

玉茗池頭芳樹新將歸郢客奏陽春竟陵大有
西江水爲寄相思雲杜人

詩

十八卷 十四

乙巳都城大水

閑道行船悲未央河魚東下海洋洋都拋大內
金錢賑不用人間紅帖糧

浮梅檻爲貞父作

白傅時思湖上眠黃郎新泛竹爲編長隨布幔
通明月何用籠燈照夜船

浮海方嗟無取甘泛湖深竹自虔臺水花漫潯

洞簫起山翠空濛連袂開

雲隱山前風自飄不須剗木取泉遙簡憐入夜

蕭蕭雨長在西泠第幾橋

竹丘千里卧湖光故事江頭儀部郎興到網唯

連騎出湧金門外月初黃

勸世

偶然彈劍一高歌牆上當趨可奈何便作羽毛

詩

十八卷 五

天外去虎尤鷹弟亦無多

偶齋答客

蓮社珠燈一佛開意中空色與徘徊分桃擲果

都無分何賴今朝懺悔來

徐觀察自云得秘術

聖老都無却老方上林妖艷亦尋常君今更說

莊臺記猛取雞皮作鳳凰

喜賀閻伯成進士

少年新領帝鄉春乃父中書一俊人家世逃禪

美衣袂不煩人贈白綸巾

有唱人頗爲客苦惱嘲之

村務何須搗李娃當時傳唱一枝花居間縱有

多情客誰解久撻到狹邪

卜兆作

詩

十八卷 十六

偶興隨山去撼龍涉江烟雨翠重重無緣便作

終焉計爲向靈丘第一峰

強不尋山柰老何靈峰雖好夜泉多重來莫問

湘騷客長是深林帶女蘿

送豐城陸郡博廉州

雷陽曾此佇征槎城月邇前溪路斜尚有湖頭

雙雁至數程猶未到天涯

內史池邊洗墨墨春風重過太涼山君昔海上
珠池氣猶似雲御牛斗間

題靜菴僧卷十絕

有序

僧青陽陳氏著姓也巷九華山下顏之以靜
黯淡而少營清羸而善病晚年門徒流散車
膏乏絕平昌別去且十五年來臨乞食者再
無足指示者爲題卷屬之友人廣昌黃太次

詩

丁八卷 十七

太次慧心人當知色空普供爲作佛事也

侍郎書屋舊吾家三笑留人江上霞分衛不來
微火熾伏甌峯頂一杯茶

一縷葡萄不再逢敷花長伴五釵松門徒去盡

月明死慚慙斜陽稍積峯

日月迴歸仍苦饑一軀清瘦水田衣教依食住

慈難住玉甌峯寒待汝歸

新食纔生舊食除一時鳴磬遶江湖歸山要乞
平田住曾見沙囊續命無

春來香飯施僧殘夏罷何人到一餐賴是西江
好團墮詠酒禪子不爲難

寺寺開門見飯堂獨緣心路到江鄉鳴鍾一箸
誰功德孔雀咽中已味香

九蓮花寺不曾開惟見沙門數數來未是到來

詩

丁八卷 十八

貪潤益利他心事不全成

米汁長流野水涯老僧門外卽逢遮心知獨受
黃郎嘯隨例遊行到七家

金地厨開日又過饑雅無分向維那家居叢樹

能相憶城外清光不借多

天女遺漿施病僧如真如幻趣中含拚書乞米

江南帖付與拈花黃石函

石函作咸音者
菴舍當改藍參

送葉仁長還建安

年少文章出富沙歸來仍是舊名家
傾筐試酌臨川酒何似縣城第一茶
炎洲桂樹已成叢年少還家氣鬱葱
今夜與君文字飲遶堂銀燭荔枝紅

亡遽喪子至今十稔秋闈矣偶檢敝篋得

其七八歲所讀文賦俱經厚紙黏襯祖

詩

十八卷 十九

父前背誦再四殊記年月重複中有蟲

蟻水跡穿爛兩京三都斷汚過半不覺

哽咽垂涕呼遽向中雷焚燒之遽有知

乎

忽忽垂頭雙涕垂亡遽剛是十年期班張氣談

灰塵盡說與修文地下知

遺書出篋淚縱橫雨滴蟲傷大絕情垂涕送書

如送子我家天醉獨焚坑

送謝耳伯歸閩

秣陵葉下正清秋祖道寒花十月留
向後相思如夢海月明長在九仙樓
斗漢西斜秋復闌微波真作泛舟難
祇應清遠堂中客留得延津一劍彈

深尊明燭意何窮漸喜南行背朔風
吳粵去來

玉茗堂詩集

十八卷 二十

將萬里人情多在絕交中

寄平昌時葉諸生爲護鄭太守碑金石之

文也

歸去來兮二十年門前五柳鬱參天當初亦解

栽桃李愁見春花隔暮烟

報願鍾聲接曙香夢魂常發瑞牛光鄭公文字

諸生禮時一看碑到射堂

送古松造像往奉雞足山

好相煖焚金紫檀經行萬里得輕安到時不用
談遺座坐向點蒼如玉盤

如來行處要人行二十八傳迦葉情但過五華
風日好街頭常作念珠聲

喜李乃始太史蜀歸過飲見示西征二作
用和并懷曹能始九江

詩

十八卷 三

匡廬晴色下巫陽湖水相思日月長墨妙近新
逢二始蜀箋開處錦明光

聞黃太次計偕過別鄧直指新城遂遊姑

山有所愛憐特遞來棹至閏冬仲過予

止其行暫住芙蓉西館立夏南旋燕言

成韻用紀勝集云爾

道與來沙三月期旋隨計吏一帆遲高情欲盡

麻姑語未必將心住捨兒

千里培風且息裝梅花堪作歲寒香爐頭但坐
談如繡長至重逢日更長

小堂深燭夜生迴法酒珍瓶萬里開并道清霜
減寒色繡衣新向日中來

會御遠遊至夜集

探時惜歲暮年情臘鼓鳴時春草生市得黃羊
清麴酒與君聊此慶嘉平

詩

十八卷 三

爆竹驚眠興未闌明燃燈燭作交關高朋接歲

渾難事何在離情惜指環

除夕

拜罷先祠頌老親椒花滴酒翠盤新春光到戶

迎祥入遙見冠裳第一人

元旦

人日登高百勝宜何人刀剪費佳期將君好在

宜春髻紅蕊開時更一枝

人日

偶爾聞簫逐隊行殘燈淺笑二三更朶城風物

何如此烟月長橋似太平

桑城太平橋
昨在焉

燕子纔飛春欲分柳絲新雨帶微醺何人最是

停針線未必思君獨細君

社日

百花風雨淚難銷偶逐晴光撲蝶遙一半春隨

殘夜醉却言明日是花朝

花朝

癸丑年逢今暮春遶塘流水吐庚辛超超一夜

談名理玉茗斟蘭是此人

上巳

詩

十八卷

三

錫粥雞毬興不無冷淘清醕暮烟餘非關舊火

收槐燧自是輕寒戀竹厨

寒食

清和十日竟春陽人爲春歸送底忙江半石尤

山寺曉可無殘夢到西堂

立夏言別

昨朝春雨問行舟好借春歸作湯遊不知何處

催歸急油壁車邊避石尤

問舟從陸戲之

癸丑火書畫燬盡失去褚蘭亭爲缺思萬

乘之力有不能存所寶亦復了無恨耳

古瘦今肥自不倫水衣風帶共成塵拚教換與

梨花折未必吾家有世臣

卽事送錢晉明遊西粵歸長興

梅嶺歸來三月三春衣連霧洗昭潭還家恰盡

相思苦少婦迎門說二蠶

玉茗離觴又一年越江初過雨茶烟亦知天繪

詩

十八卷

三

亭中月長照溪頭菴盡船

謔客

巧笑樓頭一片雲太平橋外酒初醺何如落夜

峨珂去莫遣匆匆遇使君

盱水如膏粉艷新清寒能遇素心人閒時意態

夢中語纔見真真畫未真

玉茗堂校定冊府元龜藏本偶觸浩嘆

已拚冊府隨塵篋自分元龜食蠹魚獨憶童烏
分校日玄亭荒草十年餘

送洪雲林入都暫過毘陵

雲林幾宿恣奇遊夢入吳江烟雨秋爛醉芙蓉
池上別明年聞雁在何樓

客路傷多年思侵來家不得住雲林秋光且作

毘陵醉一指堂前霄漢心

詩

十八卷 三五

自分濕灰何處然偏多幾歲問胡顛知君得相

堅肥客還傍愚公瘦影憐

話舊談新心自傷霞城秋色去遼陽還家又是

三年後客路何如鄉夢長

送商孟和梅

畫扇留詩得半年碧雲秋近草堂前填河鵲起

書須寄見子乘槎南斗邊

曾見春箋小韻清曲中傳道最多情西江大有
多情客不得江東一步行

送郡丞雷實先還郢并寄舊丞聶慶遠

聽鶯出谷意能無作賦新知楚大夫正與登高
容易別可憐春色在江湖

一春風雨悵江南到日重逢三月三郢客自來

傷白芷江洲何必淚青衫

詩

十八卷 三六

舊丞官老更投荒滿目機心世不忘君自蜀來

渠蜀去斷腸聲只在瞿塘

宜山太守一官輕清遠道人閒寄聲劍外未須

談出處且從雷令問豐城

鴻乙樓

落日長川短笛催畫樓西畔與徘徊沾春莫作

尋常醉纔是城隅酒一盃

引長流泛羽觴樓高那得注題年年上巳
留客祗恐阿登明歲長

幾年上巳醉君樓重上笙歌竟日留不爲高情
成一笑年年烟樹對春愁

睥睨斜開碧玉潭高樓橫笛憶江南不因好事
傳孟語君已忘懷三月三

上巳送余孟瀛鰲饒陽應試

詩

十八卷 七

烟煖風絲柳拂袍桃花春酒漲初高平湖一棹
人千里曾是瀛洲欲釣鰲

一出芝城湖水香吾衰子墨正登堂歸心又逐
流杯處洗祓春衣年少場

鬱儀從龍寄示禊詩懷舊張丁二公作

王孫選客稱清懽羽爵成詩遠寄看折取杏花
樓畔醉殢人愁緒祓除難

風物長宜章水濱重逢癸丑莫之春詩成欲序
蘭亭恨相國夢知是昔人

贈紫陽覃漢暉入吳謁董思白黃貞父

突兀能爲信宿留秦關百二眼前收從誰更乞
三江水助爾旋飛天漢樓

臨川有客漢中遙井鬼橫天氣不銷爲覓恩光
托窮鳥好傾才力賦鷓鴣

詩

十八卷 七

送江如僧暫歸麻源往九華作

空江六月火流天汝向千峰摘九蓮一夢雨花
秋色裏海光初霽秣陵烟

侍郎書屋舊吾家衣帶常沾金地霞爲問麻姑
水清淺幾看江上側蓮花

看孚雞子

黃白光中一氣先都無半月羽毛全亦知天地

如雞子盤古於中萬八千

青來席中夜半遇趙臺官戲作朝上雞鳴

歌有嘆

十年春隔五城樓相見靈臺今白頭聽罷碧鷄

天浩浩一時覓夢滿皇州

謝趙仲一遠貺八絕

漢未央宮瓦硯

詩

十八卷 二十九

銅雀臺知歲月深未央宮瓦更難尋風漪欲動

洮河綠雲氣長滋漢殿陰

汧陽石魚

柳葉雙魚透石穿辟衣香好鎮書便不須更點

隄廩墨一寸雲根鱗鬣全

烏思藏巧鎖

月心得似鎖心連繆巧透楚意已傳但使關西

人健在有時開向九門天

洮戎數種

萬里洮蘭織細絳橐駝馳寄早衰翁應教不向

長安笑髭髭髭似日烘

香臍

通仙枕欲夢覓安山麝能溫水麝寒價重明珠

幾千里當門和取護香殘

詩

十八卷 三十

西域葡萄

葡萄別種費封題香氣新嘗染麝臍嘉峪關前

三萬里一時流味漢江西

鎮番枸杞

明日輕身作地仙殷殷紅子意相憐不須更問

西河女活水銅餅金髓煎

西寧延壽果

欲扶靈壽向江天
茹菊尋芝總不仙
何得對衿延壽果
與君長似十年前

聞都城渴雨時苦攤稅

五風十雨亦爲衰
薄夜焚香霑御袍
富知雨亦愁抽稅
笑語江南申漸高

懷馮公元成時可

文字如人與復奇
一生遷斥近蠻夷
當時數相

詩

十八卷 三

同鄉里何在新羅黑水碑

寄謝侍東遼左

挿漢窺關事欲多
遼陽當已失紅螺
寧前直鈔開原路
止隔三分一渡河

中郎萬里計軍儲
海餉登萊似國初
若道全遼堪郡縣
只消家令幾行書

送朱懋忠當湖

傲吏逢迎氣欲降
輕風微雨富陽江
當官正是清和節
陶令清閒卧北牕

聞瞿睿夫尚留章門惔然懷之

四十年前燕市驚
蒼茫重見豫章城
不知流寓千年後
得似長沙與正平

才士傾家足著書
白頭扶病向江湖
髭髮喚鶴迷烟裡
莫作秋風旅雁呼

詩

十八卷 三

少壯縱橫似不貧
白頭還是債隨身
獨憐慷慨投心地
欲作支離掉臂人

坐起東湖湖上雲
百年流落幾相聞
爭教下榻容他士
且作竹樓留此君

江楚曾無千里遥
黃梅道暘正今朝
相看不得同貧病
別後蒐傷何處招

道情難逐世情衰
滿目傷心泣向誰
不分更逢

饑鳳語琅玕零得兩三枝

姑蘇莫公遠欲往溪南戲之

七十行歌不易逢
倚南無計且從容
休將尺練寒泉眼
更向南山看白龍

寄袁中郎

手版鞭笞卽刻無
時從高卧客酣呼
皆知制作能兼錦
朝判長洲夜判吳

詩

十八卷 三

聞李觀察本寧湯司成嘉賓集南都欲下

一晤湯旋去官有慨而作

幽蘭千古氣橫陳
流寓春傷楊子津
欲賦舊京作賓主
外臺先老翰林人

鹿裘初染敬亭霜
江海相思雲氣長
不借風流爲祭酒
荀卿垂晚立康莊

章門送劉冲倩之虔臺

千秋駿骨重王孫
碧馬談交四海論
忽忽郡齋留一笑
雲門春色在章門

相逢那惜盡爲懽
折柳纔黃心緒殘
行到水西春未老
紅梅還寄一枝看

春江渺渺坐愁予
有客驚逢言笑餘
今夜扁舟動牛斗
何如太乙下瓊書

送君南浦恨如何
春草綿綿春水波
更說黃家兄弟好
鬱孤臺下夢常多

詩

十八卷 三

兄弟好鬱孤臺下夢常多

滕王閣逢劉琪叔爲別

才名真似玉潏潏
江上相逢琪樹春
更別未須明日去
章門風雨解留人

兄弟江頭會亦奇
蘭亭已矣更何之
臨岐併作蒼茫語
尊酒絃歌日暮時

送黃九洛歸虔

遊子江南春草齊秣陵行色遠萋萋臨流一道
章門柳長逐相思到水西

西山鸞鶴起晴烟南浦鷺逢上上瀨船怪得異香
常入夢君家九十九峰前

九日遣宜伶赴甘參知末新

菊花杯酒勸須頻御史齊年兄弟親莫向南山
輕一曲千金曾是求新人

詩

十八卷 三

九日送楊因之歸新城

芙蓉一面繞池開病肺蕭然客數杯正自江南
苦秋熱飛猿雨氣座中來

送客將歸一舉觴素衣雲影護新霜明年九日
能相憶兩地爭高羣子岡

送張積之饒陽

孟夏滔滔草木深芝山晴雨半湖陰扁舟負篋

無餘事時與清齋長道心

千里從師師復羸高情言別淚雙垂孤舟得盡
河橋醉桃李成陰日暮時

貧家經典作庖厨旅食尋常瘦似初慚愧天文
與鍾律汝家張敞獨遺書

敬以孝廉知天文鍾律待詔家有樂書云

昔賢長似不勝衣似子何年戰欲肥不到夢中
纔一啣朝朝曾與吐珠璣

詩

十八卷 三

口占送陳道叟并寄岳石帆昆季

六月宮湖晴起烟道人初艤下江船亦知衰白
老將至得問還丹逢大年

六月空江暑不銷道人何意發征輶清秋七夕
人間巧留看崔公上鵲橋

慧業傷心久世緣何方却老病初傳欲邀弭轡
湯池客去作流珠飲日仙

勞生六十歲而餘慚愧仙翁促傳俱更着長生
何地好西吳馳問岳之初

同陳元石送劉琪叔歸山陰

客思蘭亭歸路賒一樽清遠道人
家誰懷竟日逢春盡獨坐長廊看雨花

風雨瀾瀾江上波鬱孤千里興如何纔逢楚客
新知樂不至春傷流寓多

詩

十八卷 三

但是逢春春自傷不關風雨爲春忙章江亦是
留連地何用離愁向越鄉

送柳士陳元石嘉礎歸黃安

宜章應不久留公山似寒蘆宿莽中直下荊州
自樊口始知雙子亦英雄

人語湖中一葉泉雲秋山水瘴寒烟湏君更借
長安日歸南宜章補漏天

何公五春
柳士也

何來突兀更多情十日平原且未行堂上但須
如此客如泉春甕一時傾

明光楚奏暮燈前春酒黃魚不用錢莫厭池頭
思滄海此中宜坐足談天

班荆長笑楚多材獨自談兵海上來慚愧一編
黃石訣清時頭白不曾開

江楚悠悠春夢深偶然離別倍傷心逢人解唱

詩

十八卷 三

清平好風雨離騷更莫吟

送遼幕過居延

鴨綠江寒匹馬行奴酋未必敢連兵三汭剩有
蒹蘆口一夜能高木柵城

居延子弟好從戎酒債胡頭誓不空獨在九邊
能血戰不夸張掖搗巢功

送道兄鄒華陽入越

有序

功名光耀三世務黃白之術所失不貲以孝
廉令鍾祥乃更清苦甚力護士民扞稅璫忤
旨落籍貧不能活聞越中能死永者欣然舉
債而從之一笑爲贈

家世燒丹家轉貧拋家爲令漢江蘋
官方又失田園計道路追尋草永人

余纔足食衰疲蚤君幸運衰生計難獨美賦官

詩

十八卷 三五

歸老健一生贏得不求丹

謝土作

未必土功能病女何知太歲卽關人飛箋辭地
巫陽事大要心神是宅神

別墅同饒見石李本仁曾在中甘伯碩

灘書不用文章嶺解帶何須禮義山但得醉眠
荒墅裡白頭心眼一時間

辛丑京考後口號寄溫都堂純

燕市千秋駿骨香江潭三歲客心傷知君的是
誰苗裔曾在長沙固道鄉

奉行故相偶然聞點滓移時風卷雲獨坐不羈
高尚去平生知已是溫君

寄懷監利姜公奇方公子

世情交態日紛紛白雪朱絃更不聞獨傍愁覓

詩集

十八卷 四

向江水荆臺楊柳氣如雲

潔上人重修婁賢

千秋少室起寒烟達老黃龍意已傳水石如雷
轉空谷年年風雨夜安禪

五老峰前舊跡開欲將遊社寄宗雷陶家酒熟
公先至且作攢眉一笑回

七年病筇繆仲淳

不成何病瘦騰騰月費巾箱藥幾枋曾是一時
無上手古方新病不相能

看幼孫誦千字文破卷狼藉戲示

硯池水暖立牕紗幾字鍾王沈墨鴉未道他時
能韻語蚤先翻破到枇杷

聞蕭生成芝入郡欲得光祿署寄作

櫻笋水鮮南奉常君行先入大官嘗三公欲問

詩

十八卷 聖

調和意夜夜持書向側光

讀夢得金陵懷古作

賓客探驪獨唱時何妨鱗爪更披氍毹無端白舍
拋除去不得金陵四首詩

若谷僧從霍林所來爲帥母丁夫人病目

禮藥師經瘡且行爲贈

乾消不過老人醫藥主名經禮六時四十九朝

清磬裏病人心已淨琉璃

喚教合眼見琉璃命續高旛不校遲獨唱睡中
名號惺當時曾與睡菴知

中元題

窮鬼錢神不耐真醺籠飛作紙燐燐陰司總被
人間賺忘却司存鼓鑄人

蜀客歸娶者贈之

詩

十八卷 聖

窮愁何必是他鄉百歲爲權一日強春盡我君
見歸客蜀裝傾出海棠香

書金史後

滄桑長共此山河却爲中原涕淚多看到幽蘭
軒裡事依然流恨似宣和

銅雀伎

吳起張巡總爲名到頭纔識此中輕若言銅雀

分香假泣向虞兮亦世情

見敗竄牡丹詞者失笑

醉漢環筵風味殊通仙鐵笛海雲孤總饒割就
時人景却媿王維舊雪圖

避暑飲孫賀明爲別作

偶從岐路識行藏下榻惟依古剎香更說南岳
方六月無能分與北窗涼

詩

十八卷 三

送袁乘遊還閩

東出吳關西入秦武夷還近故鄉新重來衣繡
春風裡一笑芙蓉池上人

千里風流不可期袁郎江上夜吟詩家山得醉
陶潛菊又是登高送遠時

過遠兒故有嘆示念父兄

焚巢遺鳥恣飛沉個爲孫孱一動心石地斲田

全望雨老人栽樹不求陰

周臺官入楚自稱酒狂戲贈

挈壺還醉楚江萍詹尹矇矓對獨醜向後門帘
書命字添標徑尺酒旗星

頭風在灸起讀郭伏生詩悵然成咏

詩成陶孟未成名竹露松雲見伏生一倍太初
塵外語李何渾是世人情

詩

十八卷 四

門裏春風倚杖身門外清吟愈疾人定欲築臺
如此客白雲湖水向秋新

送劉大甫謁趙玄冲膠西

欲別悲歌雞又鳴白頭無計與劉生恩仇未盡
心難死獨向田橫島上行

病中見戴師遺書泫然憶庚辰歲別師時

師云子去此中無千秋之客矣水墨空

蒙名迹如在兩人皆且爲異物矣

子墨英遊懷舊都師門高盼古人無樓頭不柰
將離色爲寫清齋却掃圖

看採茶人別

粉樓西望淚行斜畏見江船動落霞四月湘中
作茶飲庭前相憶石楠花

笑語華山道者

詩

十

金

往歲彭城欲降麻仙官八百走龍沙今秋又拜
延陵相天下紛然來謁華

南州門人雪中來問業贈之

斷臂應無世上情少林人自雪中行文童薄技
何須此亦有前程一死生

七夕

露冷風殘月影微今夜南枝鵲不飛橫向人間

贈枕閒從天外看支機

偶成

遠遊名字入樓清四壁江山看雨晴賴是年來
雙腳穩俗人行處不曾行

登高西望

不老峰中半百年時將歌笑出雲烟家居不借
金莖露自有聰明第一泉

詩

其

玉茗堂全集

玉茗堂賦集目次

卷之一

和尊言賦

庭中有異竹賦有序

療鶴賦有序

百仙圖賦壽郭年伯

相奎父

池上四時圖賦有序

匡山館賦爲友人豫章胡孟弢作有序

銅馬湖賦爲友人金壇鄧伯羔作

賦

目錄

愁霖賦

懷人賦有序

吏部樓鳳亭賦有序

哀黃生賦有序

卷之二

遊羅浮山賦有序

秦淮可遊賦有序

青雪樓賦有序

西音賦有序

嗤彪賦有序

卷之三

大司馬新城王公祖德賦有序

感宦籍賦有序

奇喜賦有序

卷之四

四靈山賦有序

霞美山賦有序

浮梁縣新作講堂賦有序

卷之五

懷恩念賦有序

高致賦有序

賦

目錄

酬心賦有序

哀偉朋賦有序

卷之六

豫章攬秀樓賦有序

玉茗堂賦集目次終

玉茗堂全集

臨川義仍湯顯祖著

賦

和尊言賦

靈仰方中提翔上官燦承孟閏矯擗南雍問我
何思思我慈翁昨得翁言提勗玄風翁曰告汝
民之初生空遊莫囿夏子姬嬴繩生知誦多知

賦

一卷

一

鉅年自絕遙舉汝生有辰厥命在旅劉歷扈翫
不惡寒暑爲汝駘蕩不相齟齬胎素綿息絕屬
微許營載不密馳觴樂女迷惑兩豎醜不可語
謹牽龍轅馳雲汝醕調伏雀味誰迫汝處微言
邈視復息其所平冲廣行少取多與可以長壽
視天倚杵寧三波世遂絕敦囿在儒爲聖在墨
爲巨曾是不居但貴行精兒跪受教汗若雨

有生之生衆父之父兒非堯孔又乏彭聃無量
無方不得雙蓮禹疏舜女由絕夏南殷規易守
要妙難探尊有成命天無戲談世目同諦何止
得三

庭中有異竹賦

有序

大學東廂向南君子亭兩偏皆竹而闌于外
小方池池外砌植紫牡丹白芍藥數株中有

賦

一卷

二

竹亭然砌上旁無附枝闌于之內側生一
竹諸生疑此竹且穿簷而出當刮去大宗師
戴公不許此竹竟從橫闌稍曲而上不礙也
公嘆曰誰謂子無知矣授筆湯生立賦此兩
竹

大學之英君子之亭度靈臺而選勝繞聖林而
啟局麗園橋之壁藻薦方沼之文萍被素風以

悠衍承翠氣之葱菁魚相忘於在池鳥載肅於
高冥非游壑之所筵賓君子之攸寧朱絃在御
玉磬懸庭緒休閒於鼓篋肆靜謐以橫經采齊
而步其視呻畢興亂其聽色載笑而嘉則張一
弛以遺形釋續綸乎几席絳流蒞于軒櫺幄垂
雲之曼葉帶積石之遙町練粉飄而莫莫玄池
韻以泠泠何修養之葺露儼雙篠之伶俜在籊

賦

一卷 三

龍而矯雋信空虛之有靈顧湯生而命選授洪
園之筆精對橫簪以迓美立函丈以經營池上
方臺雜卉羣栽丹華皎砌素藥翻堦執亭亭而
異觀照瀾瀾之檀欒挺碧鮮而上峙擢岩甍之
翠竿復有宇下盤桓庭中饌寒衆疑萃於孤高
謂妨檐而欲剪竟自出以委蛇挹清池而迥展
翫此簪之生成象至人之舒卷爾其爲狀也虛

中忌實疎節蘭密臨流似淵依巖類逸貞儷乎
淑美之操直比乎君子之筆影防露以嬋媚響
應律而蕭瑟茲簪簪之一態未若負標而巧出
乃其芳根獨遠一筵玄通絕左右之葳蕤貫青
熒而在中匪臨深而表勁繁瀟子以明冲豈太
山之荏苒似高岡之梧桐若其迸石而立磬折
偃偻下不礙於憑軒上不虧乎承宇差有心乎

賦

一卷 四

雲步乍低迴而矯舉貴托根以自全異當門之
鋤去故孤生者常直近人者常曲直有取於明
心曲亦時而衡足明心靡遐衛足匪他一鸞一
鳳一龍一蛇自歌自舞或屈或伸君子儀之素
體圓神左右貞風學士如林舒吟藁竹遶嗣青
衿

猿鶴賦 有序

大司徒王公北海樂亭人也聖亦知愚貴能
存賤賴聞浮譽先移長者之車仰謝光塵卽
倒王公之驥見其公子本藍田之玉艷示以
著述兼冊府之璆綴披讀其中有素鶴一記
司徒公從銜史遷大理時也送遊被制之鶴
哀鳴馬首軒而療之長翼盈臆終不復去表
君子之流慈偉仙禽之善托拙筆敬賦

賦

一卷 五

夫何一皓麗之仙禽兮孕海隅之奇氣鼓壺喬
之清夷表頽立而閑瀟逞丹素以明姿駐象此
而振步形亞鳳以揚儀吐奇聲而寥徹駕雲蹤
其委蛇薄幽林而不處毀平圃以高睨豈垂珎
於貴韃將飛翥於昆池巢紅蘭之離繳醴王態
以披離至乃華表摧雲閣嚴墮雪膚散紫胎之
毛臙染蒐戎之血月羽全虧霜翎乍折落萬仞

以達驚逗千仞而橫絕歛桂籍之來遊會蒲且
之見授遂乃延頸伏地長鳴振天向流風而若
訴庶歸仁兮自全厥有碣石真仙孤竹名賢儼
寶慈於柱史遺種德之庭堅霽霜稜于繡斧吹
暖律於盧船在雲屯而叩極返震解以流蠲公
府之聰且止神舉之禽可憐遂乃駐此游龍收
其病鶴類秦樹之驚鳥似雕陵之感鵲縱置文

賦

一卷 六

園留陪金閣煥雋格以難撓遲誼寰而眷托謝
冲天之騏驥就投人之燕雀閱其半死半生借
以一丘一壑飲以流丹之泉傳以良金之藥悅
仰願神行遊顧樂弱骨重堅殷痕再合嬉同神
王之羣怖異禪林之鶴戲葳蕤之瑣墀對凝鑑
之華榻雨乃素月蟾流清風螢亂繡箔催蛩關
河別鴈滴塗露以涼生秋微霜而夜半草隻誰

情迢迢無患聽遠嘆於層霄聳素心於遙漢至
若西北十五東南二八霞肆羣翔雲天永夏或
取仙人之簫或寄西王之札動清吟於圓方寄
奔想乎坎北豈疎肉之難飛詎淺毳其如鍛低
昂欲翫徘徊至曙憶虞人於藻田奉君子於蘭
署非戀目以余蜀寔兼心之維恕念酬環其莫
展欲銜珠而未去寧希淇上之軒未羨緱山之

賦

一卷 七

御願終惠於階弁永卑生兮容豫

百仙圖賦壽郭年伯相奎父

南極一星西真百人靈儀飲日正氣生神年齊
一指人過六身黃骨寫照素領籠巾嶺岵杆首
緬邈微頤松子遊漢桃花去秦桃結千年之寔
松披萬歲之鱗蒲茸石上珊瑚海濱露晞紅燥
烟開翠勻俱邀皓侶並戲玄津則有素練并鶴

託李馴麋奕則樵人之斧博則井公之碁了忘
懷於勝負或試守於維雌復是仙林結響比竹
調吹琵琶出峽琴歌湧溜彼輕宮兮穆羽庶調
鳳以鳴螭別有金根紫腦繡軸細絃筆淡空青
之秀箋標小碧之奇南軒並檢西極同窺坐寫
三皇之詰行香八會之詩若乃芙蓉半幘杜陵
金枝簡漢槐而叩首贊靈杖以支頤載色載笑

賦

一卷 八

或前或隨棄維縣之唐藥謝迷陽於履綦別耳
兮經宅之高意不掩晴髮今明堂之華葉無虧
翔風窈窕曳景逶迤亦復遊波紫源采琳玄殿
月鼎裁圓霞火初扇雀舞蛇遊龍吟豹戰文武
閑調陽陰顧戀黃金丹兮半圭紅玉粉兮一片
一片兮丹田九轉兮洞天歸昌兮何與人事入
鼎兮空闕代傳出百關兮何莫留滯凝今未旋

清酒樽今進酒援桂枝今往篇並榮聖今不免
非玄道之自然何如列真之圖象帝之延龍花
對倒螢芝并燃雲子風寔樞都藻川皆揚妙氣
寧知大年山中今若有環中今又玄詎貞脆之
殊采信語照以平筌欽風久矣圖雲爛然是用
寫東華之百老寄西昌之一仙

池上四時圖賦 有序

賦

一卷 九

南安孫子樂予同年友也構精館於周池之
中成臺之上極山水之致焉繁植芊綿遊鳥
朝吹孫生體素懷冲覽聽流玩不能離去自
號印池居士屬者應詔迫而就道則細囊錦
腦寫其八節之歡時而展之何必千里也騷
人墨客爭就其圖臨倘焉余爲賦之

橫浦新波章都舊河東榮曙滿西華翠多藻魚

嶽之澹淡輝驚閣之峩峩途稀雜圃里息塵珂
蘊醺風而遠解漾空景以遙遙有美一人在江
之汜本豫章之才子擢明光之桂柯榮玄津而
漱泳涉芳苑以婆娑選崇軒於一阜經周池乎
四阿橫披騷柳倒挿舒荷蕊龍翠竿班駁文莎
草香蝶舞花明鳥歌池上今酌酒庭中今載過
有參桂靈鷲飛樹螺麗青雲而縹緲綠水以

賦

一卷 十

繁羅上客未散美人半酡步窈窕之環徑藉芊
綿之繡坡含情久矣撫景云何若乃殘春告謝
入夏清和薄葉遊蔡香樹眠蛾澀芙蓉渠而嗅
飲石溜以凌羅又如清飈亂素漢霓拖霜鳴
石馬霞攬金蟻葉微波而聽鶴月安臺而影娥
至若嚴冬今積雪千里今結潔梅樹之關直開
玉枕之雲橫已南衣與以猶乘蕙曉寒而詎輟

忘池主之遊踪並山陵之所設導生予聞而喜
之曰有是哉孫生之宗代不關甘苦公和雲嘯
於蘇門與公霞餐於天台俱馳騁域三載塵涯
未有卽人寰而遣適緣物務以遊懷今孫生以
方丈爲丘不離桑梓隔尋常之水卽是蓬萊先
大夫絃歌而資柳徑大夫人戴勝而處瑤臺婦
則蘭儀在室子則芝種盈堦可以晤言游泳永

賦

一卷 十二

謝推排乃復縻情好爵駐象璇台類三山而不
處涉萬里以賴來遵楊生之岐路失祁氏之山
崖將無乖卧遊之致取適客之移館則孫公之
館池非樊父之池已焉哉莫往莫來山中之人
可倚或憑或語人間之世如許且植援於山庭
重係迹于丹青印清池而鑑止終賞泌於奇齡

匡山館賦爲友人豫章胡孟陞作

有序

孟陞本豫章之才子慕匡仙之舊廬結架山
巔遠迤雲貌每聚遠公之笑自號采玉之人
白雪恒襟玄風再囑余嘉其志包宇宙爲賦
所居

羨澤國之洪州莫江陽之名嶽柱北斗以崔巍
鎮南條之廣遠爾其日月影射烟波沃漾積霧
沈峯橫雲矯嶂碎瀑珠寒香鑪翠颺竹影之金

賦

一卷 十二

書自然樹杪之鍊船無恙物死強梁人生弱喪
空迷閭水之中不佳靈山之上如何孟陞先我
遊遨眉顏如畫意氣真豪河山不礙風雲自高
書盈唐述賦滿邊檣鵲峯比峭鷗岸雙遙發匡
后之寶牒覓吳噎之金膏見白龍之時起聽玄
豹之潛號搏空屏而曉灑寫石鏡於寒臯升降
神阡吐納靈川林冥冥兮欲雨人飄飄兮似仙

仙家兮遊衍層陰兮疊嶽覽神丘而茅居孰人
寰其更選借禪林之一丘構丹房於九轉逗綠
鸞於石梁尋飛鸞與敝編天門之松側生華嶠
之蓮半卷况復岩流自清藥樹恒榮留半空之
霜雪隔浮世之陰晴長風夜作則萬流俱響曉
龍晨嘯則百嶺齊應朝飢則平湖上葉暝暗則
彌山佛燈名可以頓真人之響策僊神區之赤

賦

一卷 十三

城乃有辯才大士玄德先生迦襟靈之滌覽泛
馨香而解縈妙吉對揚之地高真玄慈之楹振
林木以長嘯憶蓮花之舊盟出淺見而遊戲捫
重玄而迅征方遺蛻乎生品又何流鶯於塵情

銅馬湖賦爲友人金壇鄧伯羔作

若有人兮鄧林懷悠悠兮子衿臥仙壇於谷口
封天湖之水心谷口兮流眺水心兮殘照山中

人兮何之去滄波兮獨釣若乃春風不寒春流
正寬紅鱗試子綠草迷芊攬芳洲兮杜若倚垂
楊之釣竿及夫文萍旣合珠荷未卷麥雨飛來
蘭風溜轉苔磯之迹全蕪竹嶼之絲半展至如
白露霞明綠淑風清肥魚正美石鴈裁鳴靡芳
桂以爲餌泝蕪葭之盈盈况復素雪紛飄玄池
寂寥皓明湖其未凍詎幽山兮見招漱寒流而

賦

一卷 十四

隊蘭聊卒歲以逍遙坐飛闌之曲碕步澄灣之
板橋眺魚臺於月夕移翠篠於霞朝玩沈精乎
在藻寧紛波乎市朝厭土王生長爲釣侶比目
雙抽文竿對舉繪彼嘉魚陳其芳醕厭玄洲之
共學憩長楊而並語側微棹於歸風濯煩纓於
逝渚其釣維何載遊載歌歌曰水國波臣漁父
賢人蒼梧兮逝水黃河兮衛津並垂願於巨獲

亦見巧於織綸玩芳湖之銅馬異昆明之石鱗
不羨來提之玉維澆去住之塵湖水連天亭間
釣船豫章之魚頃刻凌陽之鯉三年既就淺兮
就深亦載浮兮載沉餌何爲兮魴肯釣何爲兮
香金鏡水中而容與荒澤畔之沉吟苟濠魚兮
可樂計相忘乎直針

愁霖賦

賦

一卷 五

駛河北兮春深滯江南兮夏霖浩蒸氤而湧岫
漏飛風而擾林颯零零其晦隕瀾淒淒而晝沉
月夜夜而離畢霞朝朝而載陰始濛濛而徐墜
終漙漙而難禁苦紛射而下澍並流歎以沉吟
爾其神燦代仰谷風猶作麥穗辭膏花枝罷濯
琅瑯之稻裁寄房子之絲始絡愛凱薰之時拂
惡邪雲之併落遂使閨無暄敞疇成潰壑室婦

歎而停機臺峻悲而廢鑄在蟻封而有時占鳩
逐而無樂十旬不休五月披裘感寸膚之恒潤
觸長帶以頻浮素比閭之接潏激四注之沿瀉
奔泉直響積潦橫流騎輪斷迹鱗介來遊戶挺
竹竿之釣街乘桃李之舟况復江臯漢田海曲
河壩播空濛之決滌慘瀏漑以連綿長虹飛而
竟杳陰火濕而難然水氣黑而防驟風色亂而
忌前滄躍鱗之蹇蹇舞萍鷺之翩翩困潏潏之
稻雨濕裊裊之漁烟波光黯矣水客懷然篷輕
易漚帆重難旋見衝霖之駭岸愁大浸之稽天
若乃神虬掛漢朱鰲浮川童馳西海龜出南淵
並取終朝之潤誰護潏雨之偏至若岐路初馳
關河未稔絕國搖魂離亭張飲謂挺轡于晴埃
忽霑霽於絕險又若陰鳥啼林陽鳥向嶮後騎

賦

一卷 六

難催前閨易掩覆立雲來征袍雨點度谷雷懸
攀巖電閃橋道斷絕泥途積染何旅緒之搖搖
嘆年途之冉冉至若載陽載陰倏啼倏笑北斗
潛輝東皇隱照巷絕來遊門希久要水鳥翔其
戶商羊生於突寫崩山之絕絃斷凌雲之逸嘯
沒玄寂於蓬萊跟真空於藜藿詎知夫椒屋驕
奢梓澤妍華客淋漓於公府賓沐櫛於侯家誰

賦

一卷 十七

惜王家之郭誰借孫弘之車蔭幃幃于夏宇等
晴麗于春霞灑階藁之薄蘚霽檐桐之暗華遂
乃置酒飛閣疊坐崇樓覩朝隰而不歎指暮雨
而淹留雖復金鋪繡澀玉鳥津流素屋有昏頽
之苔紅氍無底滯之憂爾乃室乏甕儲家徒壁
立土復繩樞上漏下濕丹釜遊魚顏瓢斷粒固
宜其寂寥無賞淪埋類蜚走獸爲之號咷飛禽

爲之翕戢子桑餓而未死于與悲而載集卜子
之蓋遙馳郭氏之巾屢浥裹飯而趨排榛而入
徒聞其且絃且誦如歌如泣怪其情生嫵其調
急悲情生兮匪他問傾天兮謂何對升雲之龍
蒼畏淪液之滂沱玄黃漫其無質陽陰灑而未
和蕪漸如之蔓草沄飄零之桂柯匡琴一鼓愁
霖再歌歌曰父耶母耶原覆顧之周遮天平人

賦

一卷 六

乎寧燥濕之偏枯晏雨何心委運因任隨飄隨
止孰勸孰淫本萬物之爲芻豢人生兮若林有
情者分其濡矣無心者一其霽沉且棲遲而撫
化又何慘積于愁霖

懷人賦

有序

懷樂安令沈公蕪也蕪美須顏有烟霞之致
移令樂安彷彿王喬之在鄴竇子明之化陵

陽也入朝左遷于楚余亦下第過余咄曰義
無不釋乎以子之姿太清太寧之氣也豫章
廬山遠有匡俗近有顛張遠有徐孺子近有
吳聘君高者鸞驚天庭低者鵲起人世紛紛
偕計射策銷其年力珠彈玉抵君何取焉余
時擁臥未荅眷其知己絕人矣歸南都中伏
夜不能寐起坐月露之中披懷作賦

賦

一卷 九

悲夫天大地小飄其淳光日往月來流其迅景
運密徙以疇覺物昭徂而遽警戢升淪于半氣
覽衰隆于俄頃孰無懷而不傷在有情而必整
雖美人兮滿堂兢勸余之修騁慚御世之無奇
冀深流而縮綆趾鄧林而必枯詎冥山而見郢
內熱愁焦長途異影儻躡驚於青齡復遲徊于
素領俟河清而海塵幾覓銷兮骨冷故知死之

徒而欲生躁有君而用靜想盡者窮年觀冲者
忘境羨往去之松喬識向來之箕穎務尊養以
斷全疾銷聲而自屏佳哉沈生海內廉貞德有
曾鮑之實政留蒲密之聲余方楊迹於公府沈
亦垂翅於黔荆既同病而同歎亦有胸而有情
謂余姿之淑遠似扶輿之灝清既在人而靡類
亦何慕而不成曷不都捐赤臭之路了涉清芬

賦

一卷 二十

之程有豫章之丹金有廬阜之金英釋恬愉於
性智一昭昧於竟營證無生以爲友拂煩軀而
頓輕止則風停動則雲征鬱兮纓鴈之聘飄兮
素鶴之迎豈不長消枝係永辭患驚爾乃效藩
羊之靡決類蠶蠶之自縊送華韶于遠道燦靈
根于短名已焉哉言之者無情聽之者有懷經
物情兮轉流泊生人世兮苦難諸索米長安之

舍悉馬車臺之街豈若仙衢玄仗帝圖清猶金
蘭之語無別乘尊之趣當幸鵠態雲霞之氣龍
章土木之骸結遙情千荆越托遊真於海淮君
門萬里人天一涯懷端易繞意藹難排西湖書
艇南部紫臺意高月度幔卷風來綢青衿而送
抱撫零露以傾壺每憶霏霏之妙語恒慚負負
於仙才

賦

一卷 五

吏部棲鳳亭小賦

有序

余生有涯物遇無極隨吟而流薄觸象而透
遲固有年日矣若乃南都選署餘姚沈君俞
君磁州李君潮陽周君吳顧君王君余鄉朱
君俱懷當世之才逸俗之度余並遊之其署
南側有棲鳳小亭諸君緩頰之場也余醉其
中忽憶紅泉別墅草樹如斯因爲此賦

遊龍巨川棲鳳名園蘋池蔽景竹町籠暄吹臺
之梧對植暗河之桂雙掀果多梅萼草則蘭蓀
錦雲披而花笑珠露零而葉翻地則銓流之署
人非華競之軒况復選部羣公簡要清通並挺
瑤山之幹俱韻竹林之風賞心惟會鏡影彌窄
緩帶而臨清燕搦管而和雕蟲可以永慶朝倫
之穆均歡臣譽之融汰靈襟於草陌送柔抱於

賦

一卷 五

花叢芳尊之友無恙折揚之調誰工有如僕者
周行有命孔德無容雖煥發於霞藻終睇緬於
雲松也

哀黃生賦

有序

余友黃生名棟里人也年六十矣貌寢孤貧
聞遊者談京都之富冒漲而行止之不得至
徐中暑橫昇過東平已不任視聽矣至京

一日而與同旅人共瘞之關南今歲其生時
驢譚撫壘酸涕下第陸歸不能致彼故鄉先

賦逝言

哀哉黃生生年甚飲今日故人酸君幽寢欲不
吞聲嫂相嘲切欲不陳詞難相飲噎生貧好書
仰人眉睫定本巾箱亡書別篋蠹跡難憑蠅頭
自寫獻笑虞初涉畧蒼雅目不知書玉珮金車

賦

一卷 五

讀書如此不及侏儒生故無子求方服食雖有
閒情曾無弱息不善爲容揭露喉齒掉臂而行
槃跚步履故無長志亦復短視忽慕豪華來觀
帝里 帝里云何昔我經過夏沒稽空江淮
冰河濤鄣雪島旋轉雷渦曲折駭頓寧任風波
渡江而馳蹴逐騾車焚輪疾堞牛馬之餘中目
凝黃蒙顏變軀懸發有程不得徐驅寒門暑路

鑠石裁冰羊腸巖險驟耳摧凌公無渡河余方
泣岐拔劍而去不若哺糜生時揮手語謝朋友
帝里豪華誰非白首土風便習豈問妍醜結
駟難期蹈隙時有余聞此言重相止勸凡今之
人年輕力健勁出如鎚巧入如線動止如風舉
舌如電若鬼若神潛形晦現如瘳如蠅食復轉
變承鬣嬉遊侯鯖穢羹生無技妓槃阿則便古

賦

一卷 五

人有言貴不如賤白首華京非生侶儔號曰強
起名爲宦遊年高始壯漏盡何憂如生已矣宜
終首丘左思摘白楊雲逐貧人皆有憶我獨無
身蟣腸蠅鬚臄腹鳬脰影必隨形力不敵命河
上郵亭別館橫經妻稱牧犢子字螟蛉希夷自
供怪魅無逢翻爲浪士忽翳雲蹤陰陽之食貧
病之客中賜徐邦遊竟岱宗裸致于京不復省

人目直猶視舌橫難陳一宿而冥同旅悲憤
庭都南時張周身他鄉是客異鬼非隣已迷生
路寧離歸津千秋一寄萬里同塵憂愛獨冢遙
逢族親克飛渺茫過鳥號翔何當拍取還君故
鄉

賦

一卷 五

玉茗堂全集

臨川義仍湯顯祖著

賦

遊羅浮山賦 有序

夫星圖粵地引潮汐於玄紐日次周天晷晷
夜於陽陸然則南嶺之南北戶之北固以輿
象之所偏麗燭龍之所長寤矣而廬嶽天子

賦

一卷

之障衡山祝融之嶢樞軸雖連於西極經絡
未窮於南紀高融與博是在羅浮羅山上直
百粵之精旁羅赤溟之氣軒轅以降降爲粵
嶽矣而浮山者是惟蓬萊神山浮自會稽靈
海斷鰲不足比其波蕩操蛇不足異其轉徙
蒸流駸絕橋佇眙分舉飛峰息壤神理自然
所悵鬱者名迹蕪藹采真莫續濁塔暗朝花

之影沉湖銷夜樂之音每與友人祁衍曾曾
人椿嘆恨其奇大有終焉之意而東宮陵祀
升踐靡由辛卯冬十月始以出尉徐聞速令
尹崔子玉於南海選文學翟從先於東莞柳
川墟履原隰宿朱明曜真之館候晴霏焉蓋
晦夕也詰朝朔微雨襲梅墟經石門聽泉於
藥大夫春及之廊阿明日觀大簾泉避雨廟

賦

二卷 二

拙弔湛公於黃龍講堂道甚窄硤夜火青霞
洞中有湛公樓七楹仙鼠居之此盡下界三
矣明日起青霞至顛際觀日出爲中上六界
美人峰殊好神如道人時時出雲其下千仞
葉大夫石館處也日始華露欲晞見城郭者
四五前立石雙如蛾翅豎又立石翥爲燕子
門一名彈子門爲美人障其前嶺餘峰也同

人不前獨往彌勝從數羽衣人芟藋而上鳥
道二十餘里迴翔眩視草樹飛翬光氣有異
非所經識意謂靈境阻夢剏然一周平曼修
婉名以子午正其昏朝登頓再舍圭陰未禺
遂躡飛雲凌日觀唯見香鑪一具白水一卮
祀羅浮君焉望天池以陽星沙而陰東連扶
津之藹西盡崦嵫之色靡不區封有眇昭藐

賦

二卷 三

無倪者矣可謂恢魁乎大觀淵綿其神致也
哉枕石起臥欣言賦之儼於謝靈運想似浮
寫差爲飛愜云爾

極廬衡之經首暉赤嶽於賁禺畧招搖之桂樹
望雲氣於蒼梧問津途於莞城釋泛舟於源墟
灑林霏之窈窕漠嚴戶之紆徐晨光飛而首路
夕影流而載驅倒煙容於衿帶睇朱明於隙餘

磴環頽于莽蒼林纖密以扶疎策孤征而曉影
鳥羣歸而沸呼傍靈池以涉趾歷廻梁而聳軀
鍾鼓鳴於林間香氣騰於路隅是爲帝軒轅之
所履神赤標之所廬坐參正而披衣閤柳中而
定居何遷人之執掌得借一於冲虛靈想接而
心歡營宅清而寐除慨衣冠其委土想丹竈之
流珠問洗藥於真人發靈簫於聖姑守瑤光之

賦

二卷 四

玉虎戴碧斗之銅魚恨天華之宮不存怨明月
之壇久蕪斷冥心其莫引翳神光其忽諸徒使
來粵都者延明珠於合浦浮龜衣於賈胡彼臯
壤與山林非天性其焉如將縱觀其窟宅恣風
雲之襲余若有人兮山中葉公逃其大夫瞰神
峰之育緺感鮑女之來胥築清泠之妙館移家
室於真箇半九天而一息卷懸泉而自舒契蘭

溪之趙相咏明懷於彼姝悵峩嶷之脉遠覺茅
山之氣殊諒仙人之藐矣居其堂而載盱度石
關之穹窿接新構之離婁泉淙淙而夜鳴雲英
英而晝敷清不可兮久留澹容與以踟躕山帶
氤而翠積水簾波而素紆營磐砥兮偃仰蹙葩
華兮噴噓避雨蝴蝶之洞睨梁天漢之虛彼增
城之湛子洵赤海之名儒匪淳耀其外麗有神

賦

二卷 五

精而內攄吐經書以玄澹集龍鳳以娛娛若涉
澗之閭閻儼夏屋之渠渠委樓觀於山精寄田
業於門徒聖無存而不妙凡有亡而必粗疑海
波之增減窺戶牖之有無蘊苦心其爲誰遡流
風而涕俱於是拂金沙兮夜語躡青霞兮旦發
逗威夷而宛轉望敦龐而塊軋澹孤青於氣表
漏陽華於空閣表崖隤於川渠錯瑤瓏於樓闕

雖道絕於登降亦臨觀其曲折緬增城其在茲
遙仙風而吸嶂俯龍門而直上有流光之影撒
激上界之精華照下方之明滅何峰容之偉奇
漾真人之秀烈偶儷石之前臨露參差而障列
如倚翅以斯冲似懸帆之次揭映神姬之出雲
夫朝暾而暮暝轉靈竈而下視象寒津之漱齧
始神山其浮來自會稽而涌垠覽至今其草木

賦

二卷 六

有東方之種別泯合際於羅丘度鐵橋而綴缺
豈華靈之遠挈非秦皇之近設抵半舍而泉分
宿煙炊而飯潔託木末崔子玉之下來愴石罅
翟點蒼之困歇信絕地之行難豈中天而輿輟
定飄搖而整巾豫蹶踟而結襪頓金東之拳奇
步羽人之勃窣上登鬱其若梯進屏顏其若關
峭壁虛而溜浮積泐歛而苔滑寄掌股於旁陁

托跟跣乎目極蓋起瑤池而躡飛雲周三十里
之靈樾象耕之所絕蹊雉樵之所迷衍肆奇樹
之葱蘢并異卉兮冥密紺蒼凝而互陰碧鮮流
而競發固風霞之所藹藹亦丹青之所涵鬱有
一花而四照有五色而一節或建日而無影或
嵌空而有雪青珠冷風其欲亂珊瑚叢生而逾
活神塵倚其雍在仙髑影而撒拂木客離筵而

賦

二卷 七

似語山魃隱映而倏忽別有朝菌若雲夜芝如
月翠羽攢菁金粉浮馥曩得一而爲艷此成林
而不掇固靈境其常然嘆人生之覲絕謂林封
而徑窮忽岡巒之秀闊偃撐距而不前乃案衍
而條達曉發足於青霞午凌岡而載菱候鷄鳴
於上霄降茲轡而子未正子午之嘉名定昏曉
之相割念人間之急晷芳旋車而已瞥矧山行

之阻迂慮峰嶺而影咽竟凌霄而未出何鄒林
之蚤渴豈日氣之偏延非海陰之所遏遂徑庭
其造天極空實而戴日屬湘嶷於壘礎辨交燕
之隴埒耿菑木於河林認扶業於渤碣挾瓊州
而地矯引長星而天豁布盼蠻之芒芒衆每生
而忽忽偶旦宅以推排縹山川與名物皆冥丘
而去燕今南池而徙越爲情多其苦悲亦心淺

賦

二卷 八

而易悅塵影含而智虧年路深而意沒夜樂何
時而遇仙花首何因而禮佛村凡情於聖真若
闕觀與窮髮將無始之趣未融令有終之相難
聞朱鳳沫而潭氛碧鷄殷而石裂覽異鳥其參
差意靈禽之彷彿宮觀巋而如在丘壑虛而豈
屈吾將洗浮氲於自然悟空明於一切朱陵之
花菲謝曜真之氣長結燁光景兮夏不知乎夫

之所窮靚凌兢兮吾以觀乎日之所出

秦淮可遊賦有序

庚寅晚夏望夕風月朗清人氣蕭爽大儀伍
君命酒秦淮波上肅舲學宮弭柁乎斗門夷
猶中流急管起於別航名倡更於樂府襍謔
奇蓬漣於丙夜同寅膳客郎兩顧君小儀蔡
君各極本量而止懼如也就中客耶興寄橫

賦

二卷 九

發待予正陽門下坐流雲之碧階送淪霄之
素月醉言有清人之許離思多久客之懷歸
攬朝霞賦成夕秀云爾

若夫赤月如望林鍾應響火熒熒而向流嵒遲
遲而欲往光拂鬱以延歎氣烝沉而失爽徒屏
隱於軒廊闕遊觀於蒼莽何愜穆於周行獲佳
期於漢廣樂我諸君秀而有文綠江閩之素氣

朝吳越之奇氛既自公而多暇在燕私而必聞
樓臺落日山川出雲不懷陰而靡景草含清而
向曉首英寮其薦酒指蘭舟而命羣命羣今何
適望秦淮兮今夕拊文石之傾闌背學宮之廣
陌玉樹之長廊半陰金陵之倒影猶赤有所期
兮未來借彈碁而遲容減人從以輕舟池冠裳
而露幘儼佳賓其已齊放寬波而試劇蔭紫燕

賦

二卷 十

與丹駁雜青林兮絀石蹕啾啾其翳響鳥差池
而卷翮晦陽魚之出遊豔波禽之浮拍思慕的
於芙蓉眷幽芬於蘭澤物有去而歡遲時有來
而怨追曠皇都其未娛含流光而更索恨計往
於尋常惜懷來於咫尺澹容與於清華蕩流連
乎空碧蘋風起而颯帷前月浮而動席度江東
兮宵柝嚴念漢西兮重闔隔汰水關而望迥限

斗門而意窄態紛紜其自親飲周流而未憚極
本量之推排盡觥籌之發摘蘭肴藉兮風色鮮
桂酒流兮月波液喚簫倡於隣舫接棹謳乎伎
籍吹激賞而彌亮唱延悽而屢繹諒不醉以無
歸豈有懷而未褻水光搖其琰組露氣涼其簪
綵滌滯慮於玄青玩回環於虛白下瀨疾而須
款歸塘順而再逆邁亭臺於浦裔睇畢巒乎樹

賦

二卷 十

隙素光流兮雲石稠黛色深兮風煙積或樹古
而池平有朱門而畫帶釣渚何營漸臺誰闢吹
簫屠狗之孫鳴鍾販脂之役杳河漢於清懷盼
亭臯其可惜緬吳淮之百流斷秦餘之一沍擬
王氣以中沉亘皇明而上直若渭水之貫都象
明河之注極流美惡而匪鑑映井里其如織蔭
居人於倍市駐遊冶之百色應姝楊女之夜咲

蘆人漁子之風食想閣道於何年悵籬門於此
域荷年運之清夷竊君子之光飾况山川兮夕
佳有才情兮誰匿諸君感此且飲且持小人承
之或鼓或罷或唱驚蟬落葉或歌飛鵲依枝去
清秋其幾何撫逝川其若斯清觴已矣良夜何
其散殘瀝於津人分餘桃於侍兒收沉驪而一
縵上前崖而載欲眷橫參之已西嘆明星之不

賦

二卷 十三

遲咿啞笑語徊旋步馳或有辭而未去或有去
而不辭亦各極其致爾誠無噍於參差別有東
吳主客情源無竭偶先驅而北矯轉候予於南
關步嶢嶢而迴風立交桓而送月望紫氣之冥
蒙坐玉街之瑩滑譚信州之積想喟玄都之素
謁已九涉於星霜詎雙凋於顏髮愴世路之悠
悠對旁人而咄咄愛予行之高奇許微文之清

越諒醉語其必誠豈寤言而可忽倏天鵲兮告
晨漾朝陽兮欲出意悠揚而就分與淋漓而未
畢車倉皇而造門燭燐微而晃室歸夜遊兮氣
清聽晨風兮思密雖映賞於兼葭尚留驪於聽
碎

青雪樓賦 有序

四明戴公是萬曆庚辰歲予遊太學時師儒

賦

二卷 十三

祭酒也公容情俊遠談韻高奇於諸生中最
受風賞但春涉秋究日餘夜公私之致兼窮
禮樂之歡無吝矣辛巳以失意江陵相致任
里居而予亦跼伏江外微音邈綿已丑予徙
官南祠得公手書云前莖婦徐青山山自天
台來其前雪竇山來從四明相當也夾以公
棠建溪前以剡水橫合而東止靈海胥其宿

矣若乃關流扞門隨迎主賓金魚之阜玉鏡
之池玄武碧鷄之狀仙人文曲之星察其地
貌蓋亦他日歸真之宅也夫沒爲堂房生爲
樓觀考槃其中名以青雪四窓四明蒼翠如
織步吟徙倚甚以自適吾弟達者爲我賦之
以示後人予感而賦之

若夫越國君子翰林主人江海空明之氣風霞

賦

二卷 十四

秀上之神旣有情而有望亦信美而且仁雖紛
吾之寡韻獲勝引於成均坐東堂而賦竹過西
池而采蘋圖史之觀入夜琴歌之醉兼旬人逗
機而無舊物賞氣而有新素風期於道業過洗
激於清塵加以東閣嫌猜南臺憲誤本生世之
難諧豈時人之法度念衮職其何補謝榮衢而
息驚岑仁義之壇場問風雲之徑路溫伯雪子

之畏人姑射仙人之飲露非息陰而取機且緣
生而發寤七尺之有難無一瞬之新易故苦山
川之陰入尚瑩臺之闢樹曙霞標其可驚布神
光乎赤城度星台而折彩閃鬱郁於徐青影玲
瓏之雪竇洞葩華今四明左棠溪之溜莅右建
渚之葱縈纖交流於翠剡歸榮光乎赤溟洞壑
宮商之響陵阿鳥獸之形象委宛以靈和氣參
差而淑清青岳之金魚活活雪峯之寶鏡熒熒
吾山有終焉之志斯丘懷可樂之情志有悲而
未陳情有驥其必薦映渠陌之通明曉林霏之
簞積藹生香其發越緝流津而渙法皐壤皋而
陰穠草樹花而晴綢適愴莽以忘懷撫高深而
滯眷矯樓臺而一目敞軒甍於四面納陰陽而
吐心出山河而入見東井通日月之華北斗飲

賦

二卷 十五

風霞之秀客至而棲雲讓席人去而生煙拂薦
徘徊晤語徒倚流眄近深心其自遠道遺形而
故衍挹靈華於清府望仙人乎海縣想勝業之
悠綿限情期之涉踐相毫釐而密移恃神明其
未變一往之致無還方寸之心有旋故通人之
遠旨妙死生於一線惟人生之去來像潮音之
出沒偶愜寄於山川又奚分其宅窟當生門而

賦

二卷 六

近鬼逝多林而就佛襲光氣之流離藉陰暉之
隱鬱撫靈娟兮悲玉人先朝露兮掩金骨指同
穴以爲期念皎日以明發依松柏之明庭托粉
櫝於靈越旣連理之在茲庶畫衾之無缺遲鳳
靡於金泉訂鸞詠於石闕渺同室之春秋凜便
房之歲月想霜露於容堂且醉歌乎林樾極平
生之眺聽冀遊覓之恍忽棲造天而敞高壙穿

泉而勃宰隔地脉之幾何謝人歡於倉卒玩傳
薪於竟指候滄桑於窮髮來未詮其所根去不
知其何物苟來去之無存自欣愁之可拂就臨
穴而何休暫登樓而靡他善飛沉之暢悅佳草
木之倚邪思美人兮瑤草蔭山鬼兮女蘿奉浮
生於尺璧懷佳期於寸波悲千秋其未弭懽一
日而已多唱蟋蟀於軒堂邀寢寐於陵阿寄流

賦

二卷 七

光於夜宅欣蚤計於前和弭日月之合璧成樓
闕之崔嵬迺甘露之鷄鳴聽洛水之虞歌達生
之能事已畢微躬之滯累伊何澹春華於曉署
颯秋光於夕河昔樹人兮桃李今懷仙兮菱荷
尚風雲其未已乘樓觀以經過還及美人之無
恙佇靈想於羲娥

西音賦 有序

周無懷與今侍御饒伯宗並予弱冠時友也
周君氣激虹霓心注時務其人雖短在乎儒
俠之間也中年好道世業凌夷遂乃骨立於
江潭神銷於路側則夫把手而悲撫心而贈
者交道之常人倫之槩也夫上困者不如井
養外睽者思其家居於是周卿興言晚計修
仲長休璉之樂焉於予有成言也賦而歸之

賦

二卷 六

何無懷之老人紛平生之可念昔魁顧而美髯
亦眸清而骨峭肯問舍而問田曾學書而學劍
說西州之地牢講南吳之天塹窺流俗以愁眉
指英雄而自古饒君長而靡餘周卿短而亦瞻
何賦命之殊條逢竝飛而忽墊妻子死而神傷
衣食虧而意斂青瞳枯兮無光白髮生而少艷
稍遊涉以殘那數坐遷而涕欠望百年兮幾何

尚寸心其未玷絜才度於時人許十倍而寧潛
君素食以恒饑彼脂膏而未厭痛皮骨之空存
直年華之數儉且辟穀以無方豈長生之足驗
偶西笑以彈冠竟東征而解纜朱絲拂而烏舞
洞簫吹而魚瞰獨世路之無明屈夜珠於投暗
致旅人之瓊瑣坐子宮之淡淡將送子以薄裝
復依人而轉飄山中之桂團團江上之楓湛湛

賦

二卷 十九

愁江上之清風吹故人之白首昨與予今成言
歸葦理其園畝曉倚樓而聽松學當門而種柳
間雉廩之苗麥襍鴈池之菱藕直春秋之美辰
約遠近之妙友舟音多半日之挈青驢有數步
之忝乍迎門而一笑且入坐而開口問近况之
何如并遠親之在否墟集之屠鮮可具廬落之
果蔬自有眼前之風物宜人厨下之兒童應手

或興淺而中飯或談深而上酒有月下而聞笙
亦風前而擊缶常若斯其往來初不記其前後
倚名流其自清恃嬖黜而可久予素信乎周卿
諒斯言之不朽巧天機其密移勞人心之映愛
愛世味而愁短立家基而願壽一生二而生三
歲數伏而數九糴清微而糴粗過美好而逢醜
猶守兔於舊株尚窺魚於敝筍豈知事有所不

賦

二卷 子

可知器有所不可守嘆予官今久稽歸與子乎
解携遡流光之綽約映明真而卜棲過香鑪於
星子揖上清於盧溪散江湖之流精玩龍虎之
仙機水玲瓏於山蹕花曉藹於林扉亦鷄犬之
相聞但車馬之來稀能止衆而止止得非想而
非非飲氷雪以年熟澡甘泉而色輝儼老生其
不死會移家而見依

嗤彪賦 有序

予罷巴丘南百折山中有道士善鑑虎兩函
析之以鐵中不迴也左關羊而開右以入虎
懸機下焉餓之抽其析出其爪牙楔而鋸之
絀其舌已重餓之飼以十銖之肉而已久則
羸然彈然始飼以飯一杯菜一盂未嘗不食
也亦不復有一銖之肉矣以至童子皆得飼

賦

二卷 子

之已而出諸囚都無雄心道士時與樸跌爲
戲因而賣與人守門以爲常率虎千錢大者
千五百錢初猶驚動馬牛後反見犬牛而驚
矣或時伸腰振首輒受呵叱已不復爾常置
庭中以娛賓月湏請道士診其口爪鐫剔擾
洗各有期道士死其業廢子獨嗤夫虎雄蟲
也貪羊而窮以至於斯辱也賦之

夫何山中之一獸兮受猛質於西曼貌低圓而
項廷鼻黥隆而齒齟目斜匡而電爍聲倨頤以
雷殷舌理粗而莖樹鬚鋒橫而獵人爪含銛而
卷曲尾拂彗而絙伸咤形模其足怖矧精威之
絕塵靜嘯而陰颺罕起坦步則稠林自分凜氣
候之相制隱形勢而見尊况百折之深山常此
窟之成羣黃斑屬而臥隴白頰連而飲津初涉

賦

二卷 三

味於牛馬遂舐及於人民戶震躬而屏徙或重
遷而遠落獨無生之道士故有心而與隣力不
加於子路術不詭於黃神布石關之宛轉交錢
葉以續綸界鳴牟於接檻誘閭羶而見循進密
歷以窮路退蹢躅而下門遂乃聊浪擲跌偃又
輪困始僉耗而怒湧久牢騷而意煩氣屈而敲
力瘁而陵擣局拘而勢改積威約而理均於是

道士欣焉待旦及晨舉之於懸處餓之以兼旬
待威神之委頓任處置之紛紜未啗頭而拔鬚
先胷爪而剔蹠換權牙於巨斧磨刺舌以疏巾
香泔變其腸胃清水洗其喉唇欲次第而施食
已隨宜而致馴初猶啖以礪肉次則習以盤飧
或設以粃粒之餘或投以菰芥之根既苦饑而
伏檻敢擇食以懃恩遂乃改山林之性氣狎鷄

賦

二卷 三

犬之見聞遇夫人之下視卽弭耳而意親諒厓
柴之已去放野牧以逡巡非止柔性兼弱其肋
圓腰纖而脇息豔班摧而褰敝撫之而亦喜撲
之而不嗔似巨狸之擾足若卑犬之纏身偶循
隅而吐暗輒蒙呵而愴竟昔有大垂之號今有
小畜之云慎擗距之無時委降戢於非倫雖山
君之短智亦梁鴦之淺仁見其弱而可弄牽以

借而論斤有守犬其未足借虛名而守閭閻

牙之久折亦何成而見奔弟周旋於地薄得混

迹於覺層學婆娑而耽主戲嬰絃以娛賓感知

音之君子被嘆涕之殷勤偉茲雲之巨無

武而有文同唇吻之所及皆性命之相因論雄

心與剛方固決軋而倒坤畧網絀而風飛

燎以雷噴哮怒則千人自廢憤蹶而萬瓦

賦

二卷

非胥疏其有欲何牢檻之敢陳偶系願於跛半

落一髮於千鈞饑窘來而餌施利器往而性泯

足人間之玩擾何氣決之可存諒如此而久生

固不如卽死之麒麟

玉茗堂全集

玉茗堂全集

臨川義仍湯顯祖著

賦

大司馬新城王公祖德賦

有序

夫原鴻者流滙抵厚者枝郁至乃河海配秩

乎三公風雲奕葉乎千祀明德必大有由來

矣濟南太僕少卿潯川王公祚自瑯琊徙于

賦

三卷

新城祖有翁嫗積施累行嘗獲倫兒哀遺梁

栗市有醢而負神責者神曰王翁來乃貰汝

已而信然精神之至也傳至公考起鄉貢士

爲潁川王傳公秉山立之資受庭誥之業幼

而靡恃加以食貧或歲無完衣日不再食愉

如也成童雋其鄉校弱冠貢于太學遂成進

士拜工部尚書郎呂榮著奠水之勤潁川表

息風之孝起復戶部權干九江誓如白水雅
以幣餘修飾學祀理餘鹽而末竇塞上會計
而本政具大臣以爲材會虜大入 天子使
治兵雲中上谷時咸寧侯仇鸞新寵以數十
萬衆橫雲中脅治栗郎吏又與制府史公議
開馬市糜虜而邊人益騷鸞間襲虜敗欲殺
候者十數人自解而其裨至僞首功公爲請

玉茗堂賦

三卷

二

折金粟半制虜關入釋候卒而誅其裨鸞心
折焉上谷大雨水饑 天子詔卿貳往賑公
條上十二事行之拜金幣之賜者再兩鎮臬
兼校士坂相國太原王公大司馬代郡郝公
於童孺之年得一爲異况其加雙公之明也
邦之福也竟以忌者徙參于黔適三艘災當
採木斯路而弄蠻阻兵千里道斷中外沮莫

爲計撫巨高以屬公公進者長蠻熟問故出
入虛實曰吾知之矣是爲鬼方縣歷幽曠大
兵四征之弗克殲殲之非衆數十萬三稔不
可乃潛授三將軍千人斷其彘集而身引死
士夜走落洪畢登而呼火窮其巢蠻大驚愕
獸闔者敗烏窠者殪降其酋經理之弄蠻平
奏上留公采木并功公嘆曰得以棟隆爲

賦

三卷

三

天子堂何恨乃從匠石將吏擇木遐翳犯飛
毒吹蠱之虞極躋山絕沉之險固已無林不
臻有蒼斯息矣最後蠻乃獻其大木千章皆
懸崖懸石熟視而不可出舉咸憂之公齋心
路禱飛文于天天爲暴雨豁谷盡漲大水通
行浮于輿方而公亦以霧露之疾終矣計奏
天子悲憐之曰某官其忠勤可憫其論祭一

壇三殿告成追贈太僕蓋公居恒冠柱自誓
赤心報國直道事人斯其效矣而厥配太淑
人劉實相以成益用忠勤爲母訓令子聞孫
節鉞簪紱至十數人施於曾孫多孝秀之士
淑人凡三受綸誥而服素紉刺老而不衰精
心慈氏好施予邑無丐者生辰偶作銅器變
爲樓閣峯巒世尊其上蓋念力也嗟夫公與

賦

三卷 四

淑人不可作矣公卒以秋中月盈而易淑人
逝以元夕火息而傳天地之正也公纔逾大
衍而淑人幾及百年慈其祖妣視茲蕃熾天
有所不足而陰助成歲功陰陽之奇也黔祠
家祐並額忠勤敬德音也公卿人士委積志
頌徵文獻也公孫司馬公視師黔蜀培勤襲
忠幸念厥祖謀有以傳徽遠久乃畫掇晉唐

法書雜寫其文夫太傳碎玉采就於興嗣內
史遺珠璠聯於聖教駢帖而三斯亦奇之至
矣千秋萬歲愛其書手其文愛其文思其人
如披蓮泊恍玉帶於西河若玩華趺指鳳凰
於東阜詩云孝子不匱永錫爾類司馬公之
謂矣小子欣其盛異願附不朽嗣西美之遺
音仰東王而敬賦

賦

三卷 五

蓋聞表東海之渢渢配泰宗之峻極導濟必登
于王屋行河始大於積石故延陵致歎平始基
遷史興言於累積睟族於天齊耿流風於畫
邑濟南代千秋之相琅邪振青州之急仕臨沂
而浸昌至始興而駿發太原未足爲競爽高平
何能爲逐末流泉揆星徙于新城東武世固何
之業不其傳樂浪之清鑑留會而邁種何翁媼

之僕淳授黃梁於夜竊甦酒負於明神食陰德
而未既啟公侯於嗣人曰惟麟公作傳梁邱穎
水之清穆生之醴誕我同鄉克屬茲晨感懷
而廢詩正衣襟而學禮高文以就角非而起丁
歲領環橋之彥甲第映蘭臺之美治于呂梁實
惟都水度飛漕而棟經政覩懸沫而泳名理其
來其餘言過其里道穎川今視藥阻洪河而風

賦

三卷 六

薦泣顧天兮稽首倏澄波而訖濟迎釜養以盡
年撫琴聲而毀瘁起推擇於司農總軍儲而上
計清權美於溢楚指江流而肅誓固孝子之潔
白豈盟言之所制備庠序之缺史飭陶周之盛
祀蓋體素而敦風匪緣雅以飾吏露風裁於鹽
筴屬雲中之有事出管籥以干城效情形於節
制居嚴王貴將之間屬金生粟死之際漏漢物

以紆虜攫僞俘而委罪微我公之亮節熾任仇
之逆勢羽檄飛兮旁午公沉勇而先智第堅壁
而清野但傳旗而舉燧歲倚畫其功多噍濃醢
於金幣既標稜乎武奮亦簡駿於文揆拔將相
於倪齒繫材殊而目異徙鎮于宣滬雨愆年王
人恤師布詔宜恩十上機宜邊圯而全外和內
剛諧世寔難宜卽北兮建臺乃徙黔兮參藩迺

賦

三卷 七

日之荒歟惟昇蠻縣于九紱叢螢濞濞景皇
以迨嘉每懸師而刈旃累士馬兮物故畧相當
兮振旋偶齒目之相仇擁黑白而爲難壘磨牙
于有截道暴軌而無烟儼三殿之經營當采木
乎是間中樞蹇采入之計司空屯梗出之言盈
庭嗟咨莫知所原厥撫廉公屬以事權公爲林
然周爰咨宣覆脊險夷翔實瑕堅旣洞其底亦

訊其言皇皇天朝蠻非敢然虞以稽誅乃酋寔
愆盡種而殲荆榛遠延少十萬師多四三年耳
不及掩腫不得旋時乎時乎用決而前密署村
官三分其千阨塞要關邀逋絕援渠閭周遭柵
格繇聯公帥死士領之以語兵不在衆入穴得
子探彼洛洪期宿而至比昏環秣啣枚疾赴衆
謂公止公實儒吏公怒赫赫斬牲以示所向惟

賦

三卷 八

予馬首是視偃旄攤鐸宵中其下進薄鹵附寂
無知者我公愍如周麾而呼鼓角翔飛燒其渠
胥光炎耀天誼殺震地歟燦胎愕卒起不意潰
決鋌走東西角殪蠻乃大哭霆擊鷹鷲前負質
斧詣吏肉袒問所虜殺罪莫可殫曾自引服皮
面決眼約十償一下及畜產契箭齧舌誓不復
反羅拜乞命乃受其款爲定要束布示寬簡改

置軍吏附我氓筦戎索旣靖夷歌斯清豁落溪
峒發泄崖窾剪格疥絕有夷其坦累世之勤收
之旦晚宜卽黻繡用錫圭瓚帝詔遂工并緒而
纂公益感奮奔走厥職束峽口而溝霧露皆土
人之絕跡水則沉槎而泳山則躋履而歷石林
虧蔽蔭露溶滴風飈木魅之所嘯語猛獸怒重
之所脅息數瀕死而僥存委鰲瘠於匠墨夷等

賦

三卷 九

獻其異材顧沉吟于絕壁臨層淵兮飛湍眩硃
崖兮轉石殫人力其焉如會靈心于帝方走三
章以訊神雨萬壑而沸激神哉沛兮東馳踰數
舍今一息夷庶諱其精靈公已廢其寢食瘴彌
連而不休豈出入而無疾在死法以猶劬謝刊
旅而長畢上計奏兮哀傷下禮官其議卹謂勤
勞兮以死遺爲壇而祭一殿三成兮允贈勸駿

骨兮罔秩黔之祠兮庇依棠勿剪兮芾密顏廟
貌以忠勤取懸書乎天日庶蘭菊兮終古無患
災兮長吉倪劉媛兮淑人塞佐忠而輔勤帥介
婦以整穆繼三姑而順均匹從王於婦道式正
內以嚴君泣未亡於杞梓禮如在於藻蘋依大
士而持念廣勝業而貲貧結純誠之影像偶鑄
器於生辰忽西方其變相美樓閣之峯雲異海

賦

三卷 十

履之幻物豈躍冶而爲人證前生而寫印爲善
巧而現身萃福德以生男並端好以貽昆燁風
雲兮起族罄海岱兮揚芬重榮節於高閎登桓
蒲於薦紳歲孝秀以無虛策賢良而必聞子無
之而不貴孫有象而卽文宿精輝於玄冑疑頭
角於曾孫蓁蓁者衆振振其倫閭閻蔭而成邑
羔雁擁以爲羣冠名宦平海內級方來而是殷

蓋源洪於滌川執二語以麗絕矢赤心以報國
必直道以事人德無回而配命開有先而降神
父教子以無二子貽孫而有仁矧通其妣顯懿
于門示承考以時述最念祖而彌諄撫南榮之
列桂北堂而樹蔭誥五膺而薄浣壽九表而
示烈母猶續以謚敬于能恕而奉辛御載勝兮
瞻首紫朱絲兮善隣祗姚江之翼翼庶羽接于

賦

三卷 十

訖訖有忠烈之死事亦善聖之倬存憲文武乎
家邦衍忠孝於王臣諒文獻之斯在徒世祿而
何云儼司馬兮文孫誕續戎而建勲淚黔江於
錦水平潘輿於玉輪炳哀榮於丹冊赫寵祿之
皇綸碑表則崔巍張蔡歌頌則溶毓淵雲濡細
素而恐裂勒石闕以虞皴岸夷山而變谷火卽
燧而傳薪遂乃目追有盡心笑無垠檢游龍干

寶晉拾陸嗣於亡秦淮水發金碑之妙跡蘭亭
鋪羽爵於貞珉皆公家之舊觀糾雲漢於穹昊
前者慨不可作後者襍而誰甄惟梁散騎乃集
右軍暨于唐宗命彼懷仁事有瑣而足始法有
奇而可循矧祖德兮魏義屬衆製兮續紛籍筆
精其始遠減墨妙而成陳爰搜古法通寫今文
蒔摘影綴蟬聯翩翩點畫波拂碎粲瑤璣方慶

賦

三卷 上

効材於九葉信本呈妍於八分約褚虞之映帶
兼顏柳之亭勻智永失露橋之秘法善得雲麾
之寬擇吉光兮集翠終明璣兮備珍助流鴻而
取態軒駭矚而爭新將使臨觀者稽誦而恐盡
展握者錯落而疑真嘆鑪錘之妙手信千古之
絕塵嗟夫太僕公之忠勤既微麻而歎帛司馬
公之孝思可透紙而穿石蒼苔煥若于神明詎

止釋如於鈞勒昔衛孔父陽葵稱先祖之美周
君牙旂常紀厥考之績彼皆昭明物而靡傳孰
與夫蒞寶書之無斁况夫察其天文知兩制之
矩模觀于人文見一代之制作將司馬授龍門
之策王氏世青箱之學紛琬琰兮齊光麗魁正
兮永恪臨茲末簡貴于承學眷靈鑲於華趺佇
昆銘乎井絡仰燕翼以遙欽邇鴻庥而遠托

賦

三卷 上

感宦籍賦 有序

今上丁酉三月予以平昌令上四年計如錢
塘盪舟長日篋中故有高士傳慨然尋覽之
無存也童子故以宦林全籍進予覽其書書
官書名書地書號大若麟角細若牛毛晰矣
備矣反覆循玩亦可以奮孤宦之沉心窺時
賢之能事感而賦之

有平昌之令尹淹結課以孤羈偶猶夷而悵悵
暫循求於展披頗有仙班秘錄士品玄碑巾箱
失檢記室忘携既宦林之有籍豈童子之無知
因而取御業已忘疲嘆閱川而閱世何此書之
可怡冠二京分列省之地戒標四季合匝歲之
天時其地界也東綿遼掖西折涼雋北踰代薊
南極滇黎控中軸于長安剖河山而四維皆百

賦

三卷 古

戰之所取豈一目之可縻署都官於南北擬周
漢之東西南簡曹而少務北備宋而多儀外則
邊遙其腹幹切其支臺省于焉受使州郡于焉
稱知有斗僻以孤鎮亦大牙而交岐市一逕以
維絕或三會而扼奇下至一尉一候險如三毫
三危有燕有特執正執裨莫不禹迹陟于周官
堯封攝乎漢威猶恨缺紀官于采衛失請吏下

交夷其天時也遷則通急之殊其候推則例聞
之譌其期秘館視三年之學內微以四稔爲規
奏計僂優而或殿報政當過而或稽臥病者往
來於決歲予寧者去往以彌暮或違將而往返
或奄息之早遲第有聞其必鐫鮮存亡而屬疑
覬邸報之日積直會計而改爲是故日曆終歲
以猶把宦籍逾時而輒揮在近者摘新而賞實

賦

三卷 五

市遠者豫舊以酬欺非春秋也筆削聖而竊取
非易也先後天而奉時時之爲義大矣惟名與
器隨之嗟夫大鈞寫物皇極鑄人物與無妄人
生有真吾有身而易寵世喪道而難貧是以羞
其編戶榮乎縉紳然而布種詭雜徒候續綸幸
者乃爲公侯之子卿相之孫前書厥考有階有
勲後列環衛如官如恩托江河而猥大依日月

而常新不必學書學劍自然允武允文又若駙馬都尉一體天人在既富其何費獲至貴而無勤次則納貲而爲郎亦以財而發身過此以往其勤可知矣清流之跡奮以文詞則必沒身乎藻綴噪吻于吟呻寒暑侵而靡覺骨肉怨而不辭至如羽林隸策倉門學醫吏人讀律中書臨池玄流理樂天文測機莫不窮年渴晷立骨銷

賦

三卷 七

肌彼殆胡爲乎爾誠亦有所用之又其甚者作奸犯科知無不爲跂榮分僂迂平取奇皆欲爭毫釐於此籍之上附咫尺於半部之餘外有乘間抵巇能盡能基微言解頤說劍說詩日者狎客夜來秘師皆得遊大人以成名指旁流而借貲下則緹騎惡子前魚美兒一則如羆如豺一則如韋如脂無足比數何所覲睨然而物有所

至事不可知買功爵于攫金之後乞告身于枕袖之時經營衣錦踐躡綦絲在主爵而無歎咤剗剗以何遺第云爲之則是敢曰文不在茲嗟夫天下亦大矣仕人亦夥矣有鳳凰之官則必有騏鳳之使有金玉之英則必有糞土之士巨海葺龍蚌以鋪文太華總松榛而擾翠散之人有十等合之天無二日天其平也不平人則不

賦

三卷 七

一也而一不平謂何有一有多有終身于帝所有絕望于廊阿有十年而不調有一月而累加有微歆而輒振有一蹶而承蹙有弱冠而崢嶸有白首而婆娑有受萬金而無譏有拾片羽而爲瑕有擁旃于華羨有投牒于荒厓有提壺而擬方伯有守郡而無建牙有贍值客而鳴豫有絕父母而勞歌有長孫曾而襲珪有鬻子女而

還家有上壽而賜尊有自經于幽遐麗風者衍
言笑而加翼絕津者聲號咷而靡槎得時者隨
俯仰而皆妙失志者任語嘿以無佳徒使墨守
者視此書而失據捷聞者指是刻以嚴誇智愚
勇怯于斯乎盡銳貧富修膏于是乎交賒細則
鑽如蚊蝨大則據若蛟龍緩則穆如墳笈急則
慘若鋒邪親屬之榮悴以此人身之軒輊匪他

賦

三卷 六

何必耆舊傳而特筆人物志以編摩第登名於
仕版若陟嶽以盈科有規有矩如琢如磨諒有
朝其必市恩無臣而不波乃有揚休山立遠成
駘駘姓名外詭爵地參差驚視重其一粒豹覺
廳以隨窠苟有懷而未瞑總奔命於旁羅是故
謁選則咳成雷雨議汰則委若泥沙地貴則聯
之以雲錦命賤則等之以風花至消詳于品列

益撫卷而增嗟名理囁而賡售功勤埒而盜券
等奇節而抑真並文林而采華然則茲籍也蓋
有朱紫異質淄澠同和者矣迨其甚也且有人
焉巧若窮奇昧若渾敦名可以冠楚机貌足以
鑄神奸物論之所必去茲籍之所獨存方災木
而未已或閔季而彌尊亦有行若處子智若瞽
瞽望足以壓折非是才足以替獻可否謂周行

賦

三卷 九

其必先視百爾而豈後比索名于右方復展轉
而烏有或置無人之境或寄冗從之數冷之以
所必灰瘴之惟恐不禿彼拙效其常然豈削籍
之所朽徒使頑弱之人覽茲籍也耀其貴如得
如驚顰其賤如失如玷懲死灰之不然慕積薪
之所占名已沒其焉如貴及生而可艷捐亢壯
以和顏美齒憂而委念然則茲籍也能使人采

色飛舉道心沉亂可觸手而偶觀難淹神而久玩忽掩卷而罔然吾亦多言之爲幻矣

奇喜賦

有序

庚陽丁右武天下英奇士也與余同庚而生庚而舉四十年中慷慨連綿備極兄弟婚姻之好懷忠踐義爲噂嚅所危不盡其川閭情壯志斯亦已矣有子元禮叔蕪弱冠上下並

賦

三卷

十

積風霞之氣騰藻繡之文謂可咫尺雲天承考賓王發越未盡三年之內溘其萎而知者爲之酸心行路爲之隕涕惟兄與嫂呼號頓跌摧隤咽絕如不欲生親懿咸相勸譬叔蕪幸有遺腹無宜過傷雪涕強食而需之男也爲一解頰而咲至于七日又殤大道如何人生至此仰視棟宇曾無容旭之光俛睇堦庭

莫解繁霜之氣忽而神人見夢曰叔蕪有子在某所可往取之起而診諸保阿則信有焉叔蕪有勝最近而媛去之民間兩月而生子男民以爲貴家種收之且一歲而餘矣促駕携以歸並其所遺姊坐襦褥上衆睨之姊弟相向儼然叔蕪也兄與嫂氏舞躍大叫歡絕如絕復蘇如斷復連擇吉告廟錫以嘉名見

賦

三卷

五

之宗黨右武馳書示喜且曰孤兒生處備極艱苦此天賜也相國張公而下薦紳文學通爲詩歌嘆未曾有題曰國香家寶志夢蘭階玉之遺也余謂此蓋人生殊喜驚恠奇特者矣鋪而賦之

肇玄黃之泮渙激變化而毓羶哀慘舒於凍燠糝夷實于山川動輒儀兮鍾應咄蠶絲兮酒泉

思對子於寄生菟搗絲於茯苓物有所不可致
理有所不能詮訓變盈其偶爾亦與善而良然
洪都右武實余友兄襲司馬之高門發薦揚之
緒英並撫塵而振采借渴冠以成名步揚休而
山立吐玉振而金聲筋骨備五行之色胸懷深
四海之情固將以忠爲福本信爲順禎司馬之
門再啓公侯之後必盈何悟天不其然玄之又

賦

三卷 五

玄世不我恤日以一日積羣蜚而去朝懷幽憂
而滿室激昂舉壤之間消瑟文尊之匹攬年髮
其已遷撫陔庭而借一趨庭惟何匪凌匪夸伯
也顧哲叔也豐華蒼筤竿其秀竦珣珤珣其交
加藻機雲于鸞鶴寫徽猷于蛟蛇伯艱難于厥
考叔依回而在家伯能操世法之幹叔能修學
士之葩被奇服而高冠頽泥丹而映霞談家難

兮感慨撫世態兮咨嗟見其二子曰予叔父靡
襟期而不親在微詞而必悟嘆吾兄之有子鬱
堂構乎終路如何如何天平孔多既我兮如不
我克促我兮如不我昔杳雙劍於委土迫兩龍
於逝波喟瑋錡其已爾遑顧望於其他堂幃恨
兮潰絕行路涕兮滂沱凜華宇之將及與凌陰
而少和伯兮已矣叔也遺腹庶其在茲七日不

賦

三卷 五

復慟余嫂其何如兄展轉而增觸悲有助兮號
呼愛無詞兮勸勗沉劍兮望遺彩而何收逝龍
兮候纖雲而靡矚惟庶季以長年或多孫而羨
續忽焉天開叔兮有孩色于室而棄路取諸寄
而置懷生之行葦之際立之藁翠之階儼昨周
而有餘視髦儀而靡垂並遺姝兮笑語均秀額
而奇頤本閨房之兆叶費門戶之推排佚蘭蓀

於媚草洩桂種於流菱蘭汎濶兮思公子桂幽

慘兮隔上才虹晦明於抵鵲之璞月虧全于去

時之胎壁間道而始返珠離浦而再回乃公得

之而驚曰異矣傾都聞之而喜曰幸哉雖人理

之多制亦造物之假詭震鬯失而索男鬲趾傾

而得子碩果懸而解剝娣袂歸而濟否字逢集

於上極識仲孺於遺體祖抱孫兮顧咲孫遇妣

賦

三卷

五

今徙倚覺痛定而逾痛驟喜來其亦喜夜遽明

而豈厲決復入以成汜荔側挺而見珍桐孤生

而韻美引一髮於千鈞立嘉名而正始擬圭璋

之判合薦潢潦之原委重承饒而挹汪續悲憤

以撈取免牛羊於踐巷佐螽斯而在宇如天福

其亢宗寔帝詒乎下女托江河而猥大恃神明

以無苦長葛藟之綿綿接庚陽于鼻祖

終

玉茗堂全集

臨川義仍湯顯祖著

賦

四靈山賦

有序

大憲臨陵李伯東使君余齊年中莫逆昆弟
也宣慈惠和篤誠明允擬跡循聲率本忠孝
尊人百雀先生隱永春萬歲山中賦詩引醇

賦

四卷

一

歡然難老矣而時于母夫人有棄緯復禮之
感一日欷歔涕流語余不孝所差謝乃得佳
城良坤幽妥淑臆耳記言龜龍麟鳳四靈形
家本天文星氣指象方隅石精妄意良然亦
未能具而有也吾母隴岡殆具是矣先是飛
來峰神見夢示其方中起行四山旁薄歛霍
拊蒼麟儀朱鳳趾角冠距誠然畢肖獨鳳味

微琢而趾孤峙心危之居人云石鳳嘗飲于
田田人琢之如石馬然其趾踰如嘗苦海風
嶸吸微徙就視有之構大士座支其危向後
地數震莫能動也其壩爲石龜鋪如蹲龜者
磊磊相望有雙柱起盤石中如執珪謁帝小
子請于大人曰可書四靈于豐岳矣弟芬疑
之曰三靈則有如龍何予曰槩山爲龍莫恡

賦

四卷 二

而不四然終莫爲嘆也循行轉深忽見一石
屏大字二十餘皴薛殊半洗發讀之爲蘇家
書云此山形如出洞龍一草一石皆其鱗角
爪甲幸勿剪伐以永山靈予驚喜甚從大人
昆弟饒而觀之曰此非龍耶乃大書四靈于
穹窿之石望若天際云已乃凌步飛來得唐
歐陽詹大書古雷字震爲雷爲龍此非龍起

處與爲書起龍字字大如四靈形家若四靈
備者得無異耶又言山起東粵過大營石龜
而來甌陵屏護殊衆其山其水是也溪流九
十九并折而襟其後珍木靈果森蔚無計翠
氣霑雲于樹頭甘液成津于果下此亦淑靈
之樂丘而賤子之永廬矣幸爲賦之時若瞻
望焉余按形家龜若龍世爲公或二千石乃

賦

四卷 三

至有四天文四禽之中爲黃龍母垣而封子
孫其逢喜極爲賦用附貞石

若夫山川始合玄黃既分爰在天而象物卽下
地以成文酌十形而取貌准七宿以扶輪首蒼
鴻于大角味赤鳳于飛鵠處玄冥而伏龜矯素
商而現麟偉精氣之攸屬寔宅兆之所尊顧機
緣其詎偶率影象以難論有之者偏詭而不必

備之者確瘠而不必純畏飛龍之壓角喜遊
龜之顧蹲麟啣觸而何貴雀和鳴而見珍彼氣
雄雄今畢吐繁精磊磊今奇臻是故地以大闢
爲大天以溫陵而溫列唐鬱積塊軋璊璘殆峻
發于我友伯東君太夫人之阡也我有世父百
崔老人天倪其偕母氏維陳翁延和于萬歲毋
息照于三辰翁命伯東卜吉而墳連山歸藏負

賦

四卷 四

良揖坤審止氣之在茲覺中央其有神庶三吉
今是取詎四靈之敢云日月居諸雨露沾濡揆
杖屨以攸往擗纖佩而亦趨翁指盼兮矍矍子
顧步以踟躕目擊心語光駭色殊伯東喟焉啟
其大人曰母恭人之阡美矣備矣四靈既矣懿
斑麟兮何獲定三五而磊隗緬麟嶠乎睇視恍
庸觴兮特尾兆聖母以縈絲受火土之嘉祉委

石麟而載毓衍隆厚於公子右有之今左宜涉
百步今有咫翹鳳髻之栽栽載盤陀而托趾立
數尺于千圍根厚地而無底眩五采兮丹碧被
萬蘿之霍靡宛形色兮飛動噦奉養而戾止夫
何啻于栢梁儼神馬而志詭疑秀躋之瞻跟托
孤撐于慈氏非善巧之過虞經海嶠而微徙挺
龕柱于來茲月數震而無圯瞰丹穴之隣比稱

賦

四卷 五

驚訛而鳳靡隕鄴石今將雛峴鸞鸞今鍾美若
乃吉氣有餘黑整于陬積以委迤十丈而哀上
有駿龜大如一樓吐息嘉林法象靈丘紐于左
方以名其郵昂首公倉觀顧何求濡尾潘湖流
泉美疇乃有十倍其瞻見于隴頭上降下貞睢
陽伏幽偃蹇壇場顧子而留儼石磐興青雲上
浮有若朝天玄圭載侯青純蒼光背可刻鏤伯

東稽首定墨向尊而謀曰大人宜書四靈以祥
千秋仲熙獻疑三靈示休龍則何居請眎其繇
伯東嘿然以夷以疇忽肝左之葱菁見大書乎
石屏曰洞龍之出爲山之形鱗甲指爪片石咸
星告勿采伐以壽其靈名旣寶於眉山字如書
於滁亭肝鬼神其護持曠日月而丹青伯東驚
喜幾不自制父子昆弟載酒往視昔疑今信四

賦

四卷 六

靈畢至曷維其同亦祗以異曰時乎時不志曷
俟書徑六尺鐫于巖巖臨觀道上若懸天際炯
後人之摘抉實先天其布置蓋惟隴岡之原起
于粵東石龜而南飛來其峰聳平疇而插漢啟
山靈而告中行周昔刊於古雷伯氏再標以起
龍豈雷古而龍今將龍起而雷從點乾象於霏
微接震畫於崆嶲其爲字也行若龍矯立若鳳

峙展若麟遊促若龜曳爲隴岡兮發色與飛來
兮爭勢睥有子其若斯向經文而武緯允陟踐
於樞機且時陳於臯事春白華而達漸沚綸綍
而泉賁母孝而慈影管是紀事大姑如其姑撫
猶子如其子闡明淑以追榮方幽贊而未已况
其數曲之間頽珥凌閭百里之內殊麗輻輳羅
松帶其左覺海鏡其右鴻漸高鳩翔其前葵朋

賦

四卷 七

青紫屏其後高則紫帽清源平則大輪三秀擁
龜龍於潮汐障鳳麟於郊藪琨溪百而堂會珍
木千而厦覆五色之雲恒飛六氣之霞時逗翁
顧而咲曰淑人之丘子仰而喜曰慈姥之阜亦
安測夫天垂象而彌布地愛寶而逾剖如岡陵
兮貴徵歷世華兮氣候不敏顯祖世睦之後於
母猶子伯東則友勒頌樂石敬附不朽頌曰

四守在天下屬爲物河洛之榮龜龍自出生祖
之洲麟鳳是窟孰配孰啻此焉葱鬱有真有精
非其彷彿夫人委翟中殞若月地以爲姬藏其
真骨回還四顧光景發越如麟翔如龍竦闕
如鳳振冠如龜杼笏千百其障踴躍旁勃趨于
甌海湧自炎粵千里相牽束脉毫髮小頓大起
莫不生活重坤傾良如在房闔含章載貞吉止

賦

四卷 八

祥發煌煌石郊受天綸綍於赫顯懿氣莫可闕
子之翼之翰墨黼黻古雷起龍四靈是揭星流
霧洗光怪旁達世未嘗有奇茂斯括溶溶大山
揆示毫末顯祖作頌次于玄碣以告千祀敬共
無忽

霞美山賦 有序

蓋余歲丁未夏五得拜蘇弘家使君于大憲

之府休暇論交遊得何君稚孝蔡君敬夫李
君叔玄叔玄固余同年友也三君世清真士
而使君懷抱之內瑋博淵靚貞方淑明誠足
相友海上相與謳歆大篇北山南陔之思油
如也已而曰賦者古詩之流子善爲賦吾母
黃淑人卽安于武榮之霞美山山朝暮出雲
五采燁昱婉孌甚美吾雖宦遊意未嘗不在

賦

四卷 九

淑靈霞美之側也子其賦之以識吾目因示
以山圖壙志志封公仲齋先生筆也山鬼故
爲君曾大父直軒公冢公嘗途遘重器不取
天畀佳城焉公之子爲御史封公其孫爲御
史觀察次仲齋先生也先生孝篤不忘追養
維謹歲時偕淑人祠墓下登降徘徊久之嘆
曰美哉斯丘與淑人獲托體侍先公幸矣兆

而舍之時引稚孝顏範卿黃郡伯諸名儔薰
然酣歌其中覺烟霞爲氣質身世爲風景趙
臺卿陶元亮之流也所志淑人內行純備綸
誥總以孝敬儉勤四德德之大與顯祖仰承
孝則謹按丹青金石之重爲使君語鋪而韻
之匪敢掇家賦之小文要以望祀瞻之極思
焉爾

賦

四卷

十

懿神明之俶紀始司寇之蘇公配周邵而則遠
長國家而祚鴻肆層瀾之淙淙叅奕葉之龍龍
豈翅乎東海高駟馬之門平陵受九世之策文
言引慶於積善春秋占達於明德周秦蜀閩如
緘及紳集賢之雅俗我蘇君清明在躬宣哲惟
人豈培塿兮松柏必巖岳以風雲竊燕朋而問
思邇鴻休而有云大祖直軒內恕以仁養千金

于路遺寶寸心而席珍樹德滋而保世嗜欲先
而降神遂開我和施于曾孫家伯憲伯家君隱
君若我隱君子之爲行也趨庭學詩而學禮居
室中慮而中倫出昭明而處晉偃經綸而遇屯
旣光乎德亦富以文承考兄其甚美據鍾釜而
食貧載矩矱兮揆覽次芳非今襲紉祇令德以
惟孝感人生而在勤誰其佐旃我母維賢誕黃

賦

四卷

十

公之著姓兆金紫於神詮視必徵於尚史步必
倣于蘋蘩痛先姑之靡逮觸衿佩以沈瀾承繼
姑之下急調氣色以盤旋奉堂上於粉榆再終
星而始捐我祖番堂倚杖而顛毋也倉皇披帷
出援吮血傳藥沾衣涕漣翁曰孝哉曷爲其然
子以學遊嬾備除涓豈無青衣必躬必虔溽雨
千庖上漏下泉背腹兩兒齒屐而前砍蟹炊葵

犁梁擊鮮堂戶清芳施于賓筵議其酒食製其
裳衣箴管在佩繁袞周資兒乳多難織結潄治
縗車夜鳴分燈課兒受四喪其畢舉咸取襲於
嬭儀踴總幃兮諸孤泣嘗蒸兮歲時其勤孝也
如此惟神明其知之幸襲余於三爵表庭誥兮
閨慈應神言於金紫淳恩華於翟褱絕滌溢以
明冲隨弔勉而稱施在邦媛以貽則沒隣春而

賦

四卷 三

助悲時守鄴都計奏言歸褒儉勤與孝敬捧王
言而載馳擬賜金其上壽豈杯園以長揮痛奔
星兮靡及將母諗兮何期惟我舊山厥名霞美
隱君子之所營曾大父之所啟其爲山也鬱兮
坤盤聳兮天構福全屏其前紫帽冠其後翁山
八赤睨其左清源三能映其右葵峰依九日之
華梅嶠醺雙陽之秀江縈綬于金鷄飲風湍乎

鳳咮豈金嶠之自來拓靈海而安受蓋我隱君
載瞻王父之藏而嘆曰樂哉丘也俊貞士於霞
祀肅幽人於雲竇乃挹恭慈言升其阜葱蒨展
簇於屏帷氤氲吐納其懷袖指圖緯之體勢儼
冠佩于列宿水繹耀以來矜謚層阿而遶雷傾
焉雲徊歛焉霞覆出乎空閭炫乎玄岫駭神靈
兮光怪緬葱龍兮氣候丹山明兮赤城輝步盼

賦

四卷 三

嚮兮兩迤逗翁語茶人霞美且悅顧九原其在
茲庶千秋兮共穴恭人謂翁信美成說托餘鳧
於先公願前驅而乘刻翁有感焉乃壇乃宮菱
舍其孺陶焉在中撰歸行于一際藐旦夜之玄
同樹松柏于齋隅唱露晞于朋從意爲歡兮偶
爾寧嬰憂兮我躬蓋翁達于未嘗有生之始母
當夫所必不免之終歸大衍兮成數痛靡依兮

先露諒終吉以儲臧就初貞而撫路匪暨陽之
近渚微京洛之遠迥大地靡虞於湖泄兼山允
呈於顧護接止氣于西南眷前霞之曉暮細若
金碧之吐矗如樓閣之曙麗訛鸞之宵緲屬雌
龍以容與氣有赤兮有青態若迎而若佇覺先
慈之樂康奉家嚴之指厝依祖德以延休叶孫
謀其永固悵來歸而咏此資思成於寫素嗟夫

賦

四卷 古

使君之言若此何孝德之綢繆偉封公兮任達
偕同隱而啟疇寤玄閭以通明處使房而燭幽
嘆祿衣兮不復拊霞御兮長留諒徽音其不朽
托悲頌於靈丘頌曰

連山起兮似城郭堠陵嶢兮肥不薄赤氣揚兮
曳朱鳥赤氣鬱兮抱蒼壁霞之美兮青以赤代
殊好兮貫華脉畝寫吟思麗以則照耀山容動

海色楸梧離支女貞柏菱舍陰煙美營魄太公
時遊鏗樂石過祖及妣醉賓客咲語恭靈此依
息乃公壽筭永無極

浮梁縣新作講堂賦

有序

饒陽浮梁有講堂焉隆然兩溪之上合大

麗澤之義基宋南渡營于元季前後廉

使兵燬迫于茲閩周侯新之甫成而以能治

賦

四卷

古

劇徙南昌湖錢侯嗣之益嚴以姻友人黃君
龍光謂余曰講院發氣色于流峙備體勢于
規隨于以居賢來章邇所未有盛美不宜無
以照炤于後敬爲賦之

邇名流於滙澤陪德鎮於匡垠匪江湖之氣急
緊農桑之業勸俗勗勞而憂善地偏安而樂貧
鄉老提朝夕之塾遊童遵出入之倫國游藏於

經解家韞席於儒珍道山東其證聖里江西而
近仁凡茲宦遊適若期契莫不欣其風土安其
氣味引諸生以怡懌法講堂而蔽芾相慕用以
良然有代興而靡廢若夫芝城浮梁通乎大鄣
處江山之清絕入吳楚之空賔人喜儒而化鄙
吏好學而明臧乃至勝國之長餘燼之良猶能
嘆青衿之道缺感衆樵之味長慨焉始基逮彼

賦

四卷 六

搶攘近華風而狄遠在門墻而雅亡喜孔顏之
像在觀皇明之道昌皇道明兮孔昌熾萬曆斯
今卜年世聲明燁今文物沸牛女精兮江海滢
物有沉而倣暉事有龐而載懿有溪有堂孰揆
孰嗣我閩周侯經營其位祠亭翼翼橋閣跂跂
中田有廬以教以食六月南徙物有其備我湖
錢侯崇增厥制繚以墻援飾以欄綴徒觀其四

達之爲勢也北起乎覆鐘之山西揖乎鳴琴之
治東陂池而折北道如帶以迤邐遶三方乎曲
隅面長風于水際兩岡相踞捷以木石中有歸
塘樹以荷蒔延演漫汗煥炫寔歷收委潤於閭
祁度寬梁而振掖隱玉几以橫陳拔蒼岑乎遠
碧鏡晏睞而寫旭暉晡煙而吐魄風霆雲漢之
所迴澗止蘋蘋之所滌白鷺飛而有容潛龍見

賦

四卷 七

而時惕對學海以津梁宛天成其泮壁山陽兮
崦嵫振衣兮下視邈靚秀于洲衢逖喧品於闕
市右爲堂兮友仁歛烟敞而巨麗義有取乎燕
居鬱嘉客之所戾友仁之左徑以葱青傑閣倪
天是日尊經靈峰在前寶積在後其朝迴溪其
夕孔阜若登山而魯小似酌海而星覆典則斯
有闕佚是購豈禪枝靜閣之藏迺孔林曲阜之

副統一真以定尊積數仞而云富噫喜此堂美好備矣四方之遊日其暨矣今夫浮梁之菴聞于天下惟清惟馨係其掾者浮梁之菴瑩于水玉亦係其鈞火候是足然則無清英之意者不可以及遠鮮陰陽之力者不可以致用故夫通人學士坐進此道鑿戶墉以爲室則思其人居之觀珽埴以爲器則思其人以儀之必且撰賦

四卷 大

杖履儕衣冠診同文發更端舉聞見而歷落依性命以盤桓珠無燧而不引響有叩而必還蓋將以喚發于天人之際流通乎師友之間濟濟祁祁便便反反課規程而剴美執文句以攻堅講太極而中隱賞良知而物捐是皆擬日用於仁智轉天機於釋玄等疑虛而借實鮮遺邊而遇全體用合而理正粗妙函而事安惟尊經而

正業得在意以酬詮慨學人之多致攝堂與以良難有同聲而響隔有殊風而意傳嘿則神而有信辨且存而勿論將樂群兮攻玉豈譁衆以連環或風以零或遊于觀度楹以几適館而殮式飲食兮庶幾亦歌舞兮咲言則必助流雅頌之化肄廣中和之篇佇孔容而徙倚矚周道以廻旋載濯于溪乃挹其源紫莖屏風紋紆以漣

賦

四卷

九

苗蒼始華被以秋蘭幽香杳靄清華嬋娟度懷虛而會遠足抱素以明燭若夫燕息橋梁之上光陰魚鳥之前見漁樵之莞爾覺士女之悠然君子既愛其日小人亦愛其年悔聞道兮不早返端居兮景賢賦陳其志歌永其言歌曰惟芝以東是曰浮梁龍棲鳳遊絃歌在堂廣昆學宮波陰寧陽經閣義振衣相望有源有都

視其歸塘汝穀以貽好學無荒中有新田外有
長薌廼作于茲休其烈光令以慈湖訓以紫陽
汝父汝師來遊來康莫美爲報崇經重道道有
隆夷性無粗妙尚有典刑惟忠惟孝雍雍者同
有槐有柳桃李蘭蓮春秋戶牖其西崇功其東
惠後侯其來巡載笑飲酒我歌不忘貞于孔阜

賦

四卷 三

玉茗堂全集

玉茗堂全集

賦

臨川義仍湯顯祖著

懷恩念賦 有序

未春李伯東岳伯吾舉進士第齊年弟兄也
都下一再往反別去予補南沉寂竄廢闕奉
音徽者殆二十餘年天與伯東來憲江省一

賦

五卷 一

見驩甚周旋拯接備極綢繆伯東天性忠孝
人也忠也故素絲大車著司直之節孝也故
南陔北山極遑將之味茲且以再上計行遷
次欲歸侍百鶴翁萬歲山中奉再晤以何期
拊寸心而淚下懷人念路將何以處我乎技
涕而賦之

惟馮生今有倫亦淡成兮鮮類始違家而涉朝

業辭榮而懼晦憫聚散於來朋感實虛於前士
有緩急而與肩孰涼溫而可嗣矧齊年其乍進
幾淹時兮容良輒分署於吳朔旋乘流於嶺瀝
奉周旋而未再曠音形兮莫繼靡塵露之淺益
乏蓬麻之薄寄林壑擠而迥幽蒿艾委而重蔽
積五稔以無見俟千秋兮末喟何伯東之大雅
儼簪黻而來暨乍握手以驚癰每投心而念瘁

賦

五卷 二

動引想於淪落數解噴於煩憤向慨亮而多節
復醇深而疊致素絲以爲絨集幽蘭而倚佩
大憲執而風流清价人藩而斗維會總三英之
正則兼六藝之能事入周秦而澹墨出晉唐之
新意懸日月乎壯觀佇風雲於遠勢文綽兮而
有斐德熏然其既醉發梗槩乎家乘托綢繆於
世契匪華朋之振衰友迺良兄之瞻弱弟美人

理之均調仰天性之獨至外此則樞機周慎內
行則經緯醇備本緣親而報主式資孝以移忠
拱百鶴於雲漢懷萬歲於山中寄裁珌乎繡蘭
謠陟岵於呼嵩矢浮雲而愛日凜嚴命之無從
有季代慈烏之弄多孫撫羣鸞之雍欣釜鍾之
逮及咏皇澤以從容戒荏苒兮懷私勉驅馳兮
在公翁言則然兄豈其同暫跪曙於遙青長鬱

賦

五卷 三

咄於深衷寤遑將以明發感煩疇而蘊隆豈杖
屨之無人洗刷和而匪躬待六年之奏計庶我
歸其自東嘆自東兮零雨眷西人兮秋暮雲晶
熒而黯色風寥落而商素江氣肅而生波岳色
悽而嚮樹念無衣兮此時送公袞兮上路我有
心兮誰與言我有悲兮誰與寤或留處於吾王
或追隨於世父急忠孝於茲行肯爲予兮延佇

思舊恩兮搏結隔阡陌兮誰度送賤軀以何其
反章門而匪故祗加食兮增歎詎裁書而減慕
庶徼天兮惠來望踟躇兮淚橫心而不能去

高致賦有序

夫崇高以富貴爲大聖人以有位爲寶英賢
所以極至死之節常人所以集資生之具皆
是物也豈顧問哉然而時有所不可致道有

賦

五卷 四

所不可期常情嗟嗟通人妙士委時順道屈
申其情樂則行憂則違確乎其不可拔者進
退之象也天下士宦江以西而壜於予者江
東姜仲文稍爲中人所疑破手作大機宜文
字以去壯矣嗣若海寧查君晉江蘇君前後
以引疾行皆君子也予高其風而惜之曾幾
同時而蕭山來任卿復引年解岳伯政行矣

初與予言去意於西樓予謂丈夫會合卽有
餘齒未足爲吝任卿容骨脩炯有神時方以
吏事清嚴見重未有厭意驟以引年爲禮何
其腐也任卿欷然曰吾嘗得小石印款以腐
儒吾之爲腐也久矣腐儒得宦至老方岳甚
幸意本不家於官所以久此亦欲有所致而
不可則取一歲俸日食百錢劣可十年而盡

賦

五卷 五

過更尙之兒子輩無與吾事也因言海山花
木之勝欲及耳目聰明時行弄之家臨元人
九歌尙細甚時一摩莎問湘君何神已而嘆
曰豫生國士之言豈不信哉復誦風人數章
而起曰不死期湯生於華嶺之上耳予恢然
聽之頗不爲異秋而果然望匡廬道于越而
歸大吏更止之不能得夫人才悶悶然無所

可至黜爾去官復少異趣枯腊而已者予何
取焉任卿雖去緒音疊疊其致甚高當爲次
第之用傳世人亦非凡世人所能慕用也爲
作高致賦

惟君父之體大故忠孝之用長自成童而教仕
抵黃髮而靡忘被衣可以相重華垂釣可以師
文王良驥仰櫪於千里婦人從車於四方事非

賦

五卷 六

祗於逐麋時有藩於觸羊古引年而致政亦節
度其偶爾苟所欲其從心豈爲我而制禮嗟夫
任卿清強自天出有二品之俸處無再易之田
齊年曲臺珎琪琅玕月夕風晨良謔爲懽來與
爾言蕭山本寒徙合肥而故瘦令黃梅而過酸
人參華署幾不能斂其婦出駟錦川幾不能行
其官玉千虹而竟剖尊爲犧而必殘終始其勤

于我江干行河久于梁漢轉餉初于秦蘭皆積
小以致大每遜易而就難菱舍移而江漢遙軒
帷敝而歲月殫軼分陰之炯炯抱寸意之閒閒
春酒夕佳興言其端若登高而悵遠欲車怠而
馬煩勉以遷延勗以句藩人網服其警策風物
資其折焚匪龍枯而淵夷南鷹揚而天都公顧
我今則唉調予言之寔艱玩榮期之妙語愁懣

賦

五卷 七

裨於憂患有多才而僵死或盛年而立乾微予
倖於清時容直木之高躋嘗片嚮而已知况層
門今飢餐覩一葉而自見矧蕙苑今爲菅喻吾
子以物理百難盈而易慳火盡薪其欲傳石懸
雷而見鑽漸忽微而得老徒黽勉以施顏事已
隣于尾遯情何吝于闕觀諒所至而不貪遲風
波其未還數掾之側十畝之間雜蒔花卉周施

楫關護西州之海棠接東人之牡丹山北指兮
西陵水南滙兮東關凡越王百戰之履綦皆幽
人一曲之考槃及耳目之精煢付尊足之蹶跚
興緣欣而屢徙景方延而詎蘭茶笋無虧糧藥
粗安有子不貧亡妻曰鰥吟張蒼之飲乳耻文
淵之據鞍既鍾漏兮並盡何金石之足刊計杪
秋而一決姑與子兮盤桓十月之交菊露猶團

賦

五卷 八

竟果所言飄然挂冠納文書于大府捐印綬于
通班出南浦兮吹洞簫揖西山兮辭鷓鴣情無
之而息遺理有存而絕禁俸三百其早迺路九
十而恣拚寫樵風於歸楫指越鱸於餘盤久暢
意於江楚恨闕遊於匡山將振策乎五老之巖
維舟於落星之灣倚九疊之屏風看天池之雪
湍飛灑發皇躊躇闌珊浩歌而西終焉伐檀諒

莫黑兮匪鳥豈予庭而有貍拾圖章於漢沔分
腐儒之汗漫發沉騷於素色手名迹而未殷何
世人之逡逡尚好少而卽頑撫國士以何期偉
豫子之所嘆傍嚴陵之沫彩法尊潤之淺淵快
老客之還故鄉劇廉賈之去市闔道山陰而折
屐際海曲以循環鑑夙姿於湖藻吸餘芬於亭
蘭書禹穴而登窺琴蕭然而坐彈存有涯于自

賦

五卷 九

已擲無盡於人寰庶良朋兮惠來得寤言之所
寬嗟乎任卿何歷落而多懷吐緒風之激亮昔
素絲而弗渝甘白首其何望釋荏苒而志悅酬
耿介而色悵凜霜霰兮交下煦山澤兮神王肅
支許之前衢屬予心之所向采真氣乎天姥瀑
靈襟於鴈蕩慨心知其幾何及吾子之無恙綯
孤光兮浙湄記成言於江上

酬心賦 有序

癸未春予舉進士經房秀水凡軒沈師年少
于予心神迫清而予方木強故無柔曼之骨
五月館試房舉各得上其門士時馮君夢禎
謂沈師曰子門中固無愈湯生者耶師曰固
也恨生骨相涼薄不如徐聞鄧生生甫終賈
之年而負河岳之相必大拜者其人也予聞

賦

五卷 十

斯言服師人鑒分以一縣自隱得少進爲郎
便足無敢更攀師門重累知已偶哺宴待師
喟然曰以子之才齒至而獲一第何也凡人
有心進退而已然觀吾子之色若進若退當
何處心耶予卒卒謝起作酬心賦答之

若夫吾師者鍾王名家簪綸秀緒環耀魄以中
潏軼蒸林而上偁日月漾其清華山川鬱其風

雨故宜朗穎獨耀鮮雯稚舉勝衣藹藹於蘭庭
弱冠影徙乎桂嶼遂乃清勇皇軒高華帝圃皎
陪飛月之纓匡飾受河之釜度冲影若文霧之
霏霄叩微言象冷風之穆羽故允以標九河之
人宗藻十洲之衆父邇迴薄躬實命不逢少多
奇阨夙慕玄同扶目英雄之記銷心文學之蹤
安步險耶泥之轄卑棲危碣石之宮紅泉近構

賦

五卷 十一

紫蓋遙通浮霜剪桂漬月捫松琴樽薄展糧藥
粗供顧辭舜帽耳謝堯鍾笑鳳衰於啞婦嘆狼
跋於僂公金盃不問人間之古芝泥竹簡
忘情家世之封而大人有言吾子可仕既人生
之在三亦大戒之有二爾乃暫釋虛恬稍窺華
潤曾聆拾紫之言輒著拜經之論詢瓊之海之
傳藏陽翟東方之秘殉山川雲氣之遺姓名風

物之訓十五代之今古從義三十國之春秋主
晉靡不恣南宮之極遊歷東觀之名俊炯發越
於明眉度逶迤於玄鬢終以風氣適上性韻剛
疎薄泓嚼之寡醜病披目之詬儒固以愔心理
籥軒眉文轡世率駭於真龍士或驚其累鷲命
與年迴理隨形闊瘦曷月之珠泉晦無霜之玉
地遂乃悵寄兼深形響多制大展而比三公險

賦

五卷 十三

衣而遊一世分東吳之孝廉老北門之賢士不
謂人師相逢此時撫乾璣而發承握地鏡以窺
儀引三吳之勝氣暢百粵之高姿亦盱衡於薄
質時撫節於蕪辭遂使路寢皇人備影形容之
相鈴轡都護齊吮芳媚之嬉自謂可以擢殿堂
之雅步起金碧之沉思茲焉已矣抑又何其苟
墨絲其有寄豈州縣之無奇東平之士風可愛

中牟之穉子無欺河陽之花城足態柴桑之蘭
徑兼資未當速貧猶旋泛局張華王佐感巨細
於鵠鷄賈誼奇才嘆園方於鴻鵠天損有餘人
苦不足乍勉身而就列卽回情而舍旃定君躁
於流品落賓名於世筌窈窕兮順紫靈之氣依
棲兮保玄仗之年此時吾師者方當調神玉瑄
篤俗金提贊蜚耳與長目覆孺齒與修眉弟子

賦

五卷 十三

于焉歌謠庶幾想風雲於竹素指星月於葵旂
入玉出金輒見麒麟之書小鍾大鼓長聞鳳鳥
之徵詎懷私於隱屏求駐運於洪丕

予官止郎吏沈師鄧生久逝矣

哀偉明賦 有序

昔人友朋之義取諸同心夢寶者得賢友絕
琴者傷知音其致然矣予年未弱冠有友二

人鍾陵饒伯宗崙臨川周無懷宗鎬皆奇士也崙長不盡九尺瘠而青膽視行步有異鎬長不盡二尺髯而甚口當予譚說有致崙笑斷然鎬笑軒然三人蹉我蹉跎而行乎道中旁無人也崙父廢我公於豐城李大司馬燧鎬於鍾陵張大司馬臬南昌劉都督顯皆中表少長其家故習譚帝王大畧所喜皆大臣

賦

五卷 十四

將相籌策占候之事而崙復曉夜誦書常與予映雪月交書而盡乃已同臥處三歲餘前後別去至同赴南宮試都下臥未嘗有異衾枕履襪先起者卽是不知其誰也崙同舉進士出理順德有潔清公忠之名三察並闕將吏凡却萬金徵試御史病告卒于臨清汰舟于姑孰予在南祠望江濱而哭之曰傷哉伯

宗君親友之望未塞而遽爾乎鎬久爲諸生以文字不倫落去益學騎射兵法年四十走長安以策干陳御史大夫烱不受說譚大司馬綸綸陰用其策而陽棄其身鎬發憤恚慙歸而病目幾瞑飲後婦乳復視貧甚發嘗所受異人書作黃金不就苦饑則學辟穀然不可久時來就予食予爲收教其子仲兒壯慧

賦

五卷 十五

而死益自傷慨然有長遊不反之志或諷止之則曰重華祖龍皆客死何必我旣而謂予曰我數夢之帝所終當仙去公不甚信我我所有異書兵訣長以與崙後崙死而鎬書散亂盡所與卧起信宿掀髯長嘆者又獨予一人而已辛卯秋裁六十來送予嶺南握手而啼曰伯宗與予獨一子皆不好讀父書無能

言其父者卽從此長別子能忘言于故友乎
予悵然止之曰勉飯自怡長生國人所爲也
去大梅之南夜夢鎬來告別指伯宗之舊館
曰鎬其如是矣予驚而晤曰有是耶起而發
燭脚佇爲賦而哀之

惟吾朋之恢詭形一短而一長並予衰於北渚
同研席於文昌無懷之胸臆有奇伯宗之體貌

賦

五卷 七

殊方予參差以中立亘通衢而頡頏服御無分
於凡罷詩書或亂於巾箱夜談則風雨如晦曉
起而月出之光有擊目而成笑無疑情之見妨
歲周旋於金午予獨舉而賓王暫成器以不括
有善刀而未嘗饒損趣于文圃周搔心于武場
時不可兮驟得年有徂而莫當計摧殘於生慮
精勞傷於死喪周食素而瘞黑饒衣單而瘡黃

予公車其亦窘時黽勉以傾囊影答形其有待
力問命以誰強怨鎬君之需往吝喜寄生之蹇
來章一司刑而縻爵一無權而食漿矢貧交其
不遺館無懷於奉常爲料理其糧藥并資營其
劍裝期上書而赴闕圖方畧而詣羗足屢踈而
恣遊目半盲而兢張諒意智之有餘悲年命之
無彊乍彈冠而縱語忽投書而若忘喟短籌於

賦

五卷 七

世局寄長想於仙方道佳期於沙城之宅指神
物於星子之傍作黃金以飲器步青鋒而吐鏑
吸流華今再中畢雄心其未央嘆斯情之浩渺
感高興之淋浪恒度世而苦饑持氣術以休糧
閱九州兮何求反山中兮樂康夫何山川未改
歲月猶常昔伯宗之慷慨被雄職以還鄉料婚
壘之完立起王事而方剛豈知時有所不可待

計有所不可詳清淵有計隕我惟良予在陵祠
驚投于床司業劉生叫絕于堂形無死法云何
不臧睂目豎而準隆額額修而骨昂笑有醺而
微韻步無遽而不莊惟股掌之平薄與情興之
滄涼極予交而晚疎在他人其歎嗟然猶重子
以平生之矜矯屬予以世業之匡襄昔獲交於
予美羣吹恠而捨攘庶子名之修立見予懷之

賦

五卷 六

淑芳詎想夫有繡衣之半載無珥筆之毫芒君
親之恩莫報友人之責何償逮輜飛而靡及豈
魂魄以能翔遡江波而洒淚重頓擗以頽礪原
盡簪而挺解海方升而起戕彼先醒其已然予
後死以誰相爲汝半暮兮素帶三旬兮縞裳遇
同官而見哂慨朋友之禮亡越卯辛之夏五予
復上書而遠行途瘴熱以蒸厥歸奇病於三陽

問所苦而舌呿夢易宅以魂惕辛淹秋其再起
將有事于炎荒周蹕蹕而送遠軫彌留而自傷
悔辭家之不早遺枯腊以踉蹌書散敗而不收
名湮微而孰章撫予心其尉遺泣回袂於河梁
九日登予于盱姥十月遭予于湑陽忽周君兮
見夢儼顏髯之秀蒼指伯宗之舊居望白雲而
歌商嗚呼已矣其亡其亡牙絕絃於鍾子惠滅

賦

五卷 七

質於蒙莊俯濠魚而奚樂聽流波而望洋皆一
子以偏露並繼室之罹霜號蕭蕭於殞木哀淵
闕於壞墻周無隣以相杵饒有弟而綏筐諒無
貲以協睦雖有哭而悠颺饒五喪其未舉筭一
坏而矩央指越裴其可損寫泉幽其再光獨惟
夫熒熒司命曹曹彼蒼或千指而逾瞻此數口
而靡遑氓蚩蚩而長在士琅琅而遽殃玩此時

之芻狗皆昔日之干將豈古帝謂之縣解將造物收其不祥鎬夜行而在燭崙晝歸而不暘等悠悠於市合何噉噉於歸藏虞舜在而猶羶秦皇死而不香何帝鄉之滅沒卽人代以荒唐續無纖其標擗卓有素而徊徨委魂緒於虛微起編歌而自觴撫夙衾以何得竟愁思之不可量

賦

五卷 二十

玉茗堂全集

玉茗堂全集

臨川義仍湯顯祖著

賦

豫章攬秀樓賦 有序

江南洪州藩司之樓紫薇是居東維攬秀西
儼辯章晷漏存焉仰答天桴昏旦之候無爽
俯和民紀旬宣之政有序厥由來矣屬乃赤

賦

六卷 一

標示舊靈仰告新華不日而已乎隅有時而
傾否岳伯嘉禾陸公四明王公相與謀曰休
哉功有半而可倍事有一而得三斯樓之設
時夜是司顧以吾屬宣懷未乏羊杜賓至燕
言或假僑札爰有沙城神僊之路遠在數里
滕閣帝子之洲近隔重關非期使人難以下
夜微寧就此一臺之基增爲三成之制咫尺

足以體尋常可以發志出不嫌於久次進
無妨於設險利用大作莫便乎是者上下僉
同時物會貞賦取幣餘役以流脩令信工敏
浹月而就剖斲並舉重複奏緻楣極碗壇軒
牕玲瓏麗素而不露其材髹聖而不傷其質
都作告備司時練吉二公相與攝英寮從妙
屬帥而登焉則見山川畢升天日加朗出草

賦

六卷 二

樹於綦履度魚鳥於几席南浦西山不在關
城之外矣徘徊流觀則朱邸華開環珥于府
寺英臺貴俊冠蓋于達巷以至都人琇厲之
觀方外玄緇之處偉雅神麗指顧而詳漁唱
田歌夾重湖之表裏軍漕佔舶沸瀕江之上
下孰非宇宙之精氣國家之利寶乎嗟夫事
有合而成賁物有大而可觀我勞如何煌霞

取日用之適有客蒞止風雨惟時至之期至
于鼓角晴飛戾天霄而益爽壺尊夕轉遲月
露以方盈節之以陽陰文之以禮樂不其懿
與樓成而中丞衛公適來撫我益新其政恢
軍國之容復隍臺之制模觀精偉神色異昔
樓增麗而勝焉歲戊之申月日之九陸公偕
岳伯四明丁公永春李公觴予此樓畫漏之

賦

六卷 三

聞連於晡下夜烏之咽通乎晨戒澄日氣於
煙霏寫月精於露靄固已極斐亶之妍譚盡
淋漓之雅致矣總而攬之秀其外者山川備
仁知之所樂秀其中者人物兼富教之所歎
儼于霄有異之氣恒存薄收無憂之言每驗
則諸公取適於來旬吾屬從歡於上日蓋亦
太平之盛事宜長久而無極乎彼夫城隅之

宴忘其喪亂歆臺之什夸乎霸餘方今洪淑
吾無取焉諸公粲然而咲曰然則子爲我賦
之一言均賦敢居王子之先九日登高辱在
大夫之後云爾

若夫圖書上計之省樞璇布政之宮蕃北宸而
拱峻劃南夏以成雄正經途於一軌極高閎而
有融金城遶雷于允西玉漏欒梁而震東取陽

賦

六卷 四

陰而定體亦登降而在中制豈懸於飾樸時有
適於汚隆象除舊而布新寧有約而助洪政自
公而燕喜禮賓遊而會通勝寄攢羅於一舉意
匠圖回於再重允規隨而命作叶和會而勸功
引章貢之瓊材集臨汝之精工乃作高門爰及
遺堦土綠剝而厚下木層升而致美下如甃以
穹窿上若堂其瑰瑋墜礫懸施緝斲兼掄竄以

九挺鋪以密砥重樂承而竊篠枝掌復以玲瓏
乍井幹而宿斗倏丹牖以流虹納靈曦於陽馬
閣玄溜於陰蟲庶歡呼而勿亟公賞成於具逢
擁官聯而上陞立嶒岵而正容恍靈區兮湧地
迫慶霄兮麗空蠱有事而後大革取新而不窮
地響奮而盱豫天際翔而上豐淮燥濕以維則
度几筵而載容睇刻漏於蓮花叶信晷於祥風

賦

六卷 五

寅亮者資其察貞觀者賴其同謹戶牖而知時
倒衣裳而在公且三爵以興言會羣龍之高盼
承交臂以宣觴暢遠心而釋倦仍攬秀以褊危
臨辯章而聳絢諒所攬之多秀豈吳淞而楚羨
判休明於昔今豁懷袖於聞見方外內其具賞
期霽晦而兼善紛穆候以孤遊被溫冲之餘眷
遲九日兮睇令期佇三山兮登薄軀沙城出谷

其將晚膝閣扶櫺而未舒竟夜飲其厭厭儼新
構之渠渠清酒溢而山光凝纖歌揚而潛思紆
時則籟稍沉於風律節懸瑩于霜鍾雲晶輝其
欽色露薄腴而向濃霧累川而曉曉日昇野以
曉曉沙舍虛於近趾灌吟寒於遠峰歷倒茄而
去燕遵反宇以來鴻援山中兮桂枝渺江上之
芙蓉追年衢之冉冉曠天宇之溶溶蕩芳英於

賦

六卷 六

蘭苑懷幽人於菊叢陶頽然於刺史嘉率爾於
桓公折萸房而醕醴警蕭辰而切衷坐紛想於
遊極起延竚於巖櫺像長雲之蜿蜒若飛雨之
空濛躡前榮而恣觀良鬱鬱以怱怱鬱怱兮直
下西山兮若畫測地象於神州輒金方其款跨
上都隱屏於太行中土闔靈於中華彼拔地以
常然此瀕江而潤化瞰迴隍於淑渚出清都之

臺榭影四序以恒流氣千年而不謝江則括坤
爲墟委乾爲畔淙淙潼潼浩浩澎湃出沒遷徙
縱橫泮渙繹絡乎東溟之盡灩澦乎南紀之半
川魑水夷之所盤嘯海錯天琛之所流灌晦冥
而風雲變黶澹蕩而星河炫煥洞宵眇以無倪
愜虛明之所玩流玩兮蒼郊筠之山兮以超矯
烈風于丹陵上留田而逍遙睥青峰于梅葛指

賦

六卷 七

緱氏於巖椒白雲英其飄飛碧海堆而嶼搖認
落花於桃嶮訝沉書於石橋乃有紫清懸瀑斗
絕而起喂若秦人秀若蕭史天寶開而霞曙雲
蓋移而煙靡崑膏玉以明珠岡流珠而覆米灑
泉壇于冠石度松門于屏几蓋西山之高二千
其咫西山之延四百其里雖發地而厭原默匡
廬之徙委浥山帶以披衣迴屏風而疊綺輪茵

接香鑪之雲濤液下清溢之水勢遠而危鬱岬
嵒嶸虧夕陽於半江宿初月於層崖映松栝而
氣美清嵐霏而色滋日射則陰霞委金雨過而
生煙拂霓岸明涓而翠寫風增瀾而緝瀕江女
窺而巒霧縈幽綃織而巖戶移白鳥光颺於壁
嶂舟人影映於沉暉通菁熒其可悅動冲溶而
倍姿擁名城而論都極敞顯之南戒頽陰雄成

賦

六卷 八

于漢首武陽式廓于江外水竇按龜而潛洩岡
勢鑿龍而抗會湟洫鱗鱗而布遠樓觀儲胥而
備大比志物以維屏恃休明而勿壞動迴飈而
佇想步循環於衿帶故其內眄則東西湖水潏
沚日月鶴池之煙霧猶鮮龍門之風雨自出長
橋度以殷雷鎖院開而辯蜺東二瀨於潞函渙
大明於濟碣水花淨而香遠風色迥而態溢率

良士以思瞿必都人而秀發時泛客於三洲唱
凌波而未闕遶百花兮霞滙約九津兮雲泄綠
淥漉以周迴記斗門之約節宜遶樓以西逝廻
負關而東決散吁章而脉清會官亭而勢折卷
八都之風濤立二孤於喉咽信東南之都會備
西北之門闕豈太真之議福將昇元之氣歇大
中潛而龍起建炎噓而鳳瞥自中邁西官方所

賦

六卷 九

治巍峩約繹文樞武毘建中臺之龍節設行馬
以馳麾旣鼎立而置參亦岳峙而分司受官成
之統總裁氣脉之機宜大府承而望縣翼壇祠
蒼而庠序徵物色音華之所蒞止明謨風愛之
所棲遲訓格則宵嚴於析署務閑而晝偃於鈴
扉通溝轉減經衛緯陌參差流離朱邸有赫啟
北維寧載南而國委騰嬰於歌吹帶劉宗之盤

石牀章山兮采銅欵扶疎兮屬籍席芬英乎獻
靖跨文明於淮益屬宗師而綺正收茂才而路
闕被儒素以矜華朗慧滋而秀奕時節物以斯
游僚國風而咏適罷聞樂之層欵食衣稅之舊
德扶輿中央精華裔皇山液而流川暉而翔貴
相上將公卿丞郎或橋梓而槐棘或墳笮而圭
璋駢緋夾綦嗣畀承筐偶必大而無降交累懿

賦

六卷 十

而益詳典則獨藏於望國風微時映於公行必
百世而猶祀在式微而亦張故老敦詩成童誦
章道述門素經營國常七族奄而魯阜八姓彩
而吳襄冠事業於本朝襲俎豆於其鄉月旦重
於汝潁科目兼乎顏商里聚星與通德藹喬木
而相望餘則所至而煙火萬家所向而雲樹千
牕或望止以如歸代謠作而無嘯至乃郭塵表

裏百初流初轅估客之風期浹章門於廣潤維
精奇乎萬里舶魚鱗於重鎮槩展成而授序紛
駢擊而沸震儼如臺兮累榻寶若星兮流暈炯
珩珥以彌出孰規鏐而見各步旗亭以稽詣夥
闌干而售俊敵物力之膏華識山淵之美蘊固
頑艷之共往取資生而適韻然猶貴不弼於周
度賤難得於老訓稟方岳之理靜忘關賦之徵

賦

六卷 上

峻市無擾以無虞賈亦廉而亦信民日中而自
退士三倍而無近却服御於天邪劭康功於田
畯惟江之孺厥田十千雖水耕而火耨職善坊
而固泉懸種陸於歲秒視黍稷於昏前怙寬鄉
而償瘠趾樂郊而趣先適斯樓之倚徙厥高眺
于天田原隰素而夷衍塋畢繡而邈綿澹如雲
之漠漠計井牧以無愆望杏花兮輕弱訊冷風

兮陌阡意民天而遠想豈煙景之留連若乃湖
圩宕迭五百餘里黃荆白沙松蒲相子柘葉長
玲桃花淺水縹蓮芡於蒲稗唼鷺鳬於鯉鯉列
漁步之攸界緊澤梁之所坻風鮮景明煙消水
平鶩鳴榔其如織鼓釣絲而互經拂顚翎於旅
鴈襍漁唱於高鶯晝炊煙乎樵舍夕弭柁於吳
城喜多魚而獻公佐涼耐於軒楹逗滄洲兮歲

賦

六卷 十三

晚莞江潭而獨醒對時物於嘉魚咏聖風於有
杞則有逢掖深衣圓橋方履顚顚祈祈雍雍齊
濟或韜于庠或吟于里容服既則周行有禮尊
悅皇風瞻趨素齒披文采友來會於此摘秀升
之章句析孝文之經史鏤道祖於圖緯紬次宗
於玄旨若顯若靚或哦或倚企飛轅而逸想循
伏櫪以流思汰塵滓而空清引芳妍而緼滋類

矯指而角鮮寔交頭其取師江山有興文之助
風雲爲按武之資龍門自天揭彼雲隔鹿鳴于
華宴我薇司駭樓中之撰結成世表之威儀江
湖瀕而猥大豫章拱而見奇皆我公之攬擷獻
王書而載馳厥有學道之侶高隱之倫慕滄臺
之友教系三百以爲羣處孺子之式閭倚一木
而自珍來遊來歌載言載欣仰吳會兮傾言子

賦

六卷 十三

俯滄浪兮弔蘇君豈風流之遂遠猶容與於青
雲世何流而不波路有方而必塵章之門兮塵
芻章之流兮波逝毓元命於江湖曄開神而演
秘蛟宮啟靈龜乎真君沙城表識多乎聖人樽
雲仍於西峰結飛客於南津撫城關以逾故展
空明而互新吹笙之臺曉藹文簫之宅煙氤側
佳鶴之玄景挹寫韻之清神緬仙尉兮難卽挾

丹華而散霞際伶崖今有靚響天樂以鳴真庶
仙人於樓居故延庚而挹辛西山之陽不死之
鄉西山之陰無生之林渡江之旨奇特遠谿之
笑清越西江之水無盡南岳之風有鬱下雲居
而振幡過上藍而拄拂聖諦冥兮體常露凡情
盡兮境超忽坐盤中兮何事講虛空兮何物相
與詫黃龍於山中笑丹露於木末喚斐休乎斷

賦

六卷 十四

際點韋升於靈徹樓觀等而平視誼寂泯而何
設領玄釋於簪組玩今風而古轍誕江陽之俶
詭常寄言而設端曩神明之鱗萃今巖岫之空
寒諒獨往之能事洵絕地之匪難乍遊陟以成
趣岌人寰而詎安閑吾流兮閱世蹇川途而獨
詣南上瀨以忘疲朔通津而必暨樓艦分風而
轉颿鐃鼓接韻而浮吹路入達以如絲坐交衢

而委轡疇四方之都雅極宦遊之禮勢公應接
以餘閒客周諮而有寄或雅歌兮投壺試清倡
兮舉袂足登高而送遠具成歡而既醉乃至放
臣淚國遷客思鄉赴建康而不果適交筦而未
行亦有賢士失志遊子迷方覩遷謝而多悲感
留滯而自傷一登樓而慷慨興宣寫於毫芒客
也無勤聽我勞音會計之司成賦是欽日至而

賦

六卷 十五

鍾石斯起歲獻而漕艘載歆絕控引以無期灌
天淵而在今則有允士煩於星渚撞禱廣於山
林流粟羨於沙磧籌策高於崖釜鰲蛇取於魚
鳥邪許殷乎笳音旗幟撓於荆吳謹囂徹乎暇
陰見軍國之有衍慨塗泥之所任戒驕譁於水
次妥積層於潢潏時我公之約飾往聽矚以迴
臨唱民膏於庶土悚國賦之惟金延少內以涓

煩屬都官而獻樹終古有稻梁之色刑民無醉
飽之心鼓摻發而念遠棹歌齊而思深思深兮
太息倒景兮西夕秋志激而彌亮風候紹而無
射杞流華於末光動寒姿于暝色紛下馳兮煌
闕浮傾霞晦兮會啁啾感授衣兮謝歡燠燐華
燭兮重登遊進匏瓜而更酌承湖海之下流悵
涼天兮北河遺佳人兮南州月微波而灑席風

賦

六卷 十六

析木以宜秋發浮樽於漸臺進河鼓於宵籌絕
天潢之閭道奉紫薇而披廓宛衡殿其在南正
杓構於龍角轄左右之煌煌輔帝車而軌若偶
少府於關梁躡天堦而用作步飛光兮意折想
壯武於豐城何千年之寶氣得斯人而夜明河
魁戴西形如戴匡津梁在中號曰文昌王臨川
而集計愧余生之草鄉草木落而自出風雲典

而詎央廓凜秋其在此若端居而遠行喜布政
之優游遂樂職以翔祥究由來之岐復豈途今
而太康蓋我江南以西也挾淺原于漢汭抗虔
樞乎甌粵錯餘方而有陸翦叢微而或藁鬻隰
體寬而重縕江湖氣急而輕發首伯舉之興替
逮斬黃而合裂王政痺而澤弛物力恢而氣竭
阻喪亂以何言諉尋常其固然筭鴻臚之美業

賦

六卷 十七

各未逾乎百年山川黷色窮于有元誕我
高皇戴斗履衡虎變龍興日在金水風清漢荆
歲在星紀天飛吳京初震出于南昌訖乾戰于
康郎賜觀燈于南浦詔騰鹿于西岡宴羣臣而
天歌夜清禮玄聖而春旌曉翔父老欣欣士女
洋洋何江漢之首被而韶英之遽鏘至于今二
百餘年洪都拱真人之躡廬山爲天子之障法

物具而加精官列盛而彌莊偉我諸公有濟其
郁衛公撫茲益斐其業漢流聲于次公唐宣風
乎九齡陶姑熟之大志顧太康之康貞耿河南
之槃亮王新建之虛靈九臯來而憲重三原至
而賦輕讞決爽鳩於林鶚文學倚蘭于蔡清並
師濟而休嘉各勤施而茂祉郡榻奮平輿之節
邑絃奉道州之理廻秀色於干旄惠氛於蘭

賦

六卷 六

醴雲無覆而不卿露有瀼而必旨南斗之熒不
入西郊之霖自灞出明月于海昏莧枯章于郡
邸武寧希夏雪之零新吳斷玄穀之秕麥窺閭
而岐秀稻旅生而再薺洲野牧而不收戶肥矜
而有醴女遵行以綢直斐遊詠而都偉學秀盛
以恭承起歡娛而伏膺會大往其何極輩方來
而載寧善諸公兮有作慶微生兮樂成蔭層覆

之眈眈對清佩之盈盈景斜延於夕佳趣遙攝
於秋屏目煩燎而下盡興澄歆而上征商颺卷
而戶洞暗河低而坐傾悟挈壺之戒曉憬通鑿
而遲明樂燕胥其匪報激高歌乎列星歌曰
山巖巖兮江逶迤結飛樓兮含翠微雨陽貞兮
流音徽鼓淵淵兮漏遲遲宣明政兮發嘉德宜
登臨兮受光色來清觴兮眷今昔江南西兮秀

賦

六卷 九

無極

王若堂全集

終

玉茗堂尺牘目次

卷之一

奉張龍峰先生

答舒司寇

與申敬中

答趙贊善

再奉張龍峰先生

與司吏部

與李道甫

答馮具區

別沈太僕

答管東溟

尺牘

目錄

答屠緯真

上張洪陽相公

答郭明龍

又

答李玉繩

再答趙贊善

答王澹生

答王宇泰

寄王弘陽

寄賀知忍

寄高六僕

與劉上印

答謝繹梅

奉李漸菴司寇

寄萬二愚

答劉子威論樂

再答劉子威

寄吳復菴

寄何濱巖

奉羅近溪先生

答余中宇先生

答張起潛先生

寄帥惟審

寄石楚陽

答劉士和

復朱澹菴司空

寄傅太常

寄劉芝陽

尺牘

目錄

答徐聞熊令

答徐聞鄉紳

與張東山

寄曾大理

答於彭澤

答岳石帆

答李宗誠

卷之二

謝陳王壘相公

慰曾景熙方伯

復劉繩伯

寄章仲明侍郎

| | |
|--------|--------|
| 寄李心湖祠部 | 寄李宗誠 |
| 答余內齋 | 寄吳世行 |
| 答李舜若觀察 | 答劉中允 |
| 寄江陵張幼君 | 與來武選 |
| 與帥惟審 | 柬丁庚陽 |
| 與顧涇陽 | 與周雲淵長者 |
| 東吳拾之 | 東姜耀先 |
| 尺牘 | 目錄 |
| 奉朱澹菴司空 | 答祝無功 |
| 與黃對茲吏部 | 答陳公衡 |
| 答徐檢吾光祿 | 答潘完樸大叅 |
| 寄達觀 | 寄杜亂臺 |
| 寄伍念父 | 又 |
| 答馮永安 | 答魯樂同司理 |
| 寄李舜若侍御 | 答吳四明 |

| | |
|--------|----------|
| 答王伯臯 | 寄馬心易比部 |
| 答沈司空 | 答王子椿 |
| 復滕侯趙仲一 | 慰浙撫王公 |
| 與袁六休 | 與李宗誠 |
| 答王方麓先生 | 答習之 |
| 寄吳樓巖 | 寄袁石浦太史 |
| 寄吳汝則繩丞 | 復項諫議徵賦書 |
| 尺牘 | 目錄 |
| 上蔡觀察 | 答平昌孝廉 |
| 答楊日南離使 | 與帥公子從升從龍 |
| 寄荊州姜孟穎 | 寄王新盤觀察 |
| 與周叔夜 | 與王悅之 |
| 東長卿 | 奉祭酒戴愚齋先生 |
| 與李道甫 | 答鄒大澤 |
| 答顧涇陽 | 報鬱儀宗侯 |

| | |
|--------|--------|
| 與史玉池給諫 | 與于中父比部 |
| 答魏見泉中丞 | 答汪登原中丞 |
| 復門人藍翰卿 | 寄湯霍林 |
| 又 | 又 |
| 又 | |
| 卷之三 | |
| 答錢岳陽督學 | 壽洪陽張相公 |
| 尺牘 | 目錄 |
| 答袁滄孺邑侯 | 答邵遠游侍御 |
| 答駱台晉督學 | 與張自雲 |
| 與曹尊生廷尉 | 答王雲泉侍御 |
| 與黃貞甫 | 答鄒爾瞻 |
| 與魏見泉公子 | 答孫侯居 |
| 中道 | |
| 答郭明龍 | 與曾金簡 |
| 寄李本寧 | 答真寧趙仲一 |

| | |
|--------|--------|
| 答山陰王遂東 | 與岳石梁 |
| 與丁長孺 | 與黃貞父 |
| 答趙夢白 | 謝鄒愚公 |
| 復費文孫 | 答馬心陽 |
| 答黃貞父 | 復熊思誠督學 |
| 與于中父 | 與鄒南阜 |
| 答袁中郎銓部 | 寄李鵬岳 |
| 尺牘 | 目錄 |
| 寄羅匡湖 | 與許伯厚 |
| 答袁滄孺 | 與賀知忍 |
| 與但直生 | 寄梅禹金 |
| 寄劉天虞 | 與張伯昇 |
| 與張異度 | 答黃鳳衢 |
| 寄孫區吳憲伯 | 與李麟初太史 |
| 答費學卿 | 答黃石父 |

| | |
|--------|--------|
| 與李選素方伯 | 與王親生 |
| 答陳如吉給諫 | 答戴斐君 |
| 寄梅璵守 | 答陳子顯 |
| 答鄭著存 | 與魏見五 |
| 與許仰亭吏部 | 與汪二魯 |
| 與吳季倫 | 與高旭玄 |
| 與李九我宗伯 | 答石楚陽 |
| 尺牘 | 目錄 七 |
| 與唐凝菴 | 與于中父 |
| 與廖士沂 | 答林若撫 |
| 答黃九洛 | 寄蘇君源郡伯 |
| 候董廓菴司空 | 候王恒叔鴻臚 |
| 答馮具區司成 | |
| 卷之四 | |
| 與門人胡元吉 | 答黃荊卿 |

| | |
|--------|--------|
| 寄鄒爾瞻 | 與傅商盤司成 |
| 答李沐山 | 寄余堽圃 |
| 答姜仲文 | 與朱以功 |
| 與馮文所大叅 | 與錢抑之 |
| 與姚承菴 | 與陳匡左 |
| 與丘毛伯 | 寄羅杜宇中丞 |
| 答陸學博 | 寄膠州趙玄冲 |
| 尺牘 | 目錄 八 |
| 與張文石 | 答呂姜山 |
| 與陸景鄴 | 寄袁小修 |
| 寄南弦浦關中 | 與熊芝圃 |
| 答石楚陽中丞 | 答高景逸 |
| 答岳石帆 | 答諸景陽 |
| 寄董思白 | 答阮堅之 |
| 答鄒公履 | 答凌初成 |

| | |
|--------|--------|
| 與湯霍林 | 答王宇泰 |
| 與李麟初 | 與門人李孺德 |
| 與劉晉卿 | 又 |
| 與門人孫子京 | 答黃右文 |
| 與丁長孺 | 與吳曙谷宗伯 |
| 答王太蒙中丞 | 與門人王起莘 |
| 答鄒賓川 | 與劉冲倩 |
| 尺牘 | 目錄 九 |
| 與晏懷泉給諫 | 與吳本如岳伯 |
| 答張夢澤 | 與車嘉典 |
| 又 | 與孫令弘 |
| 答朱公子茂正 | 上馬映台先生 |
| 答于中父 | 與彭典祖 |
| 答黃金宇文學 | 答朱廣原 |
| 答余允升 | 答陸景輝 |

| | |
|-----------------|--------|
| 與張熒一 | 答王慕夢憲伯 |
| 與門人劉琪叔 | 與門人周仁夫 |
| 答徐然明 | 與門人葉時陽 |
| 與門人時君可 | 寄鄒梅宇 |
| 與趙南渚計部 | 答張夢澤 |
| 與門人陳伯達 | 與馬公子長卿 |
| 與王止敬侍御 | 復甘義麓 |
| 尺牘 | 目錄 十 |
| 答陳古池 | 與朱以功 |
| 答錢簡棲 | 答但直生 |
| 謝鄭輅思羈伯爲作相圃生祠畫像記 | |
| 答繆仲淳 | 復牛春宇中丞 |
| 卷之五 | |
| 與劉大虞 | 答易白樓 |
| 與門人余成輔 | 答許子洽 |

| | |
|--------|--------|
| 與李還素 | 答門人黃元常 |
| 東陳如吉給諫 | 與吳繼疎 |
| 答曠聲和 | 答費學卿 |
| 與幼晉宗侯 | 寄張聖如齋使 |
| 與丘毛伯 | 答孫子京 |
| 賀王紹賓憲伯 | 寄門人朱六義 |
| 與馬梁園 | 寄林丹山 |
| 尺牘 | 目錄 十二 |
| 與吳伯霖 | 與許伯厚 |
| 答黃二爲 | 寄曾金蘭 |
| 與門人李超無 | 與李孺德 |
| 與門人劉大甫 | 答朱朱陵 |
| 答李乃始 | 與孫見玄 |
| 與劉君東 | 與門人王得環 |
| 與姜仲文 | 答董嘉生 |

| | |
|---------|--------|
| 東門人李太虛 | 與沈華東憲伯 |
| 與常州倅陳翼愚 | 與蘇石水督學 |
| 與門人陳仲宣 | 答王霽宇制府 |
| 寄陶石簣 | 答章斗津 |
| 寄馬梁園 | 與饒三明 |
| 答衛淇竹中丞 | 與龍身之 |
| 與陳思岡給諫 | 與鄧太素 |
| 尺牘 | 目錄 十三 |
| 與嘿菴宗侯 | 寄魏合虛大行 |
| 答牛春宇中丞 | 答門人蕭承之 |
| 答丁石武 | 與門人朱爾玉 |
| 寄謝耳伯 | 與王相如 |
| 與馬心易 | 與岳石帆 |
| 與吳葵臺 | 答劉貽哲 |
| 復門人王天根 | 答李孟白岳伯 |

復徐鍾汝

復丁振方岳伯

與易楚衡

與蔡槐亭

答門人吳芳臺

使船

寄郭振龍

答陳偶愚

與孫見玄學博

答吳岷陽

答孫公哲

答馬心易

寄董思白

答汪雲陽大叅

與阮寄卿

尺牘

目錄 十三

柬徐觀我

答王起莘

答馮觀察

寄薛欽字

與劉宗魯

與李孺德

答樊致虛

答沈何山

答鄭孩如

與汪雲陽

答王觀生

與孫子京

寄林丹山

與朱永陵

寄蔡虛臺憲伯

答孫見玄平昌學博

與吳縮生

答卞玄樞

與吳亦勉

與岳石梁

寄薛欽宇觀察

與陸津陽岳伯

復瞿睿夫

寄徐聞陳慎所

復俞淳初侍御

復胡瑞芝司空爲二

女納采作

賀吳曙谷相公

尺牘

目錄 十四

寄馮文所

卷之六

答吳徹如

又

與李稠原

答張稚原

與蔡質凡樞伯

謝徐匡嶽

答馬仲良

答彭芹生侍御

答門人鄭龍如

與孫子潛

| | |
|--------|--------|
| 答門人鄧君遷 | 答李乃始 |
| 答門人桂仲雅 | 答王宇泰 |
| 與宜伶羅章二 | 寄虞德園 |
| 與但直生 | 與張大復 |
| 答蘇翁源翹伯 | 答沈湛源 |
| 東鄒梅宇 | 復汪雲陽 |
| 答鄒爾瞻 | 寄李季宣 |
| 尺牘 | 目錄 |
| 與李莪明 | 答羅敬叔 |
| 答門人曾在中 | 與無去上人 |
| 與翁泰輿 | 與盧貞常大叅 |
| 與方玉城 | 答趙我白太史 |
| 答羅匡湖 | 寄左滄嶼 |
| 答王相如 | 答黃貞父 |
| 答李還素 | 寄彭魯軒侍御 |

| | |
|--------|--------|
| 答沈華東 | 答門人陳仲容 |
| 寄李孺德 | 答張雨若 |
| 寄姜守冲公子 | 與康日穎 |
| 答張了心 | 與門人吳來復 |
| 答來任卿觀察 | 與余成輔 |
| 答遂昌辜友吾 | 與王觀生 |
| 與朱象峰 | 與羅玄父 |
| 尺牘 | 目錄 |
| 答樂愚上人 | 寄盧貞常 |
| 寄門人傅雲中 | 寄葉增城 |
| 答江完素 | 答岳石帆 |
| 答李鵬岳 | 答余瑤圃 |
| 答李淮南 | 答錢受之太史 |
| 與葛屺瞻大叅 | 寄朱朱陵 |
| 與喻叔虞 | 答楊景歐大行 |

答沈幼宰

與余節候

與門人李本仁

與胡實美

答顧伯欽

與男開遠

答羅匡湖

寄門人饒見石

柬杜西華

柬羅敬叔

答李孟白岳伯

答門人李實夫

答馬穉遙

寄朱以功

尺牘

目錄 七

答劉宗魯

答門人萬可權

寄韓求仲

又

與錢簡棲

堂尺牘目錄終

玉菴堂全集

臨川義仍兄祖著

尺牘

奉張龍峯先生

潞水維舟奕旨琴歌旁無長物殊有蕭蕭之致
至於今美人漢京矣大臣執法當進賢退不肖
區區檢押何足以云如師秉潛蕩之大節發深

尺牘

一卷 一

維之遠心前後上章先醒時貴念昔時同門諸
君春秋卷中最爲得士劉國基近被洗雪死者
有知獨甘子開年才無茂有清英之色孝廉劉
調父服義冲樸化馴其鄉時值道昏禮宜羔雁
夫贈遠者貴其地產此亦吉之地產也

答舒司寇

吾鄉在昔明德未乏邇向闇軟明公晶晶雄雄

始欲爲後生所仰接手書諷以方壯宜近老成
人今滿朝闔氣者多惡少今幸以爲戒無與親
受教無量竊觀先師有戒壯在闔而衰在得益
血氣有餘宜受以不足不足又宜受之以有餘
自消息自補引亦觀其生進退之義也如此然
後可以觀民諸言者誠好事中多少壯益少壯
多下位與物論近與老成更歷之論遠相與黨

尺牘

一卷 二

遊而執政之遊絕故其氣英既不習於事又不
通於執政之情各位輕而日月長去就不至深
護或以此自熹議隨意生風以羽成闔誠有之
未足爲定也而諸老大臣又多不喜與少年郎
吏有風性者遊物論既寡所得又進而與執政
親熟其恩禮宴笑因知其所難物盈而慮周中
多眷礙如井汲且收不復念瓶贏也故傾朝中

尊卑老壯交口相惡莫甚此一二年餘人各有
心明公以諸言事者多惡少正恐諸言事者聞
之又未肯以諸大臣爲善老耳以不佞當之與
其開而兩傷不如交而兩成諸少年宜上遊於
諸老領所宜學時觀而勿語以深厚其器而須
厥成諸老亦宜稍進諸年少好事者挹其盛氣
以目壯自補無爲執政者所柔因以益知外事

尺牘

一卷 三

蓋不佞竊唯以血氣損益相補之誼年少之資
於老成人猶老成人之資年少闔在不得得在
不闔二也交而用之以二爲一蓋朝家以闔啓
壯者之用而壯者故自以不闔資衰者之用朝
家以得懸衰者之用衰者又能以不得資壯者
之用而後知老與壯交相成也惟血氣未定好
色之遊老成人正無所資之耳如聞更有所近

夫亦知好鬪之禍烈於好色正不知好得之譏
深於好鬪耳不佞言若反然衛公九十餘求戒
卿士自稱小子未知臧否誰投以說報之以李
區區有云感於睿聖報李之誼知門下不爲謹
言撫手一笑

與申敬中

前魏侍御有所列弟從同年宴會中爲首岑兄

尺牘

一卷 四

言有聞輒發不必可行是言官故事在相國宜
益禮厚魏君首岑兄以告未聞蒲州公有云也
蒲爲尊公相國之美輒起魏侍御南銓郎然蒲
州公猶能乘時召鄒君等數人而尊相曰遂益
以鄒君給事黃門中甚善第爾瞻婉彩不足而
貞意有餘昨聞復以直言欲調他用執政不援
衆庶不可戶曉善則歸君過則歸相他臣可言

主勢難幹位至執政不宜此言弟恐後之人復
以鄒君爲魏君也蕭何一刀筆臣尙能置書過
吏尊相國乃起經術從人言著大臣節易耳音
張氏諸公子倘有一人明哲援物論之公扶義
規邪江陵君何必不悔乃至於今乎當其以諸
君杖戍一時竝謂聖意今天下人乃復推惡張
君此足下之所明也勉思鄙言以佐忠孝

尺牘

一卷 五

答趙贊善

主國體者實厭煩言然容者之多言亦主者之
少斷天下前已囂囂而貴臣天隕可謂洗削一
時今又坐失後幸難再今相國雖未有奇號爲
和雅而名公以才名出其門下又戚里見知得
有所言宜莫如足下以足下之才之親不能轉
一和雅之相乃向無所施處談天下事乎三十

六卦寧止一遞世且以足下挾傲而去不益正
言之名意有所念雖夜半遊相國於曲房之中
天下知其無邪心第幸無以去爲言以戚且知
而僅耿耿以去誰不可以去也

再奉張龍峯先生

吾師高明深廣竊在下風奉意承教十二年於
茲矣竊謂吾師且暮可以當世不幸明明之姿

尺牘

一卷 六

爲氛壒所撻倏然曠然吾師遂中執法得有所
憲慮爲執政助是賀矣承示以執政去留人物
當有微術行之示世輕重又以賈生不能用絳
灌爲戒觀吾師意欲有以用之也易否泰發乎
陂鄘歸之義詩傷風雅之變疾時類之不明而
號令之多瘠益惟禮從知意心而平天下好善
惡不善是也不治者反是中治者其人公然邪

而或留公然直而或去非盡其私暗乃以爲術
而輕重之然術未脫於門而疑填於市矣術安
得施近時名卿大夫亦多上比執政而以爲用
執政尙刑名則亦殺人執政惡言者則亦不善
言者自謂吾將用相國然已爲相國用矣愚賤
無所歷而知竊意定亂利機權或多意外輕重
治平久人才不甚相遠去留之際風體所繇莫

尺牘

一卷 七

若以正至於執政處勢倍而更事黠急恐未得
用之不爲執政用而可矣在吾師深微弘妙故
當不假斯論疏附後先或亦不可無四友之一
也

與司吏部

僕宵視綽約秉意疏質得幸門下最久微榮至
深去八月中秩奏下覆更與奉陵祠甚幸惠也

都下獲夕以有避客有所畱言喜茲歲天下復
得明選君竊不自疏外宿意得陳仕宦固爭濃
淡之路矣置之淡則無色與貴人親易媒遠則
難致故南郎者仕人所謂遲迴厭怠之者也鳳
乘於風龍乘於雲仕宦乘於時聖賢亦若而八
耳向長安而笑僕豈惡風雲之壯哉知門下
有意畱僕內徵也雖然僕有私願而特不願去

尺牘

一卷 八

南僕之有南如魚之有水精氣之有垠宅也斷
不可北者有五父母與子異息分身絲忽懸慮
縱以受事之其溫清何得更忍闊離疎隔間問
乎南都去家水行風利可五日所家大人不遠
一來至月一相聞也北則違絕常百餘日子不
知父母一也僕亡婦二年矣遺息阿遠八齡阿
普六周耳推燥分甘用父代母至今兩兒尙枕

藉懷腕行則牽人衣帶引涼避風衣食加損視
病汗下非僕不可在北執掌何能視兒二也僕
縱北徙正可得六品郎歲食錢可四萬而所僦
門室兩進雜糴疏糲買水上而食一馬二隸費
已不下七萬錢人客過餉十三酬折裁足家累
衣物歲時伏臘耳其餘經紀不能無求南郎多
官舍人從酒米家來三也僕素羸裁過時不得

尺牘

一卷 九

食臥輒病假數日每自親擇藥常嘆曰神農於
人有功一得其食二得其藥徙北則朝請謝謁
常盡辰午失食道地精藥多不至北取假頻數
大吏所惡且曹事杳迫寧當舒枕臥邪四也又
南北地性暑雨寒風清污旣別飛蟲之屬各有
所多南暑可就陰息雨適斷客爲趣耳吏於北
者雖有盲風灰人之面糞人之齒猶將扶馬揚

呼而造也乃至寒時冰厚六尺雪高二丈明星
以朝鼓絕而進折風洞門噫嗚却立沉陰凌兢
瘁灑中骨餐煤食炕爍經銷液又弱不受穢行
見通都道頭不清每爲眩頓春深溝發尤甚遂
有游光赤疫流行瘡首不避頑俊是生青蠅常
白日萬口橫飛集前意不可忍舊都清麗娛人
獨夜苦蚤音妨人眠臥至於垂玄幙燧青煙未

尺牘

一卷 十

嘗不杳然而云也士風有宜五也凡此五者初
非迂遠奇怪強有維持凡在通懷所宜竝了況
夫邇中輔者不必盡人之才遊閑外者未足定
人之短長安道上大有其人無假於僕此直可
爲知者道也夫銓人者上體其性下判其情恐
門下牽於眷故未果前諾故復有所云倘得泛
散南郎依秣陵佳氣與通人秀生相與徵酒課

詩滿情而出豈失坐嘯書諾耶語不云乎斐然
成章人各有章偃仰澹淡歷落隱映者此亦鄙
人之章也惟明公哀憐成其狂斐

與李道甫

知仙舟今日客滿明當一出夫用人者主人之
才爲人用者必非主人也長者常能誘人誘於
人者必少年兒也難動者精奇易動者必蚩蚩

尺牘

一卷 十

之民也目中誰當語此

答馮具區

茱萸館之色笑何日能忘聞明公已了白義更
泄玄真通輝牛女之河採妙虛危之穴二八寶
華等是丈六金身耳乳母難摩稚佛之頂僕禮
可上人直是愛其神秀今便西遊我輩恐更坐
須彌日月隱避處矣層長卿輕華覆代虞淡然

弱采賤人徐茂吾疎秀表物竝是飛來玉泉懷
抱之英也湖上蓴絲山中桂子大足留連三公
六卿面目可曉正恐槐梧望重薛芟綠輕采真
之興難終應化之情易起則大車冥冥方倚重
於班如矣豈徒咏素食於且淪惻寒泉於未收
已乎包君去時僕方病注伏枕抽筆不盡所云

別沈太僕

尺牘

一卷 十三

明公渡江急不得見不知明公更得渡江否虎
以慄虧龍以靜全花以上披根以下存名不可
以多取行不可以累危虛以居之可以待時

答管東溟

不佞非有夙慧然能讀門下應制之文覺有殊
詣非時人色澤而已後知門下攝心三一而不
佞亦且從明德先生遊後稍流浪戲逐詩賦歌

舞遊俠如沈君典輩相與傲睨優伊成進士觀
政長安見時俗所號賢人長者其屈伸進退大
略可知而嘿數以前交遊俊趣之士亦復遊衍
判渙無有根抵不如掩門自貞得奉陵祠多暇
豫如明德先生者時在吾心眼中矣見以可上
人之雄聽以李百泉之傑尋其吐屬如獲美劍
方將藉彼永割攀緣而竟以根隨生茲口業不

尺牘

一卷 十三

思譚局之易而題鼎位之癡不諒揮金之難而
怪瑣郎之墨脩慙辨惑先師之戒虛矣不謂門
下長者乃亦漫以爲然捧讀大章可謂焦原有
險曲突無擇其中畫一多有名言昭曉丹青垂
俟來俊若不佞所指似是發蒙振落之資不佞
所當似是迴颺末引之勢豈敢附君厨之後爲
經營世業之倫哉憶不佞在祠署時晤趙宗伯

公未嘗不問門下起居時宗伯殷殷爲吳中屈
第一指今宗伯在事而中允吳公且接迹凌厲
不富以隣並離其社徵管而誰惟門下及時龍
惕以安或疑上應風雲之求下慰離羣之望

答屠緯真

讀足下手筆所未能忘懷是山人口語一事天
下固有此人初莫胗其鴟也取之雛能之中生
尺牘 一卷 十四

其羽毛立其魂魄乍能飛跳便作愁胡但我輩
終當醉以桑椹噤其饑嘯耳寧人負我無我負
人江海蕭條大是羣鷗之致

上張洪陽相公

聞之神器不可爲作用是性宇宙在乎手恢然
有餘上也其次忘身與之決其次存身然孺子
何知之有詩云德輶如毛惟仲山甫舉之愛莫

助之惟閣下萬一無忘家食時端憂天下之意

答郭明龍

讀考工記序大作覽其詞遠其旨易云形乃謂
之器老云埏埴爲器聖人制器如大鈞造形規
矩鈞繩毫孔無不中理入神者周公亦自占多
才多藝能事鬼神匠宰無神五官爲窳於工有
不枯而雁乎質生洛陽絕才太史公徒寫其怨
尺牘 一卷 十五

急以貌其人政事疏自有別行也班始入疏遂
覺靡長總之吾兄賢者宜識其大無庸莠莠文
筆間也弟乞南部閒郎所謂量而後入幸爲語
山公雖是私乞不妨公次也當索弟官級之外
耳

又

袁子有言知短而不用此賢人之遠者也如弟

登曰能賢長於用南短於用北深相了耳如仁兄語是畱弟一北不敢拜明選君之惠矣霜雪交下翰林主人北風其涼謹以一金佐酒

答呂玉繩

承問弟去春稍有嘉隆事誠有之忽一奇僧唾弟曰嚴徐高張陳死人也以筆綴之如以帚聚塵不如因任人間自有作者弟感其言不復

尺牘

一卷 十六

庸意趙宋事蕪不可理近芟之紀傳而止志無可如何也

再答趙贊善

天下事有損之而益者今日豈宜更畱右武不出闕爲還故御史乎男兒去國不可不成名君子愛人以德以丁生穎絕何所不立是也

答王澹生

弟少年無識嘗與友人論文以爲漢宋文章各極其趣者非可易而學也學宋文不成不失類鶩學漢文不成不止不成虎也因於敝鄉帥臆郎舍論李獻吉於歷城趙儀郎舍論李于鱗於金壇鄧孺孝館中論元美各標其文賦中用事出處及增減漢史唐詩字面處見此道神情聲色已盡於昔人今人更無可雄妙者稱能而已

尺牘

一卷 十七

然此其大致未能深論文心之一二而已有傳於司寇公之壘者公微笑曰隨之湯生標塗吾文他日有塗湯生文者弟聞之憮然曰王公達人吾愧之矣而當其時門下於弟則有所謂心與而目成者人誰無情而忍不報施乎客曰吳士文而吾鄉質文常有餘質常不足以不足交有餘辨給固不能相當精微亦不能相致無所

相益有以相損因自引避不敢再謁尚書之門
一參公子之席其風性然也又時知公子之意
雅在氣節不在文章文章已矣而竊觀其時所
號氣節諸君者弟亦未敢深附易不云乎定其
交而後求平其心而後語安其身而後動不然
莫益之或擊之矣迨其擊之也而悔其交容有
及乎且門下人地才美固與弟江外枯槁之士

尺牘

一卷 六

去就不同何也今之執政者非異人固門下之
父行也執政尚將擇疎鄙有才之士而近之況
如通家之子也才而好遠之豈人情乎夫以門
下之才且親尚負意氣不肯自近其疎鄙有才
之士負意氣者固益以遠矣然則肯自近於執
政執政因而近之者其人又多非負意氣而才
者彼其時政公論安得不兩而執政者之無所

遠聞殆非疎鄙寒士之過皆通家戚里子弟高
者引嫌卑者瞻附無有與言之過也以愚計之
門下幸及此時強起除一閑署郎得從容間見
言事執政有當驩然承之誤則愀然而獻疑入
則盡規出之以語人此亦事父執者禮然而因
以陰就天下之大計亦不可謂非名節事也且
執政所以不受言事者以爲此毀人以自爲名

尺牘

一卷 十九

莫愛已也若門下以戚里親進而規隨其間又
自匿不盡其名執政必以爲愛已而不聽其言
者非人情也然惟門下可以就此正以門下有
美才而負意氣執政所重重之而不親此必門
下負其人地才美不思以用之或意他有所在
先其疑形如此而言不聽交不成此如學漢文
者譏學宋文者皆未有以極其趣不足相短長

也得感門下推引過至及欲移病塞門似傷於
難世故不惜臺臺言之以門下昔日之心與而
目成庶有當於斯言也

答王宰泰太史

門下殆真人耶世之假人常爲真人苦真人得
意假人影響而附之以相得意真人失意假人
影響而伺之以自得意邊境有人其名曰竊人

尺牘

一卷 二十

之所畏吾得不畏哉僕不敢自謂聖地中人亦
幾乎真者也南都偶與一二君名人而假者持
平理而論天下大事其二人裁伺得僕半語便
推衍傳說幾爲僕大兵彼假人者吳足與言天
下事歟哉然觀今執政之去就人亦未有以定
真假何在也大勢真之得意處少而假之得意
時多僕欲門下深言無繇矣門下且宜遵時養

存其真

寄王弘陽問卿

列子莊生最喜天機天機者馬之所以千里而
人之所以深深機深則安機淺則危性命之光
相爲延息此旨令人惜焉恍焉大病月餘益知
有此北望瑯琊醉翁何似

寄門人賀知忍

尺牘

一卷 廿

與父來不得知忍書近況何如此時惟忍是
心立命忍忍也印也不忍不印忍辱曰鎗難之
矣

寄高太僕

久不聞問知履候無爽長安貴人輒問吾郡薦
誰最所知僕詳宣道趣以爲渾金潤玉不宜
久委泉石間第門下一輩人遠矣無知言者

鄉貴人如短尾羊裁自揜何能庇人憶與拾
芝諸友倡歌踏舞備極一時之致長者時爲欣
然御之比來乃爲物情周攝所苦右軍云晚須
絲竹陶寫覺少年人磊砢更須也還布衣於南
國作傲吏於本朝春秋有作亦何用書高子來
乎

與劉士和司業

尺牘

一卷 廿三

今年大計姝佳是陸公晚節得意處但如此亦
真奇士矣承手命第一生大病坐於多讀多言
多讀多蕪多言多漏今稍愧悔兄其許我乎海
上尉當一二年安心供職郭考功未卽開府何
也還臣無所忻喜清人得政耳

答謝繹梅司寇

門下金崎精英玉融風雅鬱貞士之情神顯大

儒之作用近讀風雷之奏彌開日月之章十漸
不克終遇唐宗而豈諱六可長大息逢漢帝以
何嫌今雖爲瑱以言古有投珠於道膏脂瘡痂
時事多非菽粟參苓其言自在

奉李漸菴司寇

閣下爲南主吏計北主法愷亮雍弘以情受信
而靡隨爲法見疑而不動賦政柔嘉仲山父之

尺牘

一卷 廿三

憲也惟明公以大道契世不得已而應之善刀
而藏止如今日書明公傳後亦當云有古大臣
風矣凡大美終之實難惟閣下裁幸

寄萬二愚

讀兄大疏甚善一不負江西二不負友三不負
髯聞新太宰清新御史大夫明或能久兄兄亦
可故外人怯移病去官已作殿中侍御史不爲

朝廷用更何如

答劉子威侍御論樂

明公不以僕單外無所底猥遺大篇數百萬言
流覽多端莫循其以猥承長者之問聞之凡物
氣而生象象而生畫畫而生書其勳生樂精其
本明其末故氣有微聲有類象有則書成其文
有質有風有光有響義唐老孔所不容言其下

尺牘

一卷 廿四

莊管離騷二招李斯鄒陽之書左遷之史馬楊
之賦枚乘之七蘇李十九首詩王賡崔灝長篇
王質夫雖伎其於四者穠曄無衰行其自然變
藹橫極餘於四者偏有短長今時而滅僕弱冠
時一被楚詞琴聲無殊仲華語樂聲依永希微
在茲至於律尺今古綿渺管子呂覽度數律元
已有殊論遷歎而後愈益悠繆禮失求之野樂

失求之戎大食雞沙猶可按壓至中燕中有琵琶
李能爲大獵秋聲初嚴大驚出和門起鳥獸
喧嘩鼓吹笳角大合圍趣殺驢呼野酌歌凱旋
攢雜并赴然無其文斯亦今之神孽矣明公好
事有力何不走一俊男于寫其聲因以度諸絲
被於簫唱若乃今奏令無過掩絲竹粗爲和矣
僕從朝下聞其音時無應制文格之累縱諷前

尺牘

一卷 廿五

所陳數公書詩浸淫出其味乃知僕偕計以前
俱爲妄作也方欲本原物氣聲相然無其師吳
人善音幸有因略入其微杳如書所嘆亦已無
人至於文詞意知其然才不能然明公風雅奇
宿無所忽微或當有以證進之耳

再答劉子威

僕本南州鄙產涉獵旁午非有奇悟深聽安足

承問樂理獨來教緣曆論律以爲歲差而移代
不相循當有越識然華尼世絕聞韶竝歆非如
旋虛潛積環數準通之名京蕭自立同時所是
未皆倫野僕前妄云固胡證雅變黷其音非爲
准論南歌寄節疎促自然五言則二七言則三
變通疎促殆亦由人古曲今絲未爲絕響圭蔭
所立號云字土南越西音要爲各適耳必欲極

尺牘

一卷 其

此悟譚似以聲依爲近絕利一原可以百倍僕
恨末矇竝闕前識妄論琴理緩急在絲深浮在
指悲愉在心凡音之生流例非遠太常音調非
所敢言因公有云牽率酬對後有標測容致更
端焉

寄吳復菴司業

明公秉扶輿之峻心發靈鎮之昭質幸直維解

之後起諸危坎之餘卒以孤守掩此積絕至便
反閉却掃臥托求去世之喪道抑有由來聞之
儒服世治不輕難得而易祿也易祿而難蓄也
願明公益絕好徑用隆本朝

寄何濱巖先生

某庚午瘁於鄉今且當強仕記成童時面受師
訓風義可想嗣後雖遠鑪鑪性局本殊不好鮮

尺牘

一卷 廿七

規之技拓落於時流蒞於古讀天台賦續名山
遊推襟送抱常在縉麗清之墟見津容輒問吳
越清正之士復是誰人而翹車之音不聞將所
搜揚爲何某父母年半百矣敬問吾師令子有
當世才者幾人雍藻請正函丈惟不惜金聲

奉羅近溪先生

受吾師道教至今未有所報良深歉然道學久

禁弟子乘時肯奏開之意謂吾鄉吏者當薦召
吾師竟爾寥寥和我者希玄滌所貴雲南進士
張宗載時道吾師畢節時化戢莽部干羽泮宮
之頌不誣矣京師擁臥無致小疏一篇附達

答余中宇先生

某少有伉壯不阿之氣爲秀才業所消復爲屢
上春官所消然終不能消此真氣觀察言色發

尺牘

一卷 廿八

藥良中某頗有區區之略可以變化天下恨不
見吾師言之言之又似迂者然今之世卒卒不
可得行惟吾師此時宜益以直道繩引上下萬
無以前名自喜弟子不勝爲國翹祝

答張起潛先生

某受知弱冠之前契濶壯室之後宛爾紅鸞悲
而玄素之緒因彼白魚謬老用青之策竟徵吾

帥寵靈獲塵榮伍敢忘所自顧弟子意氣時尚
有之不似逞時輒發覩時事上疏一通或曰上
震怒甚今待罪三日不下弟子不情不神蓋可
知矣

寄帥惟審膳部

人生有限之年豈給無窮書籍但用深心取適
於妙弟去嶺海如在金陵清虛可以殺人瘴癘

尺牘

一卷 二十九

可以活人此中殺活之機於界局何與邪歸苦
熱痺魄幾易宅玷危之後身寄轉輕語云本見
而草木節解此時然也兄無甚酒幸爲我畱少
許情神相老而嬉

寄石楚陽蘄州

初某公以吳憲拜中丞治吳而明公亦以吳漕
使守吳南都人皆疑之弟稍爲不然或二相亦

欲得高品撫其鄉耳近從蘇來者竝云石公
有羔裘豹飾之節仁而且勇非吳大家所宜然
猶謂石而無瑕人急不得施其牙未幾有此雖
然公之品乃今無疑者矣幸益自堅有李百泉
先生者見其焚書畸人也肯爲求其書寄我駘
蕩否

答劉士和

尺牘

一卷 三

兄於往編畱意大佳看往昔豪英幹濟知近語
淺天下事體深之十分止可得五六分也

復朱澹菴司空

有懷函丈忽拜良書穆如清風不知其身之在
炎輿也世步多方支吾未易而陸公謝事誰復
意外用人如彼汎舟抵深維嶺之思

寄傅太常

委清署而遊瘴海秋去春歸有似舊巢之燕六
月一息無意垂天之雲也比意陵祠松栢依依
五雲殊深緬戀加以足下風徽縕簪豈不偏反
神樂觀道書多半第手點摘清齋時爲下十數
籤乎居太常東者前數人皆得給事省中足下
體勢當是吏部郎正第居間不如人耳乃如來
教又忽不自知其不如人也

尺牘

一卷 三

寄劉芝陽開府

淑德重地江海安瀾嶺外聞之不勝驩尉吾鄉
在此位者功澤良多吉之周公次歐陽公也有
光前牒是在門下趙侍郎蘇州田賦一疏有可
尋舉否海中丞松江水利今更如何苟利吳人
不必自己固大雅本懷矣故中丞餘姚張公雄
才疎節不爲世知如劍飛沉出土入水幸乃其

子丹徒知縣集義意度魁奇當復大受也又升
陽縣學訓導李東明篤於躬行苦進之六館必
有繩染之益伏惟臺下高其品目引而重之視
時筐篋小吏章句末儒故相矯絕耳

答徐聞熊令

疎愚之資孤焉瘴海天幸得挹長者卷卷還鄉
病起更辱遠諭乃至處以餐餼徐聞幾許閒田

尺牘

一卷 三十二

添尉一口可謂荒飽矣九日欲吊長沙懷湘而
雷一宿貴生書院視海上人士自貴其生何如
也萬里炎溟冰雪自愛

答徐聞鄉紳

萬里手教如扶搖從天池南下中間所以尉籍
良過獨念君子學道則愛人常見古人雖流寓
一時不肯僂焉如不終日誠愛人也無論與諸

生相勸厲不敢虛其來卽樸蓮編民流離蛋戶
有見未嘗不叩尉而提誘之此自門下心神所
灼矣聞貴生書院成甚爲貴地欣暢然必有人
焉加意講德絃歌鼓篋其中乃不鞠爲茂草耳

與張東山司馬

讀門下製作揆敬亭之秀色寫春穀之鳴泉恨
風塵緬邈不得過西昌一聽絃歌南國再酬言

尺牘

一卷 三十三

笑也禹金近有新聲否一水兼葭曷任延佇

寄曾大理

諸公竝建牙以出而門下巋然在京知深慈廣
智大脩行人何地不爲福田正不在區區王舍
城耳士和兄精進何若妄意隨時之義惟冲惟
默冲生智默生威冲不默不凝默不冲不韻館
閣師儒體勢尤堪清直至如不佞割雞之材會

於一試小國導民服食淳是縣官居之數月茫
然化之如三家曠主人不復記城市喧美見桑
麻牛畜成行都無復徙去意偶懷西音陳其下
意藥草有喻佇惟便風

答於彭澤

門下遂翩翩望彭澤而去爲人師可以爲人長
江湖未遠門下宜流清惠之音陶先生柳便是

尺牘

一卷 三十四

云後棠陰也

答岳石帆

兄書謂弟不知何以輒爲世疑正以疑處有佳
若部爲人所了趣義何云似弟習氣矯厲里里
者故當忘言卽世喜名好事之英弟亦敬之未
能深附也遑遑得其疑世疑何傷當自有不疑
於行者在

答李宗誠

劔城拜賢音之廬時佳公子俱不在家倘戀而
去一時有道如見羅先生旣埋星光於赤土有
才如稠原觀察復投龍竹於延津此在宗英宜
深永歎不知此際更有起沉灰收餘駿之隙否
如弟量移殊爲多幸念平昌之於毗陵真齊魯
之於邾莒然且提衿決履支護爲勞不知神君

尺牘

一卷 三十五

何以治吳餘月恢然也

臨川義仍湯顯祖著

尺牘

謝陳玉壘相公

閣下會昌啓運大錄凝祥虹玉早見於天而克岐克嶷星壘代明於地而有馮有翼殷禮配天平格有陳伊陟周常載日忠貞若曰君牙帝乃

尺牘

二卷 一

睠於在西儼三垣之上相衆所居而共北况百里之微郎擬附鳳而卷阿之車馬何多欲登龍而積水之風雲自少至如某者匡中朽埴蠡外寒流高接天庭已識淵雲之秀低迴世路彌沾蜀日之華山木歌其不知澧蘭思而未敢三年待罪兩庭身素食之慙一念好賢王室世衰衣之敬在交交而其異庶斷斷以如容

慰曾子方伯

門下有學士之風夫以君夫人棄昔元在末屬禮切整恰況夫門版如某者子弟念沉寢墮月星之履運難恒而若照微明十日之泰華長豫惟曲副樞衡之望少調琴瑟之悲保重玉躬登延珠掌

復劉郡伯

玉茗堂尺牘

二卷

二

愿以郡乘下詢意三十年中人物皆在耳目之前鄉賢官以類人何得依鄉作傳名宦人以類官未審以何而名大可忘言細復何述若兵食雜志祇取各縣規條決夕而成又無需立局也
寄章仲明侍御

大疏見示得經世大略且不激不隨使人心服昔人云惺惺爲忠未有反見罪者也山城阨塞

無緣一望帝城爲悵至於世寄可與悠然悠然之心差可寄世

寄李心齋祠部

病中枉君子過存直是傾蓋如故朝情好疑而門下乃得容與江漢間泰山毫末惜世所擬大智開閉利用安身耳易乾之四或躍或之者疑之也君子及疑之時可以淵脩不疑則進而麗天耳

尺牘

二卷

三

寄李宗誠

獄中出豐城之劍晦益沖天如見羅真是奇男子便有此奇幸人生精神不欺爲生息之本功名卽真猶是夢影況僞者乎兄與兌陽居必有啓發堅凝之益恨遠莫爲助耳

答余山齋

僕二十年來去池陽觀明公瀟灑溫藉自足西八平昌擁萬家爲長合峯激谷大類五松風謠近勝琴歌餘暇戲叟遊童時來笑語當其得意不知陳真長未得爲三公也

寄吳世行

楚公子射蛟霍山之陽其氣甚壯彼中人復有此風烈否兄恢偉豁如之性士風其宜丈夫

尺牘

二卷

四

涉世亦貴善行其意俗吏不足爲也

答李舜若觀察

弟時念仁兄如在祠署中夜語時也歸養疏初以孝爲忠今以忠爲孝皆臣子佳事此時家居惟以葆神讀書觀朝家典故爲第一義幸無悠悠度此時日斗太平昌一以清淨理之去其害焉者而已士民惟恐弟一旦遷去害焉者又怪

弟三年不遷昔人性之所不通歸之命命之所不通歸之性性命通則出入以度而無礙恨復未臻茲境耳

答劉中允

得手教知益凝慎以重視輕靜視躁如涼中人視熱境也倭事遂少信臣可怪可懼禁庭頗牧爲竟如何若倭遂有朝鮮亦似元吳在西天必

尺牘

二卷 五

不使北胡有人以輕中國

寄江陵張幼君

庚辰公子一再顧我長安邸中報謁不過今雖隔遠念此何能不悵然也辛卯中冬與令兄握語雷陽風起殊苦輒見貴人言之況也永嘆近得差一上相國墓否役便附致問私惟冀公子宵然時翫長沙秋水篇代雍門琴可也

與來武選

世俗何如清吏之苦讀西遊詩太華遶河飛動几閣念此勞歌非安歌也遂昌厄仄何得秣之子之馬一唱皇華遊者之欲居與居者之欲遊亦各一時之致也

與鍾惟審

滿堂溪谷風松絃歌塔爾時忽忽有心對睡牛

尺牘

二卷 六

山鈞鈞一覺猶聞劉顧二君子前後見推幾逢其怒執政者六執乎得天下太平吾屬老下位何恨

東丁庚陽

王中丞近以湖州事爲吳越人人口語然正大之舉或非邪小能害暫須一畱彭蠡衣未知稅駕何所朝家奕手似換而局勢未移後人善後

事宜吾鄉故不能及

與顏涇陽

都下遠上似滄蘭之詠公子山木之信王孫量
移枯蒼生通司理之庭朱絲冰壺照八心目天
下公事邇來大吏常竊而私之欲使神器不神
旁觀有測知龍德須深耳

與周雲淵長者

尺牘

二卷 七

大道樸散而爲器矣門下心精力一自足成務
洛神封圖乃是渾儀曆書止是算法必欲極神
明之用亦須達虛無之氣也茲病未能倘以異
日

東吳拾之

兄來署中真是寒從一夜去春逐五更回也除
夕遣因詩可得和否除夜星灰氣燭天醉醉銷

恨獄神前須歸拜朔遲三日濫見陽春又一年

東姜耀先

兄謂縱因親燈恐有得聞者良然兄肯放大光
明一破此無闇乎小詩并上遠無竺歌一省因
寂無燈火照圓榻中宵撤斷天河鎖黃紫從教
滿幾星 邑有河橋觀燈

奉朱澹菴司空

尺牘

二卷 八

攝仕以來嘗謂近見兩大臣耳陸五臺先生奇
中有正李漸菴先生正中有奇二公者其用雖
非世所得盡然亦已用之矣獨門下以大臣清
重之德宜參政機而淹南甸若召伯之在邠南
溫國之在洛都猶未爲世一用也歸豐畱汴以
重菴主豈勝縣切弟觀三數年間陸公既老李
公復搖正色端言亦何容易然二先生大臣之

節亦已著矣惟門下閱世已深名德素著有知已者進而正之去留之際自成與刑似不當過持難進之節久南都而不悔也

答黃無功

見門下登第爲世道喜又私計何地得此長令已而休寧得之休有商賈而少士長其地者亦如其地之氣而後可今以祝公長休寧不類近

尺牘

二卷 九

見休人有知者稍稍稱述祝公清苦不甚爲怪乃今知孔子曰齊一變至於魯真期月而可者大性能融世而接之此禮樂文章之根也如僕太常祠部所習而能皆陳迹礙真小文破理亦不足爲明公道矣

與黃對弘吏部

昔在南陽閭門下風采凝映入粵從鬱孤臺見

贛州使君穆以清風之什挹以明月之光復知晉安風謠并在黃家叔父矣不意彈琴鼓琴遺馬民歌嚴治以至於今神君所傳法不可改奉以無悔多幸在茲新舊相承情難自外惟更有以督教加愛遺民

答陳公衡

溫州風土雖佳而少人士去省會遠文苦政深

尺牘

二卷 十

心或不上閩移長洲如建路鼓也兩貴人家在徑實必多君子不由也李元冲在錫無以殊人久而不害者平耳平者道之滋也良友分金以言爲報

答徐檢吾光祿

得武林書知西顧猶重第迂廻何適而可溫州土風僻秀吏隱正佳貴人爲求急不可得乃知

宏鉅者雖衝必翹瑣冗者在僻猶落大勢如斯
耳前臺舉刺疏弟以逐臣在薦中疏遠不下諸
薦者猶可不下刺者乃可不下耶倘及春朝庶
嗣良時於江上

答潘完璞太參

昔賢下車先問名德夫買骨可以致駿尅象可
以來龍精微之致也若夫非駿非龍而晉被物
色蘿蘿之人固已感深於神邁林切於風期矣
九日登高當從大夫之後也

寄達觀

情有者理必無理有者情必無真是一刀兩斷
語使我奉教以來神氣頓王諦視久之并理亦
無世界身器且奈之何以達觀而有礙人之疑
瘴鬼之因其在區區大細都無別趣時念達師

不止夢中一見即突兀笠杖而來忽忽某子至
知在雲陽東西南北何必師在雲陽也邇來情
事達師應憐我白太傅蘇長公終是爲情使耳

寄杜胤臺

吾兄美才不偶於時而弟亦淪落同籍中夢在
野者多逝川無論矣東封未就世必需才東山
豈宜堅臥遙望泰宗董巢雄之才氣王洪陽之

尺牘

二卷 十二

德音皆不易人也有書達來爲道思存不淺

寄伯念父

念父過龍埠不一至平昌自是念父高雅亦就
試亟耶舉世好新文依舊案如耀先吉言諸兄
何時與郡邑作一文字知己乎念父通才健有
秋新力戰爲快幸甚努策

又

殊慢念父知不我訝也九日後弟歸而兄歸弟
此而兄此矣今不可久作場不可數入署道宜
秋亦惟自玉

答馮永安

天之生才多少遂亦有以置之弟才少官之易
而安兄才多官之難而危東吳不已徙而南溟
努力士非短長坎坷無奇非數遷不能所在有

尺牘

二卷 十三

迹君家敬通豈不遇主豈非曠材而至橫里悲
婦泣子兄猶能慷慨斷兒女色赴崖瘴縣差爲
過於敬通耳後難如慙雉幸好馴之

答魯樂同司理

丈夫壯天幸灑雪功名自遠宜及此時下氣書
傳當心名理萬無聽小言以恭酒消憂乃消日
也韶石定有曲江先生祠當日遊之

寄李舜若侍御

大疏雖不得許大指可知昨楚陽書來終不致
私謝以附叔向不謝祁奚之義兄不必引去但
坐看時人手面何如古人云才須學也俗學虛
談吾輩收其實用同年如章念清其清可念也
云於鄉人未盡得其意鄉人亦非意所得盡也

答吳四明

尺牘

二卷 十四

明公下車僕以僻邑長不敢上援然卽東丁右
武云吳四明不當以時勢人相目右武答書亦
云因此公爲遲留海上畢春汛去不謂明公所
以獎借不佞如來書已甚此自明公風厲旁屬
至意然非平畏所敢承前爲郎所言事天下似
皆以其言爲可然時有出位之譏雷陽歸得憇
此縣在浙中最稱僻瘁僕又不善爲政因百姓

所欲去留時爲陳說天柱大義百姓又皆以爲可賦成而訟希值上官一時奮賢者言無多求前某觀察言重客傳食屬邑至僕治僮僕受詞日卽與冠帶立坐堂上所受詞不二三紙如此者再客亦頓寔去至今五日一視事此外唯與諸生講德問字而已四明山海人物巨麗加以吳公治行當爲天下第一所恨無緣展謁惟有尺牘

二卷 十五

答王伯臯

足下手筆苦鉅而時日苦小如之何遂昌斗大縣賦寡民穉故學舍倉庾城垣等作俱廢非生稍脩治殆不成縣去年稍取贖新之工訖而止每月受詞者再今歲訟案五十餘而三食故人

六者雖至何以待王先生諸君有以諒我矣

寄馬心易比部

兄出縣爲郎能再堅否弟素不習爲吏喜逐昌無事弟之體雲窩也時念故人宦轉梅花水際達人所至皆爲彼岸兄於世相萬無過嗔

答沈司空

一尉雷驅再題電白徘徊真人之迹矣移官大

尺牘

二卷 十六

省禮當隨問類以下位授上中庸所戒遂使空有起居之禮不著其無長短之效可知矣更辱命序示以寄輿玩以再三窺其一二竊以垂諸大明復欲引以宵熠奉尊謙之有屬敢蓄鬱而無文

答王子聲

來朝官禁與士通徒阻我良晤彼暮夜者亦

何能禁也風雪邸中白晝擁臥正爾爲佳直是
每許聽鐘鼓鳴笳都不似十年前長安同少婦
時五更驚夢也

復孫侯趙仲一

讀冊知極苦心度越偷吏百一第吾屬真人爲
世道出知多奇偉竝屬尋常所望三秦豪傑故
當有萬此音

尺牘

二卷 十七

慰浙撫王公

辦事遂至於此私語在彼人公議在天下總之
臺下清衷碎表賢佞所知今古不同人道遠天
道邇臺下歸直登東山而望之耳

與表六侍

出關數日作惡念與君家兄弟五六人相視而
笑恍若雲天一路待君不至知君已治吳吳如

何而治望洞觀相過應與深譚

與李宗誠

山公早遂山中真是寥廓冥冥衆讓前識但山
中自有山中作用若空度許時處不知出矣知
兄道念重敢言之第一推南禮再阻南刑養拙
括蒼殊快執政不爲不知已也吏部郎比復少
人吾鄉劉直洲差強人意耳

尺牘

二卷 十八

答王方麓先生

少讀先生著書漢宋名儒無以易此至於公方
粹懿宦學士志皆人師也過陪都願一趣風塵
丈以禁詰朝而行遠矣老成人自有與荆瞻戀
何極

答習之

平昌令得意處別自有在茅借俸著書亦自不

惡耳

寄黃樓巖

不佞文學政事不敢望言公正倚門下爲子羽
乃公事亦不一幸臨邪在浚之旄何姝可予秋
欲一過大樓三十六龍湫非愛其湫愛其龍也

寄袁石浦太史

蹇散之姿天幸以金玉之遊牽拘黽勉忽自忘

尺牘

二卷 十九

其非神僊侶也亦恃王子聲在座交知零露倏
離而去念之悵然在部一吏部郎相語以散局
見處謂可燕南趙北之間便回馬首不謂墨絲
金骨銷纏四年玉堂人頗記平昌令夜半雪中
回嚙否

寄吳汝則郡丞

兄之貳杭也卽真何日爲事益復可知斗大縣

面壁數年求二三府不可得通公亦貴重物哉
三生杆網似有人焉主之滿而待還又不能使
人不保爲槐大段浙中士民揭噪上不必任怨
係畱上不必任德直芻狗之可也抄山使者如
何地無一以寧將恐裂時有曠使至

復項謙議徵賦書

僕以疎才間局久不習爲吏而貴縣士民雅淳

尺牘

二卷 二十

司幸無事因欲如益公所以治齊後見貴倨家
武橫奸盜逞逞而有不治不止旣以治之矣而
前後見府主以上爭言縣某某家所負僕初不
爲意夫無恩禮風化人民使自輸急公上有不
忍後之意而徭以法非令意也近察貴縣民負
者非盡窮極無所還多故大姓而落者恥去其
名畱所賣去田或反益收人田自實又有力者

好以名借人因以爲市坊中大姓單民又爲聽而隱食焉至如大姓遠僻者無官無商固不知有比僕亦不召比也僕以罪薄量移如世俗情遷延觀望隨民自止自適亦可响沫以愚媚百姓顧使監司郡長獨受急徵之名而令受德非體也豪弱等皆王田而適與抗非法也頑且倨焉而遂之非教也後必并徵貽難後人非義也

尺牘

二卷 廿一

并徵益以覺非惠也懼此五者因稍稍四出徵集然所徵負多者有所入則不必其人以來卽來亦權然喻而遣之蓋民不知義以至於此至於以貧爲解者則不可得言何也有田則有租賣則言買者令得徵於其人可也父賣多子不宜復聽其里言於官退焉可也今都不然而前所云數弊者皆是安得不稍有以捕治之然終

以民氣雅淳不忍答問以示衆而已至於足下家珍所負歲至若干亦以門下方爲醫侍從未忍以租賦爲言知門下病起必有以處也而乃可爲子孫法今并上門下數戶并貴宗若戚所影占籍附上至朝家之事僕荒隔已久無所與聞俟玉體平當以卮酒過從庶覺我以皇道廣我以世資耳

尺牘

二卷 廿二

上蔡觀察

聞門下終無僞遜之思某不勝徊佇當趨道左致其區區而日乃中於寒雨綿連似瘴展轉牀絮間夫以鸞鴻之迹方高而犬馬之病彌滯愛而不見殊用自傷且門下官都方鎮倂授鉞矣去然若累而某數年猥冗牽而不割雖大小器疎而超咨大遠此九病六屏客所自怪自笑而

謔語成劇者也直指當已敦留淵慮周回可止則止似亦吳人學柳下處也

答平昌孝廉

諸君貧而病令尹病而貧山水寥寥愛莫能助方自恨絃歌淺韻諸君那得澹臺也

答楊日南離使

以冰雪之心行米鹽之地足矣來教云何

尺牘

二卷 廿三

與帥公子從升從龍

謁上官不得意忽忽思歸輒思惟審或舟車中念及半生遊跡論心慟世未嘗不一呼惟審也惟審仙去里中誰與晤言浪迹遲歸殆亦以此惟審古詩文必傳何須世人夸錄當爲去存之紫釵記改本寄送惟審總帳前曼聲歌之知其幽賞耳

寄荊州姜孟穎

不奉聞問者且七年矣勞思如何弟邑治在萬山中士民雅厚既不習爲吏一意勸安之訟爲希止憶不以丈仙令在宣城時左君典右禹金何得君子山堂彷彿敬亭雲氣丈比復重聽乎人言輒笑祇增其耳順爾往高節不附江陵干今更是吳楚

尺牘

二卷 廿四

寄王新盤觀察

見閩除喜極得將太夫人東征也長安書滿紙塵情今更以塵封之閩士夫多永譽之誨敢以返屬俗吏忌與人爭利吾輩忌與人爭義耳

與周叔夜

州縣官與人空書短味亦無得漫爾寄聲也道體似盛而龐山海秋深氣候數易早近真露

晝復避日人生忙處須閒第作縣何如直是閒
意多耳

與王悅之

王先生於東海之濱解襪乎見蜃樓陽燄當知
世間影都非堅實更進一機彼中有海差勝此
中多山主人何似閉門令尹十月早寒當隨鴈
而南雲鳥再北復是琵琶亭外時也

尺牘

二卷 廿

東長卿

第洗竹林寺以待足下竟成子虛羊溝蚡谷何
得遊赤水之珠吳人莫寒泉之子窮而問所之
第云王大司馬後屠緯真家宜客君以爲何如
奉祭酒戴愚齋先生

二十年不見吾師清眸之表想似何極大學瞻
依風期未遠美哉秋水眷我伊人藐此平昌不

致望真氣東來倘公子不忘故交睨焉移玉亦
空谷足音也

與李道甫

丈在北銀臺巋然南斗之司蜚鳥之言下而不
上從容觀世晦以待明如平昌老令尹葉落更
無還枝卽君子泰征亦未許以荼爲茹也引想
時爲一笑

尺牘

二卷 廿六

答鄒大澤

讀大製文漢而詩魏必傳無疑主計有趙夢白
顧叔時足下三人那可復得時事正爾可知家
嚴不許不官加以帥郎仙去歸亦皁皁不如遊
寓官方時有語者近爲貴人憐引爲乞一判鴈
山不可卽得得時足下有意赤霞石門泉邪

答顧涇陽

從紅泉碧澗中得門下手書可謂真切之教僕
雖愚鄙奉以周旋無敢自外第年來多病心目
慣慣所幸高堂健飯稚子知書班斲之色吾伊
之聲差慰晨夕耳餘無足爲門下報者春水吳
雲徒深天際之想

報鬱儀宗侯

吳君誠有此書但算至勾股商除亦覺未盡今

尺牘

二卷 廿七

其書盡以付金壇主人矣知星者不覆門下復
不欲覆乎

與史玉池給諫

香蘭之清芙蓉之蕊常有道心人宅之兌澤彌
深乾時欲及觀生進退良已祿如青山著述白
日禔脩又知非膚涉所能窺流論所能干也門
下其亦有以振我道大爲容時清難俟善卷之

迹何堪久懷

與干中父比部

道體清勝近當戰勝而肥霍然病已南徐北固
間山川映發加以曲壇賓從之遊天機自暢比
之第兀然窮郭貧病幽憂情境何似近局莫黑
非烏而伍寧方起補鄒大澤光祿或亦微陽將
續耶

尺牘

二卷 廿八

答魏見泉中丞

大教遠頒斷斷休休不忘細微感載感載部院
覆疏公論昭宣雖俞旨未行而辨疏終當簡在
大奏云一念爲皇上保安宗社之心甚於爲家
維係天下之心甚於爲身三晉河山與聞斯語
惟門下彌珍玉體以重金甌

答江登原中丞

門下文經武緯爲世津梁而況不佞愚教茲深
涕思德可忽拜德音慰藉優穆至木瓜之細無
忘瓊瑤之報有倍下逮若斯上報如何第不佞
食舊德而已餘飲微量而知足領其原數敢成
門下之清璧所倍償少助師中之營鯨波既息
鳳省惟期恒受福於王明尙加惠於世業私懷
曷任翹佇

尺牘

二卷 廿九

復門人藍翰卿

不佞愚鄙歷落之士蔽石林而無親思相藻以
何言乃有空谷足音疑是真人天際今文古文
皆有大言小言俱來物鉛素於九流理筌玄於
二氏居然不朽而在諸生然且採拾虛浮過自
擣挹高山有客能通咫尺之書委土可師謬爲
函丈之敬初當之而汗尊既循之以心疑豈向

若者真有懷於望洋將巡方者偶留聲於牧馬
真龍何待假龍以生雲雨鉅蛇或負小蛇以示
神奇豈大雅之故然乃高明之作用如不佞者
懶散筆研之外淘寫絲竹之間獨有停雲之思
不絕臨風之興以君大有示我同人即欲恃知
已獻千一之愚爲文人起百六之運其如空虛
無以相益尊光祇以流譚一字爲榮九頓而謝

尺牘

二卷 三十

寄湯霍林

前明公書謂時議聚訟何意至此弟初聞之憤
憤至廢寢食近今每三日內輒爲公喟然數聲
詳俊疑傑古今庸態弟更得此排盪激發揮斥
爲序匪惟弔屈兼以詛秦知有當於著作之庭
否也王觀生時來云冬當往候適南豐弟子諸
生朱兩玉璽以名家子懷書遠遊有觀上國就

名賢之志首願借輝門墻因附拙序薄幣俯呈
伏惟推分進朱生而教訓維持之卽弟拜榮多
矣論風曷任卷卷

又

屢承書問如敬亭山雲氣簫鼓時來清人眼耳
此時弟護兒章門王者未至當是九月開場便
可登高望遠候紫氣西遊龍沙出聖人殆謂君

尺牘

二卷 三

耶洪陽師是弟少年所瞻敬者既貴便自落莫
難後較與周旋前撫世局人不與報喪族子便
爾唁喙今撫王公下車卽謂法司罷縣曰張公
自有遺記誰敢睥睨當告者卽與答六十旋定
矣此時妥然而但有一真夫人者全師于難中
與同出死公所絕憐雖爲立一子非後而公子
過約之猶更爲不平耳餘無足煩台慮也弟門

下必湏一來哭之朋友不過宿草而況大座師
最爲恩禮者乎一哭而任龍沙西山鶴良亦
不惡朱爾玉以至頭陀進大官厨夥移之甚非
道心人安能替施若此渠得大書求新入今已
大會後事勢未安不如求得大書值送洪學道
處只以舊名朱璽辨復得社而足矣鄒愚公未
有半面而以所聞爲傳以寄感勸良深奉覽弟

尺牘

二卷 三

未敢當此也弟更當累積功行爲異日大筆裏
子臨風嘔然

又

昨會中吾鄉一卿云某公絕筆仍及宣城弟云
當是王者爲之卿笑云近見尋常文序知兄與
宣厚也弟云人自有真品世自有公論寧以厚
私因爲別白往事及遺德之才顧亦未知絕筆

何求也寒途臘節想應未便西行春和乃得候
江渚耳三兒改就禮經試欲得包儀父題旨
及它習禮者講義幸惟至神特愛新懇之至

又

驚承隆貺弟意定交而求亦極不欲以瑣瑣爲
大雅累但薄求厚應舉室愧汗然終夜思之不
敢不拜嘉者恃鮑子之知我耳蠱獄久羈白日

尺牘

二卷 三

爲黑九華突兀意有所擢第知柔知剛萬夫之
望恐才可以羣賢故迫爲應也門下人多不能
無生得失諸惟慎之讀南錄首索吾家兄弟徒
得宛陵別姓爲頓足起行久之四兒開先大收
附弟子員三兒開達復席大庇幸辱賢書知仁
兄當一莞爾也哀勞之後伏枕月餘稍起遣兒
北征當先投體天人師與開其覺路耳肺腑之

感非楮能罄統祈慈炤不盡

玉茗室全集

尺牘

二卷

三

玉茗堂全集

臨川義仍孫祖著

尺牘

答錢岳陽督學

門下天姥開其壇場日鑄生其鄧鄂自領洪都之學出乎潛而見龍爰登壁水之臺起于飛而振鷺可謂琴瑟絲竹登魯壁之清聲珪璧佩環

尺牘

三卷

下梅梁之古色邇乃星辰郎位參北斗喉舌之司江海池陽正南國股肱之郡起新知於物祖眷舊德以人師若小兒開遠方當舞象之年敢附雕龍之世而亦拂其總角引以譽髦雖豫章之生七年材不材而出地得夫子之培數劬步亦步以窺天夫豈聞其無人必小子之有造若云幸哉有子慈愚父之無聊心底慙以弗諫意

攀援而靡及恃父子家人之愛愿公侯國士之知三事爲期萬年以祝

壽洪陽張相公

吾師七旬伊始逢花甲之再開九日惟春乘木德而長旺天人撫鸞歌於賀世弟子欣雀躍於大年酌醴星馳望北垣之斗極焚香日祝在東山之衮衣

尺牘

三卷

答袁滄孺邑侯

門下起衆生所敬之天誕兩祖流傳之地現宰官而說法蔭國士以流慈他以攝伏凡心自以莊嚴勝事猶垂悲憫曲引衰頑喻以相分不可不明性宗不可不了以何因緣之故得聞奇特之言乃至小兒開遠都歸大德含弘容快親於天人許受參於童子豈童真之有位卽長者之

無邊昔在達老舟中得某本如座下刊垂九帶
如標指月之輪辨示兩兒若誘聚沙之塔逮逢
明府愈闢昏衢在平等以常然亦多生而幸直
獻珞何日抽珠此年

答鄧遠遊侍御

慢門下甚第尊酒疎燈上下今管差不惡耳而
良書美韻渢渢其來至於商發流品歸於才情

尺牘

三卷 三

雅爲要論昔人云楚夏殊風俱動於魂蘭茝異
臭竝感於魄固無容夸長以詘短愛素而却丹
要於沒世可選而已不佞於此技非有師承偶
從少作條今齒至而復引爲在茲歸於作者一
言爲智或不其然至如遠遊乃以殊致之韻方
將之力浸淫義根憑凌物象成言成書有足度
越萬此者若家文潔侍郎表清言於澹臺之後

函史待詔發靈書於明德之旁方於時賢當亦
互爲巧拙耳承問大計事觀察李公爲不佞琅
琅畱此長物不佞便從闕下西歸而更撫入丑
計時人局置已定得竟陵一知爲足耳材如竟
陵正自不免邑犬羣吠吠所怪也牽率成韻相
遲登高爲作九辨耳

答駱台晉督學

尺牘

三卷 四

憶明公起文章於玉署典禮樂於金陵而不佞
前以執玉下陳駿奔於斯後以飛鳧上計廻翔
其處感程本之傾蓋酌周瑾之醇醴懷舊則山
陵之色依然知新而鍾鼎之器有在帝眷西顧
作我人師大江以西莫不歸此陶運如彼鐘懸
識神物於衝天發于將莫耶之氣辨靈根於出
地擢維梓豫章之材至如不佞久爲棄士少不

如人頻辱下遺之音益深中食之嘆汝穎名士
固不及於貴人孔李通家對或申於童子蓋將
養其毛澤下以寬趨鯉之私積彼膚雲上以竟
從龍之想是故觀其所感庶幾情見乎詞

與張自雲

門下風神謦欬自是館閣中人而秦錄中數不
見者何耶才最難得得之宜并歸一路爲世道

尺牘

三卷 五

用或有才而分用之以小遲大與望之

與曹尊生廷尉

長安對門下夜坐如姑射僊人令人宵然忘世
不謂世人乃更不忘門下也范南宮遂爲秋栢
之實人事何常萬祈自愛

答王雲泉侍御

喜門下以西方美人再操南國之紀至讀大疏

春容而盡百姓之情抗壯而開九重之議雖隔
千里何殊面談知戢戢舊京猶有興型在也

與黃貞甫

惠茗真鄆越之清英也恨不得相對燒玉版牙
添其風味耳王相如願一披雲霧幸以半而借
之

答鄒爾瞻

尺牘

三卷 六

李元冲過此云門下滿腹人材無措手處弟云
治世人多於事否則事多於人世際竟未知何
如也

與魏見泉公子道冲

不佞行能委薄南都奉常時辱先中丞公盱衡
雅注謂可同塵微言漸深餘歡每浹或忘昕夕
數侍涼暑內徵言別長安一見遂遠音微開府

太原兩承溫藉面語張丞相知遂昌戊戌之計業
從闕下棄官何乃更入辛計忘與當事者一言
懊惜久之嗟夫顯重之惻及於疵賤此其感激
何必真起死灰之然而手傳枯鱗之翼哉我公
如在猶可爲言而今已矣爲善之嘆終廢之悲
其在茲矣去春干田先生人來言及公病且食
貧甚有交謫之苦至勤公子長安舉債以歡二

尺牘

三卷 七

人忠孝油然而可爲流涕公逝當效南洲故事絮
酒遙赴而出山苦難宿草生芻寄吊於同人而
已猶記公前定師賈君曲承咨度後晤朝房談
及賈君榮落欣悲宛然賈君有知事知已於九
原耳公旣全忠死孝公子大孝移忠願時加溢
米以復公族之後

答孫侯居

兄以二夢破夢夢竟得破耶兒女之夢難除尼
父所以拜嘉魚大人所以占維熊也更爲兄向
南海大士祝之曲譜諸刻其論良快久玩之要
非大了者莊子云彼鳥知禮意此亦安知曲意
哉其辨各曲落韻處麤易了周伯琦作中原
韻而伯琦於伯輝致遠中無詞名沈伯時指樂
府迷而伯時於花菴玉林間非詞手詞之爲詞

尺牘

三卷 八

九調四聲而已哉且所引腔證不云未知出何
調犯何調則云又一體又一體彼所引曲未滿
十然已如是復何能縱觀而定其字句音韻耶
弟在此自謂知曲意者筆懶韻落時時有之正
不妨拘折天下人喫子兄達者能信此乎何時
握兄手聽海潮音如雷破山砉然而笑也

答郭明龍

兄爲諸生時有以自立同異爲大臣而當更聽
人耳語耶世病兄輕發大端要亦獨行其是無
所逃於天地之間命也上有疾雷下有崩湍卽
不此去畱能幾餘中乎未能感人幸自出險爲
需有慶門下昔過黃梁祠有詩枕中人曾當破
枕而去猶憶亥冬僊署笑言屬有期契向後再
計入都人地遂宵投棄幽虛時作故人夢想而
尺牘

三卷 九

公才公望亦復以明夷出門庭矣江楚風遙湘
騷可接清流王相如負俊氣遊江湖間欲盡見
明公鉅人以廣其意惟兄進而教之

與曾金簡

山僧攜大序來宛轉蓮花眷屬白蓮乍生鬚葉
臺蓋一時俱生仁兄妙言初出悲智願行一時
俱出此際第五柳門中作陶令之攢眉何時與

仁兄千蓮會上向遠公而捧腹第恐衡山白衣
山人不得終隱爲懶殘笑耳廻鴈有音遲佇無
盡

寄李本寧

門下江漢炳靈爲世儒宗某水木之餘風雲之
末願一見無從也辛丑之計門下獨於銓部堂
中淵洞山立疊疊於不肖若恐其一日去國此
尺牘

三卷 十

答真寧趙仲一

初聞兄已憤懣爲神能殺讒者雖疑之而亦壯
之後稍知有未公之嘖言公豈爲債者哉喪欲
速貧貧亦士之常前弟附貽哲書中勸兄無悔
但當加餐一意經世出世之事何得如來書不

平滿楮兄與弟俱有二尊人官根斷續何論但
勿斷命根爾

答山陰王遂東

自分衰棄已久無緣名字復通顯者不謂采幽
挾微極意提獎重以太夫人徽音之示佳狀琳
琅披文相質易以應命附名碑陰不特良幸又
論因貧折腰待稍治生當歸讀書此誠言也某

尺牘

三卷 十二

少壯時卽妄意此道苦無師傳至博士爲郎南
都讀書稍暢又以流去嶺海幸得小縣乃更不
習爲吏去畱無所當棄宦一年便有速貧之嘆
斗水經營室人交謫意志不展所記書亦盡忘
忽偶有承應文字或不得已竭蹶成之氣色亦
復何如欲恣讀書治生誠急門下可謂通人但
讀書人治生終不可得饒世路良難吏道殊迫

相爲勉之

與岳石梁

石梁過我風雨黯然酒頻溫而易寒燭累明而
似暗二十餘年昆弟道義骨肉之愛半宵傾盡
明日送之郡西章渡險而汔濟兩岸相看三顧
而別知九月當更盡龍沙之概見石梁如見石
梁終不能了我見石帆之願也

尺牘

三卷 十二

與丁長孺

弟傳奇多夢語那堪與兄醒眼人着日兄今知
命天下事知之而已命之而已弟今耳順天下
事耳之而已順之而已吾輩得白頭爲佳無須
過量長興饒山水盤阿窳言綽有餘思視今閉
門作閣部不得去不得言何如也

與黃貞父

二公卽署二年而仁兄戀湖頭不已臥竹浮梅
大是殢人尤物吳君哀辭附進所云重品而略
富富何傷品計然陶公非無品者檻絕扇頭敢
附虞卿之後

答趙夢白

天下皆知明公爲龍可興雲雨終不敢掇而用
之疑非人間物終不可近耳顧彼亦無雲雨天

尺牘

三卷 十三

下之心誠有之卽似龍如弟輩必且祈卜而致
之封固而迎之拜跪而候之庶幾以類得雨而
後送歸其處况如門下真龍者哉聞公隱於酒
酣暢高歌甚善承問索弟時義於仲文兄處不
知弟衰時時病苦不復畱意此道近目三尺童
子能之第其挾掠絞擾其細已甚亦知數年中
奏疏諄諄之流耳公子高才俊氣能三尺童

爲其大者弟近號匱翁乾而不出無由更親清
光悠悠天水徒塵思存

謝鄒愚公

與明公無半面乃爲不佞弟作傳至勦論贊反
覆開辨曲折顧護若惟恐鄙薄之不傳而疵類
之不洗始而欣然繼之咽泣弟何脩而得此于
鴻鉅也漢人未有生而傳者唐有之次者種樹

尺牘

三卷 十四

傳最顯技微而義大韓柳二公因而張之爲世
著教弟之閭人不如承福通物不如素馳雅從
文行通人游終以孤介迂蹇違於大方獨朽待
盡而明公采菲集榛收爲苑藻百世珉璆豈在
今日

復費文孫

僕少於文章之道頗亦耳剽前識爲三尺童

縻弱冠乃倖一舉閉戶閱經史幾遍急未能有所就倖成進士不能絕去雜情理成前緒亦以既不獲在著作之庭小文不足爲也因遂拓落爲詩歌酬接或以自娛亦無取世脩名之意故王元美陳王叔同仕南都身爲敬美太常官屬不與選還敬美唱爲公宴詩未能仰答雖坐才短亦以意不在是也海內人士乃稍有好僕文

尺牘

三卷 十五

韻者或以他故相好或其智意未能遠絕因而借聲何至如門下所許過其本情萬萬耶然至士人談此道者欣然好之盛欲有所稟承嘗以衰病捐去章門邂逅得如門下英姿遠意出乎文字之外欲相斯夕顧無閒期昔先師甚矣其衰猶思斐然之士迂愚未敢托於斯義庶其謂之耳

答馬心陽

南臯書來慰弟云茫茫海宇遂不能容一若士倘若士此中又不能容一海宇卽便爲所弄矣此語雖非其至差足豁人亦足轉奉兄破蹙爲笑

答黃貞父

葉生來云丈訝弟邇來書詞淡淺覺有自外意

尺牘

三卷 十六

世有忍外吾貞父者乎從頭二十一史從何處說起此時卽有深言兄亦不能爲弟聽判又不知弟當深言否也弟之知遊臥起論心經有年歲者四五人今皆開府而去獨郭希老能於吏部堂上昌言畱遂昌令魏見泉石楚陽逢人作不平語李翼軒生未一面而爲弟高談人生何必深也

復熊思誠督學

文備規矩準繩之大器蒞詩書禮樂之名區豈
不盛與而良書爲挹第云章程是咨知約而止
夫約豈足斤斤於門下哉張弛在心鼓舞盡神
弟雖老猶能受人師陶鑄也

與于中父

兄在章門十餘日有諸君子用世者日相從弟

尺牘

三卷 十七

落穆林下人有語無緣請問也亦無庸請問也
自當得弟於蕭然眉目之外耳庚陽古人便已
三月家事有大難語者骨肉意氣之士亦何可
恃耶

與鄒南阜

兄說講學老人不宜走公門真法言也根底有
病老亦須發弟自賀長三到今未一面郡縣然

反得噴待流俗酌中爲難薄賦并塵覽

答袁中郎銓部

巨源濟冲竝是竹林中人山公一嬰世業甄敘
才品故多啓事王公門調戶選而已總之因循
時變成其局段中郎今日固可兼致況乘通運
必無滯材弟於吏部交遊前後得二趙君然夢
白不能出弟於久在平昌之時仲一不能白弟

尺牘

三卷 十六

於未復平昌之後世間惟意義之交多成虛幻
弟乃得蕭然山中十餘年二公亦以才大難用
不至作絕交書也時憶長安夜雪玉蟠子聲遂
爲故人思白拓落久無聞問時把中郎錦帆案
頭明月珠子的皪江靡此時小脩鴻征鴈行回
憶三珠樹曷盡切切

寄李鵬岳

吾兄敦歷清英物望民宗遑遑而著高情逸韻仍在衡泌常願遶烏鵲之枝從大鵬一息而僕病未能我觀難嗣或者天造西人起兄於桃源紫帽間一過章門道乎弟尙得披惠風飲甘露於以已病除衰所願幸也

寄羅匡湖

已知道履彌暢居廣居行大道豈非人間大丈夫

尺牘

三卷 十九

夫耶令我此念時時大羅天際也高文妙語幸寄少許以訂于頑兌陽兄令子孤甚惟仁者念之

與門人許伯厚

不佞棄一官而速貧宜矣以足下強仕之年方可馳揚京洛而亦時有幽憂之疾其有後時之感耶榮進素定理宜順之無怨之難聖人所嘆

只以馬心陽仕至爲郎而飯常不足世道又復何言

答袁滄孺

門下炳江漢之英靈兼孔釋之道術弘才可以應物亮節可以明心時以大楚之風作我臨川之俗一事理以無礙故性相之自如在某大人有造常披拂於雲行雨施而開遠小子無知首

尺牘

三卷 二十

甄拔於日省月試每色笑而弗怒矢大小以皆從何期玉節出照金華方指皎日以成言徒仰惠風而太息乃辱裁書彌深卷念喜靈椿彌福幾壽欣馥桂克長克明慶集家禎美邦國步尙祈抑西竺之高情竟東尼之素志庶幾酬六年一日之知允矣繼四世五公之業

與門人賀知忍

四五年師弟子依依之情時恍然在目第風塵
路斷出山常難心銘舊德枉用相存每一興言
頽焉短氣使來千里轉見高情詢知履康同人
所慰至如不佞既不能留難助於山城又不敢
累諸賢於安邑之絕坎坳都無足道時有嘯歌
自遣耳便令使者違視養沖兄積懷萬不及一

與但直生

尺牘

三卷 廿一

遠遊吳越收江山之助縱聞見之益歸視白鹿
家山黃龍舊侶得無啞然璇璣滿囊幸摘一星
示我

寄梅禹金

半百之餘懷抱常惡每念少壯交情常在吾兄
平日之曉夢見兄容渥丹於昔弟姝喜笑曰吾
輩惟持此好臉與世人打捱揖我而入曲巷後

有池前有堂于間高瀛臺安否劾一客云宣州
有同籍而問高君何也予笑而不答醒姝悵悵
戶外報鳳衢書來何其異也因書夢以寄

寄劉天虞

兄迂道半千而存弟於玉茗堂中爲四日夜之
談沉頓激昂歡楚俱極無從嗣音言之哽塞同
爲失路而兄才度超闊世需有時如弟迂愚其
亦已矣姜養沖兄更欲於度外拂拭而混沌未
鑿終可如何溫公要不爲不知我耳右武病夢
姝困仁兄得無喟然

與張伯昇

世兄不遠二千里而來清齋數信垂惠三書如
此門生只似無耳雙帛多矣哀愧橫集更刻燭
作中丞書既爲揚善乃言去惡可矣時義最忌

者莽蒼爲大寥峭爲高令子九復雅負才名變化日新恃愛仍此卷卷也

與張異度

讀門下制義氣質爲體旣寫理以入微音采爲華復援情而極變雖未盡發淵海之藏亦已少窺風霞之色矣企佩彌懷觀止何日

答黃鳳衢

尺牘

三卷 廿三

別去懷思謂千旌久已河上而德音忽貽尙爾敬亭文脊間仕如此其不急乎承遠索文誼難固辭弟能爲文而必借尙書銜登軸士安可不作尙書也

寄孫區吳憲伯

八閩有孤介之士曰沈君鈇者弟禮曹時敬信友也如鄢如衡耿耿自將時論過之而士論亦

嘗不心儀之擯落家居蕭然可念而遠聞有里閭之疑涉於吏議乃至流落隱屏不能自釋凡在風聽皆爲傷心以弟料之世情自非晏平仲誰能解驂而脫石父自非孔北海誰能飛文而理彥章幸際吾兄英慨自命倘痛志士之坎壈洞世路之欽嶮解其機絲縱其毛羽使沈生寬然無屑鋒矟檻之憂有巖棲川觀之樂豈止弟與沈生同其歡謔卽宇內慕義之士且將感惻無窮千里詞心萬惟慈照

與李麟初太史

未能一觀展側何如大雅久不作吾鄉尤甚弟雖少見脉理而蚤衰無復登峯之興門下當成此最勝子將老而爲客矣

答費學卿

讀擬試題精熒蘊藉非悠悠可造也恨自頽廢
無因一挹朝采春色所謂伊人空有成蹊之眷
耳

答黃右文

制義精熟至此卒遇之玉露金膏不知黃監元
武庫中物也尚未融妥處終有詞人意在長君
業已斐然次公三公殆是小謝更清越非火攻

尺牘

三卷 廿五

者甚爲兄喜近日北人士如方之細如房如宋
之偉皆江右人所不及文字欲商者幸時相示

與李還素方伯

鄙念未嘗不在薇垣左右也每過章門數煩分
俸在兄之賜固出廉泉而弟之受亦甚慙讓水
誦老伯父手卷盥漱吟玩可謂明月孤映高霞
獨舉韻超超於玄釋義沉沉於忠義至於行草

常筆後而意先亦豐筋而蘊彩神僊中人有此
神物也聊贅數語用附千秋

與門人王觀生

霍林爲世疑至此門下宜遲懈之古人懷一飯
不佞於天下士懷一言也

答陳如吉給諫

朝論固如沸聖明在上終是君子多小人少但

尺牘

三卷 廿六

我輩不宜急以小人與人耳

答戴斐君

佇想風神真人天際山陰之棹遠興難乘因知
吾師大哥以再從子嗣二哥釋業三哥逾壯未
補青衿爲啜咽喟嘆不能已已幸有三孫英茂
可學惟明公睨而教焉以成達人之後不佞苓
落衰殘度無起報知遇之日隕涕而已

寄梅瓊宇

弟受知克生兄最早玉茗堂中有哭詩時見夢
言而已仁兄與弟生同年月日而官遊較弟稍
達多子殊秀弟以烏哀流落子多中才卯酉相
望奚啻千里吾兄容鬢何其得借西來庶爲心
惇

答陳子顯

尺牘

三卷 廿七

齊年兄弟闊落天涯緩急之情莫通海山之使
難遣惟是宛水儀刑于控鯉甌江想象於翔龍
梁岳雲霄徒懸夢寐忽承翰示綿連周至需膏
餘情白頭相思宛如面命弟多病早衰而山人
適來寢丘之貽寔惟重惠朱澹老弟奉常堂尊
而鄭蔡老爲弟知己皆爲人致聲諸公子今
昔之感悵如之何

答鄭著存

青山雅操旣與華頂同清而泖水恩波將與吳
海比潤方喜梓里有人而良書重覽尉藉淵深
感何可言每讀楊公奏記發舒江漢之風鎮定
關河之氣而遠詢幽逸謙尊善下晤時并爲致
謝

與魏見五

尺牘

三卷 廿

霍林宗兄每道長安篤誼仁父門士再稱汝上
華文讀癸春之報世路方仄獲登中原名俊殊
爲世慶而大越已借廩平矣鄞邑孫生鳳雛遠
韻已非凡響呂生鳴陞雅才自是利器葛生士
標方當象舞之年已負鵬搏之志所爲無小無
大欲從公于邁者也惟日進而教之無能適越
獨章甫以自文有意懷賢諸逢掖以爲托

與許仰亭吏部

太學趨風之後音徽邈綿南國多年山川映發
計吏部月旦高懸中間尚有臨川巖壑人否如
兄尚留南國則弟當以六朝餘興從君一笑石
頭城也

與汪二魯

二魯先生大器祖於彰嶽文采發於吳京紆其

尺牘

三卷 三十五

雅念顧我孱兒春陽可以相煦歲寒可以相結
何以酬茲不負瓊瑤之贈也

與門人吳季倫

吾友文藻染翰鳳池何必減書生投筆耶漢人
以貴爲郎多爲名卿幸自努力

與高旭立

六年不見高卿聞欲過我殊訝而久待不至豈

訪戴者偶興耶吳越道中春夏間可作麗人行
時亦憶汝水釣人乎

與李九我宗伯

從京師來者言丈蔬食敝衣或以丈爲貧或以
丈爲僞夫世人何足與言真僞也馬心陽作縣
食嘗不飽趙仲一爲銓部歸來幾爲索債人所
蹙貧而仕仕遂不貧耶古人云匈奴未滅何以

尺牘

三卷 三十五

家爲此時亦非吾輩作家時也惟丈有以自礪
答石楚陽

得兄遠書并悼死悲生三作宛轉淋漓使人潛
然建寧兄家貧落甚中原門戶亦是與替相陵
弟前托之章令求其郎君郎君竟不相見如何
第齒六十顏髮如許獨又弘材堅節尙老江黃
有心共惻江夏兄危苦安存天意良厚今始交

口譽之乎美成在久伏念良深恃愛聊作局外
之語時方慎夏有懷不盡

與唐凝菴

楚臣云舍騏驥而不乘乃皇皇而更索以門下
名德我我召起東山竟成遠引知而不乘今昔
笑嘆張山人雲林大有俊氣幸進而與之語

與于中父

尺牘

三卷 三

郎吏之推尚爾不下此中進退竟是如何弟惟
喜朝家有威鳳之臣郡邑無餓虎之吏吟咏昇
平每年添一卷詩足矣

與門人廖仕沂

昔儒之教小學生有數益足下清才而爲蒙士
授書一可熟讀正字一可檢容鍊心蒙卦六象
學記一篇切磋商究之有時行宦學之用寧當以

荏苒流落爲嘆二作大雅流音鏗爾明堂之瑟
也

答林若撫

不佞近衰胸縮腰荏自謔爾翁乾而不出忽承
門下鏘琅雅歌楚然來思起其再退抽其獨絲
頓使枯蟻蠕蠕遶遶如動如生有出飛牕戶間
作五色意加以長生名筆虬拏鸞峙橫爲世寶

尺牘

三卷 三

天噓地吐五內爲承諸作精好流視自是廊廟
元英積感之餘尙屬嗣音

答黃九洛

寺中小飲得周爰四方之事揚花千秋之業殊
暢仙舟遂南悵焉寤嘆章門風雨夜玩大作皆
有靈氣點定以歸采艾時言有幽人之想

寄蘇君源郡伯

晝下南州之榻夜宴滄臺之祠品槐名流誼深
古處矣羅山人鍾精於素脉委蛇多暇或有意
乎此也幸進而御之

候董廓庵司空

私論邦國有才必以明公經二物之則冠三英
之榮何也某都憲柔而不中某司寇剛而未正
仲山有舉端在仲舒鄖樞焦心數年徘徊南國

尺牘

三卷 三十五

本朝於勞逸之際可謂適人獨念明公委蛇多
暇獻笑文尊雨花木末之間所侍舊祠郎安在
江山不殊人物可知矣

候王恒叔鴻臚

昨道天台遂踏龍湫雁背望禹穴以東朝陽而
西秀色殆爲大初仙人所盡謝鎮鉞而隱陪京
其意自遠人生何必多取旁少聽琴人相如舊

恙當復平勝逞蹇不盡來連之思

答馮具區司成

第宦學之末閱世賢豪有矣皆立於是非之途
岐於內外之際至如明公循其自爾曰其固然
付彼是於兩行齊屈伸於一指可謂爲天之君
子矣數從明聖湖邊緬想長安邸下秉燭讌私
坐如隔世秋達師遠過示以大序是真實語達

尺牘

三卷 三十五

觀猶時時捧喝初機作老樂家伎也

臨川義仍湯顯祖著

尺牘

與門人胡元吉

嶺南百姓極喜吾省人士爲長吏董撫然在東
莞治行至今稱第一楊臨臯遠矣萬里之行始
於足下願言勗之莞爾文雅餘風可鳴琴而治

尺牘

四卷

清聲時聞用慰我心

答黃荊卿

七年之官二十年之別千里之外能憶六十歲
老人壽之以詩可謂不怠之至矣來詩云傳聞
去國譚猶劇不道爲郎罷卽貧似爲悠悠者解
夫悠悠者何足爲解乎太守蘇公課賦見弟家
誰允米止一十二石問曰國租本折絹半公歲

穀當不能滿六百石且公爲宰幾何子弟對曰
四年矣蘇公嘆曰人言何足信弟咲而謝之古
稱知己之難世豈有達觀怖死義人要錢者耶

寄鄒爾瞻

吾兄大筆有中外時貴所必不能請者而歸仁
一記乃爲兒開遠應之如響豈真以孺子爲可
教耶合發孔孟歸仁之旨真是確論至云性慈

尺牘

生忽學道人正多坐此

與傅商盤司成

門下以天下之士爲海內之宗河汾地以作之
師築巖天以考其相冠冕之屬章掖之徒仰其
門闕如望雲中之山挹其津涯似味忻然之水
何期豚犬得近夔龍其兄已矣猶羈結早之懷
有子妻其常恐析薪之墜普開叢象之雲重沾

聖阜之雨撫西河而迴載泣咏南山而祝萬年

答李洙山

誦道教知山陰道中應接不暇而更反哭築場
終弟子之義好禮不倦矍相之賓也前無瑕來
自言能折門下西河之疑弟心咲無瑕高資又
誰當折之者大專甚細非必數度不能生非生
數度亦不能死也此中甘苦節度誰能證之欲

尺牘

四卷 三

殺衆何意千秋某在斯門下一過敬亭訂此大
事何如

寄余瑤圃

尊公老師已哀然易名之請最爾罷社何關遲
疾貴治孝廉陸君夢龍成其材不下東海長鄉
知門下當爲下榻徐天池後必零落門下絃歌
清暇倘一問之林下人閒心及此不盡

答姜仲文

非仁兄一疏千秋不知四明事相國座右銘非
止去國餘忠已也弟自分袂杳爾龍沙公來雪
山重公去雪山輕匪虛語也江東雲樹欲寄無
由適徐生能數學願一窺天於門下因得附訊
焉庚陽必自有語

與朱以功

尺牘

四卷 四

天下非水則旱而儒之貧者尤苦儒之真者猶
苦則門下是也北門賢者固不諱窮獨如世道
何

與馮文所大叅

戊戌之計明公大爲僕不平言於使者枳其談
而明公乃復不免辛丑之計僕三年杳然嚴壑
不當入計中時本寧李公大爲不平言於吏部

堂梔其筆而李公亦復不免夫以明公與李公
名如日月之熒實若鼎鈞之重而講後疑傑尚
爲詬譏不置況如不佞名微實輕無足光重於
世者哉吳江非遙而出門之難阻我夢思知明
公近著寶善編記吳中耆舊逸事而太倉起潛
師父子幽善良多惟前後裁入書得明公而信
庶可不朽

尺牘

四卷 五

與錢抑之

會試取雋者日近卑弱亦各自寫其致學士不
知所之抑子所謂冥冥者其有幸於人乎駕二
龍於天達翔獨鶴於人間是所願佇

與姚承菴

門下蒼然藹然有正叔之正而伯子之和自在
若弟於蘇長公意韻猶在疑似間也東坡謂伊

川不知何年打破他這敬字蓋東坡高資又參
遊於禪達達有拍版門槌之戲不知敬體無破
可打破之敬非敬也正叔歌後不哭此是可破
之敬故蘇子打之如門下之敬似無可破者何
如

與陳匡左

丈香之秩且中遂留爲清卿乎若出當作人

尺牘

四卷 六

師江湖之氣方急惟深心鎮之與兒輩東望輒
思文與姜山不置近得曹能始示遊西山匡阜
詩如出武陵談谷中事步虛雲際便風微聞可
與晤歌幸爲謝言

與丘毛伯

正文體自是正論第我國家全任法不全任人
卽文體不正者服官不敢不如法治偶以此三

年一度耳

寄羅柱宇中丞

宣城湯嘉賓弟宗英也在世爲一時文章之師
在弟爲千秋道義之友韓生異才自可暗中摸
索至以絕不相及之事累熊芝岡夫學使者行
法一奸生何負於世而紛紜若是世多以酒解
醒弟意非清泉解之不可兄天下之清泉也南
尺牘 四卷 七

北之強不如不倚惟留意

答陸學博

文字謾歿佞生須昏夜爲之方命奈何

寄膠州趙玄冲

宋陳同甫自云擴開萬古之心胸推倒一世之
豪傑其人雄厲磊砢歷落如此竟不爲世容惟
一辛節制知之不能終也以翁丈端武經文何

在古英雄下而竟以一尉小縣令長謝里門高

歌縱酒忘憂用老悲夫世人目無瞳子至今極
矣然聞兄諸郎君並以奇雋發越人之所損天
之所益未可量也門人旌德劉大甫窮彌甚氣
彌高欲度淮而東終業大兄之門如更不就遂
有望三神山褰裳濡足之想弟殊壯之知大度
恢然能爲之主兩花臺下一夢至今臨風悵佇

尺牘

四卷 八

與張文石

弟士學讀文石之文宦學讀文石之疏松心竹
筠可追大雅雲聲堂大作乃屬言匪材伏膺則
應方命爲慚竭蹶以成伏惟裁幸爰立旣新來
壻斯始文章禮樂舍門下其誰耳節以趨九斗
未堪終對也

答呂姜山

詩吳中曲論良是唱曲當知作曲不盡當知也此語大可軒渠凡文以意趣神色爲主四者到時或有麗詞俊音可用爾時能一一顧九宮四聲否如必按字摸聲卽有窒滯迸拽之苦恐不能成句矣弟雖罷住一歲不再謁有司異地同心惟與兒輩時作磻溪之想

與陸景鄴

尺牘

四卷 九

僕少讀西山正宗因好爲古文詩未知其法弱冠始讀文選輒以六朝情寄聲色爲好亦無從受其法也規模步趨久而思路若有通焉年已三十四矣前以數不第展轉頓挫氣力已減乃求爲南畝卽得稍讀二氏之書從方外遊因取六大家文更讀之宋文則漢文也氣骨代隆而精氣滿勁行其法而通其機一也則益好而

規模步趨之思路益若有通焉亦已五十矣學道無成而學爲文學文無成而學詩賦學詩賦無成而學小詞學小詞無成且轉而學道猶未能忘情於所習也思顧彥昇托契之咏子美同遊之思謂四方之大必有曠然此路精其法而深其機者庶幾及老而得窺其制作發鄙質所未逮則亦足以滿志而無恨矣旣自僥循孟子

尺牘

四卷 十

論友鄉國之士裁得以鄉國士相友或未敢與論天下之士論詩書行事也僕卽有所通其鄉而已耳偶一憤也欲出於其鄉承下風於四方之殊才而疵賤已久羸蹶日增行路之難今世爲甚安得四出而望見其人其人又安肯坐而爲某來者日者忽拜良書大雅之辱爛焉千言大抵引重彌至倅而受之面泚發赤已復驚喜

自疑豈天下士亦可以一鄉之士友耶遊未能
出其鄉而天下士乃肯爲我先而至古誠有之
何以得此於今也把玩數四乃始知陸君蓋有
意乎古人非今人之爲文而已者詩不云乎樂
彼有檀其下維穀他山之石可以攻玉夫檀之
可樂得穀其下以叢翠焉穀之願也玉在受攻
得他山而錯焉亦玉之所不辭也僕其穀與石

尺牘

四卷 上

乎樂能於僕而治不能於門下何也書所論爲
文之善與病蓋已精其法而深其機者談文字
之病非於有餘而於不足地有所不足在其東
南天有所不足在其西北天地有然而況人乎
病而陰不足於陽病而陽不足於陰亦其勢然
也古文賦秦西漢而下率以不足病無有餘者
詩唐四傑子美而外亦無有餘從其不足而足

焉斯已幾矣宗元之論爲文子瞻之說稼穡以
求其足而止至於文之質生而已成虎豹之皮
虹霞之色不借質於犬羊羶膻必矣陸君體能
文之質了然於後人之所不足必曠然於前人
之所有餘其爲美檀之可樂而攻玉之有成也
已諗倘得時窺制作以發衰羸之思幸矣他日
更有請也

尺牘

四卷 上

寄袁小修

都下雪堂夜語相看七八人而三公並以名世
之資不能半百古來英傑不欲委化遺情而爭
長生久視者亦各其悲苦所至然何可得也弟
不能世情愴惻事而於此際無服之喪無聲之
哭時時有之更在世情之寸小修當此摧裂何
如天根來知兄意氣橫絕無損常時而中郎有

子而才稍用爲慰湘沔間正圖一把晤也

寄南弦浦閣中

戊戌僕堅求去官而明公垂念不置僕卽從闕
下西歸未嘗一日之任而竟以辛丑計去明公
力援翻爲削迹之本然所留所去之賢佞乃留
人去人者之賢佞也明公會目僕爲有關係人
數何得言去夫世已忘懷惟感知無盡一十七

尺牘

四卷 三

年纔吐此音南北紛如曷盡西方之思

與熊芝岡

讀大疏始知鉅人在邊不在廷也玉光劍氣時
有白虹上見於天行召公矣郴州有奇士曰陳
元石願一趨風門下與談必有當也天下士須
有氣力者承之幸強食自愛

答石楚陽中丞

弟流覽時事常有慨於卜式之談縣官有隱能

者宜輸力富者宜輸財明公以文武兼資秉鉞
乘障爲國力臣弟爲世捐便宜率妻子耕種牧
畜逐商賈什一之利致富廣灌輸助邊今並以
精方罷緩心計近錯無能有所壅蓄向麾下少
致升粟寸鐵助軍市牛酒萬一而猥以破俸厚
貽賴拓無用之人此其人曾不能與牧豎同短

尺牘

四卷 四

長而輒敢醜顏再餐不幾怙愛而頌無節度之
甚者乎誦扇頭報章五六十明珠瑟瑟然從肺
肝鏘激而出必非餘人所得懷袖者古歌但得
一心人何用錢刀爲原貺返璧篤誼中心藏之
矣

答高景逸

門下爲大道主盟雖千里之駕已及途窮而秉

燭之光猶晞日莫儻其德音良深感幸承問一
日千古其事何在無欲主靜談學所宗千古乾
坤銷之者欲有能一日仁壽在斯第槩觀斯人
有欲於世者未必能動無欲於世者未必能靜
就中消息詎可詳言至於世局紛呶正坐人生
有欲世棄已久世寄爲誰或笑或歌總未敢爲
翰音之報耳

尺牘

四卷 圭

答岳石帆

狂狷辨極中當今假道學之病狂者嚶嚶古人
狂者言行不掩假道學亦然至於行似廉潔則
侵狷久矣獨狷者踽涼假道學亦踽踽涼涼孟
子時尚未進此石帆今語大是申商仲季辨贊
深爲公穀流通炤世爲天眼通然假道學終不
絕彼假中亦有光景滋味也

答諸景陽

直心是道場道人成道全是一片心耳每問江
東豪桀天下皆曰有諸先生最勝處不在講學
且問學人多弱諸先生腰腹殊巨健啖爲世寄
一喜歸子慕遂不我遑兄必有文以張之

寄董思白

卓達二老乃至難中解去開之長卿石浦子聲

尺牘

四卷 圭

轉眼而盡董先生閱此能不傷心莽莽楚風難
當雲間隻眼披裂唐突亦何與於董先生哉形
家饒生上謁十年通此一字生愿而爽要離冢
傍亦可用也

答阮堅之

達觀於章門舟中道我法中猛持異日有堅之
弟懷不忘窾六歸倫達風雅流溢已乃有言世

外之心固非世內人盡了得扇頭詩微弄雲氣
霏疊堂席寒爾成韻以通名字不足塵懷袖也

答鄒八履

任公托末契而爲客子美思述作以同遊裁理
酬情今昔無睽寧當僕不求公履而公履不求
僕耶當時序已佳平心定氣返見天性可爲良
言僕直望公履轉縱轉深才情更稱少年人不

尺牘

四卷 七

在平心定氣而在讀書能縱能深乃見天則爾

答凌初成

不佞生非吳越通智意短陋加以舉業之耗道
學之牽不得一意橫絕流暢於文賦律呂之事
獨以單慧涉獵妄意誦記操作層積有窺如暗
中索路闖入堂序忽然曙光得自轉折始知上
自葛天下至胡元皆是歌曲曲者句字轉聲而

已葛天短而胡元長時勢使然總之偶方奇圓
節數隨異四六之言二字而節五言三七言四

歌詩者自然而然乃至唱曲三言四言一字一
節故爲緩音以舒上下長句使然而自然也獨
想休文聲病浮切發乎曠聰伯珣四聲無入通
乎朔響安詩填詞率履無越不佞少而習之衰
而未融乃辱足下流賞重以大製五種緩隱濃

尺牘

四卷 六

淡大合家門至於才情爛熳陸離嘆時道古可
咲可悲定時名手不佞牡丹亭記大受呂玉繩
改竄云便吳歌不佞啞然咲曰昔有人嫵摩詰
之冬景芭蕉割蕉加梅冬則冬矣然非王摩詰
冬景也其中騷蕩滌夷轉在筆墨之外耳若夫
北地之於文而新都之於曲餘子何道哉

與湯霍下

李九我清方自愛甚而非所言者亦言之當自
少禪理耶王荆國久禪理遭遇信主莫克自終
其用神物固不可爲耶將魯越之鷄才與自爾
非薰學所能爲也王弘陽陶石簣能轉世否巖
壑問廊廟事足爲一快然有微意惟有以教之

答王宇泰

丈醫書說受病因緣對治本末甚皆且引不得

八讀

四卷 十九

爲良相爲良醫語夫族醫者徒工殺人之技無
生人之心以口舌爲鳥喙以白簡爲砒霜而曰
以醫國其可乎弟曾讀東垣書序傳其人孤耿
慈惻隱微必敬蓋有至性躬行者序傳文字亦
精整有法度世儒恒言漢唐宋如元亦何能十
一也仁丈序文字殆類是非性體行誼深敏樸
至不能爲是言弟數動江東之興顧堂上有二

節日以班嬭供養且資旅乏不宜上岸求人若
彼前後者何知而介介耶弟之右武兄之辰玉
俱爲故人數十年弟兄情禮知各極悲傷焦先
生不婆娑否爲弟一致聲

與李麟初

文章論定前賢退簪笏名除大雅留可爲名言
魏僕不足以承之也薄餼未能免俗所謂式食

玉茗堂尺牘

四卷

十九

庶幾爾

與門人李孺德

尊公百福方留難老以待吾子一第而吾子更
何待乎不患子才少患才而存見多耳令叔楚
歸否見本寧公當大有所得幸以起予

與劉晉卿

吾侄孝友足法時時念之思遠存貽極感世誼

大作細讀之自是異日利器憶昔尊公在部生
曾夢長兒所刻時義請其塗教尊公數日後見
還曰令郎文字大勢不必塗抹拂其銳志但令
看朱計讀時墨自然改觀至今追思尊公愛吾
兒不以姑息今吾侄半千里外以文字求正若
更漫爾圈點重負尊公於九原矣但願如尊公
教棄去游習取朱註時墨玩之定有入手總之
尺牘
四卷
五

此道雖小未易言也

又

發故篋索尊公手教長短近三十餘紙時爲傷
心至其中論時事人物每多至言可定是非之
極以發國史所未備不可不傳且經不佞裁定
幸次第抄入刻內并尊公手筆見還我兩人光
景如在目前不知後人能信此否

與門人孫子京

江東孫郎久踞石頭城秋風厲時必須一大決
令郎當已諸生冠軍父子搢旗畢登快事也望
之

答黃右文

弟學殖淺蹇然語人未嘗不盡其誠況於右文
公子乎急無以相益喜其有以自養也風雨遠

尺牘

四卷
五

歸何能無念

與丁長孺

兄更以言歸耶輕垂晚之榮華保方剛之亮節
難進易退可謂君子矣頃復有士人來云霍林
終是道人求仲亦自奇士審爾則莊生所謂兩
行固可存而勿論也

與吳曙谷宗伯

枚卜伊邇正賴明公休休斷斷鎮重廓請求大忠於大孝苦次固嚴築之墟也

答王太蒙中丞

清風所至吏民灑然伯東兄語弟云兄入嶺歲省冗費幾萬餘公私餽遺亦如之炎海爲廉泉壺嶺爲冰柱矣

與門人王起莘

尺牘

四卷 三

以王氏冰蘖之嗣遊沈氏芝蘭之室原委既闊倡和復新日月就將器弘以利予日望之矣相圖得鄭公之文立禮興詩非止不佞一人之感已也

答鄒賓川

弟一生踈脫然幼得於明德師壯得於可上人時一在念未能守篤以環其中來去幾何尚悠

悠如是時自悲怛屢拜良規婉勉無量僭評長公文宇知有當否

與劉冲倩

古稱臭味二字最微而妙其中通極器界之外不佞胃腹中時時有玉筍冲倩矣何近遠之間大作謬爲點定并達

與晏懷泉給諫

尺牘

四卷 三

年來計典倚重台垣一路一家達人自有衡量正直忠厚至性然也長公孟謙文筆大進非止爲門下發芝蘭之香且爲不佞借桃李之色矣吳生棹有俊才禮宜先謁長者惟進而提命之南治中袁公滄濡雅有道心不爲睢盱逢迎之態曲折而至此門下亦時相引重否

與吳本如岳伯

昔人云良牧所在民富去而見思初謂平平爾
涉令去官始味其言惟清惟惠可以富民能富
其民乃以見思則門下之謂矣

答張夢澤

門下毓采南維宣機北極出蘭陵而結綬揚秋
馥於清風臨淪水以鳴琴寫春融於白雪士民
久芾平甘棠賓從隣輝於玉燭至如不佞偏州

尺牘

四卷 三

浪士盛世遺民可爲大夫枉登高而作賦又聞
君子曾過庭而學詩子雲之心尚玄世皆譏其
寂寞其弘之血未碧天不鑒其精誠自分地阻
人偏殘叢二酉之蠹簡何悟天發吾覆快觀三
辰之龍旗蹇然足音燦其物色大臣之度休休
若自其口吉人之詞藹藹如見其心旣愛我其
敢自愧其雕飾言其苦必無棄于葑菲謹以

玉茗編紫釵記操縵以前餘若牡丹魂南柯夢
繕寫而上問黃梁其未熟寫盧生於正眠蓋唯
貧病交連故亦嘯歌難續空垂愛日感瓶冰以
測寒願借長風獻指節而知短未展登龍一念
乃煩良馬三之恭承大製久絃誦於諸衿奉揚
仁風輒謳歌於片楮名香挹荀令之氣廉金頒
陶徑之資感公度之隆施慙寸私其匪報

尺牘

四卷 三

與車嘉興

吾丈冲明在躬高華映世發江楚之英靈爲衡
廬之秀色憶南都陪遊醉德依仁睠言如昨茲
復借重中吳地大人殷撫以上善綬用中典其
在於茲漢故事以罷國治行第一召爲列卿豈
非故人榮望耶吉父遂附致候私薇垣在望無
任岐佇

又

平湖馬映台師老而子少沈几軒師去而子孤
上煩宮牆之引下乞門戶之庇此不佞所百叩
而祈也敝門生許應培以詩禮之門端而有致
吳顯科以簪纓之緒秀以能文統祈垂慈時加
藻拂極知人微地遠正以盛德通懷三千里而
呼以一應耳若乃公子龍鳳之標必取風雲之
尺牘

尺牘

四卷 二五

女則如錢士升之清孫弘祖之後朱茂正之雅
皆扶風絳帳之英也嘉雖多士知者數人聊作
中消以待伯樂之相爾

與孫令弘

孫君奇人也乃知爲公孫貴門無所苦而自以
意性好爲蒼淵簡遠不入世之文所謂怪怪奇
奇祇以自娛者耶已而知君名爲公孫子高華

中實有所苦故激而爲文章慙悴而楚伊雖然
然年少亦何至是也昨讀後寶晉齋記寥戾綿
延出人語度之外至云春秋三十有一周旋百
湍出罕素交入徧室適公孫何其多恨也晉王
述三十年不爲其從子所知山簡三十年不爲
巨源所知以君之才氣凝郁如是交遊內外豈
遂無足知子者耶淡以明之寬以居之何知公

尺牘

四卷 二六

孫之不復爲公也

答朱公子茂正

不佞南都奉陪尊公清英大雅日夜無倦後稍
踈闊冰玉之姿時映人心眼年來自傷常闕於
交遊吊恤之事而公子裁書遠報不以不躬爲
罪推引穠至琳瑯滿目森然有聲轉悲爲慶慶
我虞封兄之有達人也文字亦有無可奈何者

時也年餘寸陰終宜努力

上馬喚台先生

庚午之秋所錄者弟子某一人而已而弟子復以性氣乖時遊宦不達無以報稱南都一問起居量移平昌馳問公子而貴里人云俱在廉府寸忱未將弟子何爲知師盛德考槃福履彌泰而師母夫人北堂春永佳公子翩翩登秀弟子

尺牘

四卷

三

之願殊慰因便薄致芹私函丈之前趨風何日弟子無任想戀徊徨之至

答于中父

極感仁兄垂言卷卷弟堂上人已踰八望九老萊子何當去斑欄何人跪拜著公服也拔政曉者能斬鵬翼耶世局何常根性已定惟門下謹身以待

與彭興祖

美人過山中無可爲報以兄意度所至必無人道之患獨陰陽之患無可如何幸甚自愛

答黃金宇文學

大江以西乃有黃先生載籍極博發天苞地絡之文才思殊腴倒珠海瑤山之筆奏牘可以三千而無緣索長安之米對策幾乎六十而不獲

尺牘

四卷

三

奉賢良之詔人無足與之語天有所不可謀良輔其才深悲其遇不佞蚤策步於先醒晚垂精於後歟踰六望七委筆墨以頽唐越陌度阡嘆知遊之契淵忽承駢語喜溢新知何今茲而始來及佳人之遲暮恐愛之而莫助感捐佩以何言聞將棄小儒之文業已領大乘之教割塵情於綺語發妙想於靈心然則此中所爲麗藻雲

霞正彼岸所爲空花陽燄敢因愧謝竟此愿言
所謂伊人安得褰裳以逢逝肯適我猶堪秉燭
而遊

答朱廣原

癸未仕人最早零落子弟象賢者亦不數家而
門下以天授之姿拓天屬之緒爲年籍光重可
以激厲頑鈍喜倍恒情顧念門下鼎盛華貴不

尺牘

四卷 三

佞沉錮衰委未敢遽以世好通也而良書已從
然巖壑矣佳扇以揚清風奇香以襲餘馥明鏡
以晞末照美人之貽感誦無極至若璫華之言
精博婉麗不佞蹇惡無能作酬率意鳴謝惟大
雅炤原

答涂允升

尊公勲震疆陲行乎朝中一語下復冲然大雅

趨庭之儀尺寸不失令人意往向處綢繆眷焉
良夜更貽翰音孝友之性溫恭之懷悠然詞表
第徐生來直生寒嗽而故山已定新丘難尋朽
骨之期當以異日

答陸景鄭

不佞得以子墨之役仰贊幽光榮重無已何當
門下遠書鄭重似非蕪寒所敢承也知此時入

尺牘

四卷 三

都榮選門下之才自爲世需第世實需才亦實
惜才愿時虛中以鎮之人愛不如自愛也

與張凝一

董范事起王弘陽先生正在括蒼言及門下良
工心苦爲世道受此凌遽時亦未計後來至此
極也雖然門下危而蒼民安社而祝之自有在
也即君雙秀明月珊瑚光領南海易所云問折

足傾否造物恢詭前後寧可知耶遠贈緇絺服
之無斃門下未便再粵時友愁山攝歸淨理則
萬物可齊也

答王慕蓼憲伯

每從還素兄論貴礎英舊則必先我門下體粹
行備仁洽義豐里居極孝友雍肅之誠宅官高
委蛇正直之節瞻言明德展側時勤借袞西來

尺牘

四卷

三

未能利見而猥承翰音過爲采信夫以寸善靡
儲而肝衡首被一介未上而褒挹前施此自休
容之本懷而寔衰稿之殊遇也東向鳴謝耿耿
曷盡

與門人劉琪叔

與琪叔語如行山陰道上令人應接不暇別論
已心志之不能愛人不能成身禮所謂見身之

仁也小詩爲別願言珍重

與門人周仁夫

仁夫每爲我言固始魏孝廉今果大發矣仁夫
可爲知人夫能知人者其人亦可知也仁夫無
悲不遇矣

答徐然明

不佞爲文亦既衰矣欲求今少壯能古文詞者

尺牘

四卷

三

時以自資不可卒得則取四方諸生文字翫之
體不必偶而風神氣色音旨古今大小一也然
明文字靚秀鮮姹復流羨委長少壯固如是也
不佞得受其光好裨益良多來教云年事未臻
風期已托然則予之資生而生之資予也又已
久矣小序媿不文亦諒其既衰耳

與門人葉時陽

生去平昌十餘年初無所覲見子又鮮一達者
乃爲生繪像立祠此是貴鄉篤誼如生得德何
以承之然生在乎昌四年未嘗拘一婦人非有
學舍城垣公費未嘗取一贖金此又可贊之父
老子弟而無擇言者也庚桑之社或以是耳時
陽積學苦志宜便發去令子文理近益增否且
夕爲平昌祝者黃槐丹桂間多得一二人正不

尺牘

四卷 三五

必皆臨川桃李也

與門人時君可

吾可是文場利器遲速不必論也平昌祀我我
以何祀平昌也昔人云天下太平必須不要錢
不惜死生或不媿此文官耶

寄鄒梅宇

與兄三世之好在外經年何能不思二夢記殊

覺恍惚惟此恍惚令人悵然無此一路則秦皇
漢武爲駐足之地矣兄以庶吏作客未便作饒
客也

與趙南渚計部

初試政時極承知遇倉卒南去自知才非世需
不敢求通長者後益淪落每讀大疏軍國平章
千里之外宛如聚米國體民生於焉是賴而忽

尺牘

四卷 三六

來旁及之論遂成遠引之思豈有維繫之誠徒
滯近關之迹詩云雖無老成人尚有典刑每咏
斯言恨身已細不能出一言爲明公發其悃悞
聞明公已待放於郊夫咫尺君親而去住難言
朱紱之困甚於蒺藜此幽憂之士所不能堪而
何以爲名公釋然也拍損以來長安固絕而獨
不能忘舊於明公以明公立朝都無過舉所疑

一二大事自有主者後人當自諒之明公無愧
色也惟優游龍蠖以爲世儀周元齊室翁無恙
其公子名位何似幸示之

答張夢澤

丈書來欲取弟長行文字以行弟平生學爲古
人文字不滿百首要不足行於世其大致有五
弟十七八歲時喜爲韻語已熟騷賦六朝之文

尺牘

四卷 三

然亦時爲舉子業所奪心散而不精鄉舉後乃
工韻語三變而力窮詩賦外無追琢功不足行
一也我朝文字宋學士而止方遜志已弱李夢
陽而下至瑯琊氣力強弱巨細不同等賡文爾
弟何人能爲其真不真不足行二也又其賡者
名位顯顯而家通都要區卿相故家求文字者
道便其文事開國體得以冠玉欺人且多藏書

纂割盈帙亦借以傳弟既名位沮落復仕臨樊
僻絕之路問求文字者多邨翁寒儒小墓銘時
義序耳常自恨不得館閣典制著記餘皆小文
因自類廢不足行三也不得與於館閣大記常
欲作子書自見復自循省必參極天人微窮世
故物情變化無餘乃可精洞弘麗成一家言貧
病早衰終不能爾時爲小文用以自嬉不足行

尺牘

四卷 三

四也元以前文字除名人外不可多見頗得天
下翫縣志讀之其中文字不讓名人者遑遑而
是然皆湮沒無能爲名名亦命也如弟薄命韻
語自謂積精焦志行未可知韻語行無容兼取
不行則故命也故時有小文輒不自惜多隨手
散去在者固不足行五也嗟夫夢澤僕非衰病
尚思立言茲已矣微言知而好我誰令言之誰

爲聽之極知知愛無能爲報喟然長嘆而已

與門人陳伯達

長公愛我我愛長公莫往莫來毋懷子衿之嘆
十月盡或過章門一晤也謂來作令人怡然曠
然卷卷未能萬一

與馬公子長卿

弟兩拜吾師於長安後在南都致問而已弟子

尺牘

四卷 三九

之敬問焉初謂世路稍通酬知未老已而世棄
無能復奉音旨讀世兄行實泫然淚下長喟而
興當吾世爲吾師而不知其人可能免於驚鈍
之誅乎迨從諸大筆後爲神道碑亦不知弟子
能傳其師否也然因師以傳弟子之幸弟未歿
終當一掃墓下嘯其寸心耳

與王止敬侍御

門下以清裏雅抱擢居耳目之司世道良幸弟
巖壑已久無緣作長安書私懷慙焉君子群而
不黨抑而強與幸益自韜以須大用

復甘義麓

弟之愛宜伶學二夢道學也性無善無惡情有
之因情成夢因夢成戲戲有極善極惡總於伶
無與伶因錢學夢耳弟以爲似道憐之以付仁

尺牘

四卷 四一

兄慧心者

答陳古池

夫道視不可見聽不可聞體物不可遺講者不
知是講體是講物講物則不盡講體則不能第
所以遲領教於門下耳張侯自是久而相知公
事澹臺可無避也

與朱以功

車門無右武爲壯士無田公爲長者何處受我輩耶時時念中惟有朱先生三兒每見朱先生一度卽著裏一度也

答錢簡樸

姑蘇大雅士舊獨莫寒泉今獨錢簡樸氣岸橫絕曹伍有當予心遊道非委軟難愷亮難也得楚遊諸語霏塵歷落茲與蒼厓兄相對斷橋江

尺牘

四卷 四二

閣間如見足下時屬兄常倅處能相物色否

答但直生

書來知令先公作城改卜謂景純誤人不佞安意水土比水自是地中物江南土淺較爲迫水西北地厚至三丈不得水復少華潤管公明止望四獸耳提龍知脉時師常談要亦不得不爾常見縉紳家親方水驂時權利轉上歸而後覺

之殆不可曉總之令先公盛德足下至性光終其吉不佞齒至近得一不食之士容速朽焉未煩多師也

謝鄭輅思邈伯爲作相圃生祠畫像記

不佞少學爲文薄成影響之用長習爲吏空以木強爲體烹小鮮而覺擾候單鳧而不復此亦無所短長之效固宜固攸進退之利已而吏民

尺牘

四卷 四三

於其慳慳之忠人士采其揭揭之義固存得一之愚用著在三之厚去再考而猶拙托千祀以彌慙若不獲鉅公之筆則洛陽石闕無緣甄其治行浚儀畫像誰與施其神明久之射堂爲通矢之墟灌壇等嚙出之社矣竟邀天幸獲承公度引嬰相而傳義接澤社以徵禮蔽節無留何有勿剪勾拜馨香莫遺安得采蘋采藻乃愿達

人君子之言置之高陵深谷之地乍披文而傳
寶已玉振而金聲乃至錦傷見捐而推以機杼
刀尺之妙琴瑟委絕而謚以高山流泉之響臨
微而咏唱嘆有餘讀至行可贊天地鬼神不覺
涕從何以得此譽以文能安民人社稷徒令汗
浹無所承之

答繆仲淳

尺牘

四卷 三

兄手書良厚弟有二親俱七十餘無出理留一
官止是繼人物耳知遊中似兄無一俗滯態者
更能幾人江東道風何如幸時以聞

復牛春宇中丞

保障重臣具文武才望而徒拾無影細事致使
請告難留既蒙民宗仍傷朝禮識者謂何如弟
才質疎鄙然留之乙未之計者南公也鋼以戊

戌之計者溫公也夫以貴鄉二老趨舍不同則
南北之情益無足異矣誰將西歸懷之好音世
諦悠悠臨風嘆息

玉茗堂全集

尺牘

四卷

四

玉茗堂全集

臨川義仍湯顯祖著

尺牘

與劉天虞

意仁兄便起家郎丞以上不謂更紆南服邇得
宦籍見作荆襄丞爲兄悵然然有一宵宿云荆
州措大多如鯽魚沙市琵琶多於飯甑措大多

尺牘

五卷

一

可憎琵琶多可近也仁兄漸北太宰知我乎燕
燭郢書弟不爲悞

答易白樓

門下清操惠德當異常震蕩之後收拯還集爲
勞而更以蕞陵之親遠懷樗櫟之齒彌邀篤誼
具仰優甘道體冲明諸惟自愛

與門人余成輔

足下何似膏火自煎淨其膏而火自恬人生火
傳也惜薪修祜古有名言念之

答許子治

僻在江村子墨之遊無幾幸如門下賁思假以
芳帙淵雲徐庾春容駢陞獨恨無以仰承贊唱
也不佞幼志頗鉅後感通材之難頗事韻語餘
無所如意挈此於吳中如以殘礫比海月耳

尺牘

五卷

二

與李還素

君家兄弟每以孝友相先名位相讓恒令人朶
顧至若以相公在事而臥托彌高必有悟超然
之致者達人因任而行似難固守誓墓之節再
過章門披雲靚日當知笑涕同時也

答門人黃元常

施糜散本是賢喬梓高誼但饑流感目拯卹關

心文字定損佳思惜年來衰憤無能爲少俊鼓
舞耳釵香付內并謝

東陳如吉給諫

形成於疑氣生於激賢者正不免耳若夫人有
南北爲一人者有何南北也

與吳繼疎

僊舟邇澗從之竟不可得趙仲一書以煩清篋

尺牘

五卷 三

國學孫君懋昭清才雅操湖中不易得者惟門
下高聘之王宇泰兄學深而行樸宜相朝夕彼
護太倉自是師友之情弟最疾夫賣恩爲名者
仁丈以爲何如

答曠聲和

門下含醇毓粹出仁義忠孝之鄉蘊賢宣文起
放城冠蓋之域祖有功而詒翼哲人之儀則相

望子能仕而教忠儒者之風猷自遠三世相傳

四聖易允潛躍之維時百畝之田一卷書正麓

裘而有獲從南臯爲師弟子指仁文首座以爲

期在東吳多士大夫悅禮樂鳴琴而可治頃承

良範示我孝思宛轉百年之中淋漓千里之外

燕以士論有人銘志懸諸日月重以予嘉乃考

綸綍貢其扁泉而復垂意殘叢待以集翠敢曰

尺牘

五卷 四

哀誄之屬一時所推徒以嘆心之言同里所習
穹碑則設無乃賤玉而貴硯未簡可裁庶亦遺
華而采實

答費學卿

春雪淋漓擁爐微咲而良書適來疊疊千言推
獎過至憶僕幼從徐子弼先生遊而愿忘年於
惟審因能研弄模寫長便習之弱冠過敬亭梅

禹金見賞謂文賦可通於時律多累氣因學爲
律粗以紀遊歷寄贈言懷無與北地諸君接逐
之意北地諸君亦何足接逐也寄示二詞絲麗
可愛制義典雅圓祖小有異同知不爲訝也公
子翩翩十舍而遙無緣一携手如何

與幼晉宗侯

君行殊慢知留亦無以永客歡也高張楊徐詩

尺牘

五卷 五

一過已快部有矩格縕藉深穩不漫作大是以
清氣英骨爲主後輩李粗何弱餘固不能相如
恨未得見王止仲饒醉樵詩醉樵似是臨川通
人也

寄張聖如嵯使

觀人者醉之酒以觀其恭予之財以觀其廉今
所試於門下者非衆醉衆濁地耶石門之歎夷

齊比心門下當有道處此積水奮飛未可量也
庾嶺南枝時勤夢想惟益堅冰雪以候春陽

與丘毛伯

公舉太夫人高行上下莫不欣然愿相揚激以
光朝命母賡鴻鵠之歌于叶鳳凰之什世際盛
事何幸觀之

答孫子京

尺牘

五卷 六

以不佞犬馬之年煩子京鸞鳳之篇挂我草堂
自得驪珠徹夜明矣每一披對如在秣陵春署
時感恩非言所旣因墨妙知卽君復是過庭大
足愉快荆卿亦寄詩爲壽幸一致謝

賀王紹實憲伯

門下以父母之愷悌爲天子之保郭借法星者
三年允矣江湖紫氣播清風於萬里我然嶠嶺

青天臨桂促熙春父老攀轅於東邑耳常習化
雨衣冠寫詠於西江何但懷去思於五賢固且
佇來儀於八座不佞披雲宇下愛日天中快觀
遷喬既來好音於幽谷欣聞適館敢致微敬於
緇衣

寄門人朱六義

言者催請館試當是仲夏爲期以門下淵抱風

尺牘

五卷 七

期自是玉堂中品臨川二百年餘不得借一當
事者有維梓之意否罷縣尚缺惟有難之者乎
前罷縣各一人司之而不足今罷縣共一人攝
之而有餘因以知吾罷之易耳

與馬梁園

仁父道兄里居超然物際而行備規繩非公正
不發憤銖銖涇陽兄書大有義味而細欠商量

乃致疑然並作聞天虞兄復爾吾徒俠骨何處
不銷耶年運而往矣握手竟是何時

寄林丹山

不佞昔在孝廉數受明公度外之知春穀堂中
宛陵樓上遊宴盡日以忘疲笑言申旦而不寐
姜公慷慨於燕市明公臥托乎長安客歷周旋
意氣殊絕何意楚材零落姜公已爲故人而明

尺牘

五卷 八

公謝事高居廓然蒲海雖丹青之彩自成羽儀
而東山雅望豈終林壑邈來我思累有年歲每
過天門石碗想凌陽子明何可更得猶記公子
亭亭玉表當卽珪璋廟廊而尚滯庠序豈連城
相賞固自有待耶追昔撫今興言愴戀

與吳伯霖

常讀王仲師九思至卷有蚶蚶邑多螳螂視茲

嫉賊心爲切傷不覺大噓人雖多僻何詎如許
弟自舉子來便遠於州縣徒以棄斥衰微親老
十種未能絕情門戶兄視弟志意於世榮落亦
何有耶貞父於弟不薄五年之中無一私語謂
世如夢南柯黃梁轉爲明顯耳

與許伯厚

孟德王大將軍皆少壯時卽雄飛得意尚有伏

尺牘

五卷 九

櫪之悲敲壺之感況於苦心伏首數十冬春而
未得借一者悲感更是何如勉之今秋吾向鴈
行中一望燕臺捷書也

答黃二爲

憶齋頭鷁首把袂譚心恨無繇一度芝城載遊
蘭室而更辱惠音兼以雅爵思存所逮何日能
忘書院賦已多蕪累敢辱頭陀之命乎思圖清

魂必能幽贊棲賢之舉功德何量

寄曾金蘭

讀仁兄宗通序道味悅心似有投於夙好禪關
娛老或不昧於往因未嘗不欣言獨笑氣味同
然顧以世法相牽戲論爲累終不能如吾兄拈
性相以橫陳表宗經而直上也熊生云數過衡
山不見金蘭先生猶爲虛度南岳惟進而御之

尺牘

五卷 十

并借新知以發衰憤

與門人李超無

初弟以僧來見大似可人長髮章門便作殘僧
矣學書學劍拓落無成重以交匪之嫌致有竊
鉄之議必自反也又誰尤焉第許中丞公江東
妙宰讞刑惟平來撫吾西益留慈恕令公係其
至戚淑問乃其素風但可矜疑必從寬政此時

惟有痛自誠悔盡消業緣萬一可迴自是神君
好生之德若妄擬求援微彰怨恚雖有善者可
如之何悵矣難言悵其曷盡

與李孺德

孺德爲尊公圖陵之祝所謂華蓋只在人心是
也華山百六十里而不過我能無悵然幣厄之
况何德以承服之無斃酌以自壽拜雅誼矣兄
尺牘
五卷 十二

未嘗不學尚難一舉足下終是絕塵而奔耳

與門人劉大甫

主者尚爾遲遲南關何如今吾弟須速取龍頭
爲熱心人一快貧者士之常措大亦別無逐食
法也

答朱朱陵

糧藥經營且不暇給硯席之事戒而不親每承

下問愧戰彌深更辱於令君處婉言屈禮此自
明公友于至性追念令兄遊好第不佞年來自
廢了不關人魚相煦以沫不如相忘於江湖楚
水吳山未旣鳴謝

答李乃始

良書娓娓推挹深至宵無俗情弟妄意漢唐人
作者亦不數首而傳傳亦空名之寄耳今日危
尺牘
五卷 十三

得詩賦三四十首行爲已足材氣不能多取且
自傷名第卑遠絕於史氏之觀徒蹇淺零碎爲
民間小作亦何關人世而必欲其傳詞家四種
里巷兒童之技人知其樂不知其悲大者不傳
或傳其小者制舉義雖傳不可以久皆無足爲
乃始道吾望足下或他日代而張我區區者何
足爲難雖然乃亦有未易者宋人刻玉葉爲楮

三年而成成無所用然當其刻畫時不三年三年而不專其精措亦未可得成也特足下知而愛我屑屑言之惠詩久弊幸更書以貽

與孫見玄

碣記疊疊萬言凡弟塵微並收無棄丈夫以龍矯之姿駿首雲漢而乃垂潤於枯竭泥鮒之流敢曰風義之相期故是淵懷之遠惻圖報何時

尺牘

五卷 十三

松懷靡罄

與劉君東

來教旁人何知我輩交情也眉長卿曾以數千言投弟弟以入行報之渠頗爲怪弟云古人書上云長相思下云加餐飯足矣此世人所不解也公子何得不留膝下耶古人秉燭夜遊是真實語弟偶隨兒子至此歸去看演黃梁夢耳

與門人王得環

開賢書得足下姓字不啻兒輩得之賓嚴師清濁其踵之矣葉時陽知已南歸矣風便無忌好音

與姜仲文

仁兄卿月之臨猶需旦晚公論爲訝弟曰昔人以無書抵政府爲賢今人反之養冲自應久此

尺牘

五卷 十四

耳

答董嘉生

不佞極不喜爲人作詩古文序因足下卷卷成之昔慚長卿今愧本寧過學卿可出此一過當悲歌也

東門人李太虛

雪中屏去襍累讀書寒舍足稱男子矣不佞得

太虛固前有光而後有輝太虛得不佞猶欲日
有就而月有將也夜間口占以似少年豪氣幾
時成斷酒辭家向此行夜半梅花春雪裏小窓
燈火讀書聲

與沈華東憲伯

世大治亂常起於殺人殺人常起於殺萬物讀
老伯樹德堂稿始知吾兄讞鞠多所全活有從
尺牘 五卷 十五

來矣承諭代作弟從來不能於無情之人作有
情語也

與常州倅陳翼愚

承教李超無倘今日存戰栗之餘當異日効投
桃之報江東儒俠具感高誼寧獨不佞榮藉已
哉

與蘇石水督學

門下初下羊城之幡欲奉龍門之馭而終以禁
例未能自前迨真人遠引亦復瞻望弗及寤言
爲悵而已門下卽以紫帽爲葛巾以金粟爲寶
璫而四海人士所望蘇公者謂何昔荀公每踐
三事輒思太丘二相自不能不興懷於此矣

與門人陳仲宣

佳作氣食全牛自堪壓卷然令師大聲許人解
尺牘 五卷 六

元不止洩漏天機并亦唐突人意宜罰不宜賞
矣

答王霽宇制府

珠厓可擊捐之徒以屈漢公卿銅梁旣開長卿
所以喻蜀父老人言不足中每信而見疑公度
有餘外且存而不論固已允文允武庶幾純孝
純忠至如不佞清時棄士僻壤餘生見武公八

有司徒願附緇衣之好聞召伯王命乃祖喜傳
主瓚之文顧後進而當王公之前纂組難通於
錦水匪先容而居賓客之末絲蘿乃寄於松藩
敢云續千賦之心何當動百年之感一語爲知
九頃鳴謝風雲路斷無由沾公旦一沐之榮雨
露天寬庶幾賡吉甫萬邦之頌

寄陶石簪

八廣

五卷 七

門下德心醺粹道履貞固躋之玄纁之秩專以
羨醴之任必且調玄幹世賞氣成務而細人難
與達觀敦士未卽大受乃如來教豈非因心爲
量者由乎我而自知緣器爲功者存乎世而靡
必哉至如不佞故無通俗之識空有忤物之累
長縻豐草誰曰不宜而又以下貧乏于野之資
生累少出門之適爾思非邈我觀猶勞徒爾戀

豐容於朔卽展詒翰於陪京想似徘徊容言閔
嘿宿德如斯餘可知矣二葛侑憾綌兮絺兮淒
其以風則寒士之懷也

答章斗津

不二生不測所性匪安置無欲所不欲有欲天
下庇來詩可謂照用俱全末云羲孔臨師保乾
坤爲家舍則幾乎大矣五十以逞拜惠殊深敬

八廣

五卷 十八

謝

寄馬梁園

賈生宋忠同在季主卜肆幽思清辨雖極陰陽
之致亦覺長沙落落弟得見兄在魏無雙店中
奇俠相聞目擊而咲遂爲同進兄弟走馬江淮
間作清強男子而弟亦奉祠秣陵音貌時接道
誼相督中不顧私我輩交情神明所聽後兄稍

得通杞提文江右弟時謫歸一見竟爾寥廓遂
至於今各爲世棄此其抑塞流放長沙之投宋
忠之使奚足道哉貽哲兄來欲作詩宣寫愁結
而歌酒沉連遽不能成音成文也前曾中丞送
問弟懷中何人弟云止有汝上馬長平彭魯軒
貽哲云兄體逾旺而弟逾瘠箇中去就貽哲能
道之悠悠忽忽惟有強食自愛

尺牘

五卷 十九

與饒三明

數欲一書從之輒以不勇自愧石楚陽昨詩云
漢家有隱終難讓未必箋疏老一經弟答云箋
疏閑閣渾閒事長伴漁樵到日曛仁兄以爲何
如

答衛淇竹中丞

昔爲屬吏今作部氓筆墨之役其何敢辭第臣

之壯也尚不如人况其衰乎何能供衙官一視
也

與龍身之

久不聞問喜貴體猶健而長公賢能立門戶醉
鄉無恙春日彌長白髮丹心總付杯中物耳

與陳思岡給諫

門下清苦古人之所難世寄之所恃也大奏抵

尺牘

五卷 二十

疑觸忌仗清白而制詭隨釋細微而撫備鉅悠
悠者世人之情耿耿者貞士之志置之舊京亦
豐芑仕人之意耶

與鄧太素

十年仰止纔一登堂殊慰鄧林瓊樹之思寶劍
星懸借大手一揮便爲旌陽生色寒射珠宮蛟
龍却避矣

與黑菴宗侯

愿門下遠念若以滌口刻以清心如吸冰雪銷
此永夏馮公白頭孤苦長遊以鷄足山破熱惱
耶弟入省止有哭吾師一事思之亦是世間法
於道人何與得吾丈集句先爲致西州之感爲
報故人憔悴盡誰家池上又逢春可謂長歌當
哭矣

尺牘

五卷 三

寄魏合虛大行

昔賢定交於杵臼賞契於桑陰曾無一介之通
撫塵之舊引之惟恐不亟稱之惟恐不盡其志
意殊也門下英風茂誼學者莫不聞而楚士陳
生嘉稊吳生光龍於方內外無不通真足吞吐
雲夢日近長安惟門下時有以壯之弟語無妄
也

答牛春宇中丞

知兄已爲遠志如近事何天下忘吾屬易吾屬
忘天下難也

答門人蕭承之

紛在堪訓諾囊清不賣文何能向如許人作涸
鮒也來書感高誼矣

答丁右武

尺牘

五卷 三

亂世思才治世思德惟中世無所思然吾輩不
能不爲世思也高臥北窓亦何可便得

與門人朱爾玉

聞爾玉益貧貧不失爲爾玉也唐宜之傳遠度
卓左車是秣陵三珠樹爾玉時進來否尚書兒
訓梓成幸惠百帙身不能作尚書猶欲以一經
貽子也

寄謝耳伯

安石不出當如蒼生何以門下清才高韻一餽
能輕萬石耶午秋一曠惟專意大業以慰遠懷
不盡

與王相如

相如才氣橫絕欲下帷讀書十年乃出甚善不
盡讀天下之書不能相天下之士故曰外遊不

尺牘

五卷 三

如內遊如僕老矣居無可談得貞父來同臥語
三日差絕人意亦時念及足下恨遠莫爲致余
生時執批達藍翰卿奇博士也煩爲道卷卷

心易

時議紛紜各省大吏持祿養重而去長吏因以
羊虎不可治上千天和所在旱潦異常就中獨
是善人窮餓嘉興馬先生其最餓者也年來何

以樂此星家雷生過謁吾兄與之坐而問焉亦
知弟同此餓也

與岳石帆

孫賀明清材當爲世資而漫遊臨川昔人云未
有夢乘車入鼠穴者此不其然耶承示笑贊時
爲絕倒顧世局無一處非可笑茲且日新弟且
續遠公之會二三石友其許我乎

尺牘

五卷 二

與吳葵臺

以克壯之猷利大作之用快甚貴治文學晏有
聲能以諫議自通孝廉王德新能以文章自見
獨風聞真州李季宣之子秀才爲商人所苦瓜
州蕭成芝之子童生爲里人所侵皆弟故人二
十年不相聞問心殊念之吾兄暇時以垂清問
卽當我秋風一度也

答劉貽哲

德音從天而下始知諸葛公度適傳示婦子
體客莫不驚喜詢知兄黑頭無恙勉身就官封
廊廟無非可效者文字三種附上劔州聶君世
潤真恪士也丞撫州卽以真恪不諧去幸引重
而薦進之承問敝邑令君葉明生清惠宜民林
凌九殊俊當亦難入蜀乎

尺牘

五卷 五

復門人王天根

手書疊疊知足下嗜我殊癖此是往因非關今
作別後苦濕昏墊似癰似瘰五旬乃起無復神
明舊觀伏枕讀文字一過霍然爲作一叙蹇短
不自知其云何也扇頭詩宛有深情貪和志感
足下當知我心悲耳

答李孟白岳伯

江以西地薄人劇加以春夏則霖潦滔天秋冬
則焚炙掃地米價騰踊盜言踵至戊己之隱猶
未底此時非明公先後天而慮詳左右民而法
脩力贊兩臺疏蠲議賑民其魚乎民靡子乎倘
不佞今日猶得飲天食地秋毫皆歸鴻造手額
祝謝非值不佞一人已也賀閻伯書已領看定
文字容異日附報

尺牘

五卷 五

復徐鍾汝

吉父兄來云吾兄之清更湛於水至今蔬食爲
民祈福如此安得長物貽我陳人適弟迎得丈
六大像安奉廬嶽棲賢正乏舟資卽以回施更
爲遶禮三匝奉祝吾兄宰官身功德無量也

復于振方岳伯

得于池亭微惠于產懷此寒色伊人有懷寄之

薄詠恨無佳筭仰佐仁風異父今之古人也時
佇何極

與易楚衡

海內知遊在貴麗者英沉踔厲意氣皆足千秋
亦各乘時極其幹用惟胡滄老扼塞津途齊志
以沒心甚念之不謂遺孤構閔乃至於是幸有
門下仁人長者生歿而肉骨之金石高誼也扇

尺牘

五卷 三

頭四雅以王孟之音寫陶韋之思六月披襟甫
覺清風徐來不知於陵漢陰於肉食何如也如
弟短才何當江沱漢汜之餘而謬厯褒詞哉逕
資貳拾聊爲滄老公子讀書之費黃襟老未行
弟尚面有所托也

與蔡槐亭

吾丈文章經濟所至鼎呂郎位清華隱然公望

曲江拜署以來烹鯉不嗣近見除書知復出牧
嘉水此罷吳越之交江海所會樞機鎖鑰舍吏
而誰鄧生過我云石帆兄讀易之餘雅意吟染
閒氣胸中一點無令人愴然

答門人吳芳臺舶使

昔人稱身處脂膏不能自潤若未處脂膏何言
清也吾弟此其時矣海剛峯在南盡裁官吏費

尺牘

五卷 天

共至貳千餘不佞見而知之魏見泉在邊歲節
互市費積至七萬餘以爲修堡之資不佞聞而
知之二公卒稱名臣吾弟市雖小不妨以大人
自爲也宦東粵者清濁皆易見吾弟勉之

寄郭振龍

門下起忠孝之鄉諸文章之域儔青華而東陽
借色切寶婺而北極儲積固已領蓋百里揆佇

三台矣許中丞之名德虛儀郎之危節在門下
外禮中否舊南太常簿吳直齋令子存恭存肅
從不佞最久家世舉業何似倘收之參苓之末
亦門下桑梓至意也

答陳偶愚

弟孝廉兩都時交知惟貴郡諸公最早無論仁
兄衡湘昆季卽思雲愛客亦自難得三十載英

尺牘

五卷 三

奇物化殆盡矣雞絮酒遠莫能致良朋永嘆風
人知之矣弟不記仁兄何由負訪家食天與佳
兒得驚驚而輕腐鼠復何恨康侯高義涉江來
命適苦拮据都無靜思其去其存物貴自遠可
耳

與孫見玄學博

竊祿平昌樸枝菁莪一無所有然旣嘗得其土

而子之惟願賢人君子明師傳時加保持如金
玉宣言廢亦忘其前度之教今凌弛也如門下
色咲伊教心口俱融固群弟子之謳謠實鄙褻
之舞蹈也至若十年擯棄無足去思而必寵之
以文飾之以句此自淑人君子教民不遺厚念
耳

答吳峴陽

尺牘

五卷 三

時維正午禮直佳辰偶將豚犬之兒觀於流水
特思鸞鳳之友蓄彼高山眷何日以遊蘭欲因
風而採艾乃愿冲華及於衰朽角黍閔靈均之
旣餒梧仁感威鳳之同餐雨茶開金縷之香雪
酒映青蒲之色自美人之爲美與清者而皆清
諸附足以珍完再肅手而鳴謝

答孫公哲

玄宮建館一再周旋少年早抱長生之訣
乃就無生之意未遂商量別去良悵拙詩無似
書來猶稱不惡當是用譌爲愧耶

答馬心易

三惠良書闕然不報此時男子多化爲婦人側
行僂立好語巧笑乃得立於時不然則如海母
目螺隨人浮沉都無眉目方稱盛德想自古如

尺牘

五卷 三

斯非今獨撫膺矣偶記兄欲我長歌撥悶扇頭
奉爲撫掌之資眼中人如陸太宰何可更見右
武居會城終不甚適一丘一壑乃可著吾輩耳

寄董思白

門下竟爾高蹈耶尊鱸適口采吳江於季鷹花
鳥關心寫輞川於摩詰進退維谷屈伸有時倘
門下重興四岳之雲在不佞庶借三江之水芳

訊時通惟益深隆養以重蒼生

答汪雲陽太參

弟受性疎梗戶外都無長者車來而丈儼然臨
之信宿之間三顧白屋日月過而幽草回風雷
至而哺魚動矣兩受良書優渥滿紙承諭樵事
已定有仁人長者覆露在上縱不盡鷹化爲鳩
或可日損以月耶弟書生何足仰贊萬一當道

尺牘

五卷 三

吉而淦賀君夫人螽斯膠木之祥也

與阮寄卿

熟門下高誼三年於此仲連季布之間與恨不
佞蹠跟藜藿中不能一握手爲悵扇頭小韻庶
幾情見乎詞

東徐觀我

吾丈旣翔江浦之龍復下雲間之鶴分身普化

有脚行春綰邈伊人安得尊羹千里奉陪調鼎之餘也何東白樸茂長者惟火有以振之

答王起莘

浙水之涖忽飛翰而下臨川之壑語語俠骨何王郎之壯也惟望門下發憤專精舉子業冲漢而起爲舊師光也遨遊名家貴能進取以資藏習餘語心銘之矣千秋之人顧與一時之人爭

尺牘

五卷 三

伎倆乎

答馮觀察

蘇子云刻木而拜之一旦以爲薪必有所不忍弟前日不忍二字是也安心是實方命

寄薛欽宇

惠心道肯旣已隱耀湖東復爾迴翔蜀道雖眉山錦水足勝麻源赤松石仁隱留連終非銓人

者愛名賢之義也顧塵心世日安爲欣滯禪定久寧復置懷獨以借節西來舊民所渴耳兒輩毛羽未成報知何日夢想周旋徒深悵戀

與劉宗魯

金張累葉良佳不必盡爾但能捉麈清言便是王謝家子弟况如門下風骨文旨居然舊家可勝歎慰章門闕款別思爲勞更愿遠道拜嘉爲

尺牘

五卷 三

愧快閣秋高尚晤旣

與李孺德

尊公允稱人師忽忽左遷直道不可行亦其時也天逸我以老人子之心能無快乎舞班之暇加以絃誦自是人間至樂殘梅落盡春杏當開萬惟努力

答樊致虛

每行日月之灘動覺風雲之氣而門下乃翹然
發秀其中臨汝三舍地風期之末流射無已常
恐不佞資淺分薄粹無以迫近休景傳會以傳
而麗人適以通濟弘筆見受繩勉銘誦刻鏤龍
鱗之堦鎮奠鼉跌之石美哉樊川詞雖窘蠹因
明德而遠矣不謂木瓜之投實獲瓊瑤僥榮陽
之重飾平昌之醜以射序爲瞽宗采繁爲畏壘

尺牘

五卷 圭

千秋之感實在於茲讀近作嚶嚶泠泠益復睇
異人地映發固自天縱秋深病骨稍疎當從太
末星瀨布帆而東戔戔洋洋知絃歌非遠也

答沈何山

儒相盛於江東以吳興爲冠冕而門下家世道
場代興湖學每羨太史公與門下文心藹藹質
行彬彬二華吐秀於金莖兩室含靈於玉樹五

湖之陰三山之陽海內同仰而忽於燕來之日
驚傳鳳字之書謨光滿映於行間引重逾深於
望表捧之而愕慨焉以嘆顧惟不佞無 吏事
有負明時分絕意於風雲敢晞光於日月迨其
謂矣焉用文之倘江右微大越之靈借具瞻於
露冕卽不佞終小山之隱尚致咏於宜衣

答鄭孩如

尺牘

五卷 圭

尊經數語琰琬千秋不佞何幸徼齒於仁人長
者計最當遂聽尚書履聲中州士民更得一遲
飛鳥否

與汪雪陽

弟爲雷州徐聞尉制府司道諸公計爲一室以
居弟則賓生書院是也其地人輕生不知禮義
弟故以貴生名之宛陽兄爲記已立石昨新志

不錄其文弟思允陽兄有道氣其文非偶然者
仁兄宜一補刻之亦嘉惠後學意也

答王觀生

才如觀生而長貧賤者乎家人睽世情應如是
耳有黃金臺在也願言勉之

與孫子京

得禮經數作便是玉帶圖也小序得以燕石裝

尺牘

五卷

三

寶劍之晉乃展珍遺自是高誼不難易故師耳
余髮種種筆亦如之序語短而意頗長耳

寄林丹山

世實需才而未必能需才才與世所以長左而
嘆世憐才者相望於今昔也如門下材沒橫絕
一世而竟爲嚙運所沉家食里閭者且二十年
大闢固仕國而莫相推輓者何兩相並里閭公

之後千載奇悲以人事君取才自近舍丹山其
誰也南望興言曷盡眷眷

與朱朱陵

子得先生蓋英英大雅君子也委玉摧辱不我
長觀別後胡山人一醉奉常東署山人無恙耶
悅遣書來述門下高義殊絕一時屬頭二詩見
存亡之感入長安晤中郎兄當爲舉天亦潸然

尺牘

五卷

六

灰之句胡滄侗在時的際可喜聞其子等甚幸
左右之知易楚衡多賢子殊樂并爲致意

寄蔡虛臺憲伯

憶從門下斟秣陵之酒酌杜陵之詩莫逆於心
每成於目嗣後風流雨散不我時進門下望隆
三事妄意之當得衡文江右或下重門之榻庶
令延津之劍終不可得借卽延吳江海素心於

焉遙托終貧且瘵越陌爲難莫逞其來勞思永
嘆門下冲明在躬世寄日遠惟洪暢嘉德以應
機璇江陰諸生李至清問禪匡廬經行已久有
志請纓無慮按劔自非虛臺孰當憐而收之敢
爲緩頰

答孫見玄平昌學博

門下吳世公侯越都君子秉理樹於民宗命世

尺牘

五卷

五

包乎物祖鴻漸天逵擬臚傳太極之殿龍蟠地
澤仍光映少微之墟固將老其梗楠祀梓之才
工師得木且以深其風雨露雷之教山川出雲
遲斗魁者三年積風濤乎萬里然繼上善彌卑
休光自遠時噓不斂之灰猶惜旣傷之錦孰嗣
于產遊鄉校以忘言汝爲召南示門徒而勿拜
英詞潤金石牌板銘心高義薄雲天門墻載德

與吳縮生

尊公臯比何似爲人師不勝爲人長耶當便從
六館轉清曹去正自不惡昨索桂聯勉就惟裁
存爵里自東吳幾千年延陵不乏季子江湖直
南斗垂百尺高居可摘星辰

答卞玄樞

不佞病下滯秋稍劇得扇頭大作細諷之大雅

尺牘

五卷

四

之音便作西來爽氣清人矣擬一和音而巡使
去急當續致也承以時莠下詢不佞以爲時文
惟時是因卽以貴苑人士文字至馮公而思微
至陳公而體鉅至譚君而氣馴至趙君而意結
不以維梓爲悵但取利器爲資則此四元者皆
門下緩急之絃淺深之墨也時義入諫何必高
談卽如曹平子機到筆隨自不可及詩愛擬爾

作答知不爲謬也

與吳亦勉

吳地文物浩穰吾鄉吏其土者或慧或愚進退有以自見理學勝也况夫至慧而處愿其所自見固益有異者門下意性冲明物莫能逆而繼藉經畧復深以弘上下咸宜有譽無吝遠問極爲舞躍徐檢老起家公處廉樸自將時鄉士屬尺牘

尺牘

五卷 聖

吏有難之者竟以治行尊顯至今撫吳門下其勉之他日亦公之坐也致聲思白雖甚愛弟如世吏何吳多異書稗說未經世目者能求其一二解願否

與岳石梁

別去復是涉夏滔滔草木長衰人不可復強時念仁兄才度英遠必膺世寄良爲欣然願亭之

昨過云兄似介然於東林惟於乃翁猶存矜亮仁兄可謂知人凡過處即是涇陽本色餘或未盡然耳適粵著作當已就帙亟欲讀之用豁衰疲

寄薛欽宇觀察

門下以道旨應世不可得而親疎問攸疑於進退而乃來噴言於大雅何傷井渫不食徒爲行尺牘

尺牘

五卷 聖

路人惻耳汲收有時義學無盡小詩奉貽少致妄其之韻

與陸津陽岳伯

明公舍寓內之冲明發雲間之鉅麗長安一觀清氣溢於素襟豫章載言舊德形乎色笑吹暄寒谷許談辯於高筵采翠林條引陶範於刻石移歲序而感嘆滋深想風神而夢想何極喜因

當湖之送敬申臨汝之懷道重機衡北望徒懸
於斗極天門節制南行或拜於章門和津漢之
昭回明河正午祝陽德之方至永日乘乾

復瞿詹夫

兄弟四十年來忽然白頭相見感愴欣慰何能
自勝中間兄以孝廉流第以郎官謫沙漠炎瘴
各極天涯所讓避者兄才氣英闊加有舊貲足

尺牘

五卷 聖

爲著書食客之費而弟故儒素宦淺無足與遊
小詞自遣而已然而儉易容少病親兄苦折處
差爲饒減天道也雖絕聞問時一念之從黃來
者定悉起居昨見兄神明炯然而形氣頓異凡
有心者誰不爲惻況如弟者同明相照情切自
倍瑣旅下舍大浸窮炎溢水饒山如壑如灸僅
客被病轉側須人何以堪此或者章門龍沙高

人避債臺也來書殊苦不忍讀到汗下病已并
爲豁然遂成大絕引意諸惟減思益食黃髮爲
期詞相見也

寄徐聞陳慎所

知盛德醇完仁壽滋至今公子幸謹有聞令孫
當已振振秩秩不佞覩想舊遊時動天池萬里
之興知我者希惟太丘德星亭在耳貴生書院

尺牘

五卷 四

已入省志劉公應秋記文尚遺似宜增入今當
草深一丈乎榕樹依依風期未闕惟門下加餐
難老引翊主持幸甚

復俞淳初侍御

邸報排議紛如惟大疏折貴戚之邪心固宗社
之本計方是有關係文字公親易瑞之一趨一
步自是孔門卓爾宦學相成性終憲教之

復胡瑞芝司空爲二女納采作

門下氣合天粹才應王明起丹筆以書七兵福
垣望久坐紫微而階一品并終功高瞻若予王
營洛借戴都之重選於衆舉稽羣將九德之諸
信在國則公輔惟公卽承家亦相門有知弟俯
惟暗劣仰憶光儀丹楫同遊國士委金蘭之契
庭堦異彩都人談玉樹之奇諒非偶而其地既

尺牘

五卷 盟

同故匪媒而自天作合屈體勢六卿之重許嫺
盟二姓之驩百里于飛前占鳳歸而遠耀九霄
面上卽看鵬翼以高翔旣松蘿業已成言吹承
允吉在槐棘猶云脩禮彌覺謏尊寧須後命爲
榮已拜先施之辱

賀吳曙谷相公

閣下儲祥太乙毓承函參紫氣出盤龍卽神僊

而位宰相丹誠儀瑞鳳從禮樂而踐端揆行晉

接於專槐作孚先於維梓荆國欲堯舜其主五
百年名世重生康齋以伊傳爲臣六七作行人
冊至千齡僅達萬國同瞻况在粉黛深相悅
趨風拜舞足蹇頓而未能向日展言意望耳而
欲吐君子道長無負開天建子之辰元老望高
正值中岳生申之候匪吾私而致慶壽天下之

尺牘

五卷 吳

得人 時值相公誕日

寄馮文所

追憶作更明公屬下如井羸餅更加提挈雖終
焉不免引繩絕振恩莫可忘章門有懷未旣爲
悵雲林遙敬附積私陶潛寄聲武陵漁父知有
賢主人在也

玉茗堂全集

玉茗堂全集

臨川義仍湯顯祖著

尺牘

答吳徵如大參

門下冲年對日壯節領時毓南國而麟趾自振
久稱君子之子起東林而臯比獨擁將曰聖人
其人既玉色以揚休亦黃中而通理至如不佞

尺牘

六卷

一

放三年而免逝未能消積罪於公卿偶一旦而
嚶鳴猶幸竊奉教於君子爲俗所壞乃時爲道
所容同病相憐詎謂同明相照我思公于延陵
湘澧之間公嘗幽人靈谷深系之際

又

不佞於世何所短長而慳慳發憤乃與明公一
塵而論乎望望珍明公於席上斷斷入於溝壑

有用無用乃適其分更辱來咏引重過當卽加
爵二刻詎足爲榮恨伏枕未能劇吟以報也引
領曷盡

與李祠原

相地猶如相人形神欲親貴絕人多精於相地
而敵鄉人多精於相人王生適遊名公卿常自
謂得見後人能令自品俊見痴人王自轉痴耳
玉茗堂尺牘

六卷

二

此語殊快物華天寶間知有稠翁矣願引而聽
之

答張稚原

每念吾師鍾鼎之緒惟兄一人千里江湖殊勤
鄙念遊觀一度智意日新中有所得無緣便與
人語也

與蔡質凡繩伯

門下公方簡澹絕無世俗濃華機利之心可謂
大雅君子矣而一旦仰懼大事苛憊之樹愴若
苦帷幃臥之懷踴於號慕獨弟以毀瘠沉頓創
旬莫逮恃門下自恕孔悲不深罪於同憂者耳

謝徐巨嶽

書院大記精實廣大歸仁知止旁皇會通何論
之著也兒子開遠遂得此於門下太陽乃爲寸

尺牘

六卷 三

燧延暉洪鍾乃爲尺筵流響耶未知終無負大
教否庶鍾鼎之文引而勿替耳

答馬仲良

不佞少頗能爲偶語長習聲病之學因學爲詩
稍進而詞賦想慕古人之爲久之亦有似者拙
之有韻之文可循習而似至於長行文字深極
名理博盡事勢要非淺薄敢望時一強爲之輒

棄去誠自知不類昔人之爲也明公過聽毛伯
之言肝衡揚眉謬爲引飾委以領言勉承嘉命
祇益慙此誠又自知其不類今人之爲也瑤刻
大致性乎天機情乎物際星月定於衡璇風雲
通其律呂含星吐激自然而調英妙如斯過此
安極讀而樂之又不管身爲昔人矣

答彭芹生侍御

尺牘

六卷 四

十數稔來獨得兩公疏明目懽志門下言其內
熊公言其外言其外者乃在于誠言其內者乃
在腹心至聖學疏暨法祖錄所謂黼黻崇之則
有勲華之盛肅肅守之則有王公之重金百日
星莫有鉅焉者如不佞輩句附之小儒詩賦比
之童子跡其去官咎坐迂妄固非以疾邪忤物
所跡見遺至如門下去就乃可爲衡權之重輕

丘淵之夷實爾良書先被引誦獎借尊光莫踰
自惟鈍朽何以來茲憶昔某公始未出山與終
而還山議論風采慨然鉅公也當其執政帝座
憤憤名鉅已爾餘復可知卽非有鈔子之言亦
不能受正人之用若曰惟當語以平平豈一平
人所能也門下意度高廣而家食甚貧如未能
盡去浩冗終當委蛇一出乎世棄君平君平未

尺牘

六卷 五

可棄世也

答門人鄭龍如

春風時來忽得龍如扇頭贈詩篋中皆辟易未
足仰承世外有同心差爲厚幸南屏大作時照
几閣間錢受之何得云爾不小吾江右耶

與孫子嵩

瑒琅大編本淹中之名理發郢上之奇音心骨

俱清神采並茂極慕用於衰蹇輒實示於群類
嗣晤劉大甫始知旌節已在鍾陵禮重維桑情
深班草而公歸已亟予跋未能悵寄如何昨得
讀尊公大集益知至性有源越人與誦皆知執
法之清而楚水瀾危具見遺身之孝事燕家國
義叶君親此風人所以發興於景行而沈心於
懿德者也聊因南羽少附思存小刻并附政庶

尺牘

六卷 六

幾無愛風斤垂光秉燭

答門人鄧君遷

聞君遷篤明無上之理不廢有中之事義學旣
極精入文字復爾蒼沉第時課穿襖謬種流傳
縱浚發於慧心或取驚於拙目恃愛遠詢點定
以復

答李乃始

僕年來及致仕而世業已久半生志意當遂湮滅無餘獨丈每見有暱僕之邑每聞有賞僕之音僕萬有一中不無私念秋栢之實枯落爲陳偶有異人過而餽之曰此不灰之餌也則必有採而畜之以傳其人者而自度清羸恐一旦爲秋栢之實不能不倚丈爲異人也獨自循省爲文無可不朽者漢魏六朝李唐數名家能不朽

尺牘

六卷 七

者亦或詩賦而已僕於詩賦中所謂萬有一當爲丈不朽者過而異之文章不得秉朝家經制彝常之盛道言亦爲三氏原委所盡復何所厝言而言不朽僕極知俗情之文必朽而時官時人輒干之不置有無可如何者偶而爲之實未嘗數受朽人之請爲朽文也然思之亦無復能不朽者比來人才未有聽睹才識如丈年纔不

惑庶其圖之僕觀館閣之文大是以文懿德第稍有規局不能盡其才久而才亦盡矣然今作者能如國初宋龍門極其時經制彝常之盛後此者亦莫能如其文也習而罕之道宏以遠誠知且朽猶欲逾於莫之示而無所聞者

答門人桂仲雅

我所思今在桂林乃三年不通一問而有遐心

尺牘

六卷 八

耶真實作舉子業是所爲知己視耳李公書幣附璧不知其人可乎僕今日爾嚮文當日亦爾嚮爵也

答王宇泰

來教令僕稍委蛇肥縣或可助三逕之資且不致得嗔字泰意良厚第僕年來衰憤歲時上謁每不能如人且近蒞吾土者多新貴人氣方盛

意未必有所裨而欲以三十餘年進士六十餘歲老人時與末流後進魚貫鴈序於縣之前卻步而行伺色而聲誠目覺其不類因以自遠至若應付文字原非僕所長必糜肉調節作衙衙中扁食令市人盡鼓腹去又竊自醜因益以自遠其以遠得真僕固其之矣所幸鷄肋尊拳長人者或爲我一快耳然因是益貧田可耕子尺牘
六卷 九

與宜伶羅重二

章二等安否近來生理何如牡丹亭記要依我原本其呂家改的切不可從雖是增減一二字以便俗唱却與我原做的意趣大不同了達人

家搬演俱宜守分莫因人家愛我的戲便過求他酒食錢物如今世事總難認真而况戲乎若認真并酒食錢物也不可久我平生只爲認真所以做官做家都不起耳廟記可覓好手鐫之

寄虞德園

讀仁兄所爲天主之徒文字序甚深微妙東方人護佛西方人乃破佛耶林楚石送楊叟來云

尺牘

六卷 十

工容成之術過湖頭嘗謁兄長生之術與無生之旨何如

與但直生

良書疊疊知一意時文字殊耐嬌兒兒女偶爾流態不待飾粧青衣有遇此殆如夢中婉變耳老女施禍必須莊嚴精曉尊章鑒之矧嫗晚之俱可而後君子安焉此如醒時迎別故難易若

夢耳總之男女遇合有命也直生正當醒時未能免俗聊復爲之爲之則得矣

與張大復

文字或一題數首歷落磊砢筆意所至昔人如在李超無來知門下抱丘明子野之疾而聽詠微明戶屢滿畫何奇也貴里豪桀惟諸景陽清士惟歸子慕子慕不可作矣止敬又云有一孝

尺牘

六卷 十二

子之孤得門下存之甚善幸無更作時義冥思

老易太玄著書可也

答蘇眉源翫伯

先嚴跽伏衡泌中獨台慈禮異題之曰可聞不可見悲夫今真不可見矣辱奠施傷哉鄉飲祭酒之時何時也篤終之誼哀感何極

答沈湛源

捧讀方城諸議公真可作州也如云艱難非豪

桀不濟危困非權變不解此是世間法如云樹

老歸根人老還鄉此近出世間法至於世出世

卽無老少權實耳直心是道場正不必作涉世

觀也吾兄在彼上下必相信重無所疑難持以

道心亦不爲旁縣少年所妬冠履走集賢聲易

翔諸惟堅貞以觀名世

尺牘

六卷 十二

柬鄒梅宇

昨越客譚黃白之術兄便欲舉債從之弟因思

鍾祥一大永爐也兄已錯過此會不宜更錯廉

吏可爲而不可悔遂成口號博笑余裁足食衰

疾早君幸衰遲足食難獨羨賊官歸老健一生

贏得不求丹

梅宇令鍾祥未幾以忤稅瑞落籍

復汪雲陽

承諭已如教以對弟觀邇來言不忠信行不篤
敬州里蠻貊都不可行而可行於銓省之上名
利兩盛者有之然或不可久行耶故遂昌令辜
志會六年水藁至不能遣女東鄉令曾過去縣
時士民環泣者千餘人清惠之聲科甲中所不
能多見者乃僅得知萬州與丞廉州而已銓贖
贖若此欲吏無賄得乎俱係貴屬惟仁兄有以

尺牘

六卷 十三

異之非第私也

答鄒爾瞻

門下書云當令冲父大有見聞又云不宜令聽
新聲大見聞全在新聲不令聽新聲恐終吳下
阿蒙耳第近已絕意詞賦道者萬物之與吾保
之而已而益食貧時或間作小文所謂白雲自
怡悅耳門戶過大時官難對無如之何也

寄李季宣

弟於兄交雖道義情逾骨肉廢棄十餘年始得
一通問可謂有人心乎想仁嫂以次百福玉郎
諸生幾人真州石城是吾屬嘯歌之路也魂夢
在茲能無慨愴弟棄官速窶日甚一日幸二尊
人健飯三兒粗能讀書不至憂能傷人耳千里
風期曷勝契闊之嘆

尺牘

六卷 十四

與李莪明

門下奏最六年和風之惠秋月之清自當銓管
九流封彈六省而仍脩旋郎宿中論謂何已復
思維近局如沸遷止無期進退難遂更喜明公
脫穎而出振塵而飛且容與於都官轉清通於
吏部未升而成雲棟鴻漸而荷天衢回視同時
而項領折腰妄意而徘徊歲路者異日遲速相

按何止三四載已哉則門下之未爲不遇也知
台旌過敝罷而北道左當盤此懷積也

答羅敬叔

讀十二故人傳知高誼久矣弟少學詩賦祇以
自娛不似前人用此挾交作聲色也所至得罪
各人非止敬叔前於右武兄處邂逅僅高揖而
別欲一語不得忽然懷舊心傷克生仲茂皆爲

尺牘

六卷 五

異物吾鄉此道亦復鮮人外敬叔者何可便得
大將軍何以重揖客也

答門人曾在中

僕不效君平賣卜也久矣在中善爲我辭焉

與無去上人

秋淨尚圓借一臂袈裟地聽龍門說法也門香
戒如教上不亂財手香不滿色體香不誑訟口

香不嫉害心香常奉四香戒於世得安樂

與翁泰輿

往來東越得習令兄先生風政淑人君子蓋清
廟之鍾球而高闕之柱鎮也天幸計吏得望光
儀儼朗冲凝流光可挹立談數語動感垂慈向
後投棄音徽遂遠幸時咏封奏知朝有人焉野
亦可恃茲者明公更以甘棠聯大越之陰華夢

尺牘

六卷 十六

並長春之色豈獨題材於春署恒將對拜於黃
扉聽鸞和之在天忻燕喜以無地上路新秋于
旄在望曷任依依

與盧貞常大參

聞之禮入其境而五經之教可知也攬秀樓文
字千餘不佞錄近六百風風乎簡牘乎層積森
發此皆門下愷弟作人致大觀如斯願諸士食

合貨僅梓其半盛美不全殊可慨惜成大美者必謀於大人門下當爲欣然了此知無難也

與方玉城

玉城思緒英奇不謂千里殊風得成良晤清歌綠酒長夜留連悵彼離情正如昨日芙蓉木末攀展何其幸帝子閣中得遵左使君知道履逾暢小姬別館能自超然良慰大筆必多瓊瑋非尺牘

尺牘

六卷 十七

此不能爲公脫穎也

答趙我白大史

被病久時念天水真人奮欲從之無路也幸以河梁之節願一追陪而風雨淒人寒瘡所避排讀大章金石爲響搔首一過頭風頓拂開春能勝杖履當從研墨於雙姑鳳凰之側也

答羅匡湖

市中攢眉忽得雅翰讀之謂弟著作過就綺語但欲弟息念聽於聲元倘有所遇如秋波一轉者夫秋波一轉息念便可遇耶可得而遇恐終是五百年前業冤耳如何二夢已完綺語都盡敬謝真愛不盡

寄左滄嶼

目中如門下零露蔓草未足擬其清揚秋水霜

尺牘

六卷 十八

兼差以慰其游邇鳴琴山水太沖深招隱之情遲暮佳人惠休擬碧雲之詠條焉別去渺矣伊人再覩無從悵佇何及

答王相如

巖壑已久閱其無人足音空谷乃有相如陶陶永夕淹雅雄發方塊適館荒涼無以假司馬而尺素遠貽重之白紵風義藹如委蛇素絲長卿

故自多情加以凌雲之筆隨在當爲重客何煩
不佞饒舌也養田近業何如秀才念佛如秦皇
海上求仙是英雄末後偶興耳

答黃貞父

破曉循池梅花早放凍雀喧然不謂有美人之
貽世喪道久微道力誰當憂之憂身不治正是
世外人寧久當不復憂此身也

尺牘

六卷 十九

答李還素

蒲柳之姿偃臥江閣慙惠曹溪三作檀度機神
言無不盡至云非不讀六籍一讀一脗脗文字
原不立何字可寓瞬可謂交頌窮於此域嘆贊
深乎彼岸矣豈非朱溟浩沓雲霞之所沃蕩浮
峯軫隱日月之所回薄驅靈洞秀合而成東父
之文言耀南瞻之震日即珍藏鳴玉代豐以鍾

病起觀濤晤言斯企

寄彭魯軒侍御

不佞有識以來見直指使者何止數十公遑遑
幹潔自將要以補偏蹈隙非欲直爲世界傾洗
一番否濁更不留餘如兄之治越與弘陽南公
雖被患而去吳越間庶幾一清身爲男子高步
中原他更何論不佞割鷄而傷况其大者新舊
之間久成局段豈可爲哉

尺牘

六卷 二十

答沈華東

不根之譚出弟門人之口誠然因新知而賣故
知借舊師以贊新師已遍南部洲矣豈吾鄉爲
甚弟宦淺來者常不能厭其意但今人厭其意
亦不能厭其口也卽如陳思岡日市斗米而謂
其侵腴田鄉爾瞻絕口公事而謂其好與人事

他可知矣

答門人陳仲容

大作奇特却是尋常道理日月湖中恒有異產
欣快何極

寄李孺德

聞孺德成進士殊快以孺德恂恂孝友他日當
不負此科名也吾輩初入仕路眼宜大骨宜勁

尺牘

六卷 三

心宜平勿乘一時意興便輕落足後費洗浹也
顧僕一生拙宦而教人宦乎然亦以拙教也

答張兩若

門下以命世之英接元凱之運鴻名興而作雨
賜姓翁以連天廣昌之廣洋洋清江之清湛湛
所在快靚實願從遊已寄謝於有文復附聲於
興祖寧美人而誰爲語思公子而未敢言忽以

今君之言欲爲相公之視聽以咲小者之爲小
製何如大製豈容代大匠之作小年不及大年
惟其有矣豈曰能之

寄姜守冲公子

不佞弱冠時庚午冬同令先公春試同旅舍對
牕屏而臥先晨起者必拊背而咲時王鄭二君
子在焉以後道義風期常相切厲訪之宣城張

尺牘

六卷 三

青野在焉壬午生赴春官過杭州湖上臥雪者
月餘生之制義並是此時所作每一篇出先公
必爲噴飯絕倒夸其必傳向後音徽渺焉古人
不可見矣懷思至今山川曠遠莫知公子幾位
賢孫幾人明德之後必有達者幸悉示我以慰
遙思先公當已祀於社諸所爲銘傳飾終信後
之文一一寄讀詩書孝友弘紹先業自是慶門

饒事益爲勉之生年六十兒輩勝衣而已王鄭
張三君家世何如亦一時共旅之懷也悠悠江
楚瞻言莫盡

與康日穎

讀大作琤琤琤琤鮮發可喜加以瓏豕魁卷無
疑蘇有姬賣水磨扇者磨一月直可兩半月者
八百錢工力貴賤可知吾鄉文字近不能與天

尺牘

六卷 三

下爭價者一兩日水磨耳

答張了心

君子之至於斯也吾未嘗不得見况如了心者
有江漢大國之風又吾亡友子聲之友乎得子
聲之友如吾子聲在也悲喜殊甚扇頭見故心
人尚能楚歌也肝有明德夫子語錄當已醉心
無寶山相失也

與門人吳來復

蘇季子黃金盡益發篋引錐卒以六國橫秦管
子之後一人而已門下固爲清吏後而文史足
用止時義一路未肯降心以從此如轉圜振落
能以鄙言從事時亦弋獲否

答來任卿觀察

今春計吏見去者直以爲仁兄卽主寇哉雖然

尺牘

六卷 二十四

吾僕窮弱人耳行父逐之張其事者猶曰舜功
二十之一仁兄功不舜功二十之半乎花園接
樹何似春早便有佳意時時行散及之倘安車
且至又須車上一僮何如

與余成輔

先儒云收放心卽可記書不怠足下靜坐存想
數月來讀書覺有光景不似進日此如苦行頭

陀忽然開霽潤香千偈不足爲也今之隱几者
豈昔之隱几者耶

答遂昌辜友吾

門下揚粵璇原晉安華族冲明在躬挹清源而
寫照宣慈惠物挾溫嶺以楊暉赤子何知底棠
陰於父母之國小人革面食棗椹於君子之堂
奚豺虎之足投顧鳳鸞而已化政高東浙風遠

尺牘

六卷 二五

南洲至如不佞傷昔年之製錦敢言大邑大官
仰今日之鳴琴足辨任人任力旣荷包蒙更慙
惠賁謹頓首以謝來儀尚剖心而談遑事

平昌有君

子堂

與王觀生

世人如鰲山燈裁有煖氣手足便動吾弟可不
一發憤耶三兒已赴龍沙矣

與朱象峰

昨譚江陵以下諸相各成局段兄憶其大畧記
之稍暇當爲點定可論相亦可論世也

與羅玄父

夢澤書來始知臯比南學以弘材而蚤攝清序
士固有所自致如薄俗何生長西湖宦學南都
勝寄部爲妙明收盡著作日新可勝想似

尺牘

六卷 二六

答樂愚上人

此時世路人情大非昔比做官人失勢出遊亦
難如意况衰颯老僧數百里外向朱門求覲能
悲施者幾何人安之矣兩貴人俱無報書亦無
庸相報也蓮社文久附去遠公有靈世豈無具
龍象六力者成此勝事不必隱向鷄鶩索食也

寄盧貞常

不佞被病寒崖門生陳伯達來云門下已返蒲
中之棹矣駭愕沮懊不知所以後言其槩始有
由來世路之難行宦情之難信一至於此門下
弘猷亮節炳如日星何能點綴獨爲世道人心
一恹恹耳當辜憐才自應夙駕以慰懸歧

寄門人傳雲中

大作知當大受病中聞報爲撫掌大咲知雲中

尺牘

六卷 二五

亦笑而不止也逞勸門下調攝快意之際宜倍
自珍

寄葉增城

方布穀寒疇而傳春錄者云門下高發矣蒼
者何嘗不念讀書人耶錄中名士不少而能流
雅頌之聲蓄治安之術正恐未有賢於門下者
承明著作幸有早寄

答江完素

金川深仁戶讚途頌去思可勝耿耿封彈之司
在帝左右明公可謂能安人當事可謂能知人
矣兒輩碌碌承念及弁謝

答岳石帆

讀手筆云世人亂萌何言之徐徐也喜外間把
持差勝吾輩或可恃以老不至大顛越耳

尺牘

六卷 二六

答李鵬岳

著贖中得讀易頭四十年塵漬嗒然頓消更辱
雙素清人之惠可易得耶海濱高枕久負蒼生
如何

答余瑤圃

不佞自爲童子求蒙而叨執憲之知暨作祠郎
進旅而托司空之重仁深引汲義切歸依顧以

竄迹於炎方遂乃銷聲於寒谷音徽儼爾慶赴
闕如每咏大車動羔裘豹袂之想欲陳采藻寫
桃投李報之思力請未能公論具在加以通家
之喜得觀華國之成妙筆殊高於一丘集賢將
徵於四諫拜太丘於都下久知元方之有季方
重蒼生於會稽快覩萬石之齊安石方懷宿好
更重新知海上相望明月祇用思存山中惟有

尺牘

六卷 二十九

白雲無堪持獻

答李淮南

門下蟠根饒李擢秀維楊本當盛之白玉之堂
偶爾試之清風之邑才華無敵一洗而凡馬盡
空政事有神四顧而全牛已解至如不佞一行
自免原非養望東山再出何期不致貽譏南岳
分無求於問達寧言空谷足音奉有斐之文章

真是從天喜色多儀藉璧拜嘉惠於詩筆墨
之中薄意未將祈炤亮於竿牘篋筐之外

答錢受之太史

文章之道有盡所托曠世可以研心異壤猶乎
交臂存來感遙咸效於斯或爲風神形似之言
或以情理氣質爲體愜一而止得全寔難捧讀
大制弘郁之文深微之旨豐美者如群鳳羣

尺牘

六卷 三十

而朝陽溢其采簡妙者如高鴻嚙噪而靈露發
其音淅者飲其情瀾倦者驚其神岳翰天飛而
不窮厄日出以無盡繁矣備矣而復垂音一介
獎借橫披所謂清中之斷寵以丹青混沌之姿
鮮其眉目通懷若斯心感何極不佞壯莫猶人
衰當復甚世途曠曠長馳王霸之思神理綿綿
長負師友之愧賦學羞乎壯夫曲度寧其下里

諸如零星小作移時輒用投捐蓋亦寸心所知
匪煩人定者也又何足掩空虛而對問後怡怡
以把似者哉江外三藩時勤星使如天西顧候
望有期

與葛屺瞻大參

擬過湓口庶挹清真之色而一琴一鶴宵在通
仙亭際矣悵情中返未幾馮公坐化真所云嘆

尺牘

六卷 三

逝北悠稔交臂乃奢年徒令彌深遙念耳樂愚
禪老以棲賢蓮社見約偶與題詞意此地是明
公夙慈所留非得明公發神鷲之音號如龍之
衆固不能震動榛礫招延氣味也萬惟留意無
與俗同

寄朱朱陵

近得良書知已還憶昔時志似閔叔不肯一累

縣官三年無謬敬者會稽士馬生應兆以高才
困成均幸過而與之

與喻叔虞

見賢昆季俱瑯琊如見松高生在外最爲吳越
諸少所愛歸來十載始見叔虞愛我叔虞有意
成詩乎學律詩必從古體始乃成從律起終爲
山人律詩耳學古詩必從漢魏來學唐人古詩

尺牘

六卷 三

終成山人古詩耳叔虞刀尚可爲如生老矣尚
能商量此道恃愛言之并以示我同好

答楊景歐大行

其猥薄無所底門下乃褒其纖介先車騎而顧
之復喻以無毀導以有言薄陳梗槩獲受淵弘
東國之下白屋西河之過曲巷未足儷其冲治
也委頓荒沉未敢再奉光塵夢寐天人邈焉河

徽承示台懷中原無黨三門湍急砥柱誠難諸
惟門下自力

答沈幼宰

尊公名德中朝舊於讓亭師座右習聞風淑嗣
知門下文承照麗兩都更愿名翰天璫奇書日
出貫穿三千年之上翻駁二百則之中奇矣麗
矣序言勉成以復公有良史才大對維期便當

尺牘

六卷 三十三

荷達木天用尉跂仰

與余節侯

利器不可以示人節侯文字有金石聲幸益自
愛

與門人李本仁

吾鄉氣脉方盛既占羊角遂擬龍頭來作亦神
鏘之至矣勉之

與胡實美

舟泊文昌而不入我室能無憾耶惟孝友于兄
弟少白有子矣

答顧伯欽

牛女之墟璇衡奕奕下於臨汝斗匡玉茗堂中
何遂有如此客乃以尊公豐碑見屬不佞小文
何以辦此而貪負名德未能固辭且煩名公大

尺牘

六卷 三十四

孝不遠二千里而來令人感惻但哀瘡之餘頭
岑岑然意憤憤然也秋清後從事嘉命平伏枕
荒忽不盡所云

與男問遠

祖望孫榮孫榮而祖不待見舉於鄉父嘆於室
矣桂聯寄爾寶精神則本業固謹財用而高志
全我歌鹿鳴五十年求一避債臺不得念之

答羅匡湖

弟朽人也父母朽則朽矣如仁丈出爲一世之重處爲大道之宗皆大孝事何復遺憾而不孝能追孝萬一耶頽憊眩瘠無復人形時問棲梧土星何時刻度爾

寄門人饒見石

見石積學敦行何妨爲六月之息來使云見石

尺牘

六卷 三五

且就選如以爲色養則捧檄亦佳事也

東杜西華

枕上覺氣隱因思明德師講勿忘勿助大有入處其語錄幸抄示此亦弟朝聞時也

東羅敬叔

足下雪中來視正以高誼示兒輩耳十二故人傳又添一箇焉小詩爲別閱世常高臥懷人向

獨醒吾衰難一送號鴈遶汀汀

答李孟白岳伯

郢些華於褒綸南金盈於渥錫劉綱龐參之喻有若昭蘇第榮養多虧終難以世外相釋也

答門人李實夫

邪而有餘不若正而不足爲子之節已終何必求餘也

尺牘

六卷 三五

答馬稚遙

先慈之哀繼之先嚴創鉅痛深加以衰羸溢弱強杖不能起此壞牆何暇及硯席間事第痛定時作千里之思大篇高者危激深者淵裕更疎豁之於世目尤快也

寄朱以功

弟與仁兄周旋道義隱微不欺者四十年於茲

今病彌留清光遂宵三兒或不隕家聲惟仁兄時而督教之如弟憂憂一生寡過未能蓋棺已近短歌志婉而已少小逢先覺平生與德隣行年幾望七疑是歿陳人

答劉宗魯

擬爲詞哭尊公而六十八歲之兒忽焉失此怙恃斑斕頓易堂室交空如割之懷重創莫比何

尺牘

六卷 三

能復畢誅挽之禮遠儀鄭重愧無以承涕零而已

答門人萬可權

昔人云未聞以宦學也然而從學於宦其學愈滋山川萬物國憲官常恣其采摭或不在區區佔俾間也桂宮在御而苦父是有詞誼燕惻臨風泣然

寄韓求仲

不佞顯祖欵啟寡識之人忽見門下應制諸作風骨情神高華巨麗瞻藹流瀾若刃之發于硎而鑢之疑于神也橫目之徒皆足驚殊嘆異而所遇稍有心期者反復疑誹力巨者逾甚不佞所以辯說贊唱百端覺爲衰沮第云子善于宣城乃爾不已寃乎雖然美成在久久乃論定珉

尺牘

六卷 三

玉交亂于孚尹何傷前作蘧菴詩草上茲承壬子五月望日書及長律二可謂三歲字不滅書中推許過至覲莫自容雅韻鏘如感慨係之矣借堂顏以和卒未能工木落水寒當爲茗雪間客時與門下別有揚扈也諸惟慎默自愛

又

弟江外衰愚暗于今昔之務每快觀門下高文

自是當時第一義痛覽諸公深文自是當今第一
一寃天定勝人竊望門下靜慎和恕以竟此局
臨風不盡卷卷

與錢簡棲書

不佞弟于雅道已久行世亦深有如門下學績
才緒卽已橫絕一時凌轢千古弟所爲愛而敬
之者歟徒恨速貧杯中酒數空耳前所求選拙

八

六卷

五

藁以傳者欲令頑豔俱欣愛嫉咸慚如此恐不
敢便謂有三十首也上已入章門一月張相國
丁右武念兄甚各云有佳客草草別去去後懷
思何及想兄更不欲西來弟亦未便東往把握
何時過江亭每憶雪鴻之跡使人覓蹤矣所寄
新刻婉爾唐音風神自清敬服敬服劍策良書
也何以不成梓乎貞父內徵過家兄須一詣西

子湖頭便取四芳善本歌以麗人如醉玉茗堂
中也

玉茗堂尺讀卷之六

終

八

六卷

四

玉茗堂集二十九卷

兩江總督
採進本

明湯顯祖撰顯祖有五侯鯖字海已著錄顯祖於
王世貞爲後進世貞與李攀龍持上追秦漢之說
奔走天下歸有光獨詆爲庸妄顯祖亦毅然不附
至塗乙其四部稿使世貞見之然有光才不逮世
貞而學問深密過之顯祖則才與學皆不逮而議
論識見則較世貞爲篤實故排王李者亦稱焉是
集凡詩十三卷文十卷尺牘六卷前有南豐朱廷
誨序稱其解陰符五賊禽制之法序春秋輯畧發
仁孝動天下之旨記小辨明復小乾大之一致非
無根據之學者然終非有光匹也

[G e n e r a l I n f o r m a t i o n]

书名 = 四库全书存目丛书 集部 第一八一册

作者 = 四库全书存目丛书编纂委员会编

页数 = 7 5 7

S S 号 = 1 0 4 8 7 1 4 8

出版日期 = 齐鲁书社 1 9 9 7 年 7 月第 1 版